








Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5376/A/1









Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5376/A/1





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5376/A/1






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
5376/A/1



5376 / A / 1

A circular blue ink stamp is located in the upper right quadrant of the page. The text "DR. ERNST DARMSTAEDTER" is curved along the top inner edge, "No. 388" is in the center, and "COLLECTION" is curved along the bottom inner edge.







Scripta Schola Salernitana a. Christi  
circa 1400. Ad Robertum Horem  
magnam Guilelmi Conqueritoris  
Angliae Regis filium secundogeni-  
tum, praemortui primo geniti  
Guilelmo Rufi, in Regno success-  
sorem, atq; ideo e' Palestina ubi  
contra Saracenos militabat, ad  
occupandum regnum Angliae, Sa-  
lernum in Regno Neapolitano  
redierem, ubi consulti Collegii  
uim Medicum, tam de conservan-  
da valetudine, quam de curan-  
da fistula ex vulnere venerato  
ab infidelibus accepto, unde ad-  
iectum caput de Fistula. Sicut  
villanovus in regimine sani-  
tatis Ferdinando Aragonum  
regi praescripto, Haemorrhoidum  
curacionem instituit, in notis,  
quia Rex eo fluxu tentabatur.  
Iacobus Sylvius in praefatione  
operis nobilissimi Scholae Salerni-  
tanae. cap. 2.



70309

**CONSER-  
VANDAE SANITATIS  
PRAECEPTA SALVBERRIMA,**

Regi Angliae quondam à Doctoribus Scholae Sa-  
lernitanae Versibus conscripta, nunc demum non  
integritati solum atq; nitore suo restituta, sed  
Rhythmis quoq; Germanicis illustrata. Cum lucu-  
lenta & succincta Arnoldi Villanouani,  
Medici ac Philosophi praestantissimi  
in singula capita Exegesi.

authr et  
Johannes de  
Mediolano  
Joh. Georgius  
Schenk in  
Bibliotheca  
Majica.

**PER IOANNEM CVRIONEM**  
Berckensem, Celeberrimae Erphordianae  
Reip. Medicum Physicum, ita iam recens  
recognita ac locupletata, ut novum  
opus iure uideri possit.

Accesserunt & alia nonnulla, quae sequens  
pagina indicabit.

**Cum Gratia & Priuilegio Imp.**

FRANC. Apud Haeredes Chr. Egen.

**ANNO M. D. LIX.**

Magnus fign D.

~~Summa~~  
~~Antiqua~~  
~~Antiqua~~  
~~Antiqua~~



ACCESSERVNT  
huic Libello.

De ratione uictus salutaris post incisam  
suenam, Epigramma Anastasij ad Armatum.

Victus & cultus ratio, exposita quatuor  
per singulos menses uersibus, per Ioachimum Ca  
merarium.

De electione meliorum simplicium, ac spe  
cierum Medicinalium, Rhythmi uenustissimi  
Othonis Cremonensis.

De moderatione cibi & potus, item somni  
& uigiliarum, Doctrinae saluberrimae D. Philip  
pi Melanthonis.

De ratione uictus salubris priuatorum,  
Polybij, discipuli Hippocratis, tractatus, Ander  
naco interprete.

Reueren



# REVEREN-

DO ET AMPLISSIMO IN CHRIS-  
to Patri ac Domino, D. Ioanni Pico, Regij Mo-  
nasterij Montis Sancti Petri, apud clarissimam  
Erphordiam, Abbati dignissimo, domino ac  
Mecœnati suo plurimum obseruan-  
do, Ioannes Curio Bercken.

Ὡγιαίρεψ.



N I T E R V M  
sub Gratosi nomi-  
nis tui patrocinio,  
Amplissime Pater,  
Salernitanæ Scho-  
læ πῶδε Ὡγιδνῶψ, siue  
de tuenda Sanitate  
præcepta, cū lucu-

lenta & tuccincta Arnoldi Villanoua-  
ni in singula capita exegeſi, in lucem  
exeūt, ſed ſolito (ut equidem arbitror)  
haud paulò emendatiora nitidioraq̃;  
ut quæ ab innumeris ferè antea parum  
animaduertiſis atq; notariſ errorū men-  
darumq; portentis exemeri, adeoque  
ab inculta, ſqualida, ac impura barba-  
rie, maxima iā cura & diligentia repur-  
gauerim: Adnixus nimirū, ut hoc quic-



## E P I S T O L A

quid est operis, eo, quod prius edideram, cum elegantius, tum melius, ac ob id longè gratius etiam atq; optatius in manus eorum, qui sanitatis tuendæ curam susceperint, rediret. Plurima igitur ex Hippocrate, Galeno, Paulo, Alexandro, atq; alijs Græcis autoribus ab Arnoldo hisce commentarijs passim inserta, sed corruptè ac perperam citata, ex doctis & fidelibus Latinis interpretibus in genuinum ac uerum sensum restitui. Ex Rhaze, Serapione, Auicenna, Auerrhoe, Mesue, & reliquis Arabicæ doctrinæ scriptoribus desumpta in Latiniorem sermonem conuerti. Multa superflua resecui, omissa non pauca reposui. Saniores alicubi expositiones, reiectis quæ absurdiores uidebantur, substitui. Reliqua quæ ab Arnoldo ipso rudius tradita fuerant, ne delicato lectori nauseam concitarent, paulò tersius ac nitidius reddere contendi. Quin ipsos quoque uersiculos numeris suis, quoad fieri potuit, restitui: plurimum interim in id studiū impendens, ne rhythmus, quo maiores nostri impensius delectati sunt, penitus deperiret. Sciebam equidem hoc laboris genus mihi molestiæ



## N V N C V P A T O R I A.

molestiæ, tædij, atque calumniæ plurimum, gloriæ uerò quàm minimum pariturum ( præsertim cùm pauci hodie reputent, quantum sudoris exhauriatur in restituendo, dum collatione ueterum codicum emendantur deprauata: quotq; autores necessario excutiantur ei, qui scriptores, bonos quidem illos, sed uerborum spurcitie horridos, & non uno modo deprauatos, ita emendare refingereq; instituit, ut tutius studiosorum manibus teri deinceps queant) uicit tamen impulitq; ardens cum primis iuuandæ iuuentutis amor, quæ anteponendum rebus omnibus arbitror: uicerunt deinde & præstantissimorum uirorum, ut hanc sarcinam in humeros attollerem, assiduæ & frequentes adhortationes. Siquidem anno ab hinc, ni fallor, quinto, Theodoricus Lohr à Stratis, uir pietate & eruditione admirandus, Carthusianorumq; per inferioris Germaniæ provinciam Visitator sagacissimus, primus ad hoc laboris suscipiendum haud segniter adhortatus est. In cuius iam subito ceu flosculi Parcarum pollice succisi locum multò acrior successit in



# EPISTOLA

stigator Reuerendus & eruditus bonarum artium Magister Simeon Crusius, olim Canonicus Magdeburgensis, nunc moderator ac Prior Carthusianorum domus Saluatoris prope Erphordiam, incredibilis eruditorum piorumq; omnium adiutor ac cultor. Quinetiam Valentinus Craticula, Serenissimæ atque inuictissimæ Romano. Regiæ Maiestatis beneficentia ac liberalitate celeberrimæ iam Reipubl. Budeuicensis in Bohemia Ecclesiastes & Pastor uerè καθελικός, ac Decanus Bechinensis, uir optimè cūprimis de me meritis, ἐμὲ νῦν ἀποδιδόντα καὶ αὐτὸν ὠτρυνε. Sed his omnibus uehementius hætenus extimulauit uir humanitate iuxta ac pietate insignis ac Reuerendus M. Henningus Hopff, ædis Deiparæ uirginis in clarissimo hoc oppido Canonicus, & Præpositus longè dignissimus, nostræq; Scholæ Rector magnificus, compater ac fautor meus uerè candidus, & ob id unicè mihi semper colendus, qui nonnunquā Aristarchi quoq; uices subire in hoc opere grauat<sup>us</sup> non est. De te uerò quid dicam, <sup>animis</sup> clariss. I. V. Doctor Georgi Iuda,



## N V N C V P A T O R I A :

da, fraterna mihi necessitudine tantum non coniunctior? qui doctissimus certe ac candidissimus optimo quidem iure nunc apud doctissimum, maximeque pium, ac Reuerendissimum Dn. Iulium dignissimum Ecclesiae Naumburgensis Episcopum, doctorumque omnium incomparabilem fautorem ac patronum, cancellariatu fungeris? Te profecto autore atque impulsore, ut uerè et ingenuè fatear, hoc quicquid fuit molestiae, audacter aggressus ad finem perduxisti, utinam aequè feliciter. Strenuè quoque incitauit I. V. designatus Doctor Valentinus Seydelius, uir humanitate ac morum integritate nemini secundus, qui iudicem hic agit, & in profanis ac secularibus negotijs uices implet Reuerendissimi in Christo patris, ac Principis Illustrissimi Dn. Danielis Sanctae Moguntinensis Ecclesiae Archiepiscopi, Sacri Romani Imperij principis Electoris &c. summi & singularis studiorum literatorumque omnium Meccenatis. Nihil etiam intentatum reliquit, nullum non mouit lapidem felicitis memoriae uir Christianus E-



## E P I S T O L A

genolphus, Typographus Francofordiensis, propter distracta iam omnia proxima editionis exemplaria. Ad hos stimulatōres haud quaquam se-  
gnes accessit tandem & doctissimus excellentissimūq; medicinæ Doctor D. Adamus Lonicerus. Physicus Francofordiensis, sedulus studiorum meo-  
rum adiutor ac fautor. Idem & ali ex amicis non pauci instanter à me pugnaciterq; contenderunt. Quum itaque nullum undiquaque urgentium cernerem modum, nūq; potissimū in-  
citarent, quibus denegare quicquam turpe videatur, passus sum equidem im-  
poni mihi clitellas, & hoc quicquid est opusculi, pro uirili mea portione re-  
formare, ac ueluti recoquere cœpi, id solum citra arrogantiam quærens, ut  
optima hæc medicinæ præcepta, quo-  
ad possem, dilucidiora auctioraq; effi-  
cerem. In quo quidem, dum plus-  
culum tribuentibus mihi amicis ope-  
ram dedi, si assecutus sum, quod de-  
siderarunt, gaudeo: sin cuiusdam pul-  
cherrimæ materiæ parum decoris à  
me additum, & dicendi series totaq;  
interpretatio deformior adhuc, inuti-  
lisq;



## NUNCUPATORIA.

lisq; plerisque in locis uidebitur, illud mihi confugium, patrociniumq; concedet, quod non sponte, sed importunis amicorum efflagitationibus, ac quotidianis ferè conuitijs ad hanc prouinciam capessendam incitatus sim. Has autem meas qualescunque ineptias. Reuerende pater, tui amplissimi nominis auspicijs, tuoq; fauore commendatas, in manus hominum redire uolui, ac principio quidem, ut pro eo, quod in R. G. tuæ benignitate hætenus ac fide studia mea omnia, uelut in tutissimo sinu conquieuerint, mei uicissim amoris erga R. G. tuam eximij aliquod extaret *μνημόσυνον*, gratique animi erga promptissimam R. G. tuæ in me uoluntatem darem aliquam significationem. Deinde uerò, ut hac etiam qualicunque mea nuncupatione posteritati testatum foret, quanto in hunc usque diem amore R. G. tuæ Academiæ hanc nostram profecuta sit, ut inquam, haud secus atque Louanij quondam Hieronymus ille Buslidius, non ædificijs solum reparandis instaurandisq; uerum multo magis etiam augendis professorum salarijs, ingentem pe-



# EPISTOLA

cuniarum summam transfuderis : sed hoc quoque laudabilior, quòd is moriens, cum uti amplius non concederetur, in publicam studiorum utilitatem sua transtulerit, tu uerò firmo adhuc & uegeto corporis robore idem quotidie præstes. Quod ad me quidem attinet, quàm diu quicquam spiritus in hoc corpusculo calebit, non desinam prouiribus seruire R. G. tuæ, & sancto fratrum tuorum collegio, idq; certè magna cum animi synceritate. Nec ingratos R. G. tua experietur doctissimos simul & humanissimos Academiae nostræ proceres quot sunt, quotq; post alijs erunt in annis : imò uerò non albis solum, siue matriculis, ut uocant, sed parietibus etiam atque publicis Academiae monumentis inscribent, quo uel omnium seculorum posteritas intelligat, se R. G. tuæ quàm plurimum debere. Deinde precibus quoque suis Deum optimum maximum suppliciter pro tua, tuorumq; omnium incolumitate & salute nunquam desinent interpellare, Optimè in Domino valeat R. G. Tua, & non munusculum hoc, quod uile admodum,



NVNCVPATORIA.

dum, minimiq; precij offero, sed ani-  
mum offerentis expendat, ac me mea-  
que studia in clientela sua con-  
seruare dignetur. Erphoro  
dia III. Calen. Octob.

Anno M. D. LVI.

ANTONII MVSÆE BRAS-  
SAUOLI de præsentì libello iu-  
dicium.

Vulgatus Salernitarum de tuenda valetudine  
Libellus, his, qui legunt, non parum utilitatis præ-  
stat; illisq; multo maiorem, qui libelli præ-  
cepta observant.

M. MARCVS



M. MARCVS FRYTSCHIVS

Laubanus, Candido Lectori S.

**Q**uisquis es, & medicam non planè re-  
spuis artem,

Hunc studiose librum (sic quia dignus) ama.

Qui nouus egrediens, uitio purgatus ab omni,

Liberius Clarias gēstit adire domos.

Curio fatidici decus insuperabile Phœbi,

Edidit hoc plenum frugis & artis opus.

Vlnis ipsum igitur complectere utrisque iuuen-  
tus,

Ac bene de merito dic bona uota uiro.

Nam quibus instructus, sine morbis membra tue-  
ri

Possit homo, liber hic dogmata certa tenet.

Magnanimo Anglorum regi quæ dedita quon-  
dam,

Iam renouata tibi Teutonis ora uides.

Tuq; cohors iuuenum, teneris quæ protinus  
annis

Sedula das operam uerba Latina loquit  
Incolumem, moneo, si gestis ducere uitam,

Membrorumq; cupis prosperitate frui:

Curio manè tibi, tibi Curio nocte legatur,

Non imitabilis est absq; labore labor.

Exiguum certè, quo pagina uenditur, æs est,

Quæ discēs, magnæ commoditatis erunt.

Nam



Nam docet, affectus qua sint ratione regendi,  
Omnis ab excessu semina morbus habet.

Vini epulique modum præscribit, Cypridis  
usum

Temperat, & quæ sint sana lauacra mo-  
net.

Cum corpus nimio repletum sanguine turgēt,  
Incisis uenis euacuare iubet.

Vesperī ait somnum capiendum, nanq; diurno  
Tempore qui dormit, multa pericla ciet.

Inscius in febrim dilabitur, atq; catarrhum  
Colligit, & toto corpore languet iners.

Hic quoq; certa leges anni discrimina, nanq;  
Diuersos radios ardor & algor habent.

Non eadem Veri, Mesi, Autumnōq; Hyemīq;  
Conueniunt, tribui uult sibi quodq; suum.

Quid sibi quodque uelit, quid quælibet exigat  
ætas,

Curio monstrabit, si tibi lectus erit.

Si sapis ergo, moras tollens studiosa iuuentus,

Hunc tibi emes (paruo uenditur ære) librum,

Insuper Autori, grato pro pignore, fata

Optabis Pyllo non citiora sene.

Sic tibi non deerunt, qui scripta salubria con-  
dant,

Materia ingenijs conueniente suis.

Hiscē uale, atq; bono feliciter utere seculo,

Castalium ad fontem iam uia trita patet.

Tempora



Tempora quæ forsan subito uentura sequentur,  
Non ita foecundæ conditionis erunt.  
Si sapiſ ergo, tibi hæc quos porrigit, arripe cri-  
nes,  
An bona uel mala ſint ſæcla futura latet.

EIDEM M. HENRI-  
cus Spinaeus Berckensis S.

**Q**uod malè curarent homines languentiâ  
membra,  
Viderat ex alto pulcher Apollo loco.  
Territus exclamat: quæ morbis quæritis ægri  
Pharmaca mortales? quæ Medicina datur?  
Tenditis in mortem tali ratione medendi,  
Corruit & labens non reparatur opus.  
Restitui in melius ſi uultis corpora læſa,  
Viuentiſq; frui commodiore uia:  
Huic operi uigiles oculos imponite claro,  
Voluite tam doctum tempus in omne librum;  
Discitis hinc certas medicandi ſaucia leges,  
Integra quòue modo ſit retinenda ſalus  
Præſtitit hoc artis medicæ tibi Curio Doctor,  
Curio Apollinei gloria magna chori.  
Extendi uitam qui longum uultis in æuum  
Curio Tithoni, dicite, uiue dies.

ODE



ODE M. LUDOVICI  
Helmboldi Mulhusini.

**N**ulla uis, uirtusq; manet perennis  
Rebus his, quæ uiribus extruuntur  
Corporis, quæ mens operatur, omni  
Tempore durant.

Nunc ager, uel sylua, uel est rubetum,  
Quod fuit quondam Phrygiæ aula Regis,  
Arx fit e contra modò Carolea,  
Quod seges olim.

Firma sunt, fidumq; sibi tuemur  
Nomen, & famam, documenta, quorum  
Auctor est Phœbus, sine honore nunquam  
Commemorandus.

Vtilis res est medicina, totum  
Sustinet mundum, nisi salua nanq;  
Membra sint, præceptis domui uniuersæ  
Turbo minatur.

Claret idcirco Podalyriana  
Fama, nec laus Hippocratis remittit,  
Aemulus fertur uolucrum per alta  
Astra Galenus.

Hos duces, hos signiferos secutus  
Curio, excellit simul, & referri  
Inter heroas medicos profunda  
Mente meretur.

Finis



Mentis hic index liber est, amomum  
Plantat, extirpat tribulos, uenena  
Enecat, morbos fugat, atq; sanos  
Protegit artus  
Sanitas curæ sua fit cuius,  
Huic uiam monstrans igitur tuendæ,  
Gratijs omnem comitatus ibit  
Curio in orbem.

**GALENVS**. Lib. 6. cap. 10. de  
tuenda Sanitate.

**A**RS quæ sanitati tuendæ præsidet, ijs quæ  
sibi paruerint, constaturam sanitatem promittit.  
Qui uerò parere recusant, ijs perinde est ac si  
omnino non esset. Recusant autem alij, ab ipsa in  
præsens uoluptate uicti, quos incontinentes in-  
temperantesq; nominant: alij ab ambitio-  
ne, quam Græci hodie *κενοδοξία*,  
id est, uanam gloriam  
uocant.

**INDEX**



# INDEX SUMMARIUS EORVM

quæ hoc Libello tractantur.

## A.

Aceti proprietates	147 b.	Aëris electio	77 a
Aestatis cibis			88 b
Albica piscis marinus			115 b
Allium contra uerena			70 b
Amarellus auis aquatica			112 b
Anguille esus calculosis noxius			121 a
Anguillarum & Lampetrarum coctio			120 b
Animalium uiscera	150 a.	Anisi utilitates	153 b
Anni tempora quatuor			213 a
Aqua crapulae confert			104 b
Aqua intercutem			21 a
Aque potus nocumenta			102 b
Auditus grauitas			200 b
Aues esui aptæ			106 a
Aurium tinnitus causæ			201 b

## B.

Brassica temulentiam curat			169 b
Butyri proprietates			128 b
Butyrum quid conducat			129 a

## C.

Caluitiem cepe emendat			181 a
Cancrum curat chærisfolium			188 a
Capitis dolor			16 a. 212 b
Capo, siue gallus castratus			107 a
Caput purgat sinapi			182 a



# INDEX.

<b>Caro</b>	<ul style="list-style-type: none"> <li>bovina 42 a</li> <li>caprina 43 a</li> <li>ceruina 41 a</li> <li>leporina ibi. b</li> <li>porcina 59 b. 99 b</li> <li>uitulina 105 b</li> <li>salsa 41 a</li> </ul>
Carpio piscis squamosus	116 a
Casei esus 40 a.	Casei facultates 130 b
Caseus recens 58 b.	Catarrhus 16 a
Caulium effectus 168 a.	Ceparū effectus 179 b
Ceparum usus	27 a
Cerebra stomacho inimica	59 b
Cerebri confortatio	7 b
Cerasorum esus commoda	138 a
Cereuisie confectio	147 a
Cereuisie potus	83 b. 147 b
Chærefolij herbæ effectus	188 a
Chelidonia	193 a
Cholerica complexio	232 b
Cibi bene nutriendes	48 b. 56 b
Cibi & potus alternatio	122 a
Cibi melancholici uitandi	36 a
Cibus iucundus 61 a.	Cœna parca 23 a
Colorum hominis indicia	240 a
Columba cibus cholericus	108 b
Colica passio	21 b
Condimenta generalia	93 a
	Conspi-



# INDEX.

Conspicilia uitrea	12 b
Consuetudo altera natura	262 b
Consuetudo uarianda nonnunquam	264 b
Coturnix, siue Quiscula	109 a
Croci proprietates	196 a

## D.

Dentes a putredine &c. conseruandi modus	9 b
Dentium dolori conducencia	207 a
Dentium immundities	9 a
Dieta administratio	166 a
Dieta habenda ratio	162 a
Dieta moderata	7 a
Dispositio cibi, edendi item ac ciborum ratio	30 a
Dolor capitis 16 a. Dormiendi ratio	19 a

## E.

Ebrietatis incommoda	81 a
Edendi & bibendi modus	133 b
Enula campana 189 a. Epilepsie medela	183 b
Excrementorum retentio	5 a

## F.

Fames duplex 32 a. Febris causa	15 a
Ficum proprietates	142 b
Ficum usus in cibis	143 b
Fistulae curatio	211 a
Flatuum in aluo retentorum nocumenta	20 a
Foeniculi semen	151 a
Fons oculos recreat	11 b
Frigellus auis cibo accommoda	111 b



# INDEX.

## G.

Galbio piscis marinus	116 a
Gallinae commendatio in cibo	106 b
Gaudij repentini incommoda	5 b
Gornus piscis marinus albus	116 a

## H.

Humores quatuor in homine	220 a
Hydrops 21 a.	Hyemis cibi parci 90 b
Hysopi uirtutes	186 a

## I.

Ira	3 a
Ira sci utile quibus	ibi. b
Iura è carnibus	55 b

## L.

Lac 58 b.	Lactis electio 126 a
Lactis esus	38 a
Latitia ualetudini confert	5 b
Lotij retentio	4 b
Lucius piscium tyrannus	114 b

## M.

Maluae facultates 170 a.	Manuum lotio 8 a
Manuum lotionis utilitas	95 b
Manuum tremor 174 b.	Medulla ossium 60 b
Melancholica complexio 237 a.	Mentha 172 a
Merula quis 110 b.	Mespilorum utilitates 144 a
Mictio nocturna	144 a
Musti potionis nocumenta	101 a. 145 a
Mutatio subita nocua	263 b

## N.



# INDEX:

## N.

Nasturtium herba	191 a
Nauseam marinam quæ prohibeant	92 a
Nocturna repletio noxia	4 b
Nuces contra uenena	76 a
Nuces post pisces	134 b

## O.

Ortygometra	110 b
Ossa, nerui, & dentes homini quot	218 a
Otis, gallina sylvestris	112 a
Oua sorbilia 61 a. Ouorum differentia	49 a

## P.

Pandiculationis utilitas	8 b
Panis calidus nociuus 96 a. Panis crusta	98 b
Panis electio et ratio 67 b. Pectere crines utile	8 b
Perca piscis squamosus	214 b
Perdici in cibo usus	111 a
Persica, passula	141 a
Persica prima mensa edenda	36 a
Phasianus gallus sylvestris	110 a
Phlebotomia effectus.	254 a
Phlebotomia impedimenta	247 a
Phlebotomia & uena sectio	243 a
Phlebotomia quibus mensibus conueniat	246 a
Phlebotomia quibus morbis & etatibus conueniat, & quantum sanguinis quoq; tempore detrahendum	259 b
post Phlebotomiam considerata quæ	258 b



# INDEX.

circa Phlebotomiam que obseruanda	252 b
Phlegmatica complexio 235 a.	Pigrities 15 b
Piper nigrum 198 b.	Pisa 123 b
Pisorum coctio	125 a
Pisces qui, et quibus conducant	113 b
Piscium salsa calida	96 b
Plagula piscis	116 a
Pomorum esus	37 a
Porri effectus	197 b
Potus mali correctio	91 b
Potus triplex	122 a
Pruna	139 b
Pulegij effectus	190 a
Pulices fugari quomodo soleant	178 b
Pyra syluestria contra uenena ualent	73 b
Pyrorum nutrimentum	37 b, 136 b

## R.

Rapa	148 b
Raphanus satiuus uiperarum ictus discutit	74 a
Rheumatis remedia	209 a
Ruta contra uenena ualet	73 a, 92 a
Ruta cruda, saleq; condita, uisus aciem exa- cuit	73 a
Rute duo genera	72 b
Rute facultates	178 a

## S.

Sal	155 b
Salicis effectus	194 a
Salvia	



# INDEX.

Salvia potus malitiam emendat	91b
Salviae operationes & effectus	173b
Salis commendatio in cibis	156a
Saluatellae sectionis commoda	265a
Sanguinea complexio	230a
Sapores, & eorum qualitates	157b
Saxatilis piscis	115a
Serpentes fugat sinapi suffitum	182b
Serum lactis 129b. Sinapis effectus	181b
Sitis aqua extinguenda	103b
Somni tempus convenientissimum nocturnum	18b
Somnus meridianus	4b. 14b
Spasmus	20b
Speculum oculorum aciem excitat	12a
Spodium	154a
Sturnus cibo commendatur	107b

## T.

Tenasmus	5a
Tencha, uel tinca, piscis glaber	116a
Testiculi gallorum	59a
Theriaca contra uenena auxilio est	75b
Timor	2b
Tranquillitas sanitati confert	6b
Tremor manuum	174b
Tremulus avis	112a
Tristari utile quibus	3a
Tristitia nocet ualetudini	2a
Truta	116b
Turtur	



# INDEX.

Turtur boni alimenti	107 a
V.	
Vapores stomachi prohibentia	93 a
Venæ scissura quanta	256 a
circa Venæ sectionem quæ consideranda	252 b
Venenorum letalium remedia	70 a
Vermes progenerantia	8 b
Vertigo	22 a
Vina theologica	55 a
Vini boni proprietates	64 b
Vini differentie	52 b
Vini nimia potatio	80 a
Vino parcè utendum	4 a
Vinum dilutum	84 b
Vinum enulatum	189 b
Vinum est lac senum	85 b
Vinum melius	83 a
Vinum saluiatum	175 a
Vinum uetus	84 a
Viola effectus	183 a
Vippa quid	161 a
Viridia oculis dant releuamen	12 b
Visum conseruantia	206 b
Visus nocumenta	103 a
Visus recreatio	11 b
Vocis raucedinis' cause	208 b
Vrtice effectus	185 a
Vne passa	63 b
	DE



1  
DE CONSERVAN-

DA BONA VALETVDINE,

*Liber Scholæ Salernitanæ.*



DE ANIMI PATHEMATIS, ET  
*remedijs quibusdam generalibus.*

*Caput I.*

**A**Nglorum Regi scribit scholator  
ta Salerni:

Si uis incolumem, si uis te reddere sa-  
num,

Curas tolle graueis, irasce crede profa-  
num.

Parce mero, cœnato parum, non sit ti-  
bi uanum

A



## DE CONSERVANDA

Surgere post epulas, somnum fuge me-  
ridianum.

Nemictum retine, nec comprime forti-  
ter anum.

Hæc bene si serues, tu longo tempore  
uiues.

Dem König von England ist geschribn/  
Laß dir sorg vnd zorn nicht gelieb n/  
Halt messig malzeit/sitz nicht lang/  
Fleuch mittag schlaff/er macht dir bang.  
Den harn vnd stül nicht vbergeh/  
Du thüß sonst deiner g Sundtheit wee.



RAESENS hic liber,  
à Doctoribus Scholæ Sa-  
lernitanæ in gratiā Re-  
gis Angliæ conscriptus,  
multa & uaria conser-  
uandæ bonæ ualitudinis  
præcepta complectitur.

In hoc autem capite  
octo imprimis generatim referuntur, quæ nos sin-  
gulatim deinde, ac suo quodq; ordine explicabi-  
mus. Primum ergo est, ut tuendæ sanitatis suæ  
studiosus, anxiferas, grauis & pertinaces curas  
relaxans, ex animo penitus exterminet. Curæ  
enim corpus uehementer extenuant et exiccant,  
somnia impediunt, perpetuisq; uigijs confici-  
unt.



## BONA VALETUDINE. 2

unt, vires destruunt, febres etiam accendunt, ac grauiſſimis uoletudinibus initia præbent: ipſæ quoque Melancholiam generant, pariterq; calorem innatum reſoluunt, & extingunt, & magis, ſi diutius durârint. Autor Galenus cùm multis alijs locis, tum præcipuè Aphor. libro 2. comment. 28. & libro 3. comment. 31. & de tuenda ſanitate lib. 1. cap. 11.

Sub eodem præcepto comprehenduntur & Triftitiæ, quæ & ipſæ corporis naturam frigidityte & ſiccitate corrumpunt: id quod Salomon quoque capite 17. Prouerbiorum ſuorum atteſtatur: Spiritus triſtis, inquit, exiccat offa. Sed cùm omnis mœſtitia generanda melancholiæ uim habeat, quò tamen uehementior ac diuturnior hæc affectio fuerit, eò plus adfert periculi. Nam extra hoc, quòd corpus macie paulatim extabefcit, cor etiam ipſum immodicè conſtringit, ſpiritum obtenebrat, ingenium hebetat, rationem impedit, iudicium obſcurat, & memoriam obtundit. In mœroribus item fortibus, uti à Nemefio capite uigeſimo de natura hominis, ex tertio libro Demonſtrationum Galeni refertur, bilioſa quædam ſuperfluitas conſueuit in uentriculum deſluere, & multò magis quàm ipſe malè affectus fuerit, quæ ſanè moleſtiam exhibet, ut non prius à mœſtitia & cruciatu ceſſet, quàm ſuperflui-



## DE CONSERVANDA

tas illa uomitu eiecta fuerit, id quod Galenus etiam Aphorif. libro 6. comment. 50. attestatur.

**Timor.** Idem de timore quoque intelligendum: nam & ipse intrò & ad principium, tum spiritum, tum sanguinem unà cum refrigeratione eorum, quæ in summo corpore sunt, abducit ac contrahit: itaque etiam pulsus tum arteriarum, tum cordis ijs, qui timent, minimi ac maximè imbecilli sunt: partes in superficie posite algent, corpusque pallescit, tremor incidit, uox interrumpitur, & uires denique conuelluntur omnes. Quod autem in tristitia paulatim patiuntur homines, id in timore confertim accidit, dissidentibus scilicet inter se passionibus ijs non toto genere, sed magnitudine & uehementia. Itaque etiam ob timorem & immensum moerorem nonnulli repentina morte interierunt, quòd scilicet imbecilla suapte natura animula eorum sub ualido affectu oppressa, confertim extincta & suffocata sit, quem ad modum luculenter & perspicuè docet Galenus libro 2. cap. 5. de causis sympt. Quippe extinguere eam accidit propter affectus ipsius naturam, ut cuius generatio in frigerando consistat: Suffocari autem, eò quòd totus sanguis unà commeet, atque ad principium deferatur. Cuius sanè rei insignia exempla extant apud Plinium libro 7. capite 6. naturalis historie. Quocirca eum, qui sanitatis suæ tuendæ curam suscepit, cane peius



Tristari  
utile.

Ir4.



## DE CONSERVANDA

*sunt.* Et si enim motus cordis sedetur, in hisce ta-  
men remanet calor præter naturam, atq; inde ho-  
minem febricitare contingit. Quidam etiam ira  
commoti, quasi attoniti, ac extra se positi uiden-  
tur. Sunt præterea qui impotenti ira impetuosius  
concitatos, αὐτοπληγία incidisse multos, re-  
penteq; animam expirasse, nonnullos uero furo-  
re, comitialis morbi accessione, παραλύσει, con-  
uulsione, podagra, & articularum maxime ac  
totius corporis tremore comprehensos, concidi-  
sse tradant. Obstat etiam animi iudicio, & ra-  
tionis opera perturbat, & ut Cicero ait, ira præ-  
sente nihil rectè fieri potest. Offenduntur au-  
tem ab ira potissimum, qui temperaturam corpo-  
ris totius calidiorem, quam par sit, aut morbo,  
aut natura consecuti sunt: præcipue quando cor-  
& caput naturali intemperie immoderatè ser-  
uent, aut aliquo aduentitio calido affectu labo-  
rant. Animalibus tamen uitijs, morbis frigidis, &  
natura frigidiori cordi & capiti, Galeno lib. 6.

*Ira sci uti* Epidem. partic. 5. comment. 9. autore, ira non le-  
*le.* ue præsidium adfert. Innatum enim calorem in  
ipsis iam torpescentem excitat adaugetq;. Quod  
Hippocrates etiam libro 2. epidem. partic. 4.  
in eum scribens modum confirmat: Diligentia,  
inquit, adhibenda est, ut excandescencia indu-  
catur, & coloris reparandi, & sanguinis in uas-  
sa subter cuticulam colligendi gratia. Quocirca  
ipsa



## BONA VALETVDINE. 4

ipsa à perfrigeratis, pallido colore præditis, & ααχεξία laborantibus, ex quibusdam interual-  
lis, & temporibus opportunis assumenda est, non  
sanè ita continenter, ut facultas offendatur, sed  
perinde ut exercitationes innatum calorem cor-  
roborantes, non immoderatas facere oportet,  
sed tum opportunè, tum moderatè assumere, ita  
& excandescentiam, si clarissimis Medicinæ scri-  
ptoribus, Galeno lib. 3. cap. 10. de difficul. respir.  
Paulo libr. 1. cap. 53. & Aëtio lib. 4. cap. 34. cre-  
dendum est.

Tertium, ut moderatè uino utatur. Vi-  
num enim modicè haustum natuum calorem ad-  
auget, teste Galeno capite 4. de causis morbo-  
rum. Vbi uerò immoderatus bibitur, quàm ut Vinum  
uinci possit, tantum abest, ut animal calfaciat, ut  
etiam frigidiora uitia gignat, quemadmodum  
copiosè Galenus libro 3. capite 5. de temperamen-  
tis ostendit: quippe apoplexia, paraphlegia, &  
quæ Græcè caros, & comata uocamus, neruo-  
rum resolutio, comitiales morbi, conuulsiones,  
tetani, & debilitas uentriculi, ac reliquorum  
membrorum omnium, immodicum uini potum  
comitantur, quorum unumquodque frigidum  
est uitium. Sed de his plura infrà capite decimo  
quinto.

Quartum, ut in coena modico cibo utatur:  
exiguus nanque cibus à facultate uinci perfectè



## DE CONSERVANDA

Et facile potest. Qui uerò noctu multum ingerunt, uentriculumq; nimio cibo onerant, dolorè primùm & angustiam perpetiuntur, deinde nec probè dormire, nec rectè concoquere possunt, quòd nimia copia facultas aggrauetur, ceu nimio pondere pressa, subindeq; superare ingestū cibum nequeat, id quod & infrà cap. 5. uberius ac fufius declarabimus.

Quintum, ut statim à sumpto cibo surgat: hoc enim ad concoctionem facit, quia cibus sumptus ita facilius descendit in imum uentriculi, in quo, Gal. lib. 5. cap. 5. de locis affect. teste, coctionis opus perficitur. Infrà cap. 2. & 76.

Somnus  
meridia-  
nus

Sextum, ne à prandio somno indulgeat. Is nanq; somnus, qui cibum statim excipit, fumosis exhalationibus caput replet, destillationesq; parit. Sed de hoc uberius infrà cap. 3.

Lotij re-  
tentio.

Septimum, ne lotium diutius, quàm natura fert, remoretur: hinc enim interdum oriuntur  $\delta \upsilon \sigma \chi \rho \iota \alpha$  &  $\iota \sigma \chi \rho \iota \alpha$ , hoc est, uitia, in quibus urina aut agrè & difficulter excernitur, aut in totum supprimitur ac cohibetur. Eodem modo calculus aliquando & aqua intercus gigni perhibentur, neq; aliud quidquam equè uesicam lædit, atq; longior, ultra mingendi uoluntatem, lotij retentio, id quod testantur cum primis Galenus lib. 6. cap. 4. de lo. affect. Rhazes lib. 4. cap. 6. ad Alman. & Auicen. Fen. 19. 3. tract. 2. cap. 6.

Octa.



## BONA VALETVDINE. 5

Octauum, ne compressis natibus uentris o- Excre-  
 nus suppressere & retinere tentet: ita nanq; in- mentoriū  
 durantur faeces in intestinis, ob continuam suctione retentio.  
 nem uenarum meseraicarum, quæ cum intestinis  
 coniuata, omnem humiditatem è fecibus exu-  
 gunt, quo fit, ut illæ exiccatae, difficilioris exitus  
 intestina obstruant, oppilentq;: oppilationem ue-  
 rò, ob flatuum eductionis præclusionem, & alia-  
 rum consequentium fecum coaceruationem, no-  
 cumenta sequantur, cum illa quæ cap. 4. enume-  
 rantur, tum etiam quæ referuntur à Cornelio Cel-  
 so lib. 1. ca. 3. Ex uentre, inquit, suppresso, inflam-  
 mationes, caligines, capitis dolores, aliq; supe-  
 rioris partis mala increscunt. Quibus accedunt  
 etiam, ut Rhazes testatur, τεινερμός, & cibi fa-  
 stidium, quod malum Græci αὐοπεξία, Latini  
 uerò appetentiæ amissionem uocant.

Summoperè præterea cauendum, ne in  
 exoneranda aluo nimio conatu utatur: nam &  
 hinc non raro sequi solet τεινερμός, siue exitus  
 intestini, quod ab osse sacro ad anum usque per-  
 tinet, Græcis αὐοβδυσμύον ἢ αὐχόν dici-  
 tur, Latinis longanon, rectum, & princeps, teste  
 Andrea Valsalio lib. 5. cap. 5. fabricæ humani  
 corporis.

Vltimo tandem loco subiungitur, longissi-  
 mo tempore uicturum, quicumq; hæc præcepta  
 studiosè & diligenter obseruauerit.



## DE CONSERVANDA

**S**I tibi deficient Medici, medici tibi  
fiant

Hæc tria: mens hilaris, requies, mode-  
rata diæta.

Gebrech n dir ârtz/nim an diß driei:  
Freund/messig malzeit/rhû darbei.

Hoc loco fit mentio trium remediorum,  
quæ in defectu Medici, uicem eius cum apud alios  
tum nobiles maximè & excellentes uiros supple-  
re possint.

**Mens hi-**  
**laris.** Primum, Animus hilaris ac lætus: lætitia  
enim calorem excitat naturalem, spiritus tempe-  
rat, & puriores reddit, uirtutem corroborat,  
ætatem floridam facit, iuuenile corpus diu con-  
seruat, uitam prorogat, ingenium acuit, & homi-  
nem negotijs quibuslibet obeundis aptiorem red-  
dit. Conuenit autem ut hæc ipsa lætitia siue gau-  
dium, bonæ ualitudini commodum, sit tempera-  
tum, non excedens modum, neq; repentinum. Nimio  
enim & repentino gaudio, quemadmodum Gale-  
nus li. 2. ca. 5. de Symptomaton causis, & Alexā-  
der Aphrodiseus problemate 21. memoriæ prodi-  
derunt, tanta fit cordis relaxatio, ut uirtus uita-  
lis unâ cum innato calore tota egeratur, ac dissi-  
petur, adeoq; syncope nonnunquam & repen-  
tina mors consequatur. Atque huius quidem rei  
extant horribilia ac pertimescenda exempla  
apud



## BONA VALETVDINE. 6

apud T. Liuium Deca. 3. li. 2. Val. Maximum lib. 9. ca. 12. Plinium lib. 7. cap. 32. & 53. & A. Gelium lib. 3. cap. 15. At enim cum, iuxta tritissimum scholis medicorum dictum, contraria contrarijs curentur ac depellantur, illis potissimum gaudium adsciscendum est, qui tristioribus animi pathemathis immodicè conficiuntur. Quod sanè per illa cum primis consequentur, quæ principes facultatum partes corroborant, sanguinem bonum generant, & spiritus instaurant: eadem quippe & menti, Auicenna 4. 1. ca. 1. & 11. 3. tract. 2. cap. 10. teste, gaudium & letitiam cõciliant adiungumq;: Huiusmodi porrò sunt cibi suaues & boni succi, vinum subtile ac delectabile, boni & fragrantis odores, delectabilium rerum commemoratio, & cum amicis & familiaribus frequentior & iucunda conuersatio. Quare, ut Eobanus noster discretè canens, admonet,

Vtere conuiuiis non tristibus, utere amicis,

Quos nuge, & risus, & ioca salsa iuuant.

Quem non blanda iuuent uarij modulamina can

Hinc iecur et renes, ægraq; corda stupèt. (tusè

Nam nihil humanas tanta dulcedine mentes

Afficit, ac melicæ nobile uocis opus.

Tange lyram digitis, animi dolor omnis abibit,

Dulcisonum reficit tristia corda melos.

Atque hinc adeò est, quod grauisimus auctor Plutarchus in libro de uirtute morum tradit,



## DE CONSERVANDA

dit, Pythagoram animo pacando sedandoq; ab affectibus & perturbationibus uehementioribus Musicam adhibere solitum. Sic Saul quoq; per David psallentem à spiritu maligno liberatum legimus. His similia & scitu non indigna, libro 1. & 14. Diognosophiston Athenæus refert. Atqui hæc etiam uersibus ex Hieronymo Fracastorio cōplexi sumus:

Tu tamen interea effugito, quæ tristitia mentem  
Sollicitant, procul esse iube curasq; metumq;  
Pallentem, ultrices iras: sint omnia læta.  
Alma Ceres te in hoc, Bacchi quoq; læta iuuabūt  
Munera, sic dulces epulæ, sic copia rerum,  
Sic urbis, sic ruris opes, & summa uoluptas,  
Visere sæpe amnes nitidos, iucundaq; Tempe,  
Et placidas summis sectari in montibus auras,  
Accedant iuuenumq; chori, mistæq; puellæ.

Secundum, Animi tranquillitas: nobiles e-  
Trāquil nim & excellentes uiri, ob maximas & diuersas  
litas ani- sas curas, quas sustinent (si ipsi cætera omnia an-  
mi. te pariter adfuerint) memis inquietudine magis  
quàm mediocris conditionis homines, læduntur:  
Nam si quid aliud, hæc maximè somnum impe-  
dit, qui nobilibus, cum biliosæ ferè & siccioris na-  
turæ sint, imprimis conueniebat. Vigiliæ uerò,  
ut Galenus libr. 7. cap. 6. Therapeu. metho. au-  
tor est, magis adhuc totum corporis habitum sic-  
cant,



## BONA VALETVDINE. 7

cant, adeoq; ijs qui alioquin ex siccitate laborāt, infestissima sunt. Vel requies hic ad corporis quietem, quæ motui opponitur, referenda est.

Nam & hæc quoq; ad valetudinem necessario adhibetur. Calorem enim naturalem assiduis laboribus fractum ac dissipatum reuocat, vires exhaustas ac penè perditas recuperat, adeoq; præstat, ut animal se colligat, ac durare possit. Quod disertè admodum apud Ouidium lib. 1. epist. 4. Phædra Hyppolito ijs uersibus significauit:

Quod caret alterna requie, durabile non est,

Hæc renouat vires, fessaq; membra leuat.

Eleganter autem alternam requiem uocat, sicut enim non semper laborare, ita nec semper quiescere expedit.

Tertium, Moderata diætā, id est, modus, seu ratio uiuendi, Græcis communiter *δῖαιτα* dicitur, Latini uictus rationem reddunt. Quidā Græcam dictionē retinere, ac Latinis characteribus, diætā, scribere maluerūt, uulgus Regimen sanitatis siue regulam uictus appellat. Complectitur autem in se, non modò, quæ ad cibi & potus rationem attinent, sed reliquas etiam res omnes, quas Non naturales Medici uno ore uocare solent. Harum enim commodus & moderatus usus saluberrimus est, & corporis constitutionem conseruat: Inuicempestiuus uerò & immodicus sanitatem, adeoq; naturam hominis, corrumpit.

Vt

Diætā  
moderata.



## DE CONSERVANDA

Vt igitur uita morbis omnium minimè obnoxia  
sit, harum legitimus usus sollicitè ac diligenter ser-  
uandus est. Plura infra cap. 55.

## DE CONFORTATIONE

Cerebri. Cap. II.

**L**Vmina manè, manus surgens geli-  
da lauet unda,

Hâc illâc modicum pergat, modicum  
sua membra

Extendat, crines pectat, dentes fricet,  
ista

Confortant cerebrum, confortant cæ-  
tera membra.

Lote cale, sta pranse, uel i, frigescere mi-  
nute.

Augen vnd hend wäsch frû gar rein/  
Mit gehn beweg dein leib vnd bein/  
Beume dein haar/dein zeen auch reib/  
Siß stercke das hirn vnd gangen leib/  
Nachm bad biß warm/nach tisch geh/steh/  
Vnd sitz sam auch dein hirtz vergeh.

Hic traduntur sex præcepta de confortatione  
tum cerebri, tum reliquorû membrorum omnium.

Primum, ut singulo quoq; die manè oculi ie-  
iuno lauentur: à sordibus. n. et lemīs, quæ in ipsis  
noctu coaceruântur, et palpebris adherescunt, ne  
inde lesionem percipiant, aut corrodamur, dili-  
genter

Visum  
conseruã  
tit.



## BONA VALETVDINE.

8

genter repurgari debent, idq; aqua clara, uiridi,  
 & frigida, inſperſa potius quàm per manus ad-  
 mota, faciendum eſt, uel certè in eadem aperta  
 ambo, quoad poterunt, immergendi, ac longiori  
 deinde temporis ſpacio ſupprimendi ſunt. Hoc  
 enim non abſtergit modò, ac claros nitidoſq; red-  
 dit, ſed ſanos etiam conſeruat, uiſumq; acuit &  
 confortat, & maximè in iuuentute, quemadmodùm  
 Paulus Aeg. lib. 1. cap. 31. Rhazes lib. 4. ca. 22. ad  
 Almans. & Auicenna 3. 3. Tract. 1. cap. 5. & 3. 3.  
 Trac. 4. ca. 3. fideliffimè tradunt. Cur autem frigi-  
 da magis quàm calida lauari debeant, ratio hæc  
 eſt, quòd, ut Galenus cùm alibi ſæpe tum maximè  
 aph. lib. 1. comment. 16. & lib. 3. cap. 41. de alim.  
 facult. & ca. 86. artis medicinalis teſtatur, con-  
 ſeruatione intemperatis ſemper per ſimilia fiat.  
 Oculi uerò, ut li. 5. ca. 1. de genera. animal. & li.  
 2. ca. 10. de partibus eorundem, & in li. de ſenſu  
 & ſenſibili ca. 2. Ariſtoteles ſcribit, ſunt de natu-  
 ra aquæ, hoc eſt, frigidi, quare etiam frigida pos-  
 tius, quàm calida lauari debent. De recreatione  
 & cõfortatione uiſus paulò poſt, & infrà ca. 79.

Secundum, ut manus quoq; lauentur: cùm  
 enim inſtrumenta ſint, quibus emundantur orga-  
 na ſuperfluitatum cerebri, aures nimirum, o-  
 culi, nares, & os, conueniet ſanè & ipſas cum-  
 primis eſſe mundas. Lauandæ igitur ſunt, ſed  
 frigida magis, quàm calida; & hoc quidem  
 cùm

Manuum  
 lotio.



## DE CONSERVANDA

cum alias ob causas, tum maximè, quòd lotio manuum in aqua calida, & præcipuè post cibi sumptionem, Auicenna 16.3. Trac. 5. ca. 1. teste, uermes in uentre generet. Quia innatus calor, qui in uentriculo ac reliquis nutritionis membris concoctionem operatur, per eiusmodi lotionem ad exteriora retrahitur, itaq; imperfecta fit concoctio, quæ potissima generationis uermium causa **Vermes.** existit. Plura de lotionem manuum infra cap. 23.

**Tertium,** ut postquam è somno experrectus surrexerit, paulatim in ambulando se moueat. ut primæ & secundæ concoctionis excrementorum redundantia, quæ sunt fæces & urina, descendant, & ad faciliorem excretionem præparentur adiuenturq;.

**Pandiculari.** **Quartum,** ut sub idem tempus pandiculetur, hoc est, manus, pedes, & simul totum corpus extendat: quò uidelicet spiritus uitales unà cum sanguine, qui per somnum intro magis fugiunt, ut lib. 6. part. 5. Ep. apho. 29. doctissimè & breuissimè Hippocrates dixit, ad exteriora membra reuocentur, eoq; modo spiritus cerebri puriores ac temperatiores reddantur.

**Pectere crines.** **Quintum,** ut crines pectat et ornet. Per hoc enim pori capitis aperiuntur, cerebri uapores in somno collecti ab oculis ad superiora alliciuntur ac dissipantur, & spiritus temperantur, subtilioresq; fiunt. Pectimur igitur supra caput ad ministratio



## BONA VALETVDINE.

9

ministratio sensuum instrumenta, et corpus reliquū  
corroborat, uisionem acuit, & cogitationem red-  
dit meliorem, adeoq; ob id ipsum interdū sæpius  
reuocanda est, ueluti Auicenna 3.3. Tract. 4. ca.  
3. copiosè scribit. Atq; huic sanè instituto pecten  
eburneus probè politus & leuigatus tutissimum  
præstabit usum, moderatè à fronte ceruicem uer-  
sus quadragies ductus. Marsilio Ficino lib. 1. de  
uita, cap. 8 teste.

Sextum, ut dentes fricet ac mundet: immun- Dentium  
immundi-  
ties.  
dities enim dentium præterquàm quòd oris gra-  
ueolentiam parit, spiritus etiam foetidos, impu-  
ros, & turbulentos exhalat, qui ad cerebrum  
eleuati, ipsi non paruam noxam inferunt. Sordes  
item dentium cum cibo permixtæ & in uentricu-  
lum delatæ, cibum ipsum sæpe corrumpunt. Idem  
de lingua iudicium est, nam & huic adherentes  
sordes, ne in uentriculum deferantur, diligenter  
abstergenda sunt. Quare os manè experrecto  
gargarizandum, & (nisi hyems sit) multa aqua  
frigida, cui aceti nonnihil admistum sit, fouendum  
est, ut eleganter admodū lib. 1. ca. 2. Cornelius Cel-  
sus præcipit. Nihil autem dentibus æquè nocet, ac  
frequentiore lactis esus, ueluti Galenus lib. 3. cap.  
14. de alim. facult. disertè & copiosè scribens ad-  
monet. Nocet, inquit, lactis esus assiduus dentibus,  
& circumdatis carnibus, quas ginguas nominam.  
Has enim humidæ, dentes uerò putrefactioni &

B



## DE CONSERVANDA

erosioni admodum obnoxios reddit. Sumpto igitur lacte, os uino diluto colluere conueniet. Sati-  
us autem fuerit, si mellis etiam quidpiam ipsi inie-  
ceris. Ita namq; omne caseosum, quod ex lacte den-  
tibus ac gingiuis circumfixum fuerit, absterge-  
tur. Quod si etiam caipiam tam robustum sit ca-  
put, ut uini meri collutione non offendatur, meli-  
us is dentibus & gingiuis consuluerit, ueruntamē  
& mel uino permixtum, misturam ex utroq; red-  
dit meliorem. Illud uerò dentium incolumitati tis-  
sissimam aduersus lactis iniurias fuerit præsidium.  
Si quis post sumptum ipsum primò melicrato, dein  
de uino adstringente os colluat. Hæc ille. Porro  
modus quo dentes à putredine, erosione, dolore,  
& graueolentia umdicari possint, optimus nobis  
à Dio, coride lib. 4. cap. 146. Plinio lib. 26. cap. 8.  
Galenolib. 8. cap. 36. de simp. medic fac. & lib.  
5. de compos. phar sec. loc. cap. 18. & Auicenna  
7. 3. cap. 2. præstituitur: ut os singulo quoq; men-  
se uino, uel aceto, in quo Tithymali radix ad di-  
midias decocta sit, bis colluatur. Hoc enim non so-  
lùm dentium ac oris commendat odorem, sed eo-  
rundem etiam dolori auxiliatur, & sanitatem  
conseruat. Plura infrà ca 80. Aures quoq; bene  
à suis redundantibus exonerandæ sunt, neq; solum  
eorum excrementorum, quæ manifestè per certos  
meatus, sed omnium etiam, quæ occultè exeunt,  
nacuatio laceßenda & molenda est.

Ultimus



## BONA VALETVDINE.

12

Ultimus uersus tria præcepta saluberrima completitur. Primum, ut balneo lotus atq; estuans omni cura & diligentia aduersus ambientis cœli frigidiorē intemperiem sese muniat & defendat, ne illa scilicet per poros à balneo apertos in omne corpus permanens, ibidem mali quidpiam ingeneret: A contrario siquidem ad contrarium repentina & inordinata transgressio, Galeno aph. li. 3. com. 22. teste, periculosa admodū existit, præsertim cum facta ad frigiditatem subita commutatio eos, qui antea difflabantur, & per sudores euacuabantur, humores, iam in profundum corporis repellat, adeoq; partes etiam ad uentericulum atq; intestina attinentes offendat.

Obseruandū etiam, ne à recens accepto cibo, balneo statim utatur: neq; protinus post lotionem comedat aut bibat: qui enim paulo antè bibit huic caput repletur: qui uerò cibum sumpsit, nō caput modò, uerū & corpus totū alimoniā ad se, priusquā cōcocta fuerit, trahit, adeoq; crudis & inconcoctis humoribus impletur: Statim uerò post lotionē cibū uel potū sumere, caput replet, deuoratumq; interdum superfluitare facit, quem admodum copiosè in 3. lib. de uict. rat. in morbis acutis, comment. 55. & 56. & in lib. de Marasmo ca. 14. Galenus ostendit. De potu idem cōfirmat etiā Cor. Cels. qui li. 1. ca. 3. in eū scribit modū: Illud nosse oportet, quòd ex labore sudāti, frigida

B 2



## DE CONSERVANDA

potio perniciosissima est, atq; etiam (cū sudor se remisit) itinere fatigatis inutilis. A balneo quoq; uenientibus, Asclepiades inutilem eam iudicauit. Atq; ex hac quidem causa, quomodocunq; sudanti adhuc, frigidum bibendum non est. Cauendum etiam ne in ipso balneo comedat, bibat, aut dormiat: inde enim bona uenericuli concoctio obleditur, & naturæ pugna cietur, dū sanguis, spiritus, & calor naturalis adscititio balnei calore ad exteriora allecti & protensi, ad interiora retrahuntur, & in profundum secedunt. Inter dormiendum etiam humores aliqui in uentrem confluunt, qui non, ut in alijs somnis, concoquuntur, sed longè plures fiunt inconcocti permanentes. Somnus uerò à balneo utilissimè conceditur. Nihil enim est, ut Galenus lib. 4. cap. 9. de Sanitate tuenda scribit, quod æquè concoquat ea, quæ cōcoqui possunt, & malos succos per halitum digerat, ut somnus à balneo.

Secundum, ut paulisper à cibi sumptione celso & erecto corpore consistat: quo cibus ingestus, in uentriculi fundum, ubi cōcoctionis officina est, æquabiliter descendens, promptius concoquatur: ac raro deinde nec ita longo incessu inambulet, ne ob uehementiorem corporis motū calor è profundo ad partes exteriores attractus, dissipetur, adeoq; cibi præpediatur concoctio. Plura infrà capite 76.

Ter-



Tertium, ut post uenæ sectionem frigescat, quod est, in paulò frigidiorē ambiēis nos aëris constitutione tantisper immoretur, siue decumbat, dum sanguis & spiritus per phlebotomiā exagitati, sedentur et conquiescant. Atq; huic quidē interpretationi astipulatur etiam Ioannes Fernellius, qui in libello de uacuandi ratione cap. 19. in hunc modum scribit: Neq; igitur ad consueta munia properet, neq; celerius inambulet, neq; ullo exercitationis genere se fatiget, neq; utatur Venere, neq; protinus calidiora loca ingrediatur, neque in balneum descendat: quandoquidem sanguis & spiritus uehementius incitati, ne dissipentur, aut incalescant, sed ad diu cōprimendūq; sum. Hactenus ille. Vel Minutē, aduerbialiter hīc accipiēdum, pro eo, quod est parū siue paulisper, ut refertur scilicet ad ea, quæ immediatē præcedunt, & sit hic sensus. Sumpto cibo, cælo frigidiori te paulisper exponito: quo calor innatus, propter circūstantem extrinsecus frigiditatē, ad interiora refugiens & secedens, meliorē & cōcoctionē, & sanguificationem, tum etiā nutritionem operetur. Experientia siquidem constat, calorem per se ipsum, ac spontē quidem post cibi sumptionem, ut eum mutet facilius, ac concoquat, in profundū refugere: atq; hinc adeo fit, ut exteriora corporis mēbra, quæ antē utcūq; calida semiebātur, à prædio atq; cœna frigore et tremore cōcutiātur.



## DE CONSERVANDA

Quare natura in eo, quod rectè operatur, opitandū est. Nonnulli uerò in hunc modum exponere maluerunt. Ne is, scilicet cui uena secta est, se subito calfaciat, sed paulatim: quòd subitæ mutationes citra lesionem non facile coningant. In eiusmodi enim permutationibus, quod plurimum existit atq; repenti, periculosum est satis, quod uerò paulatim fit, tutum, ut inquit Galenus aph. lib. 2. comment. 51. Idem testatur etiam Aristoteles Sect. 8. problemate 15.

## DE RECREATIONE VISVS.

Additio.

**F**ons, Speculum, Gramen, hæc dant oculis releuamen.

Manè igitur montes, sub serum inquirento fontes.

Tria hoc loco recensentur, quæ insita naturæ ui, & substantiæ quadam similitudine oculos recreant, & uisum maximè consolantur.

Primum, Fons: per quem quælibet pura & perspicua aqua, siue ea sit fontiu, siue fluuiorū, siue etiā puteorum intelligenda est. Hæc. n. ob cognitionem et similitudinē, quam cū oculis habet, uisum citra uolentiam congregans, ad naturam reducit & recreat. Το γὰρ κατὰ φύσιν αἰεὶ χερσὶ τῶν δμοίων, inquit Galenus aph. lib. 1. comment. 16. Oculi aut frigidi & humidi, perspicui atque omnium partium nitidissimi & pulchrè politè



liti sunt, perinde atq; aqua, quocirca ab eiusdem aspectu eos corroborari, simul ac refici consensu tantum est. Atq; hoc sanè consilio Aristoteles Alexandrum illum cognomento Magnum instituens; ei præcepisse uidetur, uti frequenter ac diutius aquam uiridem, claram, et perspicuam intueretur, oculosq; in ipsam submergeret: eiusq; rei testem habemus non contemnendum Ioānem Meuen in opere pratico de agritudinibus oculorum. Caterum si nulla fontium aut fluviorum inspicendorum facultas fuerit, oculis profectò ex aqua frigida, clara & perspicua in peluim uiridem infusa contuitu eadem accedet commoditas.

Secundum, Speculum, quod et ipsum utiq; oculorum aciem eadē ratione excitare putandū *Speculū.* est. Oculus nanq; levis est & lucidus, ac splendens instar speculi: quod tum experiētia inter omnes constat, tum à Plin. quoq; li. 11. ca. 37. ostenditur. Oculis, inquit, absoluta uis speculi, adeoq; ut tam parua illa pupilla totam imaginem reddat hominis. Ea causa est, ut pleraq; alitum ē manibus hominum oculos potissimū appetant, quòd effigiem suam in ijs cernentes, uelut ad cognata desideria sua tendunt. Causa etiam, cur speculi inspectione oculorum acies excitetur, adeoq; uisus substantia conferuetur, hæc adsignari potest, quòd radij in superficie speculi collecti, cum ob densitatem & duritiam eius ulterius procedere non possint, mis-



## DE CONSERVANDA

nimè dissoluantur ac dissipentur, ob aequalitatem lenitatemq; seruentur infracti, ob nitorem uerò augeantur, & multò, quàm prius erant, reddantur fortiores: quod nec ipsum sanè Aristoteles, Mesue referente, ignorauit, cùm eundem illum Alexandrum adhortaretur, uti se subinde ad tersum & directum speculum contueretur, & longiori deinde temporis spacio oculorum aciem in ipsum defigeret.

Conspici-  
lia uitrea

Vitrea quoq; uocata cōspicilia uisus substantiam conseruant, adeoq; præstant, ne oculi minoribus rebus contuendis uicti fatiscant, nè uis spiritus resoluantur. Atq; hinc certè gemmarum sculptores & aurifices subtiliter quidpiam ac ingeniosè sculpturi, eiusmodi utuntur conspicijs, aut sanè per uesticam extenui, puro atq; albo uetro conflatam, eamq; clara & perspicua aqua plenam, oculorū aciem rei scalpendæ intendūt. Cur uerò ita uisus non defatigetur, in causa est, quòd species de medio clariori, ad densius permeantes, maiores simul & crassiores appareant, adeoq; uisum conseruent.

Viridia.

Tertium, Gramen, per quod quarumlibet herbarū, frondiumq;, ac aliarū etiā rerum uirentium conuitus accipiendus est. Oculis enim iucundissimum spectrum uiriditas est. Atq; hinc sanè Aristoteles problemate 10. Sect. 31. quærit: Quamobrem, cùm ceteras intuemur res, conspe-  
ctus



Etus noster peius afficiatur atq; fatiscat, cum ad  
 uirides, & herbescentes inspicimus, ut olera, ce-  
 teraq; his similia, recreetur, meliorq; euadat?  
 An, inquit, conspectum in alba, nigraue intendere  
 minime possumus, propterea quod utrunq; id ge-  
 nus coloris uidendi uiribus officit: colores au-  
 tem illi, quibus oculi acquiescunt, medium albi, ni-  
 griue obtinent, itaq; aspectus cum mediocri le-  
 niq; obuio afficiatur, nihil debilitatur: imò uerò  
 corroboratur atq; reficitur. Hæc ille. Quan-  
 quam autem uiridia omnia, utpote temperatiss-  
 ma, uisum maxime colligant, atq; oculos reficiant,  
 inter ipsa tamen alia alijs efficaciora inueniun-  
 tur. Sic certè nullius aspectus Smaragdo iucun-  
 dior est. Quod Plinius lib. 37. cap. 5. disertè ijs si-  
 gnificauit uerbis. Herbas uirentes, inquit, fron-  
 desq; auidè spectamus, Smaragdos uerò tamò li-  
 bemus, quoniam nihil omnino uiridius compara-  
 tum illis uiret. Præterea soli gemmarum contuitu  
 oculos implent, nec satiant. Cum & ab intemione  
 alia obscurata, aspectu Smaragdi recreatur acie-  
 es. Scalpentibus gemmas non alia gratior ocu-  
 lis refectio est, ita uiridi lenitate lassitudinem  
 mulcent. Idem ferè libro 29. cap. 6. de scarabeo  
 uiridi scriptum reliquit. Scarabei, inquit, uiridis  
 natura, contuentium uisum exacuit. Itaq; gemma-  
 rum sculptores contuitu eorum acquiescunt.  
 Neq; obstat quod Galenus capite 2. & 6. lib. 1.



## DE CONSERVANDA

De Sympt. causis, ubi ex professo de ijs agit, quæ  
oculos aut molestant, aut tristant, & li. 10. ca. 2.  
De usu part. cœruleo & fusco recreandi & refi-  
ciendi uisus quàm maximā uim inesse scribit. Sunt  
enim & hi colores medij atq; temperati, adeoq;  
ob id oculis gratū & iucundū spectaculum præ-  
bent, uisumq; morbo affectū, aut fatigatum corri-  
gunt ac recreant: quod omnib. sanè coloribus ad  
mediū inclinantibus cōmune est. Hoc igitur pro-  
uidentes pictores, quādo in albis corijs, & consi-  
milibus rebus, quibus facilè uisus offenditur, pin-  
gunt, colores cœruleos ac fuscōs apponūt, in quos  
subinde intuentur, recreant oculos ac reficiunt.  
Atq; etiā ophthalmia laborantes lux quidem of-  
fendit, eosq; deprehendit. Fusca uerò ac cœrulea  
sine dolore intuentur. Quæ hætenus dicta sunt,  
ea omnia Marci. Ficini. li. 2. ca. 14. de producen-  
da uita. planius et dilucidius ijs uerbis expræsit.  
Causam, inquiens, perquiremus, ob quā color uiri-  
dis uisum præ cæteris foueat, salubriterq; dele-  
ctet. Inueniemus tandem naturā uisus esse lucidā  
ac lucis amicā, uolatilem tamen ac facilè dissipā-  
bilem. Idcirco dū per lucem se dilatat uelut ami-  
cam, interdū nimio lucis excessu rapitur pror-  
sus, et uehementi dilatatione dissoluitur: tenebras  
autem naturaliter uelut inimicas fugit, idcircoq; ra-  
dios in angustū inde retrahit. Optat uerò uisus  
ita perfrui lumine, ut per amicū hoc suū amplifi-  
cetur



cetur quidē, nec tamen interim dissipetur. Iam ue-  
 rò in quocunq; colore plus admodū tenebrarum,  
 siue nigredinis est, quā lucis, non dilatatur, nec  
 ideo delectatur radius uisus ad uotū. Vbi uicissim  
 plus admodum splendidi coloris est, quā nigri,  
 spargitur latius, noxia quadā uoluptate distra-  
 ctus. Quamobrem color uiridis, maximē omniū,  
 nigrum cum candido temperans præstat utrūq;  
 delectans pariter atq; conseruans, & molli insu-  
 per & adhuc tenera qualitate, sicut & aqua ra-  
 dijs oculorum absq; offensione resistit, ne abeun-  
 tes longius disperdātur. Quæ enim dura sunt si-  
 mul & aspera, frangunt quodam modo radios.  
 Quæ uerò rarissima sunt, dissolutioni aditum pa-  
 tes faciunt. Sed quæ soliditatem aliquam habent,  
 lenemq; simul æqualitatem, sicut specularia cor-  
 pora, nec ipsa quidem frangunt, neq; longius di-  
 sperdi permittunt. Quæ deniq; præter hæc bene-  
 ficia, tenera quoq; sunt & mollia, sicut aqua,  
 resq; uirides, liquidis oculorū radijs mollitia blā-  
 diuntur. Deniq; uisus radius quidam est in quadā  
 oculorum aqua naturaliter nobis accensus, ac tē-  
 peratum lumen in aqua quodammodo resistente  
 requirit. Itaq; gaudet aqua, delectatur speculis si-  
 milibus, uiridibus oblectatur. Hactenus ille. Ad-  
 dit Mesues, Exercitationem quoq; legendi scri-  
 pta maiusculis literis exarata, uisum corroborare,  
 adeoq; non parū ad tuendam oculorum sani-  
 tatem conducere.


Poste-



## DE CONSERVANDA

Posteriore uersu innuitur, Oculos matutino quidem tempore, montium, uespertino uerò, somnium collustratione recreandos & reficiendos: quorū ratio ex prædictis facile elici potest. Per montes porrò uiridaria, hoc est, loca herbis ac plantis uirentibus consita intelligenda sunt. De conferentibus uisui, plura infrà cap. 79. De nocentibus uerò cap. 78.

## DE DIVRNO SIVE MERIDIANO SOMNO. Cap. III.



**S**it breuis, aut nullus tibi somnus meridianus.  
Febris, pigrities, capitis dolor, atq; catarrhus,  
Hæc tibi proueniunt ex somno meridiano,

¶ Meid



BONA VALETVDINE.

Meid oder kütz den Mittag schlaff/  
Das feber vnd vnlust folgt im nach/  
Weetag des haupts/der schnup darzü/  
Siß bringt dir alle des Mittags rhü.

Quatuor diurni siue meridiani somni in-  
commoda hic referuntur.

Primum, febris, quæ dupliciter per somnum  
diurnum accendi potest: uno quidem modo in spi Febris  
ritibus, altero uerò in humoribus. In spiritibus causa.  
quidem, quia acres & fumosæ exhalationes, quæ  
uigilijs dispergi solent, somno diurno non modò  
retinentur, sed etiam augentur: ijs itaq; retentis,  
ac unà cum spiritibus permistis contingit, ut ca-  
lor inde extraneus collectus febrilis fiat: atq; hæc  
sanè febris, cum nihil stabile, nihil firmū habeat,  
sed uti celeriter generatur, ita soluitur etiā, & φε-  
μερæ Græcis, hoc est, diaria uocata est, quòd fe-  
rè diem non excedat. In humoribus autem, tum  
hæc iā dicta febris, ratione nimirum flatuum, quæ  
ex cruditate proueniunt, tum etiam putrida per  
somnum diurnū accenditur: quòd calore & spi-  
ritibus interdū ad exteriora protensis uirtus cō-  
coctrix debilitetur. Perfecta enim & absoluta  
concoctio fit, quando calor & spiritus cohiben-  
tur, & in profundū corporis secedunt. Ob eam  
nanq; motum calor naturalis incensus auctiorq;  
redditus, optimè cibos, non solum in uentriculo,  
herum etiam



## DE CONSERVANDA

acrum etiam per uniuersi corporis habitum conficit. Quod noctu potissimum fieri rationi consonum uidetur, etenim tunc calor propter circumstantem extrinsecus aëris frigiditatem, ad interiora refugiens, cibum facillimè mutat, cōcoquit, & in membra distribuit. Inter diu uerò contrà, ad exteriora eductus & expassus perfectam elaborationem non attingit: quare humorum cruditatem progignit, ex cruditate deinde oppilatio, ex oppilatione putredo nascitur, ex putredine tandem humarum ad cor effusum intium febris putrida accenditur, quemadmodum Auicenna 1. 4. tract. 2. cap. 1. copiosè docet.

**Pigrities** Secundum, pigrities, quæ & ipsa eodem ex fonte manat ac funditur. Ex crassa namq; & incocta materia in uentre uaporosi ac crassi exhalantur spiritus, qui ad caput elati, plus æquo cerebrum humectant: eo autem humectato, nerui quoque qui à cerebro propagati per corporis partes prorepunt, plurima humiditate opplentur: exuperantia præterea humiditatū, quæ ad musculos, tendines, & articulos confluere solet, tantum abest, ut somno diurno dissipetur, ut multo pertinacius etiam hærens augeatur. Necesse igitur est, ex eiusmodi subinde somno in omnibus motib. uoluntarijs pigritiam sequi, & ueluti in seipso dissolutum hominem apparere, quemadmodum disertè Galenus apho. libr. 3. comment. 5. ostendit.

Contrà



Contrà uerò, uigilia diurna hoc præcipuè nomi-  
ne commendantur, quòd non modò exuperan-  
tem cerebri humiditatem exiccant, adeoq; spiri-  
tus extenuent ac temperent, sed certè corpori si-  
mul atq; animo promptitudinem quandam & ro-  
bur ad solitos motus addant.

Tertium, Dolor capitis, qui & ipse ab ijs-  
dem mitijs proficiscitur. Ex cibo nanq; incocto  
in uentre uapores crassi excitati in caput ferun-  
tur, qui ibidem, ob dictas causas, retenti nimia hu-  
miditate, quam potius uigilijs exiccantibus absu-  
mere, conueniebat, cerebrum opplent, & ob e-  
am rem caput perturbant, eiusq; dolorem, graue-  
dinem, & frigidos morbos pariunt: paululum ue-  
rò inde moti, si ad cutem peruenerint, faciem uē-  
tiat o colore inficiunt. Materia enim praua exte-  
stente necesse est, quicquid inde defluit esse pra-  
uum. Quod Galenus apho. lib. 1. com. 14. ita seria-  
bens innuere uoluit. Oportet similē esse defluxiō  
subiectæ substantiæ: ut quādo humida atq; aërea  
substantia existit, tunc quod ab ea defluit, uapo-  
rosus est atq; suauis, &c.

Quartum, catarrhus: quo generatim  
hoc loco, tametsi minus propriè, omne gēu-  
ræ, hoc est, quilibet excrementitij humoris rhus.  
ex capite in subiectas partes descensus signi-  
ficatur. Qui iuxta partium, ad quas deflu-  
it, diuersitatem, diuersa quoque nomina  
sortitus

Dolor ca-  
pitis.

Catar-



## DE CONSERVANDA

sortitus est, quemadmodum Galenus li. 3. ca. 4. de Symptom. causis, Paulus lib. 3. cap. 28. & Aëtius lib. 8. cap. 53. disertè scribunt. Vbi enim ad os ac fauces, & mox ad stomachum siue gulam, atque inde in uentriculum defluxus coningit, simplici uocabulo Græcis κατὰ ῥῆσος, & contractè κατὰ ῥῆσος, Latinis destillatio dicitur. Dum ad nares decumbit, κόρυζα Græcis, Latinis grauedo uocatur. Vbi uerò ad palatum & asperam arteriam delabitur, ut etiam membranam interiorem, quæ hanc integit, exasperet, rauca uox efficitur, uocaturq; hoc malū Græcè βράρυς & Latinis raucitas, siue raucedo, id quod ex hisce etiam uersiculis, qui infra ca. 82. habentur, manifestò apparet:

Si fluat ad pectus, dicatur Rheuma Catarrhus,  
Si ad fauces, Branchus: si ad nares, esto Coryza.

Habet autem hoc incommodum eandem omnino cum precedentibus originem. Vapores enim & fumi, qui uigiliarum tempore per cutem resolui ac dissipari solent, somno diurno retenti, dum in caput impetum faciunt, cerebrum nimia humiditate replent. Caput igitur repletum, humores in subiecta refundens, ῥεῖμα progignit.

Præter hæc & alia nonnulla somni diurni mala Auicenna 3. 1. doc. 2. cap. 9. enumerat. Nam & frigidas atq; humidæ & gritudines, πᾶσα δὲ οὖς nimirum & defluxus ad articulos, ob retentionem



tionem humiditatum, quas uigiliae resolvere ac dissipare solent, nonnunquam procreat. Genuinum faciei colorem, uelut paulò antè etiam dictum est, corrumpit. In sanguine enim excrementitias atq; aqueas humiditates, lotio similes, multiplicat: quæ, cum suo tempore per uigilias non dissipentur, unà cum sanguine ad cutem expulsa, ipsam deprauant, adeoq; subtumidam & decoloratam reddunt. Induratum adhuc splenis affectionem gignit in corporibus promptè se habentibus ad incidendum in talem passionem. Crassus namq; & melancholicus humor, somno diurno in splene retentus, huic malo initium præbet. Quemadmodum enim uigilantia motum ac liberum crassi humoris transitum per angustos meatus, siue canales, solis calore uias aperiente, promouere, sic contra, eundem somnus, et præcipuè diurnus, transitu prohibere solet. Melancholia enim interdum nullo negotio per canales suos transit, & illæ cū primis, quæ excitandæ appetentiæ causa, à splene ad officium uentriculi meatus protèditur. Etenim splen recrementa & redūdantias suas per eum expellit, atq; eijcit, adeoq; ad cibos auiditatem reuocat. Quod interdum potius, quam nocturno tempore fieri par est. Quinetiam, ut idem autor tradit, ciborum appetentiæ diurno somno plurimum debilitatur & restinguitur, idq; partim ob prohibitionem resolutionis, quæ est prima causa famis, par-



## DE CONSERVANDA

tim uerò ob repletionem uentriculi ex fumis, uaporibus, & humiditatibus orificium eius relaxantibus ac saturantibus. His accedit nonnunquam *ὑπερσπύκτωρ*, siue abscessuum generatio: superfluitates namq; ex somno diurno multiplicatæ sæpius in membro aliquo coaceruantur, ipsumq; tumidum reddunt. Planè igitur ex his omnibus constat somnum diurnum, siue meridianum, à sanitatis tutela, procul abesse debere. Duas porrò causas, cur potissimum ledat, Paulus libro 1. cap. 97. & Auicenna 3. 1. doct. 2. ca. 9. assignant. Quarum prima quidem est, quod citò & ante horam suam interrumpatur. Calor enim natiuus per somnum ad partes interiores recedit, contrà uerò calor solis eundem ad membra exteriora, tanquam ad simile, educit atq; expandit: unde sanguinis & spirituum exagitationem, quæ somnum interrumpat, cieri necesse est. Consulitur ergo, si quando necessitas per id tempus dormire coegerit, ut in umbra & tenebroso loco, & antè potius, quam post cibum, hoc fiat. Secunda uerò, quod naturam stupidam, quasiq; perterritam reddat, adeò ut retrahatur ab eo, in quo erat, nimirum à ciborum concoctione. Tempus itaq; quo obdormiscum, ad absolutam ciborum concoctionem non sufficit: quo fit, ut à meridie resurgentes, subinde acidos ructus edant, & flatibus repleantur: nonnulli uerò fluctuatione uentris infestentur. Ceterum



terum optimus somnus est nocturnus, quoniam  
 nox naturali humiditate, silencioq; animum in  
 somnum deducens, absolutam molitur concoctio-  
 nem. Post somnum item nocturnum plurima  
 parte ad excretionem recrementorum instiga-  
 mur. Illud tamen ignorandum non est, quod  
 licet somnus diurnus in uniuersum reprobetur,  
 nocturnus uero, ut præstantissimus commende-  
 tur, ex diurno tamen minus offendat, si dormia-  
 tur, prima luce ad tertiam dici partem. Id quod  
 Hippocrates libro secundo prognostic. apho-  
 rismo 11. clarissimè ostendit. De somno, inquit,  
 quemadmodum secundum naturam nobis in con-  
 suetudine est, interdum uigilare, noctu dormire  
 conuenit: si tamen hoc transgressum fuerit, de-  
 terius est. Minimè uero nocebit, si dormiatur,  
 prima luce ad tertiam dici partem. Quam  
 sententiam Galenus explicans ita scriptum re-  
 liquit: Quod consuetum est, bonum est: Incon-  
 suetum uero malum est. At uero temporibus  
 Hippocratis non aliud fuit ex natura, aliud in  
 consuetudine. Nunc uero diuites è contrario  
 agunt, tum in quibusdam alijs, tum etiam in so-  
 mno, interdum dormientes, noctu uigilantes.

In his igitur, ut somnus minus ledere pos-  
 sit, quinque conditiones, Bertrutio autore, obser-  
 uande sunt. Prima, ut sit in consuetudine.  
 Ex multo enim tempore consueta, etiamsi dete-



## DE CONSERVANDA

rora fuerint, incōsuetis minus molestare solent,  
Aphor. 50. lib. 2. Secunda, ne statim à sumpto  
cibo ineatur. Tertia, ne depresso, sed erecto nō  
nihil & bene alto capite fiat. Quarta, ne modū  
excedat. Quinta, ne tumultuosa & subita ab  
ipso, sed lenis & modesta fiat expergesctio.  
Porro quod ab Hippocrate dictum est à prima lu-  
ce ad tertiam diei partem conuenire somnum, id  
spacium est ab ortu solis quatuor aut quinque ho-  
rarum. Nam dies significat spacium temporis,  
quo sol transit nostrum hemisphærium, ut etiam  
distinguitur contra noctem. Quemadmodū Chri-  
stophorus à Vega fustus in comment. declarat.

### Additio.

Tempus itaq; somni conuenientissimum est ue-  
spertinum, aut nocturnum. semperq; cauendum,  
ne statim à coena ineatur, sed unius minimum, aut  
duarum horarum interuallo discludatur. Inge-  
stus enim cibus, quem statim somnus excipit, in su-  
prema uentriculi parte supernatans, probè con-  
coqui non potest, Galeno lib. 5. ca. 5. de loc. affect.  
teste. Neq; enim uentriculus tum potest cibum ar-  
ctè complecti, quod idem lib. 3. ca. 4. de fac. nat.  
ad bonam concoctionem cum primis necessarium  
esse scribit: quare multos uapores, qui multitudi-  
ne sua caput repleant, gigni necesse est, ut rectissi-  
mè idem Galenus com. 67. apho. lib. 4. dixerit:  
A cibo ad somnum conuersis, hoc est, qui sumpto  
cibo



cibo statim dormiunt, impletur caput. Vt igitur huiusmodi periculum excludatur, lenta deambulatione, aut aliqua simili, leuissima tamen exercitatione corpus dimoueri opus est, priusquam somno indulgeatur, ut cibus in imum uentriculi paulatim descendat. Ibi enim, ut supra ex Galeno dictum est, concoctionis opus potissimum perficitur. Quo tempore etiam conuenit audire instrumenta musica, cantus, facetas, & historias iucundas, ac conferre sermones cum amiculis de rebus letioribus, donec cibus subsedisse uideatur. Cervicali utendum est satis elato & eminenti, ut quo ad eius fieri potest, erecto & bene alto capite dormiatur, ne cibus ad os uentriculi regurgitans concoctionem impediat. Hoc etiam modo cibus, qui ad plenum nondum subsedit, facilius ad inferiores uentriculi partes descendet, probiusq; concoquetur. Inter dormiendum corpus pro ambientis aeris constitutione decenter tegendum est, ne calore & spiritibus circa interiora detentis, externe corporis partes à frigore obledantur. Caput quoq; noctu conuenienti tegumento, quod  $\alpha\pi\upsilon\delta\omicron\chi\alpha\pi$  habeat, hoc est, foramen instar infumibuli eliciendis uaporibus aptum, operiendū est. Calceatis uerò siue uestitis pedibus dormiendum non est: Hoc enim, si quid Magnino excellentissimo medico credimus, uisum debilitat, memoriam ledit & totum corpus extraneo calore aestuare



## DE CONSERVANDA

facit, ob uaporum reflexum. Supra dextrum latus somnus inchoandus. Hoc enim modo cibus promptius ad uentriculum descendet. Nam & si gula exactè supra mediam ceruicis uertebrarum, & quatuor primarum thoracis sedem, in neutram partem inclinet, ad principium tamen quintæ thoracis uertebræ, ut ampliori magnæ arteriæ trunco secundum dorsi uertebras inferiora petenti cedat, nonnihil in dextrum latus à media uertebrarum regione abscedit. Deinde primo somno finito reuoluendum est corpus, supraq; sinistram redormiendum, quò scilicet à iecore uentriculo incumbente concoctio eius adiuuetur.

Hinc rursus post breue temporis interuallum in dextro latere ad consuetum surgendi tempus continuandus est. Pronus decubitus temperatis corporibus non conuenit: uentriculi enim contorsionem & repressionem facit, adeoq; oculos obledit: ita enim cubantibus superfluitates in oculos declinant, maximè si fuerint natura debiliores. Iis tamen quibus ingestus cibus tardius in uentriculo conficitur, interdum concedendus est, quòd calore naturalem arctius comprehendens retinere atq; augere possit. Supinus uerò grauissimis ægritudinibus, lepræ nimirum, mania, incubo, epilepsia, apoplexia, stupori, neruorumq; resolutioni, & similibus initia præbet. Nam ob superfluitatem ad posteriora fluorem non potest iusta per  
nares



nares & palatum earundem fieri expulsio. Plinius lib. 28. ca. 4. pronos decubitus tuſibus conducere, at ſupinos oculis tradit. Idē ex Theophrasto refert, celerius concoqui dextri lateris incubitu, difficilius à ſupinis. Duratio autem ſomni ex alimentorum perfectæ cōcoctione æſtimanda eſt, ita quidem, ut ſeptem horarum ſpacio non ſit minor, neq; octo, uel ad ſummum nouem excedat, ut colligitur ex Galeni de ſanitate tuenda lib. 6. ca. 6. Plura habentur apud Auicennam 3. 1. doct. 2. cap. 9. Magninum parte 3. cap. 7. & noſtræ ætatis doctiſſimum Medicæ artis ſcriptorem Leonhartum Fuchſium cap. 26. methodi perueniendi ad Medicinam. Ex ijs itaq; quæ conueniunt, in hunc locum ſtudioſi transferent.

DE FLATV IN ALVO

detento. Cap. IIII.

**Q**uatuor ex uento ueniunt in uentre retento;  
Spasmus, hydrops, colica, & uertigo;  
hoc res probat ipſa.

Wafferſucht/Erampff/leibes grimm/  
Zuch ſchwindel/machen verhaltne wind.

Hic agitur de quatuor nocumentis, quæ ex flatuum retentione proueniunt.



## DE CONSERVANDA

Primum est *πᾶσι μὲν* Græcè, Latinis conuulsio dicta. Flatus enim retenti influxu suo sæpe nervos plus iusto refarciunt: illis ita repletis, Galeno lib. 2. cap. 2. de sympt. causis, teste, tendi primum, ac deinde in conuulsionem incidere contingit. Ea porrò ibidem à Galeno in hunc modum definitur: Conuulsio malum est, quod nervos, musculosq; ad eundem cogit affectum, in quem ab animali facultate, quum naturalem habitum seruerent, ducebantur. Vel aliter, uelut idem apho. li. 6. comment. 39. definit. Conuulsio est passio inuoluntaria, in qua nervi atq; musculi præter uoluntatem conuellantur, in eumq; affectum ueniunt, quem etiam in motibus secundum arbitrium factis, assumebant. In hoc enim malo nervi atq; musculi in eas partes attrahuntur, quibus innascuntur. Attractio namq; fieri non potest, nisi musculus ad suam originem retrahatur.

Quod ad causas eius conuulsionis, quæ primigenia affectio est, attinet, animaduertendum est, Hippocratem aph. 39. lib. 6. duas dumtaxat statuisse, *πλήρωσις καὶ κενώσις*, hoc est, plenitudinem & inanitionem nervosorum corporum. In conuulsione siquidem à plenitudine membrum crassum & glutinosum humoribus impletum extenditur, et extensione conuellitur, quemadmodum lora & chordæ extenduntur, ubi multa madent humiditate, & hæc subito contingit. In ea uerò, quæ ab inanitione



in anitione proficiscitur, membrum exiccatur, & ad seipsum conuellitur, adeoq; secundum longitudinem ac latitudinem contractū diminuitur, quē admodum membranis accidit, cū igni apponuntur: & hæc sanè paulatim, & ex longiori temporis interuallo accidere solet. Plura Galenus locis iam citatis, & lib. 2. ca. 2. & lib. 3. ca. 5. & libro 6. cap. 5. de loc. affect. & lib. 8. cap. 3. de compos. medic. locat. & alibi sepius.

Secundum, ὕδρωψ, quod malum Latini Hy-  
in aquā intercutem nominant, & definitur à Ber drops.  
trutio Sect. 3. tract. 2. ca. 4. in hunc modum: Hydrops est morbus materialis, ex re frigida, extranea, plurima, ingrediente & membra omnia manifestè, aut loca uacua partium, in quibus cibi & humorum concoctio perficitur, inflante, procreatus. Eadem ferè habet Auicenna 13. 3. Trac. 4. ca. 4. uel aliter, sicuti ab Alexandro Tralliano lib. 9. ca. 1. definitur. Aqua intercutem, & ipsa longus quidam affectus est, iecore adco refrigerato proueniens, ut ipsum non amplius deinceps cibos in sanguinem, sed in aliā qualitatem, aut in aquā, aut pituitam, aut flatū transmutare possit. Quod certè & Galenus aphoris. lib. 6. comment. 12. ijs uerbis confirmat: Aqua intercutem fit, cū sanguinis generatio frustratur.

Et huius quidē cū tres sint species: una enim Græcis ὀκνίτης, alia τυμωανίτης, & tertia



## DE CONSERVANDA

ὑποσάρενα, σαρκίτης, ἔλκυκοφλεγματία  
 dicitur, non de omnibus promiscuè hoc secundum  
 nocumentum, sed de tympanite tantum intelligen-  
 dum est. Quæ quidem accidit, quum flatus ac spi-  
 ritus superuacui plurimus cum humidi momen-  
 to intra mēbranam, quæ ποδύτόναι & Græcè,  
 Arabibus uerò communi membranarum nomina  
 ziphac appellatur, ἔντῳ ἀβδὸμῳ, quod idem Mi-  
 rach nominant, colligitur. Stomacho namq; ἔντῳ  
 core frigida intemperie laborantibus, fieri non  
 potest, ut cibus ingestus in χυλὸν benignum aut  
 sanguinem mutetur, conuertitur ergo in materiã  
 flatulentam, quæ cum neq; per superiora ructu,  
 neq; per inferiora crepitu, nec aliunde, obstante  
 uiarum obstructione, uel sequestratrice ἔντῳ  
 pultrice superfluitatum ui debili existente, aut  
 inepto aliquo pudore prohibente expellatur, in  
 prædictis uentris locis colligitur, ἔντῳ  
 aquam in-  
 ter cutem contrahit, in qua abdomen percussum  
 tympani modo crepitum elidit, qua ratione etiam  
 Tympanites nuncupatur.

Colica  
 passio.

Tertium, Colica passio: quæ grauis quidam  
 ac uehementissimi doloris morbus est. Perinde  
 enim ac si terebro partes perforentur, aut palus  
 infixus sit, molestare solet, Galeno libro 2. c. a. 1.  
 de locis affect. teste. Contingit autem in pleni-  
 ore ἔντῳ laxiore intestino, quod κελὸν Græcè uo-  
 catur: cuius etiam merito uehementes cruciatus  
 inducit.



inducit. Densum enim, crassum, & neruosum est, ac nihil quod in illud confluit, facile discuti potest. Et quemadmodum in hoc κωλίκη ὁδὸν, ita in gracili ac superiore intestino, quod Galeno, Iulio Polluci, & alijs Græcis λεπτήν οὖρον vocatur, similis morbus existit, grauissimos & letales dolores inferens: Hippocrates in Aphorismis, & passim alijs in locis εἰλεον appellat, quemadmodum etiam Galenus ubiq; & potissimum libro sexto capite secundo de locis affect. à circumactione nimirum doloris. Quippe εἰλεῖν δαε circumagi, & conuolui significat. Ideo conuolulus etiam Latinis hoc malum nominatur. Rationi porrò consensaneum est, flatuosum & frigidum spiritum in dictis intestinis retentum, & egredi nequeuntem, hæc mala plurimum progignere, id quod Galenus etiam loco paulò amè citato monstrat.

Quartum, Vertigo: Flatuosus enim spiritus **Vertigo** inclusus ad cerebrum fertur, & in eius partibus inordinatè mouetur, quo fit, ut obtenebrationes hebetudinesq; oculis obuersionem, & omnia circumagi & rotari uideamur. His Auicenna 16. 3. tract. 4. cap. 29. Epilepsiam quoq; adiungit, cuius eadem omnino cum præcedenti ratio est. Porro quonam modo hæc retentio in singulis iam dictis locis malum ingeneret, pulcherrimè ex Galeni lib. 3. de Sympto. causis, cap. 1. demonstrari potest.



## DE CONSERVANDA

potest. Crepitus enim qui ad sedem defertur, ac uel in foro, uel alio quopiam loco existentibus, aut negotio aliquo, quod deferere non liceat, uiolemter retinetur, rursus sursum reducitur, uentremq; mordet, ac caput uaporando implet, principio quidem ab animali organo sphinctere, id est, musculo ad imum intestinum accepto: hinc uerò unoquoq; intestino retrò illum à se ad supra sepositum trudente, simili modo ac prius in præceps erudebat, atq; ita quidem hæc retentio, præsertim frequentior, longo temporis tractu prædicta mala excitat. Proinde rectissime ab Hippocrate lib. 2. prognost. apho. 24. in hunc modum scribitur: Flatum sanè sine sonitu aut crepitu exire optimum est. Melius autem est cum sonitu exire, quam reuolui. Hac etiam ratione inductus Claudius Cæsar, dicitur meditatæ edictum, quo ueniam daret, efflatum crepitumq; uentris in conuiuio emittendi, cum periclitatum quendam præ pudore ex cominentia reperisset. Autor Suetonius in eius uita ca. 32. Veteres enim, ut Plinius lib. 28. cap. 2. confirmat, per mensas, mundiciarum causa, deflare uetabant. Extat etiam lepidissimum Nicarchi εἰς πορδῆν Epigramma, quo pestiferam retenti flatus uim describit. Id est huius-  
**Γμο :**

πορδῆ ἀποκτείνει πολλὰς ἀλιέξοις ὁ δῖος  
 Πορδῆ δὲ σώζει τῶν αὐλοῦ ἰσθμῶν μέλ<sup>ος</sup>.  
 Οὐκ ὄν<sup>τι</sup>



BONA VALETVDINE. 23

Οὐκ ὄντ' ἐσώζει, τ' ἀποκτείνει πάλι πορδὴν,  
Τοῖς βασιλεὺς ἴσθ' πορδὴν ἔχει δ' ὕναμι;  
Quos uersus quoniam eleganter admodum Io-  
annes Lascaris Latinos fecit, placuit hīc adscri-  
bere.

Interimit crepitus uentris detentus in aluo,

Et seruat, blasum dum canit ille melos.

Ergo si perimit crepitus, seruatq; canendo,

Regibus imperium par habet hic crepitus.

Atq; hæc sanè cum ita se habeant, satius fuerit  
iuxta D. Erasmi Roterodami præscriptum, na-  
tura incitante, aut secedere, si liceat, aut deuora-  
to pudore, iuxta uetustissimum Prouerbiū, Tu sibi  
potius crepitum dissimulare, quàm comprimendo  
morbum accersere. Recteq; Stoici, quemadmodū  
Cicero lib. 9. epist. fami. epist. 22. scribit, crepitus  
aiunt æquè liberos, ac ructus esse oportere.

D E C O E N A.

Cap. V.

**E**X magna cœna, stomacho fit ma-  
xima pœna.

Vt sis nocte leuis, fit tibi cœna bre-  
uis.

Das abent praßen bschwert den magen/  
Jaß wenig/das kanstu leichter tragen.

Practi-



## DE CONSERVANDA



Præcipitur hoc loco sanitatis sue studio-  
 sis, ut instante somni tempore frugali cœna con-  
 tenti, uentriculum uario ciborum genere non di-  
 stendant, sed ea copia ingerant, quæ uires haud  
 grauet. Nam qui noctu multum ingerunt, primum  
 quidem somno destituti corporis inquietudine a-  
 gitamur: deinde uerò pustulas faciei, grauedinē  
 capitis, graue oleum oris, coli, calculiq; dolo-  
 res, & podagram sibi accersunt. Neq; solum im-  
 modica hæc sub noctem ingurgitatio bonæ uale-  
 tudini officit, sed aliàs etiam qualibet, at quæ  
 crudi-



cruditatem, inconcoctionemq; obstructions, putredines, febres, apostemata, & lepram haud raro generet. Atq; eius sanè rei grauißimus testis est Auicenna, qui 13.3. Tract. 1. cap. 36. scribit: Ex rebus uentriculum maximè ledemibus esse immoderatam cibi ac potus ingestionem, & ob id fieri non posse, ut intemperantium, uinosorumq; ac uentrigulaeq; deditorum corpora alantur atque augeant. Concoctio enim per uitæ intemperantiam impedita, necessariò humorum cruditatem efficit. Cruda uerò tantum abest, ut incrementum corpori sufficiant, ut omnino ne alere quidem possint: quo fit, ut per uitam uarijs etiam ægritudinibus confligentur. Qui uerò temperantes in uictus ratione frugalitatem sectantur, ij inculpatam usquequaque ciborum appetentiam conseruant, optimeq; non in uentriculo modò, uerum etiam per uniuersi corporis molem cibos conficiunt. Cauendum igitur unicè erit, ne uenter torqueatur, adeoq; ingestis distendatur, ut pulsus uelocior fiat, & uix spirare liceat. Cui enim ad istum modum uorare in delitijs est, uarijs sese periculis exponit. Simili modo & nauseosa satietas, non ex crassis & prauis solùm, sed etiam subtilibus, & boni succi alimemis, uitanda est. Hec enim tum febres acutas & malignas, tum etiam maximi cruciatus apostemata: illa uerò articu-  
lorum



## DE CONSERVANDA

lorum & renum dolores, podagram, asthma, hepatis atque lienis obstructionem ac σκίρρον, & ægri-  
tudines phlegmaticas & melancholicas inducere solet. Proinde optimo quidem iure non nocturna solum, sed quælibet etiam ad nauseam usque progrediens satietas, à sanitatis tutela excludenda est. Summo perè igitur hoc semper curandum, ne desiderium edendi penitus repleatur, sed locus aliquis uacuus, & edendi uoluptas uentriculo relinquatur. Quod Auicenna quoque 3. 1. doct. 2. cap. 7. præcipiens in hanc ferè sententiam scribit; *Cibo nemo ita replendus est, ut nihil loci sit reliquum, sed à mensa semper cum fame recedendum est.* Huic simile etià uulgo dicitur: *Nunquam adeò uentrem cibus expleo, quin apud amicos edendi cella mihi supersit uacua.* Et hoc præceptum eos cum primis tangit, qui natura uehementiorem ad cibos auaritatem consecuti sunt. Quibus uerò hæc debilior existit, ijs fortasse concedi potest, ut largius paulò ingerant, quàm appetunt. Apparandi autem, ex sententia Cornelij Celsi lib. 3. cap. 6. & Aëlij lib. 9. cap. 20. cibi plures & uarij ac optimo apparatu, & ultra dulcedinem etiam illicientes, & appetitum irritantes.

De cœnæ frugalitate nonnulla etiam suprà ca. 3.

Vsitata hoc loco & à multis agitata obortur questio: Vtrum uidelicet uberius quidè prandendum, parcius uerò cœnandum sit? Quæ sanè cum



cum ad hanc materiam propriè pertineat, prætereunda non est. Breuiter igitur hic subiungemus: primò quidem argumenta, quibus Conciliator plus cibi in prandio assumendum esse probat: deinde uerò Leonharti Fuchsi, quibus è diuerso colligit, cœnam ut plurimum prandio pleniorē esse debere. Conciliator igitur differentia. 121. in hunc ferè modum scribit: iuxta corporum diuersitatem maior, minorue cibi copia exhibēda est. Illa etenim aut iam in morbum lapsa sunt, aut sub latitudine sanitatis adhuc existunt. In morbum uerò lapsa, aut iunctum habent humoris uitium, aut non. Si sine humoris uitio fuerint, tum liberius est cœnandum. Natura enim in eis ciborum concoctioni solummodò, non etiam superfluitatum, quibus carent, maturationi intenta est: Sin uerò humoris uitium adiunctum habuerint, largius prandium concedendum est. Quod Auicenna 1. 3. Tract. 5. capite 11. ijs uerbis significare uoluit. Ille, inquit, cuius consuetudo non sustinet, ut solum semel in die reficiatur, diuidat cibum suū in tres partes: & sumat duas tertias in prandio, & reliquam tertiam, scilicet partem, in cœna post leue exercitium. Eo namq; tempore, quo calor solaris uiuificus naturæ in concoquendo debili opitulatur, & maior superfluitatum fit resolutio, uberior cibus sumendus est. Hoc autem circa horam prandij magis, quàm cœnæ contingere

D



## DE CONSERVANDA

solet. Ergo &c. Ad hæc interdiu ob præsentiam caloris vitalis solis & lucis, melior fit concoctio. Sol enim, Aristotele lib. 2. cap. 2. physicæ, & libro 2. ca. 10. de generat. & corrupt. teste, est vitæ principium. Concoctio itaq; diurna duplex habet calidum, nocturna uero non. In eiusmodi etiã natura noctu circa superfluatorum concoctionem magis occupata est, quare multi cibi exhibitione impedienda non est: Et quamuis calor noctu spirituum ad interiora retractione, et somni reductione in quibusdam confortetur, duo tamen simul, alimentum uidelicet, & superfluitates conficere non potest: in his itaq; cœnæ nonnihil subtrahendum est. Corporibus uero, quæ sub latitudine sanitatis adhuc robusta & sufficienter sana consistunt, ac sensibilibus superfluitatibus carent, cum eas proprijs meatibus omnes expellant, uberiore cœnâ uti expedit: uel quod eorum natura ciborum concoctioni tantum, non etiam superfluitatum, quibus carent, maturationi intenta sit, uel quod soli corporis robori studeant. Hoc autem noctu magis acquiritur, tum enim amplior fit & sanguificatio & distributio, atq; hinc deinde spirituum generatio. Corpora uero si à prædicto temperamento ac robore nonnihil recesserint, sicuti plurima in ægritudinem usq; nunc prolapsa, eiusmodi aut fatigantur exercitio laborioso, uehementi, & continuo, aut non. Si quidẽ fatigantur,

ut



ut sunt eorum qui uictum manibus quærunt, ipsi  
largius prandere quàm cœnare conuenit. Expeti-  
tur enim alimentum, non tantum ut nutriat, sed  
etiam humectet et irriget membra, ne arefiant ex  
forti motu, & ut resolutioni ex caloris incendio  
prouenienti resistat. In prandio igitur uberior  
cibus assumendus est: eiusmodi enim corpora,  
propterea quod ita consueuerint, ob exercitia à  
concoctionis opere non cessant. Vsus nanq; quem  
admodum Auicenna 3. 1. doc. 2. cap. 7. testatur,  
res est extra rationem. Calor enim ex motu au-  
ctior redditus, concoctionem in ipsis accelerat.  
Quare ter in die illiciente appetentia cibum in-  
gerunt, & ingestum probè conficiunt. Sin uerò  
laborioso, uehementi, & cōtinuo exercitio, quem  
admodum prædicti, non agitentur: hoc in præsen-  
tiarum dupliciter contingit. Aut enim eo interdū  
solummodò, & non continuo fatigamur, aut de-  
bili tantum utuntur, quod utiq; superfluitatū co-  
piam parit. Si exercitio plurimo, uehementi, ac  
laborioso utantur, sicuti uiri complures ciuiles  
& plebei circa fortune bona negotiantes, aut sa-  
nitatis conseruationi intenti, uehementi nonnun-  
quam & laborioso exercitio, diu nimirum equi-  
tando, iter pedibus faciendo, uel aliud quiddam à  
consuetis fortius agendo, fatigantur, his largiori  
utiq; cœna, quàm prandio indulgendum est.

Nam si prandium augerent, cum, sicuti priores



## DE CONSERVANDA

illi consueti nō sint exercitio adeo uehementi de laborioso agitari, concoctio ipsorum impedita, prauos humores generaret: horum etiam calor superfluo motu dissipatus debilitatur, cuius quidem circa interiora aggregatio potissima fortitudinis & concoctionis causa existit. Hæc autem noctu magis quam interdiu contingit, quare cœna instante nocte copiosius alimentum expetit. Eorundem etiam corpora, propterea quod tam uehementi motu antè agitari minimè soleant, humiditatibus referta sunt, ipsis itaq; ad resistendū resolutioni & exiccationi, quæ per motum interdiu occurrentem fiunt, paruus cibus sufficit. Si uerò exercitijs & occupationibus paucis & leuibus in uita utamur, præcipiendum est eis, ut uberius prandeant, quam cœnent. Et ratio eius eadem est cum illa, quæ in corporibus nunc ægrotaantibus adducta est. Hi namq; cum debilem habeant uirtutem concoctricem, à calore uiuifico & luce solis plurimum adiuuenti percipiunt. Inde enim spiritus propter suum simile confortatur. Ipse enim, ut testis est Auicenna in libro de uiribus cordis, trac. 1. cap. 2. & lib. 6. naturalium par. 4. est lux, aut effigiem habet lucis. Adiuuentum etiam ex eo percipiunt, quod superfluitates interdiu poris apertis melius quam noctu expellantur. Non oportet præterea eos noctu uel ob id multo cibo distendi, quod tum natura magis occupetur  
circa



*circa concoctionem crudorum humorum, quos  
 Somnus maximè conficit & benignos reddit. Li-  
 cet enim uirtus concoctrix noctu confortetur,  
 tanta tamen esse non potest, ut simul & cibū &  
 superfluitates superare queat. Insuper quoque  
 animaduertendum est, in exhibitione copiosioris  
 aut minoris cibi in prandio, quàm cœna, nonnihil  
 etiam dandum esse consuetudini. Hæc enim cū  
 in tuenda sanitate, tum etiam in profligandis æ-  
 gritudinibus, plurimum ualet, Hippocrate lib. 2.  
 de uict. rat. in morbis acut. aphor. 20. & sequenti-  
 bus, & ibidem Galeno, testibus. Quod uel ex eo  
 ostenditur, quòd omnis subita mutatio, si modum  
 excesserit, non paruam lesionem afferat. Hinc  
 non temerè Damascenus aphor. 57. ita scriptum  
 reliquit: Mutare consuetudinem, præsertim ue-  
 terem, & noxium & pestilentiſſimum habetur.  
 Quare malas & prauas consuetudines corrige-  
 re oportet, sed paulatim ac sensim ad meliora  
 transferre. Neq; enim natura patitur eas, quæ su-  
 bitò fiunt alterationes. Galen. cap. 16. artis me-  
 dicinalis. Plura Rhazes lib. 4. cap. 10. ad Alman.  
 & infra cap. 55. Et sic in uniuersum patet, largi-  
 us prandendum, quàm cœnandum, cū plurimæ  
 ægritudines sint materiales, & corpora pluri-  
 ma lapsa. Attamen si semel tantum in die comeda-  
 tur, melius est cœnare, nisi oculi aut cerebrum  
 affecta sint: tunc enim Hali abbate 1. pract. 13.*



## DE CONSERVANDA

teſte, melius eſt prandere: aliàs non parum agrotantis oculi & cerebrum laderentur. Exigua nanq; cœna capiti confert & oculis, Manardo libro 6. epist. 4. teſte. Haſtenus ex Conciliatore ad ducta, medici excellentiſſimi, Odus de Odis patavinus duobus libris de cœnæ et prandiij portione, Hieronymus Cardanus libr. 1. Contradicentium trac. 5. contradic. 18. & Leonhartus Fuchſius libro 2. paradox. cap. 21. magna ex parte falſa eſſe firmiſſimis rationibus conuincunt. Ex quibus Leonharti Fuchſij rationes hîc in oppoſitum ſubiungere placuit, ut ſanitatî ſuæ ſtudioſis planè cõſtaret, quid in re tam perplexa aut fugere, aut ſequi debeant. Nemo eſt, inquit ille, qui hodie mendendi methodum præſcribentium libros uel à limine ſalutauit, qui neſciat uulgatum atq; tritum hoc illis eſſe decretum, ut nunquam non prandio cœna minor ſit. Quantum uerò aberrant, ſacile deprehendet, qui rem altius expendet. Cœnam enim in omnibus, demptis ijs, qui morbis nocturnis & catarrhis ſeu deſtillationibus affliguntur, prandio pleniorẽ eſſe conuenit. Qui enim iam nominatis corripuntur morbis, horum cœna omnino modica ſit, tenuis, ſicca, ac præter aliorum morem, noctemq; præueniens oportet, ut ingruentibus ſcilicet morbis, natura ab omnibus alijs munijs libera, unius morbi concoctioni operam nauare queat. Sunt



Et qui consueuerunt minus in cœna ciborum assumere, quàm in prandio, horum certè consuetudo non temerè etiam immutanda erit. Quæ enim ex longo tempore consueta sunt, ut ait Hippocrates 2. Aphorism. 50. Et si deteriora sint insuetis, minus molestare solent. Cur autem in alijs omnibus plenior cœna salubrior sit, multa in causa sunt. Primum autem omnium noctis mox accedens frigiditas, quæ extrinsecus circumstans calorem natium in profundum secedere, Et hoc nomine fortio-rem fieri cogit, ita ut necessariò ciborum tum melior fiat concoctio. Et certè idem potest noctis frigiditas, quod aliàs anni tempus hybernum, aut regio frigida potest. Horum enim unumquodque calorem natium adaugere potis est. Testis Hippocrates, qui libro 6. epidem. Tom. 6. aphorism. 6. sic inquit: Perfrigidior in tempore Et regione frigidis, percalidior erit. In 1. apho. 15. quoque uenires hyeme Et uere natura calidissimos esse asserit. Deinceps est somnus, qui cœnam subsequitur: hic enim mirum in modum concoctionem adiuuat. Sanguis enim in somno ad interiora magis refugit, ut testatur Hippocrates 6. epidem. Tom. 5. aphorism. 29. Cum itaque sanguis, cumque eo calor natius per somnum ad interiora secedat, quid mirum si calor auctus fortio-rem ciborum coctionem efficiat? Hinc rectissimè



## DE CONSERVANDA

Hippoc. lib. 6. epidem. Tom 5. apho. 10. dixit: Labor articulis & carnibus, cibus uerò ac somnus uisceribus prodest. Somnum quoq; optimè cibum concoquere testatur Galenus li. 1. de sympto. causis cap. 8. ita scribens: Itaq; toto hoc tempore, quo quis dormit, animalis facultas quiescere, naturalis uerò ualidius agere uidetur. Cuius rei cōiecturam ex eo facies, tum quòd ipsa, si quando laborauerit, post somnum robustior euadit, idq; maxime, cum à modico cibo somnum admittimus, tū etiam, quòd per somnum cibus optimè concoquitur, non solum in uentriculo, uerum etiam per uniuersi corporis habitum. Cui subscribit quoq; Paulus Aegineta libr. 1. cap. 97. dicens: Somnus est animalium facultatum quies, ab utili humore cerebri madefaciente proueniens, hunc qui ritè capeßit, multa consequitur cōmoda. Cibus enim conficit, humores digerit. Quòd autem hac ratione plenior coena esse debeat, testatur Galenus, uel quisquis tandem eius libri autor fuit, in libro de dissolutione continua, in hanc sententiam scribens: Antiqui coenam prandio præferbant, præcipientes plus ciborum in coena sumendum esse, ob caloris circa interiora aggregationem noctis frigidityte, & per somnum factam, calor nanque in somno ad interiora corporis reuocatur, eademq; calefacit, perinde ut in uigilia contrarium planè accidit. Id quod Hippocrates etiā epid. 6.

Tom.



BONA VALETVDINE. 29

Tom. 4. apho. 12. ijs uerbis indicauit: Planè uigilans calidior circa exteriora, frigidior uerò circa interiora. Dormiens contrà. Sed hìc reclamabunt quidam, plenoremq; coenam ideo damnabunt, quòd pleno uentre ingrata sit quies, atque adeò somnus minus conueniens. His ita responsum uolo. Nemo est tam sine sensu communi, qui nesciat inter coenam & somnum aliquid temporis interuenire debere, neq; quemadmodū in brutis, nullam aliam nisi uorandi ac mox dormiendi uicissitudinem esse, quum omnium Medicorum consensu consultum sit, quo aut hora, aut ampliùs intersit. Neq; etiam est, ut pleniorē coenam quis eam esse putet, qua multa ingeruntur tanta uoracitate, ut uix spirare liceat, & periculū sit, ne uel crepent, qui ita sese replent, sed frugalem potius, talem tamen in qua plus, quàm in prandio absumitur ciborum. Quòd si tamen hìc peccatū fuerit, melius certè in coena, quàm in prandio fertur, quòd somnus post coenam non diu subsequēs facilius delictum quàm uigilia, quæ prandium cōcomitatur, corrigat. In somno enim, ut diximus, calor interiora petit, & quæ illic sunt, cibis concoquendis solis uacat. Interdiu uerò ad exteriora protrahitur, neq; ijs, quæ intus sunt, prospicere potest, adeò ut uerissimè dixerit Hippocrates 2. uictus acutorum 59. Vigilia uehemens crudelitatem incoctionemq; ciborū tum potionis efficit.



## DE CONSERVANDA

Porro cur cœnam prandio plenior esse oporteat, & hæc ratio est, quod rara admodum existat corporis facultas, quæ paulò liberalius prandium, spacio uel quinq; uel sex horarum, quod ferè inter prandium & cœnam interest, conficere possit. Quantum autem incommodi adfert, si quis nondum planè concocto eo, quod prius ingestum fuit, aliud ingerit? morbum nimirum facit. Vbi enim cibus præter naturam plus ingestus est, ut ait Hippocrates lib. 2. aphor. 17. hic morbum facit. Et si quis denuò obiecerit, Vt cunq; somnum à cœna differamus, tamen quando fieri non possit, quin ad somnum conuersis, quod materia tum ad interiora tendat, caput impleatur, huic Galenus quidem respondebit, qui lib. 4. aphor. 67. ita scribit: Et quidem sicuti à cibo ad somnum conuersis impletur caput, sic in plethoricis dispositionibus somni ipsum replentes aggrauant cerebrū. Et somni uidelicet semper nocerent, quatenus ad profundum & uiscera materia confluit, nisi coctionis ratione plus afferrent utilitatis, quàm sit damnum, quod ex motu ad interiora consequitur. Et hæc ad uulgarem multisq; communem errorem explodendum sufficiant.

## DE DISPOSITIONE ANTE

cibi sumptionem, edendi item atq; ciborum ratione. Cap. VI.

Tu





**T**V nunquam comedas, stomachū  
ni noueris esse

Purgatum, uacuumq; cibo, quem sum-  
pseris antè.

Ex desiderio id poteris cognoscere cer-  
to,

Hæc sint signa tibi, subtilis in ore dia-  
ta.

Nim nicht zu dir new schnabelweid/  
Du habst dann vor die alt verdewt.

*Sas*



## DE CONSERVANDA

Das würdestu mercken selbs an dir/  
Aus dünnem speichl vnd effens bgir.

*Hic traduntur praecepta quaedam ante cibi sumptionem seruanda.*

*Primum, ne sumatur cibus, cum uenter quibusdam humoribus uitiosis adhuc plenus extiterit. Corrumpitur enim simul alimentum, quod insuper ingeritur, una cum prauis humoribus, qui prius sunt in corpore, ita ut ipsorum quidem quantitas augeatur, qualitas uero seruetur. Eos igitur, ut lib. 6. ca. 9. de sanitate tuenda, Galenus auctor est, uomitione, in ijs, qui suapte natura facile uomere possunt, expellere prius, quam cibus ingeratur, oportet. Impura namque corpora, et uitiosis humoribus referta, uacuatione potius, quam ea, quae per cibos fit, refectione egere, testatur cum primis Hippocrates aph. 8. et 10. li. 2. et ibidem Galenus in comment. Venter uero uitiosis humoribus esse plenus, è sudoribus et ructibus deprehendi potest, quemadmodum copiosus admodum Galenus lib. 1. cap. 4. de loc. affec. docet, ad quem sanè lectorem nunc ablegamus.*

*Secundum, ne priore cibo nondum concocto, necdum in aluum demisso, alius sumatur: qui enim eo modo supereditur, naturam à prius ingesta concoctione deturbat, quo fit, ut quicquid eius cōfēctū ex uentre à uenis meseraicis in hepar deducitur,*



tur, reliqua statim omnia etiam inconcocta secū  
in corruptionem trahat, adeoq; tū uasa ipsa, tum  
totum corporis habitum cruditatibus, & uitioso  
rum humorū multitudine repleat, ac ob id ipsum  
morbis non rarò tenet. Proinde rectissimè Gale  
nus lib. 7. cap. 6. meth. meden. præcipit, ut uacuus  
purusq; uenterculus secundum cibum excipiat.

Quinetiam Auicenna 3. 1. doct. 2. ca. 7. idem præ  
scribens, ita ferè inquit: Nemo sanitatis suæ stu  
diosus aliquid comedat, nisi ad hoc certo prius in  
uitante desiderio, et uentriculo unà cum reliquis  
superioribus intestinis à præsumpto cibo uacua  
tis. Priore enim cibo nondum concocto, alium in  
super ingerere, corpori perniciosum est. Porrò  
ex ructu nullam alimenti prioris qualitatem refe  
rente, uentriculi tumore iam submisso, recremen  
torum deiectione, & urinarum coloratione lice  
bit conijcere, num prior cibus ad unguem confe  
ctus, ac in aluum demissus sit, quemadmodum Ga  
lenus lib. 7. cap. 6. meth. meden. & post eum Pau  
lus lib. 1. cap. 97. luculenter & perspicuè docue  
runt. Vrina enim quæ aquæ speciem præ se fert,  
crudum adhuc in uenis succum esse indicat eum,  
qui à uentre submittitur. Quæ uerò fulua bilio  
saq; est, iam dudum concoctum esse huiusmodi suc  
cum portendit. Quæ modicè pallet, peractæ mo  
dò secundæ concoctionis est signum, quemadmo  
dum eleganter Galenus li. 2. de sanit. tuen. ca. 4.

Cornelius



## DE CONSERVANDA

Cornelius Celsus lib. 1. cap. 2. & Plinius lib. 28. capite 6. docuerunt. Imperfectæ autem concoctionis, ut testis est 6. sectio. apho. comment. 1. Galenus, acidus ructus certum indicium est. Signa etiam, quibus certò comprehendi possit, utrum à vitiosis illis humoribus, ac prius ingesto cibo vacuus sit uenter, nec ne, & hic subiunguntur.

Primum, desiderium certum, hoc est, uehementior, & uera noui alimenti appetentia, siue fames. Nam de Medicorum ferè omnium sententia duplex fames est: una quidem uera & naturalis: altera uerò mendosa. Veram describit Galenus apho. lib. 2. comment. 16. sic inquit: Famescere illos dicimus, qui ob ciborum inopiam ad extremam esuritionem perueniunt. Idem libro 1. cap. 7. de causis sympto. disertè admodum & copiosè harum appetentiarum rationem & diuersitatem describit, quem locum, utpote scitu dignissimum, hic integrum subijcere placuit. Nam quoniam, inquit, cutètenus unumquodq; animal in ambientem aërem digeritur, accidit, ut membra, quæ sub ea sunt, prima uacuentur: quorum ingenta uis ex proximis sibi alimentum trahit, id scilicet, quod uacuatur, reficiens: deinde rursus illa, ex ijs, quæ sibi sunt proxima: sicut quæ tertio loco sunt posita, ab ijs, quæ sibi. Atque ita semper per continuum, ueluti in choro quopiam translatione celerrimè facta, ad uenas, quæ ad

HENRICUS



ventriculū pertinent, uacuatio peruenit: Hæ  
 uerò & solent pariter, & natæ sunt ex uentri-  
 culo nutrimentum trahere, perinde ut stirpiū ra-  
 dices, quæ in terram sunt demissæ, ab ea. Cū e-  
 nim hoc opus uniuersum naturale sit, non anima-  
 le, similiter in stirpibus, & animalibus perfici-  
 tur. At in stirpibus quidem, terra perpetuò  
 paratum, largumq; alimentum rigantis ritus  
 subministrat: quamdiu coelitus temporum sta-  
 tus pro natura se habet. Quando si ex terra  
 squaloris excessu siccatus est humor, stirpes nu-  
 trimenti penuria marcescunt. Animalibus autem  
 utpote terræ non affixis, præter utiq; pauca  
 quædam, natura uentrem pro nutrimenti uelut  
 penu fabricauit, quemadmodum stirpibus ter-  
 ram. Dedit autem animalibus & penuriæ sen-  
 sum: quos scilicet ad cibum potionemq; proritata,  
 in tempore expleantur. Vocaturq; eiusmodi im-  
 plendi desiderium appetentia: Fit autem ex pe-  
 nuria sensu, cū scilicet uenæ ex ipso uentricu-  
 lo, ueluti emulgentes sugentesq; aliquid trahūt.  
 Non ferens autem eum suctum uentriculus, sed ue-  
 luti diuulsus, offensæ eius medelam cibum compa-  
 rat. Quippe uenæ hoc pacto ad obiectos cibos cō-  
 uertuntur: Atq; ex ijs nutrimentum trahunt, ne-  
 quaquam ex uentriculo. Fitq; post cibi sumptio-  
 nem, ut & uenæ simul ad cibos se conuertant, et  
 uentriculus ex ijs, quantum prius per uenas est  
 exhau-



## DE CONSERVANDA

exhaustum, in seipsum trahat. Ac suetus quidem  
 ipsius sensus, fames est. Hæc Galenus. Cum igitur  
 uenter non appetit, signum est, membra non  
 dum refectione indigere, sed satis adhuc alimen-  
 torum in promptu habere. Quod certè & ipsum  
 Galenus lib. 3. cap. 13. de facult. natural. innuere  
 uoluit, inquiens: Venter si melius paratiusq; nu-  
 trimentum habet, externum non postulat. Cibi  
 igitur exhibitio diutius adhuc differenda est:  
 nam quicquid tum ingeritur, grauat naturā, non  
 iuuat. Porrò mendosa fames, est cibi appetentia  
 corpore non indigente. Quæ quidem, ut idem Ga-  
 lenus libr. 1. cap. 7. de causis sympto. docet, tum  
 maximè fieri solet, cum acidus quispiam uitiosus  
 succus uentriculū mordet. Vitiosus nanq; succus,  
 qui frigidus est, similem suctui morsum infert: ap-  
 petentiam uerò proritat, naturalis affectus simi-  
 litudine. Alimenti autem, non potus desiderium  
 excitat propter frigus. At uitioso succo, qui sal-  
 sus & biliosus sit, uentrem mordente, potio ma-  
 gis, quàm cibus expetitur. Præterquā enim quòd  
 calefiat, sicceturq; ab eo uenter, quæ utique  
 sitis causa sunt, etiam liquari fundiq; tum in eo,  
 tum uenis succos contingit. Fundendorum autem  
 succorum symptoma, ea quibus continemur im-  
 plet, quemadmodum frigiditas uacuat. itaq; etiā  
 non parum ad esuriem frigiditas eorum, quæ in  
 uentre habentur, confert. Cum & corpora eorū  
 tumcasq;



tunicasq; uacuet, et cogendo constringendoq; ad appetentiam irruet. Atq; ita quidem uitiosus succus acidus, stypticus, & frigidus mendosæ famis existit causa.

Secundum ueræ famis signum, est subtilis diæta, uidelicet præcedens, hoc est, parua cibi exhibitio: quando enim & hanc famem sequitur, tunc illam & ueram & naturalem esse significatur. Vnicè igitur semper cauendum, ut nunquam neq; prandeatur, neq; cœnetur, nisi consueta hora, ac illiciente prius appetitu, nec eo cibum exigente differatur. Omnis enim mora illi nociua est, nisi suspectus sit esse mendosus, qualis ebriorum & fastidio laborantium esse solet: Nam si uentriculus alimentum postulat, ut Galenus lib. 3. cap. 13. de facul. natural. autor est, nec eius copia est, excrementis impletur. Ea sunt sanies quædam biliosa, pituitosaq; atq; serosa, quas solas trahenti illi, tum scilicet, cum nutrimento indiget, iecur remittit. Hinc non temerè hætenus hoc usurpatum est. Diutius tolerare famem, uentriculum malis ac putridis replet humoribus, quos attrahit ad se loco cibi. Et hoc quidem experientia constat. Quando enim ieiunamus, tunc per noctem auiditate quadam ad cibos inuitari solemus, sed illis denegatis, nullam omnino appetentiam postero die percipimus. Vnde satis liquet, uentriculum, & maximè orificium eius, iam dudum uitiosis humoribus esse



## DE CONSERVANDA

plenum, quæ tamen non uera, sed mendosa repletio est, & ob id paucò assumpto cibo regreditur statim appetentia. Cauendum etiam ne cibus assumatur, non præeunte corporis exercitio.

Neq; enim temerè ab Hippocrate 6. epid. part. 4. apho. 28. dictum est,  $\pi \acute{o} \nu \omicron \iota \sigma \iota \tau \iota \omega \rho \eta \gamma \epsilon \acute{\iota} \delta \omega \sigma \alpha \mu \iota$ . i. Labores cibos præcedant. Nam qui cibus manè, antequam prior descenderit, uel paulò ante exercitationem ingeritur, is Galeno libro 3. cap. 1. de causis sympto. teste, & intempestiuè sumitur, & cruditatis etiam causa existit. In ciborum prætere ratione, quemadmodum capite 24. method. perueniendi ad medic. Leonhartus Fuchsius diligenter admonet, id quoq; unicè obseruandum, ne illi præpostero ordine ingerantur, id quod fiet, si concoctu facilia ijs, quæ difficulter concoquuntur, præmittantur, & si liquida solidis & aridis, & lubricantia astringentibus antecedant. Ordo, uerbi gratia, præposterus erit, si cotonea aut punica mala primum ingerantur, postremum autem olera ex garo. Debent etiam ea præmitti, quæ facilè & nullo fermè labore subsidunt, ut sunt liquida: quæ uerò tenacius hærent, & difficulter labuntur, ut solida & arida, postremò: idq; si uenter naturaliter se habeat. Nam si cui uenter sit natura laxior, huic præstiterit adstringentia magis laxantibus præposuisse, quò ab illis roboratus uenter, reliqua melius conficere



ficere possit. Hæc eadem ferè docem Cornelius Celsus libro 1. capite 2. & Galenus libro 2. capite 11. de alimentorum facultatibus. Iam uerò cautio etiam sit, ne in una eademq; refectione multi simul & uarij assumantur cibi, ac tempus deinde comedendo ultra quàm satis est producat, præsertim si ex diuersis illi constent facultatibus. Ex eo autem genere cum primis fuerint cibi uariæ substantiæ, ut exempli causa ab Auicenna ponuntur, carnes & pisces, uel pulli & suilla &c. Nā quæ ad istum ingeruntur modum, uariè corpus pro succorum diuersitate afficiunt, & concoctionem non, ut par est, sortiumur. Postremo enim accedente cibo, iam primi incepta concoctio est, atq; ita partes quidem in coquendo redduntur dissimiles, adeò, ut primo loco ingestæ, confectæ ferè sint prius, quàm ad extremum sumptæ, medium concoctionis suæ attingant, unde sæpenumero postèrius coquendorum sequitur corruptio. Id quidem Auicenna quoq; innuere uoluit, 3. 1. doc. 2. capite 7. in hanc ferè sententiam scribens: Nihil quidem deterius est, quàm si multa simul ac uaria ciborum genera coniungantur, atq; iusto longius deinde in comedendo tempus protrahatur: cum enim postremum accedit nutrimentum, primum iam aliquo modo confectum est, partes ergo in coquendo non adsimulantur. Atq; inde sanè morborum scaturigo, qui ex repugnantium



## DE CONSERVANDA

sibi humorum discordia nascuntur. iam ipsius quoque uarius coquendi modus bonæ corporis temperaturæ non parum officit: ut si in eadem refectioe multi elixi, frixi, & assi cibi sæpius in uicem modò liquidi, modò solidi & aridi ministrantur. Atque hinc est, quòd Horatius li. 2. Serm. Sat. 2. ubi uictum frugalem ac simplicem pro dignitate laudasset, hanc saporum cōdimentorumque aceruatiōem, ut perniciosam, his uersibus detestatus sit:

Accipe nunc uictus tenuis quæ, quantaque secum  
Adferat, in primis ualeas bene, nam uariæ res  
Ut noceant homini, credas, memor illius escæ,  
Quæ simplex olim tibi sederit. ac simul assis  
Miscueris elixa, simul conchylia turdis,  
Dulcia se in bilem uertent, stomachoque tumultu  
Lenta feret pituita, uides, ut pallidus omnis  
Coena desurgat dubia: quin corpus onustum  
Hesternis uitijs animum quoque prægrauat una,  
Atque affigit humo diuinæ particulam auræ.

Pari modo & Plinius libro 11. cap. 52. hanc saporum aceruatiōem damnavit. Homini, inquit, cibus utilissimus simplex. Aceruatio saporum pestifera, & condimenta perniciosiora. Atqui hic nobis fortasse obtrudet quispiam, plerosque uentri & gulæ mirificè deditos, qui sese à primo statim diluculo ad summam usque noctem multo uarioque cibo & potu non impleant solum, sed etiam distendant,



stendant, adeoq; cibum cibo excipiant, et toti sint in compotationibus, cum nihil tamen inde mali percipiant, imò uerò multis incommodis difficultatibusq; afficiantur, si uel minimum ab ista consuetudine deflexerint. Huic Galenus quidem respondet, qui in lib. de cibis boni & mali succi cap. 21. ita scriptum reliquit: Hæc enim quamuis protinus nullam iuuenum corporibus sensibilem læsionem inferant, sensim tamen occulteq; crescente uitio, cum iam ætas progressu temporis inclinaret, articulos nervosq;, & uiscera ijs morbis uexant, qui uel difficulter ad modum, uel omnino tolli non possunt, neq; id quidem temerè: nanq; ea pars corporis, quæ natura imbecillissima est, à lædente quolibet patitur. Quòd autem uitiosi humores morbiq; gignantur, cruditas assidua in causa maximè, siue ea ex boni, siue ex mali succi oriatur cibis. Quin Auicenna quoq; 3. 1. doc. 2. cap. 7. idem confirmans sic fermè inquit: Ille, cui mala nutrimenta concoquuntur, non gaudeat ex hoc. Noxa enim etsi ad tempus fortassè delitescit, temporis tamen successu sese exerit, & grauissimam certissimamq; neglectæ artis medicæ pœnam adfert. Atq; hinc adeò pauci eorum, qui istum uiuendi modum sectantur, destinatam senectutis metam coningunt, sed crudis ex intemperantia accruatis succis podagra, calculo, lepra, carcinoma, febribus, alijsq; id genus malis prius torti, ui-



## DE CONSERVANDA

tam cum morte commutant. Præstat igitur, ut disertè à Fuchſio nostro scribitur, temperantia et parcitate animum corpusq; uegetum ac sanum seruare, quàm crapula crebrisq; compotationibus, & immoderatione infirmū, morbosum, deoq; & hominibus odiosum reddere. Ac ne illud quidē silentio prætereundum hoc loco, quòd protracta ad unam ferè horam mora, ac iustæ commanducationis & deglutitionis gratia comestioni interposita, non laudabilis modò, sed ad tuendam etiā ualetudinem utilissima censeatur. Cibus enim qui exactè demibus manditur, extenuatur, & molitur, ac sensim deinde atq; tardè deglutitur, & si imperfectam ac modicā omnino, aliquam tamen, ut in suo genere æstimandam alterationem in ore consequitur, quemadmodum lib. 3. cap. 7. de natural. facult. Galeno & Auicennæ 1. 1. doct. 4. capite 2. uisum est. Cæterum imperfecta commanducatio ut concoctioni contumax est, ita etiam horrorem quendam & insuauitatem adferens, ciborum appetentiam auertit. Mora uerò quæ inter edendum, multis ultrò citroq; sermonibus, colloctionibusq; interpositis, ad duas uel tres horas protrahitur, admodum noxia est, eamq; nocumenta hætenus enumerata sequuntur. Vltimus uersus in quibusdam Exemplaribus hoc etiā modo legitur:

Hæc sint signa tibi, subtilis in ore saliuæ.  
Nec



BONA VALETVDINE. 36

Nec malè quidem. Nam salina quæ subtilis & nulla qualitate infecta, sed perinde quasi aquosa gustui offertur, tum coctionis, tum absolute sanitatis etiam indicia ostendit, Galeno lib. 3. cap. 6. de locis affectis teste.

DE MELANCHOLICIS ET  
uitandis cibis. Cap. VII.

**P**ersica, poma, pira, & lac, caseus, & caro falsa,  
Et caro ceruina, & leporina, bouina, caprina.  
Atra hæc bile nocent, suntq; infirmis inimica.

Pfirsken/birn/milch/öpffel vnd Eß/  
Von ochsen/vnd alls gesalgens fleysch/  
Von hirschen/hasen/vnd von zigen/  
Sollen die Francken lassen ligen.

Hic recensentur decem ciborum genera, quæ sanguinem serosum & melancholicum efficiunt, eoq; infirmis nocent.

Primum, persica: de quibus lib. 2. cap. 19. de Persica, aliment. facult. disertè ita Galenus scribit: Ipsorum succus, & ueluti caro facile corrumpitur, prauaq; omnino est. Quocirca (quod quidam facere solem) non sunt post alios cibos manden-



## DE CONSERVANDA

da: corrumpuntur enim in superficie natantia: sed in omnibus, quæ pravi quidem sunt succi, uerum humida sunt ac lubrica, & quæ subduci facillè queant, id communiter tenendum, ea ob hoc ipsum ante alios cibos esse sumenda. Ita enim fiet ut & citius subducantur, & alijs cibis uiam muniant. Quæ si sumpta postrema fuerint, unà secum alia quoque corrumpent. Atque inde sanè patet, hoc dictum de ijs intelligendum persicis, quæ matura post alios cibos ultima eduntur. Præsumpta enim stomacho conferunt, uentrem leniunt, & ciborum appetentiam præstant. Dioscorides etiam libr. i. cap. 130. idem testatur in eum modum scribens: Persica matura tam stomacho quam uentri utilia sunt: Acerba aluum cohibent, sed sicca uehementius. Decoctum è siccis alui stomachique fluxiones sistit. Simeon quoque Sethi de persicis hæc refert: Persica, inquit, quidam in tertio ordine refrigerantium humectantiumque posuerunt, alij in primo, alij uerò in secundo, quod etiam certius est. Phlegma generant, non facillè concoquuntur, celerrimè in uentriculo corrumpuntur: propterea qui crebrius ad satietatem his utuntur, in febres incidunt: lædunt & neruos proprietate quadam. Oportet uerò hæc ante cætera cibaria assumere, & super his meracum bibere. Quæ ex his matura sunt, uentrem ducunt, immatura contra sistunt, eoque efficacius sicca. Foliorum succus in potu sumptus, lumbricos



lumbricos uentris perimit: idem perficit, si cum  
folijs umbilico apponatur. Suscitant quoq; cibo-  
rum appetentiam persica, prosunt & inflamma-  
to uentriculo, & genitali semini adijciunt, sero-  
sum tamen sanguinem parant: sæpiusq; post unū  
uel alterum mensem ob putredinem febres tum lō  
giores, tum etiam difficulter solubiles gignunt.

Illud etiam obseruare oportet, ne super hæc  
aqua bibatur. His amplius addit Plinius Valeria-  
nus lib. 4. cap. 43. de re medica, persicorum folijs  
siccis, & in puluerem redactis, plagas cruento-  
rum uulnerum claudi: quam facultatem Serapi-  
on ipsis etiam persicis siccis attribuit. Quanquā  
autem persica iam dictis uiribus prædita sunt,  
quia tamen humor inde genitus facile corrumpi-  
tur & putrescit, noxia sunt infirmis, & maxime  
si præpostero ordine ac intempestiue sumantur.  
Infrà cap. 42.

Secundum, poma siue mala: In quibus, auto Poma.  
re Simeone Sethi, multa differentia est: quæcun-  
que enim adstringunt, frigidum habent & terre-  
um succum. Quæ acria sunt, frigidum quidem, ue-  
rū tenuem illū habent. Medij autē temperamen-  
ti sunt dulcia, quæ ad caliditatem magis uergunt.  
Omnia certē quadam peculiari proprietate ner-  
uis nocent: nocent & quæ matura nō sunt. Dicun-  
tur & lapidem seu calculum gignere ijs, qui ad  
facietatem ipsis utimur. Verum utilia sunt ad



## DE CONSERVANDA

*Aerodumia*. i. animi deliquia, & cordis debilitatem. Spiritum quoq; flatulentum in secunda concoctione generant, eoq; infirmis nocent, sicuti de pyris mox dicetur. Neq; uerò ab his solum fructibus, sed ab omnibus etiam quæ sanguinem seroso ac ebulliente succo replent, ægrotos abstinere conuenit. Eiusmodi planè sunt recentes, & qui ante perfectam maturitatem eduntur: cum enim humidius alimentum, ob idq; excrementosius præbeant, non secus in corpore humano feruent, & ebulliunt, atq; uinum, quod nuper ex fructibus uel uuis expressum est, in dolijs: & hoc quidè ob caliditatem ipsis à sole, cum maturescerent, ingenitam, quemadmodum libro 4. cap. 3. de usu partium Galenus attestatur. Et hoc certè Auicenna 3. 1. doc. 2. cap. 7. teste, commune est omnibus cibarijs, quæ sanguinem seroso succo implent. Porro & si uerò hoc interim spacio, quo manduntur, humectent, ob succi tamen ebullitionem promptè in uentriculo corrumpuntur, & sanguini putrido gignendo accommodatissimi sunt: qua de causa non temerè Auicenna 1. 4. tract. 2. cap. 7. fructus recentes omnes febricitantibus interdixit. Plura Galenus lib. 2. cap. 21. de alimen. facul. & infra cap. 39.

**Pira.** Tertium, pira: quæ sanè, perinde ut & alij fructus recentes ac crudi, communiter hoc possident, ut seroso ebullienteq; succo sanguinem expleant,



pleant, eumq; putrefactioni obnoxium reddant: quo fit, ut eorū cibus, Plinio lib. 23. cap. 7. teste, non ægrotis solum, sed ualemibus etiā onerosus sit. Inflationes quoq; excitant, & ob id crebrius esitata colicos affectus suscitant. Sed innoxia fiunt, si unā cum carminatiuis uulgo dictis, hoc est, calfacientib. tenuantibus, & flatū expellentib. comedantur, uel super his uinum uetus & odoratū bibatur. Quod Gal. li. 1. ca. 26. de alim. fac. palām etiā ita scribens cōfirmat: Quicquid omnib. cibarijs inest flatulenū, id per calfaciētia et tenuātia corrigitur. Piri præterea ea facultas inest, ut inter ceteros fructus quā maximè impinguent: quare sues ipsorū esu magis quā quorumlibet aliorum fructuum pinguescunt. Laudatiora sunt odorata & dulcia, & ex ipsis cocta, quā cruda, meliora. Coquenda uerò cum fœniculo, aniso & saccharo. Infrā cap. 13. & 39.

Quartum, lac: hoc enim facilè corrūpitur, inq; nidore aciditatemue in impuro uentriculo Lāc. trāsfit. Quapropter putrida febre correptis exhibendū non est, quia plurimo calori conuersatū, in nidorem statim abit. Huc accedit, quòd in uentriculo febricitantiū haud concoquatur, sed potius corrūpitur, adeoq; febres auget. Caput quoq; do lentibus malū est, quod cōfirmat Gale. qui li. 3. de ali. fac. ca. 14. lac capiti, nisi quis ipsum habeat ad modū firmū, nō esse accommodū, tradit. Cuius rei  
causa



## DE CONSERVANDA

causa alia non est, quàm quòd lac sit nidorosum,  
ac facìle euaporet, caputq; petat, adeoq; dolorē  
augeat. Nocet præterea sitibundis & alijs non-  
nullis, de quibus Hippocrates apho. 64. lib. 5. &  
ibidem Galenus. In phthisi tamen, hectica, & alijs  
quibusdam passionibus, ut Hippocrates loco iam  
citato autor est, utilissimè conceditur. Qua de  
re copiosius infrà ca. 34. Quanquam autem lac  
infirmis ex usu non sit, in sanis tamen ad bonos  
humores gignendos, ex ijs præsertim animalibus,  
quæ bono corporis habitu sunt, probatissimum ha-  
betur: Et hoc quidem si in uentriculo & hepate  
perfectè concoquatur. Tunc enim mordaces suc-  
cos, quoscunq; inuenerit, expurgat, qua de causa  
in urinae difficultate & acri egestionē alui, non  
solum bibere conducit, sed etiam infernè per cly-  
sterem infundere. Ad acres enim & mordaces  
fluxiones commodissimum est, non solum abluens  
ipsas de partibus infestatis, atq; hoc per extersori-  
am humiditatem, quam in serosa sui parte com-  
plectitur, sed etiā crassitie ac pinguedine sua cor-  
poribus oblitum ac inductum, non sinit influxum  
acrem nudis ipsis allabi. Ad pulmonis itaq; ac in-  
testinorum ulcera, item renum, uesicæ, ac uteri,  
& ad papularum eruptiones, & furunculos, &  
alias cutis asperitudines conuenientissimum est  
in potu, adeoq; cutem ipsam pulchram ac nitidā  
reddit. Ad hæc lancinamenta ex ueneni potione,

&



Et quæ in urina meatu fiunt, compescit. Item ad eos qui cantharidas hauerunt, aut buprestin, et in summa ad medicamenta erodemia ac exulcerantia, et ad hyoscyamum uelut peculiare remedium est. Nam statim resipiscere affectos facit. Ceterum in gutturis exulcerationibus, quæ cum alias ob causas multas, tum ex anginis fiunt, et his qui ephemerum sumpserunt, lac gargarizare conducit. Corporibus præterea temperatis, quorum uentriculis nihil biliosi et phlegmatici humoris insidet, utilissimum habetur. His enim bene concoctum multum nutrimenti summittit, probum succum generat, bonam carnem longè meliorem reddit, et corpus conuenienter humectat. Hoc tamen in primis cauere debet, qui lac bibere uoluerit, ut interim à reliquis cibis ac potibus abstinere at, donec concoctum sit, ac secesserit. Si enim ante eius concoctionem, alium cibum quis sumat, necesse est et ipsum lac corrumpi, et cibum qui superingestus est. Præstat autem manè bibere recens mulctum, et tunc plures labores detrahere, quietè ac sensim ambulare, et interim cessare, citra somni admissionem. Qui enim hoc modo se gesserit, potum lac excernet, idque inutilia secū educet. Opus est enim si quid aliud, primum acceptum secedere, quo facto aliud bibere. Principio igitur secedit aluo commodè purgans, non totam corporis molè, sed quæ in aluo et intestinis sunt, partibusque



## DE CONSERVANDA

partibusq; uicinis. Post hæc in uenas deferitur, o-  
ptimeq; nutrit, & non amplius secedit, sed uen-  
trem sistit. Corporibus uerò distemperatis infe-  
stum inimicumq; est. In calidioribus enim citò in  
nidorem atq; bilem, in frigidioribus uerò in acidi-  
tatem & putredinem commutatur. Circa electio-  
nem deniq; lactis sciendum, pro ipsorum anima-  
lium specie haud parua esse differentiam. Boum  
nanq; lac crassissimum ac pinguisimum, & con-  
coctu difficile est, & ob id in uentriculo in flatus  
uertitur, uenarumq; obstructionem parit. Liqui-  
dissimum autem ac minimè pingue, est camelorū,  
mox equarum, deinde asinarum, mediæ autem cō-  
sistentiæ est caprarum, hoc crassius ouium. Lac  
igitur caprarum, cum inter cætera lactis genera  
moderatè se habeat, neq; pingue admodum, neq;  
crassum sit, meritò in uictus salubris ratione præ-  
fertur. Quin & caprarū inter se inuicemq; colla-  
tarum, & secundū anni tempora non parua dif-  
ferentia est. Earum enim quæ modò pepererunt,  
lac liquidissimum, sed temporis progressu magis  
semper ac magis incrassescit. Aestate uerò me-  
dia, ipsum etiam in medio suæ naturæ consistit,  
post id tempus sensim iam incrassescit, quoad pe-  
nitus deficiat. Vere autem ut liquidissimum, ita  
etiam copiosissimum est. Quo fit, ut eligendū sit  
lac caprarum, non quidem prægnantium, sed eni-  
xarum, quæ tamen, quod ad partū ipsum attinet,  
medio-



mediocriter se habeant, hoc est, quæ neq; nuper enixæ sint, neq; multum à partu recesserint: hoc interim non neglecto, ut ipsis etiam alimenta propria affatim suppetant. Ac ne illud quidem silentio prætereundum hoc loco, quòd lac caprinum sine melle sumptū, haud citra periculū sit. Plerisq; enim qui purū illud hauserunt, coactū est in uentriculo in speciem casei: quod quidē cū accidit, mirū est, quā aggrauet hominem ac strangulet. Ob eam causam, lac ubi sumunt nonnulli, ne in uentriculo coaguletur, mellis, aquæ & salis nonnihil admiscunt. Atq; hæc quidem hoc loco de lacte sufficiant. Plura Galenus li. 3. ca. 14. de alim. fac. et li. 10. ca. 7. de medic. simpl. fac. & in lib. de cibis boni & mali succi cap. 6. Oribasius lib. 4. synopses ad Eustathium cap. 12. 18. & 40. Paulus libro 1. cap. 86. & 87. Aëtius lib. 2. cap. 92. & 93.

Quintum, Caseus, quod quidē, cū de omni Caseus. caseorū genere, tū de inueterato cūprimis intelligendū est. Hic. n. ob coaguli & salis, dū præparatur, iniectionē, tēporis progressu acrimoniā asumpsit, humiditatemq; omnē deposuit, quare se ipso etiā acrior, & manifestè calidior, atq; ardentior euasit, & ob id ipsum peioris quoq; & crassioris succi, & agrè cōcoctilis effectus est: præsumptorū quidem concoctionē adiuuat certè, sed ipse difficilior cōcoquitur. Vnde uulgo dici solet:

Caseus est nequam, quia concoquit omnia, se  
quā.

Nutri-



## DE CONSERVANDA

Nutritum habet exile, stomacho nocet, & ubi fortè fortuna in corpore supercalefactus fuerit, quemadmodum disertè Galenus lib. 3. ca. 6. de lo. affect. scribit, facile melancholicum humorem parit: recente flatuosus quidem minus est, sed uentrem magis sistit, magisq; siticulosus & æstuosus est, nec ad calculorum in renibus procreationem minus existit noxius. Deterrimum præterea edulium est ijs, quemadmodum hoc ipsum Hippocrates lib. 4. de uict. rat. in morbis acu. apho. 92. clarissimè ostendit, qui se potu repleuerunt. Grauat siquidem os uentris, primumq; corrumpitur, & alia deinceps secum corrumpit. Fugiedus igitur est eiusmodi, ut qui nihil conferat, neq; ad coctionem, neq; ad distributionem, neq; ad mouendam urinam, neq; ad uentris deiectionem, ceu utiq; nec ad succi probitatem. Porro recens ac mollis caseus, frigidi humidiq; temperamenti est, & duro siccoq; flatuosior existit, sed eo minus astringit, minusq; crassi succi est, nihilominus tamen ægrè conficitur, obstruitq; & calculos gignit. At uerò qui inter utrunq; recentem nimirum & inueteratum, glutinosum et friabilem, durum ac mollè, rarum laxumue & ualidè densum coactumue mediis existit, quiq; dulcedine nonnulla participat, modiceq; salsus est, neq; lachrymas, cum inciditur, profundit, neq; tardius aluo secedit, sed odore & sapore iucundus, moderatq; pinguis est, atq;



atque ex bono lacte pulcherrimè elaboratus, is  
 utique reliquis omnibus longè multumq; præstat.  
 Verùm post alios cibos ultimo loco & exigua  
 planè copia ingerendus est, alioquin & ipse, nubi  
 lo secius ac reliqui casei, uentericulum grauât,  
 coctionem impedit, aluum cohibet, crassos humo-  
 res, atq; flatus in corpore, lapidemq; in renibus  
 parit. Solus igitur

Caseus ille bonus, quem dat auara manus.

Plura de hoc apud Galenum libr. 3. cap. 16. de  
 alim. facul. & libr. 10. cap. 9. de simpl. medic. fac.  
 & in libr. de cibis boni & mali succi cap. 6. Pau-  
 lum libr. 1. cap. 89. & Aëtium libr. 2. cap. 101.

Sextum, Caro salsa. Caro enim sale condita, Caro sal  
 atq; so' e deinde, aut uento, siue fumo exaresfacta, sa.  
 cuiuscunq; ea generis, uel animalis fuerit, substan-  
 tia cum duriore, tum ad coquendum etiam diffi-  
 ciliore constat, & tardius permeat. Alimentum  
 quoq; corpori præbet exiguum & mali succi, i-  
 deoq; sanguis inde generatus crassus existit, atq;  
 melancholicus, ac proinde, si frequens eius usus  
 fuerit, non solum infirmis, uerum etiam sanis offi-  
 cit, quemadmodum id ipsum ex Galeni libr. 3. ca.  
 6. de loc. affect. & comment. 18. libr. 2. aphor. &  
 post eum ex Auicennæ 2. 1. doct. 2. in fine capitis  
 15. aperte colligitur.

Septimum, Caro cèruina, cui & ipsi sanè Caro cèr  
 cū omnibus duris & siccioribus caribus hoc cō- uina.



## DE CONSERVANDA

mune est, ut succum uitiosum, concoctu difficilem, ac melancholicum generet. Id quod Galenus in lib. de reñu affec. digno. & medic. cap 26. clarissime ostendit. Ceruinam, inquit, carnem uita-bis, quippe quæ dura sit, concoctu difficilis, & melancholica. De ea hoc amplius Simeon Sethi scribit: Vnicè cauendum, ne quis carne uescatur ceruorum, qui per æstatem capiuntur, quòd eo nimirum tempore uiperas saepe & serpentes deuorent, atq; ideo si ibundi admodum fiant: Attamen, cum naturæ instinctu edocti nouerint, sibi futurum exitio, si ante illorū concoctionem aquā hauserint, fortiter sitim tolerant, eaq; incenduntur. Ceruorum igitur carnes eo anni tempore uenose ac ualde noxiæ sunt: & idcirco obseruandum, ne quis eis per æstatē uescatur. At uerò hyeme tutius sumuntur, meliusq; ab innato calore superantur. Nisi enim probè cōcoquantur, crassum humorem generant, iecurq; & splenem obsepiane obstruuntq;. Quinetiam corpus tremulum atq; infirmum euadere ex frequenī & immoderato eius usu traditur.

Octauum, Caro leporina. Hanc Paulus, Psellus, & Rhazes inter cibaria atram bilem gignentia connumerant. Simeon Sethi, quasi colligens, quæcunq; à ueteribus dicta erant, in hunc modum de ea scribit: Leporum carnes, his qui exiccare corpus uolūt, sunt ualde utiles. Qui ue-  
rò



## BONA VALETVDINE. 42

Dō tēperatura sunt sicciore, minus cōferunt: san-  
 guinem enim crassarū partium & melancholicū  
 gignūt, aluū cohibent, & urinā proritant. Quod  
 si tamen probè cōcocta fuerint, non omnino malè  
 nutriūt. Contrā uerò, obstructionē hepatis ac sple-  
 ni efficiunt, pulmoniq; nocent, & immodicis tor-  
 quem uigilijs. Isacus in dietis uniuersalib lepori  
 nam pro pharmaco potius quàm alimento haben-  
 dam censet. At ne hoc quidē ignorandū, quod tūc  
 hæc caro, tum ceruina quoq; si fuerint animalia  
 ætate declinantia, simpliciter sine euitandæ. Sē-  
 quis tamē comedere omnino expetat, ei sanè par-  
 tui propinquiore sunt eligēdæ, quo nimirū natu-  
 ralis earū siccitas ab ætate tēperetur. Eadē ratio-  
 ne et pinguiore lōgè ceteris antecellūt. Siccitas  
 nanq; pinguedine correctæ ad mediocritatē in e-  
 iusmodi animalib. inflectitur. Verū de hac ipsa lo-  
 anne Manar. li. 13. ep. 4. diligētius nemo differuit.

Nonum, caro bouina: circa quam notandū *Caro bo-*  
*inprimis, & fœminam ipsam, quæ uacca dicitur, uina.*  
 & utrunq; marem, tam eum, qui castratus est,  
 quàm eum etiam, qui integer ad speciei propaga-  
 tionem reſeruatus, taurus nominatur, communē  
 hæc bouum appellatione significari. Atq; hi sanè  
 non parum inter se ætatis ratione differunt. Ex-  
 tremæ nanq; ætates, ut in alijs non paucis, ita in  
 his quoq; uitiosæ sunt, Mediæ uerò optimæ & sa-  
 luberrimæ. Vitulorum igitur recēns editorum



## DE CONSERVANDA

caro nimis mucosa & excrementitia est. Bimestres aut, quiq; paulò ultra citràue eā etatē cōstunt, tēperamento uiciniores sunt, & carnes habent ad concoquendū perfectis bobus prastantiores, & multū alimēti corporibus exhibent, boniq; succi habentur. Prouectiores uerò, qui tamē florentē etatem nondū attigerunt, tēperamento sunt quā senes minus sicco, magisq; ijs iuuenib. cōueniunt, qui bono sunt corporis habitu His perfectae etatis boues ualētius quidē alunt, sed ægrius tū concoquuntur, tum in membra distrahumur. Porro ad senium uergentiū, atq; ipsorum etiā senum carnes duræ, siccae, neruosae, cōcoctioniq; rebelles sunt, & melancholicū humorem efficiunt, solisq; uentriculos habētibus calidiores, atq; illis insuper, qui uehemēter sese atq; immoderatus exercent, cōcedi possunt. Quod li. 4. de uic. rat. in morb. acut. aphor. 99. Hippocrates etiam ita scribens attestatur: Bubulae carnes melancholica proritant  $\pi\alpha\epsilon\delta\eta\mu\alpha\tau\alpha$ . Nempe horum natura insuperabilis est, nec cuius uentriculus eas concoquere potest. Galenus quoq; lib. 3. cap. 1. de alim. facit. idem ijs ferē confirmat uerbis: Carnes bubulae alimentum quidem & ipsae corpori suggerunt non mediocre, neq; dissipatu facile: sanguinem tamen generāt, quā conueniat, crassiorē. Quod si quis temperamento naturali melancholicus magis fuerit, affectu aliquo melancholico prehen-



prehendetur, si largius his uescatur. Affectus autem melancholici sunt, Cancer, elephas, scabies, lepra, febris quartana, & quæ peculiari nomine Melancholia nominatur. Lien item quibusdam à tali succo intumescit, quam rem uox ἑξία, id est, prauus habitus, & hydropes sæpenumero consequuntur. Ceterum quæ ratione incommodis, quæ frequentiore earum usum excipere solent, prouidendum sit, luculenter & perspicue Simeon Sethi in hunc modum scribens edocuit: Si quis eas edere uelit, summaque cupiditate appetat, uel cogatur etiā, is medeatur nocumēto, quod inde futurum speratur, aceto & alijs cū ruta intingens. Idē quoque autor est, earundē iure siue brodio, ῥωμῶν Græcis appellato, fluxus uētris ex flaua bile cohiberi.

Vaccinæ, cū præter succi prauitatem etiam sexus ratione frigidiores sint, meritò à sanitatis tutela eximuntur. Non tamen ab eis, quemadmodum nec ab alijs, quæ hætenus dicta sunt, ex toto abstinendum est: sed omnibus interdum, optimis uerò, quantum fieri potest, sæpius utendum.

Decimum, caro caprina: de qua idem fer. Caro edamē quod de bouina dicendum. Hædi enim perin-prina. de ac uituli, carnes ad conficiendum perfectis capris meliores, & tuendæ ualetudini accommodatiores habent. Moderatè nutriunt, sanguinemque tenuem & humidum gignunt. Præstantiores & probioris succi sunt lactentes adhuc, & maximè



## DE CONSERVANDA

*si neq; tenelli admodum, neq; natu grandiores fue-  
 rint. Simeon Sethi rufos & glaucos, Rhazes ue-  
 rò rubros in nigrum inclinantes, ac pingues præ-  
 fert. Baldacho foemellæ quàm masculi carnem  
 temperatiorem, & à siccitate remotiorem esse,  
 placet. Mirificè calidis & siccis temperaturis,  
 atq; insuper delicatis & ociose uitæ deditis, con-  
 ferunt. Hirci carnem quidem habent mini-  
 mum humidam, pituitosam, ac lentam, ob foeto-  
 rem tamen ingratam, & stomacho inimicam, æ-  
 grè concoquitur, & ad succum bonum generan-  
 dum parum idonea est. Hanc sequitur arietum,  
 post taurorum. Porro in ijs omnibus carnes  
 castratorum sunt præstantiores: senum autem  
 pessimæ. Caprina in tota ualetudinis cura ob-  
 seruationeq; uitanda est. Nam Hippocrate lib.  
 4. de uict. ratione in morbis acut. teste, habet ma-  
 la, quæ in bubulis sunt, omnia, & cruditatem,  
 estq; flatuosior, & ructus magis generat, acris  
 est, malumq; succum efficit. Ineunte tamen æsta-  
 te, & circa eius medium capræ melius agunt, lon-  
 geq; seipsis in cibo præstantiores euadunt. Tunc  
 enim arborum & fruticum surculi & germina,  
 quæ ijs maximè idoneam præbent alimoni-  
 am, frequentissima sunt. Ac proinde ha-  
 bitiores etiam, ac pinguiore, nobisq; a-  
 lendis accommodatiore sunt. Quod autem  
 alimenta ad carnis bonitatem plurimum possit,  
 argu-*



argumento sunt euidentissimo uulpes, quæ autu-  
mno probatissimam ob uuas habent carnem. Sic  
passer & ficedula per idem tempus maximè lau-  
dabilem carnem obtinent. De caprina plura Ga-  
lenus lib. 3. cap. 1. de aliment. facul. & de attenu-  
ante diæta ca. 6. & comment. 101. & 102. in lib.  
4. Hippoc. de uict. rat. in morb. acut. & Paulus  
lib. 1. cap. 54. & Aëtius lib. 2. cap. 119. Atq; ha-  
ctenus quidem de cibis & carnibus uitandis. Exi-  
git nunc ordo, ut de electione alimenti, quod par-  
tim à iam dictis, partim uerò ab alijs quibusdam  
animalibus sumitur, nonnihil etiam dicatur. Si-  
quidem de eo haud parua inter ipsos artis medi-  
cæ scriptores controuersia est. Galenus enim, ut  
& alij nonnulli, porcinæ palmam detulit: Rha-  
zes uerò, Auicenna et Auerrhoes, hædinam præ-  
tulerunt. Sunt etiam quibus uitulina præstamior  
uideatur. Porro electio hæc & præstantia mul-  
tipliciter attendi potest. Et primò quidem ratio-  
ne tum similitudinis, quā cum humanis obtinent  
carnibus, tum maioris quoq; & discussu diffici-  
lioris alimenti. Quo sane modo porcina cæteris  
omnibus longè antecellit. Maxima enim illi cum  
humano corpore similitudo est, quemadmodum  
Galenus lib. 3. de alim. facul. cap. 1. disertè ijs uer-  
bis ostendit: Suillæ carnis similitudinem cum hu-  
mana ex eo poteris intelligere, quòd quidam car-  
nes humanas pro suillis sine ulla in gustu uel olfa-



## DE CONSERVANDA

Etu suspicione comederunt: id enim ab improbis  
hospitibus, & alijs quibusdam factum fuisse, iam  
compertum est. Idem libro 10. de simpl. med. fac.  
cap. 2. Sanguis, inquit, suillus humano maximè  
temperie similis est. Siquidem & carnes suum  
humanis sunt similes. Comperti enim sunt hospi-  
tes et coqui complures, qui humanas carnes pro  
suillis uenderent: tametsi qui eas edissent, nullum  
omnino discrimen percipere potuerint. Quin et  
ipse narrames audiui uiros fide dignos, sese in di-  
uersorio publico ius esitasse delicatum cum car-  
nibus suauissimis: ceterum cum iā penè saturi es-  
sent, inuenisse digiti partem anteriorem, quæ ui-  
delicet ad unguem est, quo perculsi ac metuentes  
eos, qui agebant in diuersorio, ne scilicet se quoq;  
uorarent, ceu ei rei assueti, protinus quidem  
illinc exiere, ac uomitu redditis quæ ederāt, ita  
iter denuò ingressi sunt. Sed & in ipso facinore  
homines mactantes deprehensos, non ita multo  
post referebant. Itaq; iure quispiam existimet su-  
illam carnem humanæ esse similitam. Quòd de-  
inde suillam carnem ualidissimè nutrire diximus,  
hoc Galenus lib. 3. cap. 1. de alimen. facult. in eum  
modum scribens confirmat: Omnium ciborum, su-  
um caro potentiissimè nutrit. Cuius rei athletæ  
certissimum tibi præbent indicium. Si enim pari-  
bus exercitationibus parem molem alterius cibi  
pridie totum diē comederint, postero die statim  
sentiens



Sentient sese redditos imbecilliores. Quòd si plu-  
 ribus deinceps diebus id fecerint, non imbecillio-  
 res modò, uerumetiam alimenti penuria maci-  
 lentiores palàm conspiciuntur. Idem libro 7. me-  
 tho. meden. ca. 6. ijs etiam testatur uerbis: Omni-  
 um, quos nouimus ciborū, maximè nutriens suilla  
 caro est. Quin & ipse Hippocrates libro sexto  
 epidem. part. 3. aphorif. 4. quum iam corpus ex  
 multis exercitijs conciderit, suillas carnes assa-  
 tas exhibere præcipit. Porro alimentum, quod  
 inde sumitur, firmum esse, neq; dissipatu facile, sa-  
 tis confirmat Galenus in libro de attenuante die-  
 ta, cap. 6. ubi sic scriptum reliquit: Suum dome-  
 sticorum caro, omnium aliorum ciborum firmis-  
 simè nutrit. Multum enim in seipsa habet lento-  
 rem, tum propter uitam desidiosam, tum pro-  
 pter cibi humidioris affluentiam. Et similiter in  
 libr. de renum affect. dignot. & medic. cap. 26.  
 E pedestribus optimi succi est caro suilla, & ho-  
 minibus maximoperè familiaris, maximeq; tum  
 nutribilis, tum corroborans: ob id qui diutius ea  
 uictitant, iecoris & renum obstructione corripi-  
 untur, quibus hæc à natura adstrictos meatus ha-  
 bent, eoq; longiori ab ea interuallo abstinendum.  
 Quia uerò glutinosum, ut dictum est, & cras-  
 sum succum generat, ideo Hippocrates assatam  
 exhibere iussit. quò nimirum uiscositate ac cras-  
 sitie ab ignis caliditate nonnihil consumpta, ni-



## DE CONSERVANDA

nus humida ac glutinosa edatur. Idem lib. 4. de  
 uict. ratione in morbis ac ut. aphor. 103. eiusmodi  
 carnem absq; pelle, hoc est, cute mandendam esse  
 docuit. Cutis enim animalis, utpote frigidior,  
 carni similiter concoqui nata non est. Quae au-  
 tem ob assationem ambusta est, tum ad succi bo-  
 nitatem, tum ad concoctionem inhabilis existit,  
 choleraq; parit propter eam, quae huic accidit  
 acrimoniam. Ibidem pinguisimam quoq; suum  
 carnem, ea, quam medij & bene carnosii habent,  
 deteriore existimat, suspicionem humiditatis  
 habens: ob quam pinguedo omnis carne sui gene-  
 ris deterior, tum ad concoctionem, tum nutritio-  
 nem existit. De suilla hoc amplius Galenus in li-  
 bro de cibis boni & mali succi cap. 4. Suilla  
 caro, si exactè in uentriculo concoquatur, tum  
 in sanguinem à iecinore conuertatur, probatissi-  
 mos humores gignit. Quod intelligendum u-  
 tique, non de carne suum uetustissimorum: ea e-  
 nim ob siccitatem & duritiem agrè concoqui-  
 tur, ac succum uitiosum generat: neque porculo-  
 rum lactentium: nempe hi terrestrium ferè o-  
 mnium, quae uorant homines, animalium, ma-  
 ximè humidam & excrementitiam obtinent car-  
 nem. Atq; eam ob rem plurima inde genera-  
 tur pituita. Sed etate mediocrium, anniculo-  
 rum uidelicet, uel bimorum. Idem Galenus e-  
 tiam libro paulò antè citato, capite duodecimo  
 attestatur,



attestatur. Ex animantibus, inquit, quorum natura ad bonos humores gignendos aptissima est, & sues mediocris ætatis habemur: qui enim ad summum creuerint, hominib. uigenis ætatis, seq̃s exercentibus: qui uerò adhuc increscunt, ijs quorum ætas inclinatur, idonei sunt. Caro ex porcellis paruulis excrementis scatet. Quare ex pedestribus animantibus suilla caro probatissimus cibus est. Et hoc quidem tametsi in utroq̃ genere, tam domesticorum, quàm agrestium uerè dicatur, agrestes tamen à Galeno longè cæteris anteferuntur. Atq̃ hinc adeò in libro de attenu. diæta ca. 6. sic inquit: Apri suibus domesticis in cibo sunt anteponendi. Et lib. 8. metho. meden. cap. 2. Ex ipsis suillis carnibus optima est montana. Cuius causam Galenus lib. 3. de alim. facul. cap. 13. hanc esse tradit. Domestici, inquit, sues temperie humidiores sunt, quàm agrestes, tum ob aëris, in quo degunt, humiditatem, tum uerò etiam ob uitæ ignauiam. Qui uerò in montibus degunt, multum exercentur, ac fatigantur: præterea in aëre sicciore uiuunt: quapropter eorum caro est durior, nulliusq̃ prorsus pinguedinis, aut paucissimæ particeps: & alimentum, quod inde prouenit, minus habet excrementi: contra excrementitium est, quod à domesticis sumitur. Necessè igitur est, alimentum eiusmodi nutrire ualentius, quàm alterum, succumq̃ gignere multò meliorem.



## DE CONSERVANDA

rem. Addit præterea Auicenna lib. 2. Cano. cap. 246. eosdem hyeme meliorem sanguinis habitum consequi, longeque seipsis in cibo euadere præstantiores. Ex omnibus hætenus adductis, satis iam liquet, hominibus ætate florentibus, fortibus, sanis, & quamlibet fortem ac uehementem actionem obcuntibus, utpote fossoribus, agricolis, messoribus, ceterisque id genus operariis, modò ab oppilationibus puri atque uacui sint, ac denique ijs etiam, qui impinguari cupiunt, suillam potissimum adhibendam. Ad eiusmodi enim corporum conseruationem alimento plurimo, firmo, atque egrè dissipabili opus est. Rectè itaque Rhazes lib. 3. ad Alman. ca. 9. Crassa, inquit, caro multum sese exercemibus conuenit: ijs uerò, qui uitam in maiori ocio ac quiete degunt, subtilis & extenuans. Quod Auicenna quoque 3. 1. doc. 2. cap. 7. ita ferme scribens confirmat: Vehementer sese exercentes, multoque labore fatigati, firma magis & crassa alimenta requirunt.

Secunda uerò carniū electio à temperamento, concoctione, & succi inde geniti probitate sumitur: atque ea quidem ratione hœdine longè ceteris præferuntur. Nam ut Rhazes loco paulò antè citato autor est, temperatura sunt mediocri, nullius prauitatis participes, facile concoquuntur, tum sanguinem quoque inter subtilem & crassum, calidum ac frigidum temperatum efficiunt.



ficiunt. Illis tamen, qui multum exercentur, in cibo manus idoneæ sunt: si quidem alimentum, quod corpori summittunt, forti exercitio, siue labore celeriter discutitur, iuuenibus temperatis mediocri exercitio utemibus, quemadmodum & illis quoq; de quibus supra dictum est, magis conueniunt. Porro quemadmodum hac ratione inter animalia domestica caro hœdina præstâtior est, sic inter agrestia quoq; capreoli facîle primas obtinent: post hœdinam autem secundum locum arietina sibi uendicat, si quid Rhaze atq; Auerrhoi credimus. Quorum ille quidem lib. 3. ad Alman. ca. 9. ita scriptû reliquit: Caro arietina quâ hœdina crassior est, uiresq; magis auget, sed plures efficit superfluitates, in bonitate tamen hœdinam sequitur carnem. Hic uerò li. 5. suorû collectan. ca. 32. de eadem hæc ferè prodidit: Post carnem, inquit, hœdinâ est arietina, atq; ita oēs propè medici seminum, præter Galenum, qui arietinæ carnes abominatur: persuasum enim habet, uitulâ nam arietina longè melioris esse nutrimenti. Sed Galenus forsan hanc præstantiam ex eo attendit, quòd uitulina plurimum nutriat, & nutrimentum eius ægrius dissipetur, Arietina uerò insigni humiditate prædita sit. Nâ humidius alimentum, ut distribuitur, ita etiam discutitur celerius. Locus Galeni, quem Auerrhoës citat, est (ni fallor) in libro de cibis boni & mali succi cap. 12.

Verba



## DE CONSERVANDA

Verba Galeni sic habent: Ex pedestribus animalibus caro suilla probatissimus cibus est, deinde hœdina, mox uitulina. Agnuna uerò humida, tum lemorem, mucoremq; in se habere censetur. Quod idem in libro de attenuante dieta capite 7. uelut repetens inquit: Ex terrestribus animalibus hirci & arietes, & genus omne ouium, ac caprarum, non undequa; laudabiles sunt alimenti. Solis autem hœdis innoxie utas re. Agnorum esus propter insignem humiditatem est fugiendus. Ex quibus utique locis fit hoc etiam perspicuum, apud Rhazen atq; Auerrhoën agnos masculos, qui aliquantulum increuerint, per arietes esse intelligendos. Id quod ipsemet Auerrhoës his uerbis confirmare uidetur: Magna pars Medicorum laudat carnes arietum iuuenum &c.

Tertiademum carniū electio siue præstantia in eo sita est, ut neque insuaue, neque mali odoris, neque glutinosum quicquam gustu representent. Tales autem imprimis uitulinae sunt, quemadmodum Auerrhoës loco citato ijs serè uerbis ostendit. Carnes, inquit, uitulinae bonae sunt, minus enim quam bouum ætate declinantium carnes habent tum uiscositatis, tum frigiditatis ac siccitatis, tum odore quoque ceteris carnibus suauiores, & iucundiores sunt. Qua certè consideratione ipsis etiam hœdinis



Minis præferuntur. Siquidem in coctura hœdinas-  
 rum muccago, hoc est, lentor, siue uiscositas quæ  
 dam deprehenditur, quæ in uitulinis non appa-  
 ret. Hœdine tamen uitulinis succi probitate præ-  
 stant. Ex omnibus quæ hætenus adducta sunt, li-  
 quidò iam constat, non esse tamam inter Medi-  
 cos de carniū electione controuersiam, quanta  
 prima facie apparet. Hoc quoq; scire in uni-  
 uersum oportet, quòd siccorum animalium car-  
 nes in prima ætate, quæ humidior est, præstantio-  
 res sint, & minori momento conficiantur. Cum  
 uerò adoleuerint, ob siccitatem egrè concoquā-  
 tur. Contrà humidioribus animalibus carnes pro  
 gressu temporis consumpta humiditate super-  
 flua, aptiores, & ad concoquendum, & ad nutri-  
 endum fiant. Quod Galenus etiam libr. 3. de ali-  
 ment. facult. ca. 1. in hunc scribens modum inue-  
 re uoluit. Iis, inquit, animalibus, quæ natura tem-  
 peramento sunt sicciores, adolescens ætas ad medio-  
 critatem ipsam confert: humidiorum uerò natu-  
 ra, quod sibi ad probam ac conuenientem tempe-  
 riem deest, id ab ætate florenti adsumit. Non mo-  
 dò itaq; uituli carnes habent ad conficiendū per-  
 fectis bobus præstantiores, sed etiam hœdi ca-  
 pris: uelut contrà uerueges anniculi agnis la-  
 ctentib. & porci anniculi uel bimi porculis para-  
 uis. Hinc nō temerè ab Auicenna 3. 1. doc. 2. ca. 7.  
 dictū est. Oportet ut cibus, nimirum sanitati con-  
 ueniens



## DE CONSERVANDA

ueniens, sit, qualis caro est, præcipuè hœdorum,  
uitulorum lactentium, & agnorum anniculorū.

Ex quibus omnibus sequitur tandem, carnes  
hircorum, caprarum, arietum, ouium, boum atq;  
uerrium amiquorū non unde quaq; laudabilis esse  
alimenti. Carnes uerò uitulorum iuuenū, agnorū  
anniculorum, et maialium anniculorum, uel bimo-  
rum, ualeitudini tuendæ esse accommodatissimas.  
Hoc quoq; ignorandum non est, quòd carnes na-  
turali temperamento sicciore sint elixandæ:  
quò nimirum ab aquæ humiditate contemperen-  
tur: Elixatio enim siccitatem temperat: Humi-  
diores uerò assandæ, nempe ut earum humiditas  
te ab ignis calore attenuata nonnihil atq; imminua-  
ta, mediocritatem consequantur. Assatio enim ex  
Galenī sententia, humiditatem moderatur. Quo-  
fit, ut carnes leporum, cuniculorum, ceruorum,  
boum, & capreolorum elixæ: porcellorum uerò  
ac ueruecum assæ sint præferendæ. Eadem etiam  
ratione in ætatibus, temperaturis, atq; anni con-  
stitutionibus humidis, sicciore & assæ carnes ma-  
gis conueniunt: In sicciore uerò humide atq;  
elixæ.

## DE CIBIS BENE NVTRI- emibus. Cap. VIII.

**O**Va recentia, uina rubentia, pin-  
guia iura,

Cum



Cum similia pura, naturæ sunt ualitu-  
ra.

Ein roter wein vnd eyer frisch/  
Stunden sehr wol auff deinem tisch/  
Feiste suppen vnd semmeln Elar/  
Seind sehr gesund/sag ich fürwar.

*Tria alimentorum genera exigua mole pluri-  
mum nutrientia his uersibus comprehendun-  
tur.*

*Primum, oua recentia : de quibus Galenus  
lib. 3. de aliment. facult. cap. 21. in eum scribit mo-  
dum: Oua recentia ueteribus plurimum præstat:  
quippe optima sunt recentissima: uetustissima au-  
tem pessima. Que uerò in horum medio sunt,  
proportione recessus ab extremis, bonitate aut  
prauitate, inter se differunt. Idem libro 1. apho-  
rismo. comment. 4. oua inter alimenta pleni ui-  
ctus numerauit. Quam sententiam Auicenna  
quoq; cum alijs plerisque locis, tum maximè 4. 1.  
capite 1. ijs ferè uerbis confirmat: Quandoque  
est nutriendus parue quantitatis plurimo refici-  
ens alimento: eius generis sunt potissimum oua  
& testes gallinacei, quorum ferè nutrimentum  
cum ipsorum pensatur pondere. Porro ouo-  
rum multæ inter se sunt differentie. Et prima  
quidem penes propriam substantiam. Gallina-  
rum enim, perdicum, & phasianorum iuuenum*

*Oua.*

*Ouorum  
differen-  
tie.*

§



## DE CONSERVANDA

ac pinguium omnibus præstant, & ad uictus salu-  
bris rationem accommodatissima sunt: anatum  
uerò, anserum, pauonum, struthiocamelorum, &  
similium deteriora habentur. In figura quoque  
ouorum aliquod bonitatis discrimen est: paruu-  
la enim, oblonga & candida reliquis succi probi-  
tate excellere creduntur, id quod uulgaris etiam  
hisce uersiculis comprobatur:

Regula presbyteri iubet hoc pro lege teneri,

Quòd bona sint oua, candida, longa, noua.

Quin ab Horatio quoq; hoc obseruatum esse,  
etiam Plinius meminit, qui libro 10. natural. hist.  
cap. 52. ita scriptum reliquit: Quæ oblonga sunt  
oua, grationis saporis putat Horatius Flaccus.  
Locus est libro 2. Sermo. Satyr. 4.

Longa quibus facies ouis erit, illa memento  
Vt succi melioris, & ut magis alba rotundis  
Ponere.

Candida præstantiora dixit, atq; eius rei  
uel inde certissimum indicium colligas, quòd ana-  
tum, & anserum oua plus aqueæ naturæ possi-  
deant, pallidioraq; , & ob id cibo minus idonea  
sint. Quamquam uerò oua per se quidem sa-  
lubria sunt, cocturæ tamen ratione non parum  
immutantur, adeò ut interdum insalubria fieri  
possint: Nam quedam diutius coquuntur: alia  
ad mediocrem usque consistentiam: alia in a-  
qua eousq; duntaxat, dum incaluerint, lixantur.

Secundum



## BONA VALETVDINE. 50

Secundum quas differentias, alia quidem ἐπιδόα, id est, cocta uocantur: alia τρομυτάα, id est, tremula: alia uerò φοφύταα, id est, sorbilia. Tremula itaq; hoc est, quæ eâtenus per coctionem inspissantur, ut in manu tenentis in testa siue putamine suo tremere uideantur, omnium sunt præstantissima, plurimum alimenti & optimi succi corporibus exhibent, facillimeq; tum concoquuntur, tum distribuuntur, & sanguinem cordi quammaximè congruentem generant. Quare ijs cum primis, qui ex morbo debiles adhuc sese colligunt, senibus & imbecilibus conueniunt, præcipuè uerò eorum uitelli. Quod Auicenna quoq; in libro de uiribus cordis Tract. 2. cap 3. ubi ex professo de ouis agit, sic fermè scribens confirmat: Oua tametsi cordis medicina non sint, ad refectionem tamen eius adsciscuntur. Nam ipsum ualde corroborant, & potissimum eorum uitelli, dummodo sumantur ex ouis bonæ carnis auium, uelut gallinarum, perdicum, ac phasianorum. Eiusmodi enim temperatura constant mediocri, citò in sanguinem conuertuntur, & post transmutationem parum superfluitatis relinquunt: sanguis autem inde genitus, est subtilis ac clarus, cor maxime corroborans: quo fit, ut ouorum uitelli in dissolutione substantiæ spiritus, & imminutione ipsius sanguinis uitalis, cæteris alimentis iure præferantur. Sorbilia autem oua tremulis minus quæ-



## DE CONSERVANDA

dem nutriunt, sed facilius subducuntur, & fa-  
cium asperitates ex uociferatione, aut ex humo-  
rum acrimonia leuigant: humorum quoq; lento-  
rem in pectore pulmoneq; incidunt. Oua uerò  
immoderatiore coctura penitus densata, quæ  
Græcis ἐπιδὰ uocari diximus, & ad coquendum  
sunt difficilia, & tardi transitus, crassiusq; ali-  
mentum corpori tribuunt. Porro iisdem ex ua-  
rio preparationis modo maior adiungitur, aut  
bonitatis, aut prauitatis occasio: nam hæc quidē  
assantur, alia elixantur, nonnulla friguntur, quæ-  
dam deniq; in iure coquantur. Assa igitur elixis  
crassioris sunt succi, ac difficilioris cōcoctionis:  
eorum enim genuina humiditas à foci caliditate  
depascitur: atq; hinc sanè eousq; assata, donec  
adurantur ac tetrum odorem reddant, ueneno-  
sam qualitatem induunt, quemadmodū Marsilius  
Ficinus in libro de uita cœlitus comparanda ca-  
pite 22. diligenter admonuit. Solent autem bifa-  
riam assari: aut enim cum putamine feruentibus  
cineribus integra obruuntur, aut in testis suis  
franguntur. Quorum hæc quidem deteriora  
sunt, illa uerò rursus duobus modis parantur: aut  
enim tota cinere cooperiuntur, aut ex parte nus-  
da ad prunas collocantur. Quæ cinere tota ob-  
ruuntur, peiora euadūt, quia densata undiq; à cir-  
cunfuso igne extrema parte, fumorum exhalatio  
intercipitur. Nuda uerò prunis imposita fumos  
exhalant



exhalant depuranturq;. Elixæ assis præstantiora sunt: nam aquæ humiditas, ne foci caliditate exsiccentur, obsistit. Parantur & hæc quoq; dupliciter: Velenim integra caldarijs supernè infusa elixantur, uel ex testis fractis in aquam fermè feruidam coniecta coquuntur. Quorum illa quidem, ubi penitus incrassata fuerint, deteriora habentur: testæ enim quo minus crassities eorum attenuetur, ac fumi dissipentur, obstant & impediunt: sed si ab igne, cum liquidum adhuc coactum densatumq; non sit, auferantur, meliora fiunt.

Hæc uerò calor penetrat, crassitiemq; attenuat, & odoris insuauitatem auertit, unde cæteris omnibus laudabiliora censentur. Longè uerò se ipsis meliora adhuc redderentur, si ad mediocrē consistentiam coctis, confestimq; à foco summotis aceti nōnihil cum butyro & croci momento commistum inspergeretur. Quæ uerò ὡς τὰ πικρὰ γίνωται, id est, in sartagine spissantur, atq; ob id ipsum τὰ γυνῖα, i. e. frixa nūcupantur, pessimū habent omnibus modis alimentū, tardèq; transeunt. Nā interim dū in uentriculo cōcoquuntur, in nidorem ac fumum abeunt, secumq; admistos cibos corrumpunt, & succus inde prognatus non solum crassus, uerumetiam prauus atq; excrementitius est. Quapropter inter deterrimas earum rerum habentur, quæ concoqui nequeunt. Iis uerò nocentiora adhuc fiunt, quæ in uetere & ferrea



## DE CONSERVANDA

*Partagine friguntur. In iure deniq; cocta, Isaaco  
 in diætiis uniuersalibus teste, locum inter assa ac  
 ea, quæ in aquam feruidam coniecta coquuntur,  
 medium obtinent. Porro quæ *ωvixτæ*, id est, suf-  
 focata appellamur, elixis & assis sunt meliora.  
 Ea Galenus ad hunc modum parare docet: Vbi  
 ipsa oleo ac garo & pauco uini conspersa fue-  
 rint, uas quo continentur, cacabo aquam cali-  
 dam habenti inditur: deinde ubi ipsum totum sus-  
 pernè obturatum fuerit, ignis substruitur, quoa-  
 ad oua mediocrem habeant consistentiam. Quæ  
 enim supra modum fiunt crassa, elixis & assis  
 sunt similia. Quæ uerò ad mediocrem crassitiem  
 peruenerunt, & melius quàm dura concoquuntur,  
 & alimenum corpori dant præstamius. In  
 ipsis quoq; ouorum partibus discrimen est. Vitellus  
 nanq; sicuti à Rhazelib. 3. ad Alman. cap. 14.  
 scribitur, in caliditate temperatus existens opti-  
 mè nutrit. Albumen uerò frigidum & glutinosum  
 est, ægrè cōcoquitur, & sanguinem prauū gene-  
 rat, eaq; ratione adducti nōnulli, albumen debilio-  
 ribus exhibendū negant. Vitellus quoq; proprie-  
 tate quadam substantiæ facile inflammatur, & in  
 fumos abit, quo fit, ut in febribus & ægritudini-  
 bus calidioribus non, nisi probè alteratus, exhibe-  
 ri debeat: Alteratur autem, ex Ioannis Michaë-  
 lis Sauonarolæ sententia, ad horas plus minus sex  
 in aqua frigida infusus. Simeon Sethi hoc quoque  
 addit:*



addit: Oua proprietate quadam peculiari ὀφειά, id est, ingenij felicitatem & bonam habitudinem tribuere ijs, qui μετὰ νόματ & θυγατέρας ταύρας & βετύρας, hoc est, cum textura filiarum tauri, id est, melle & butyro assidue estauerint. Sed Galenus libr. 5. de sanita. tuen. cap. 8. de cibis, ex quibus obstructio incidit, mentionem faciens, senes hortatur, ut à multo ouorum esu abstineant, quòd nimirum crassum lentumq; succum creent. Qui utiq; locus non simpliciter de omnibus ouis intelligendus uenit, sed de ijs quæ uel elixa, uel tosta penitus densata sunt, item de frixis & ueteribus. Leonhartus Fuchsius hunc Galeni locum in Græcis exemplaribus corruptū putat, & pro ὀφειά legendum esse ὄωρ, id est, sorborum. ὄωρ enim & ὄω Græcis, Galeno libr. 8. de simpl. medicamen. facul. cap. 13. teste, sorba sunt, quæ certè, ut idem tradit, adstringentem, atq; adeò obstruentem facultatem obtinent. Leonius apud Constantinum Cæsarem lib. 14. de agricultura cap. 17. etiam modum tradit, quo oua diu à corruptela seruari possint. Oua ipsa, inquit, seruabis, hyeme quidem in paleis, æstate in fursuribus. Alij aqua abluta oua, sale tenui intingunt, & sic conseruant. Quidam ad tres aut quatuor horas in muriam tepidam mergunt, deinde extra & in fursures aut paleas deponunt. Attamen ei, quod in muriam aut salem impositum est, pars

Alexan.  
Trall. li.  
8, cap. 1.



## DE CONSERVANDA

aliqua decedet. Caterum plenum ouum, aut non plenum, cognosces ex immisso in aquam: defectuosum enim innatabit, plenum deorsum demergetur. Eadem etiā à Columella de re Rustica li. 8. ca. 6. & à Plinio lib. 10. cap. 54. & 60. prodita sunt. De ouis plura Galenus lib. 3. de alim facult: cap. 21. & in lib. de cibis boni & mali succi cap. 7. Paulus lib. 1. cap. 83. & Aëtius lib. 2. cap. 132.

Secundum, uina rubentia: ubi ante omnia sciendum, uinum quidem ex eorum esse numero, quæ nostrum corpus alunt. Nam si modò quicquid alit, alimentum est, uinum etiam in genere alimentorum est ponendum. Verum permagna eius secundum colorem differentia est. Nam hæc Vini dif-  
ferentia. quidem alba sunt, alia rubra & clara, nonnulla rufa, siue, ut uulgo dicuntur, citrina: quædam uerò nigra: alia rursus medium inter hæc obtinent. Ex quibus omnibus alba cæteris tum imbecilliora ac minus calida habentur, tum minoris etiam alimenti: non ergo ab re capiti neruisq; innoxia sunt, urinam cient, & meatus aperiunt. Quòd debiliora sint, manifestissimum omnibus sit ex ijs, quæ Galenus com. 1. in tertium librum Hippocratis de uictus ratione in morbis acutis scribit, inquiens: Vinum potens uehementer celeriterq; corpus calfacit, caputq; ferit. Imbecillum contrario agit modo. Cum igitur minus & calfaciat, & caput tenet, necessario etiam imbecillius erit.

Quòd



Quòd deinde minus calfaciant, idem com. 6. in ci-  
 tatum Hippo. lib. clarissimè ostendit. Nempe, in-  
 quit, ex uinis albis nullum ualenter calfacere po-  
 test. Quod enim summè calidum est, id continuò  
 & flauū existit, ueluti & quod ab ipso est fuluū.  
 Mox ab his rubrum, & deinde dulce. Album au-  
 tem minus quidem his omnibus calfacit. Quod ue-  
 rum utiq; experientia comprobabit, si uina eius-  
 dem inter se territorij comparentur. Nam inter  
 uina rubra & rufa Gallica nonnulla albis quibus-  
 dam alibi natis longè & potentia & caliditate  
 inferiora reperiās. Quare eiusdem territorij ui-  
 na inter se conferenda sunt. Quòd uerò uina al-  
 ba minus quàm reliqua alant, declarat ipsorum  
 natura, præterea Galenus comment. 11. libr. 2.  
 apho. id ipsum in eum scribens modū confirmat:  
 Vina aquosa ( sic autē nominant alba & tenuia )  
 sicut aquæ similem formam habent, ita etiam uim  
 quare urinam cient, & minimum nutriunt. Idem  
 comment. 18. eiusdem libri. Vina, inquit, aquosa  
 exiguum præbent corpori alimentum. Sunt autē  
 hæc colore quidem alba, tenuia uerò substantia.  
 Item in libro de cibis boni & mali succi cap. 17.  
 de iisdem ita scriptum reliquit: Vina quæ aquosa  
 tenuiq; substantia sunt, urinam mouent, & pau-  
 cißimi sunt nutrimenti. Quòd minus etiam caput  
 feriant, Galenus libro 5. de loc. affect. cap. 5. ijs  
 ostendit uerbis: Vinum album atq; modicè astrin-



## DE CONSERVANDA

gens, ut uentriculum robustum efficit, ita haudquaquam tentat caput, id quod facere solent ea, quæ uehementes uires obtinent. Auicenna quoq; 3. 1. doc. 2 cap. 8. in hunc propè modum scribens idem confirmat: Vinum album & tenue calorificis præstat, non enim capitis dolorem efficit, sed eundem potius, ubi fortè ex stomachi ardore initium duxerit, humectando leuat. Cur autem cæteris caput minus feriant, eius rei causa alia non est, quàm quòd minus fument euaporentq;. Quòd deniq; meatus aperiant, urinamq; moueant, Hippocrates libro, de uictus ratione in morb. acut. aphor. 6. ijs uerbis disertè significauit: Ad uescam alio uino magis penetrat, urinasq; prouocat, & perpetuò perrumpit: atque multa ad opem his morbis ferendam facit. Rationem eius rei tradit Galenus, libro septimo methodi medendi capite 6. in eum scribens modum: Vina aquosa uires organorum adaugent, & expellendis excrementis uiam faciunt. Eoq; fit, ut etiam talia uina præter cætera urinas moueant, quando & ipsa totum corpus celeriter transeunt, & impetu cursus sui excrementa secum expellunt. Celeriter certè transeunt, tum quia tenuia & tepida sunt, tum quia astringunt. Tenuitate enim et tepiditate promptè mobilia fiunt, adstrictio autem ipsa magis impellit. Ex quibus iam illud quoque elicitur, nempe alba & tenuia uina tutò exhiberi



hiberi corporibus intemperie uel naturali, uel quoquo modo aduenitia biliosis: æquè uerò & studiosis, & quibuscunq; caput uel naturæ ipsius habitu, uel ab alia quapiam extrinsecus obrepente causa, imbecillius existit: pari modo & ijs, quæ calidam & humidam cerebri temperaturam obtinent, quippe uina potentia ita adfectis aduersissima sunt. Cumulatim enim, quemadmodum loco iam citato Auicenna ostendit, caput humoribus uaporibusq; & caliditate replent, ualideq; cerebrum perturbant, & maturius ebrietatem inducunt. Quod si tamen res cogat aliquando eis uti, copiosiore prius aqua diluenda sunt. Iam uerò & calidiorem uentriculi atq; hepatis temperaturam habentibus, nimioq; æstu et ardore fameq; aut mœrore uexatis, atq; item in anni tempore, regione, tempestateq; calida, uina debiliora magis conferunt: ut in quibus calida uina eos, qui refrigerandi sunt, impensius calfaciant, capitisq; dolores, & febres faciliè infrant, neruosq; ledant.

Vina uerò rubra & clara, cuiusmodi Bello uacensia cum primis habentur, cæteris calidiora sunt. Quod breuissimè Galenus comment. 6. in 3. Hippoc. libr. de uict. rat. in morb. acut. ijs uerbis significauit: Vinum quod summè calidum est, id continuò & flauum existit. Eadem cæteris quoque ualentiùs alere, idem comment. 11. lib. 2. aph. ita scribens attestatur: *Quæ crassa sunt, & colore*



## DE CONSERVANDA

lore rubea, plus alimenti habent, quàm reliqua uina. Inest aut eis, & citissimè implere corpora euacuata, & ob hoc indigenia adiectione. Quod ita sanè intelligendum uenit, ut uina rubea ea de causa firmitus alere dicantur, quòd ex ipsis plus in membrorum substantiam conuertatur. Hac ratione & nigra ceteris præferri possunt, quòd & ipsa nimirum non mediocriter, neq; dissipatu facile alimentum corpori tribuant. Atq; hinc certè non temerè à Galeno comment. 18. libr. 2. aphor. ita scriptum est: Crassa & fulua multò quidem magis corpus alunt, sed tantum uincuntur à nigris in nutriendo plurimum, quantum superant in præstando acruatum & uelox alimentum. Eodem planè modo & illa intelligenda, quæ ab I<sup>o</sup> Saaco in dietis particularibus scribuntur: ubi uinum nigrum plenioris alimenti quàm rubrum esse contendit. Ceterum uina quidem hæc colore rubea, ut urinam leuius, quàm alba, cient, ita maiorem capiti noxam adferunt. Animalis enim facultas promptius quàm naturalis aut uitalis calido offenditur: Quia calidum caput promptè ferit, ac spiritum animale dissipat. Spiritus enim hic subtilis, ac ut ab omni eccellente calido discutitur, idoneus est: Quo fit, ut eiusmodi uina debile cerebrum habentibus exhibenda non sint, nisi diluta & exigua planè copia. Ab ijs uerò, quibus bona cerebri habitudine ac firma sanitate



nitate frui datum est, tutius cibuntur. Firma  
 nanq; cerebri constitutio, ut eleuatis ad sese ua-  
 poribus strenuè obsistit, ita ab ijsdem etiam mi-  
 nus offenditur. Vbi hoc quoq; ignorandum non  
 est, nempe motus ingeniorum in eiusmodi homini-  
 bus, si uino bono ac potente moderatè utantur,  
 longè seipsis & ad excogitandum acutiores, &  
 ad explicandum ornandumq; uberiores, & ad  
 memoriam denique firmiores atque diuturniores  
 euadere. Spiritus enim tenues, clari, & puri  
 ex bono uino potius, quàm quouis alio potu ge-  
 nerantur. Hinc est quòd Theologi in contem-  
 platione circa sacrosancta Dominicæ passionis  
 mysteria, optima cum primis uina deligunt, quæ  
 ob id ipsum iam passim etiam Theologica nomi-  
 nantur. Hæc utiliter ijs quoque dantur, qui cal-  
 faciendi sunt, utpote pituitosis frigidisq; tempe-  
 ramentis, crudiq; humoris copia refertis, tum ijs,  
 qui frigidis in locis ociosius uiuunt. Dantur  
 quoque in hyeme, frigidaq; & humida tempesta-  
 te. His enim omnibus, ideo quòd frigiditatem cor-  
 rigan, & obstructions tollant, accommodatissi-  
 ma sunt. Genuinum calorem refocillant, unde  
 concoctio melior & sanguis probus euadit, ci-  
 bum per omnia corporis membra, ut quæ facile  
 penetrent, deducunt. Quamobrem ex morbo e-  
 maciatis reficiunt, corporaq; ipsorum augent.  
 Etenim cibi cupiditatem faciunt, pituitam exte-  
 nuant,

Vina the-  
 ologica.



## DE CONSERVANDA

nudant, & in sanguinem commutant, bonum colorem conciliant, animo letitiam uoluptatemq; pariunt, & robur adiiciunt. Harum itaq; commoditatum moderata uini potio, immoderata uerò contrariorum occasionem præbet.

Vina uerò rufa, siue citrina, minus quidem quam rubea & clara, excellentius tamen quam albatum calfaciunt, tum ~~caput~~ <sup>ut caput</sup> etiam quam alba magis offendant: quemadmodum fufius comment. 1. & 6. in 3. Hippoc. lib. de uict. rat. in morb. acu. Galenus monstrauit. Hæc etiam alba à quibusdā uocari solent: hinc est quòd quidam dicunt, Vina alba citò plurimum calfacere.

Vina uerò nigra minus quam rufa calfaciunt, unde minus etiam caput feriunt: sed cum tardius per aluum quam alba transeant, urinamq; leuius moueant, uehementius etiam quam alba caput tentant. Et hæc ipsa plenius quidem quam alba & rufa, minus uerò quam rubea nutrium, ut copiosius locis paulò antè citatis Galenus ostēdit.

Tertium, pinguis iura, hoc est, sorbilia ex iusculis carniū, & præcipuè pullorum confecta. ἰσχυρὸν & ἰσχυρὸν iuxta Græcis, Brodia uerò uulgo appellamur. Quæ sanè cum naturæ amica sint, citius tum concoquuntur, tum per uenrem subeunt: nam quæcunq; cum uoluptate assumuntur, ista uenter auidius amplectitur, faciliusq; concoquit: plurimum corporibus exhibent alimento

iura ē  
carnibus



alimentum, et bonum sanguinem producant, idq;  
 excellentius adhuc, si cum similaceo pane prępa-  
rentur. Simila enim uel similago, id est, subtilissi-  
 ma ac purissima delicatissimi tritici farina, σιμιϑ  
 δαλῖς à Græcis dicta, copiosum et laudabile cor-  
 poribus alimentū pręstat, ut testis est Rhazes li.  
 3. ad Almans. cap. 3. Tria hæc alimentorū genera,  
 quę exigua mole plurimum nutrire ostendimus,  
 Auicenna quoq; 2. 1. doc. 2. Sum. 3. ca. 15. breuiter  
 ijs ferè uerbis complexus est: Cibus subtilis, boni  
 succi, & plurimi alimenti, est, exempli gratia, ut  
 ius carniū, uinum, & oua, eaq; tum sorbilia  
 tum tremula. Talia enim exigua mole plurimum  
 nutriunt, quia maxima substantiæ ipsorum por-  
 tio in alimentum transit. Vnde sequitur tandem  
 & robur insigne conciliare ijs, qui ipsis sæpius  
 usi fuerint. Additio iocosa de uino Theologico ex  
Chiliad. 3. Centur. 2. Prouerb. 37. Eras. Roterod.  
 Hac tempestate, inquit, apud Parisios uulgari  
 ioco, uinum Theologicum uocant, quod sit uali-  
 disimum, minimeq; dilutum. Nec infestiuio-  
 ter quidam huiusce Prouerbij causam rogatus,  
 respondit, à iureconsultis occupari, quas uocant  
 Præbendas, Decanatus, & Archidiaconatus,  
 Theologis nihil reliquum fieri, præter curata,  
 quę uocant, sacerdotia. Cæterum quoniam de  
 pastoribus scriptum est, Peccata populi comede- Oseæ 4.  
 tis, nimirum ad cibi tam duri concoctionem opus  
 esse



DE CONSERVANDA

esse uino efficacissimo. Atq; hinc esse natum uul-  
gi dictum.

DE CIBIS BENE NVTRI-  
entibus & impinguantibus.

Cap. IX.

**N**Vtrit triticum & impinguat, lac;  
caseus infans,  
Testiculi, porcina caro, cerebella, me-  
dullæ,  
Dulcia uina, cibus gustu iucundior, oua  
Sorbilia, & ficus maturæ, uuaq; recen-  
tes.

Milch/marck/frischer faß vnd niern/  
Süß wein/weyß/schwein in fleisch vnd  
hirn.

Lustspeiß/lauter eyer/feigen/  
Weinbeer wil ich nicht verschweigen/  
Machen feist/vnd füttern sehr wol/  
Iss du jr vil/dein haut wirt vol.

Duodecim alimentorum genera plurimum nu-  
trientia & impinguantia hoc loco referuntur.

Primum, Triticum, ut panem uidelicet tri-  
Triticū. ticeum per triticum intelligas. Hic enim Auicen-  
na 2. Cano. cap. 572. celeriter impinguat, præfer-  
tim si ex nouo tritico preparatus fuerit. Porro  
quod



quod ad tritici temperamentū attinet, ipsum est  
 primi ordinis ex calfacientium: non tamen nec re  
 siccare, nec refrigerare manifestò potest, quem  
 admodum Galenus lib. 8. cap. 72. de simpl. medic.  
 facult. & post eum Paulus libr. 7. luculenter &  
 perspicuè docuerunt. Hinc etiam Rhazes lib. 3.  
 ad Alman. cap. 2. ita ferè scriptum reliquit: Triti  
 cum moderato proximum, aut paulò calidius est.  
 Præstātia eius sumitur, partim quidem à propria  
 substantia, partim uerò à præparationis modo.  
 Quod quidem ad substantiam attinet, est & in  
 tritico non parua speciatim differentia: quippe  
 quod graue est ac densum, & in profundo flauū,  
 copiosissimi id alimenti est, crassiq; succi ac leui:  
 contrà quod leue est & rarum & album, minus  
 nutrit, succumq; gignit crassum minus ac lenum.  
 Atq; eius rei locupletissimus idemq; grauißimus  
 testis est Galenus, qui lib. 1. de alim. facult. ca. 9.  
 ita scribit: Inter tritica plurimum habent alimen  
 ti, quæ densa sunt, totamq; substantiam habent a  
 deò compactam, ut demibus uix diuidi queant.  
 Talia enim exigua mole corpora plurimum nu  
 triunt: quæ uerò ijs sunt contraria, quæq; denti  
 bus quidem faciliè franguntur, fractaq; rara ac la  
 xa apparent, magna mole exiguum reddunt ali  
 mentum. Quod si utrorumq; parem modum pen  
 dere libuerit, quæ densa sunt, multò grauiora  
 esse comperies. Hæc autem sunt, colore etiam la



## DE CONSERVANDA

his flauiora. Explorare autem horum naturam non simpliciter oportet, superficiem externam duntaxat contemplando, sed diuidendo quoque, ut diximus, ac frangendo: multa enim quæ extrinsecus flaua ac densa fuerunt uisa, rara intus, ac laxa, albaque apparuerunt. Hæc ille. E quibus sanè uerbis illud etiam sequitur, nempe panem ex denso, graui, ac flauo tritico confectum, omnium esse tum præstantissimū, tum maximi alimenti, adeoque magis etiam uictus salubris rationi conuenire, quam qui ex quibuslibet alijs granis confectus sit. Panem autem, qui ex nigro atque inueterato tritico præparatur, nemo affatim citra sanitatis dispendium mandet. Quòd si quis ei non assueuerit, etiamsi minimum sumpserit, ægrotabit. Est enim iniucundus, grauis, concoctu difficilis, et mali succi. Contrà uerò, qui ex electo tritico conficitur, non modò ad concoquendum est facilis, sed hominum etiam corporibus est saluberrimus, ut qui sanguinem medium consistentia generet. Medium autem Galenus lib. 3. de aliment. facult. cap. 27. uocat, qui neque admodum tenuis est, neque aquosus, neque uehementer crassus. Verum hætenus de tritici secundum substantiam electione hæc dixisse huic sermoni, in quo præstantiam inquirere institimus, satis sit, nunc reliquum est, ut de præparatione nonnihil etiam dicatur. Sciendum igitur, quòd omnia, quæ ex farina

critici



Trilici friguntur, crassi sint succi, & tardè transf-  
 eant, iecorisq; meatus, per quos fertur alimen-  
 tum, obstruant, lienis imbecillitatem augeant, cal-  
 culos deniq; in renibus gignant. Quòd si tamen  
 cocta bellè fuerint, atq; in sanguinem mutata, ad-  
 modum nutrient. Triticum uerò elixum, graue,  
 & concoctu difficile est edulium, & inflationes  
 creat. Vires tamen habet magnas, si sic sumptum  
 concoquatur, nutritq; ualidè corpus, ac robur  
 insigne ijs, qui ipso usi fuerint, conciliat, ut lib. 1.  
 cap. 14. de aliment. facult. & in lib. de attenuandè  
 dieta cap. 5. testatur Galenus. Concoctu au-  
 tem inter panes sunt facillimi, qui plurimum sunt  
 fermentati, & pulcherrimè subacti, quiq; in cliba  
 no igne moderato fuerunt assati. Nam ignis ar-  
 demior primo statim occursum superficiem exter-  
 nam circumurens in testæ modum indurat, acci-  
 ditq; duplici nomine prauum panem fieri: priori  
 quidem, quòd partem internam habeat crudam  
 atq; illaboratam: posteriori uerò, quòd exterio-  
 ram siccam habeat, ac præassatam ac testaceam.  
 Porro ignis moderato remissior, panem minus  
 bellè elaborat, sed ipsum crudiores relinquit,  
 & maximè partem omnem eius internam. Qui  
 autem in igne moderato, largiore spacio per to-  
 tos se ipsos æquabiliter assati fuerint, ij tum bel-  
 lissimè in uentriculo concoquentur, tum ad cete-  
 ras actiones, quæ coctionem consequuntur, erunt



## DE CONSERVANDA

accommodatissimi. Peßimi autem panes ij sunt habendi, quibus nihil memoratorum amè, adest. Plura Galenus lib. 1. de alim. fac. cap. 9. & infra cap. 24. huius opusculi.

**Lac.** Secundum, Lac: quod de eo lactis genere cum primis intelligendum uidetur, quod ὀξύγαλα Græci, Arabes Adoc, uel Adhoc, uel Adech, Barbari uerò Balbucam nominant, id est, lac acidum ebutyratum, Germanicè Buttermilch. Hoc enim cum pane calido siue recenti sumptitatum corpora maximè impingat. Verùm cum frigidum sit, ac crassi succi, nō simpliciter omnibus, sed ijs solis, qui id probè concoquant, exhibendū est. A uentriculo enim qui quauis de causa frigidior est, minus bellè cōficitur: à temperato uerò, quamuis egrè, conficitur tamen aliquantum. Contrà uentriculi iusto calidiores, siue ab initio tales fuerint, siue à quapiam causa postea in eam temperiem sint adducti, præterquàm quòd nihil ab huiusmodi edulij læduntur, comodo etiam aliquo fruuntur. Sed de hoc copiosius Galenus libro 3. de alim. facult. cap. 15. Intelligi etiam de lacte caprino potest, de quo ca. 7. abundè diximus.

**Caseus recens.** Tertium, Caseus in, fans siue recens: de quo Dioscorides lib. 2. cap. 63. ita scriptum reliquit: Caseus recens sine sale sumptus alit, stomacho utilis est, & facile in membra delegatur: corpus augeat, aluum modicè emollit: alius tamen alio præstantior.



stantior, pro natura lactis, à quo conficitur. Eadem ferè tradit & Auicenna 2. Cano. cap. 127.

Etsi uerò caseus iam dictus abundanter alit, & corpus impinguat, nihilominus tamen & ipsius esum consequuntur nocumenta illa, quæ cap. 7. recensuimus. Quare ad secundæ ualetudinis usus inutilis habetur.

Quartum, testiculi: quod primò quidem de Testiculì  
gallorum saginatorum testiculis intelligendum est. De illis enim Galenus lib. 3. de alim. facul. cap. 5. in eum scribit modum: Gallorum gallinaceorū altilium testes & suauissimi sunt, & laudabile corpori præbent alimentum. Et iterum ubi suprâ cap. 6. Soli gallorum gallinaceorum testes undequaq; sunt præstantissimi, & potissimum eorum, qui saginati fuerint. Et multò clariùs adhuc ca. 20. eiusdem libri. Gallorum, inquit, gallinaceorū testes sunt præstantissimi, præcipuè altilium, & multò magis, si cibus eorum, quo sunt nutriti, seroso lacte fuerit imbutus: nam & boni sunt succi, & ualidè nutriunt, & ad coquendum sunt facillimi. Quinetiam Auicennæ testimonio 2. Cano. ca. 719. eadem confirmantur. Exigua præterea mole, eodem Auicenna 4. 1. cap. 1. teste, plurimum nutriunt. Deinde uerò intelligendum etiam de testibus suum iuuenum mediocriter pinguium, qui nondum coierunt. Nam quantò suum caro alijs est præstantior, tantò horum quoq; testes alio



## DE CONSERVANDA

rum animantium testibus sunt meliores, quemadmodum disertè admodum Galenus libro 3. ca. 6. de alim. facult. demonstravit. Illud quoque hoc loco ignorandum non est, nempe adultiorum animalium testiculos, in quibus semen iam fermentatum est, ad coquendum esse difficiles, ac mali succi: Iuniorum uerò, quæ nondum coierunt, & in quibus semen nondum fermentatum est, præstantiores sunt, & laudabile corpori tribuunt alimentum, si bellè conficiamur, alij magis, alij minus, pro ea proportionem, quam in carne inesse diximus.

Quintum, porcina caro: de cuius præstantia & effectu satis superque diximus cap. 7.

Sextum, Cerebrum: de quo copiose admodum Cerebrum. Galenus lib. 3. de alimen. facult. cap. 7. in cum scribit modum: Cerebrum omne, cibus est pituitosior, crassiusque succi, & tardè permeans, ac ad coquendum difficilis. Non minimum etiam cerebrum omne stomacho nocet. Quidam autem ipsius molli-  
tie decepti, ipsum ægrotis exhibent, cum præter alia nauseam etiam concitet. Quinimò, cum cuiuspiam à cibo uomitum mouere uis, huius partem pinguius conditam, postremis epulis edendam exhibe. Illis uerò caue exhibeas, qui cibum non appetunt, quos ueteres ἀροίτῃς appellabant. Merito igitur nemo cerebrum ab alijs epulis mandit, cum omnes ipsa experientia docti,



docti, sciant ipsum nauseam excitare. Iure etiam pleriq; cum origano mandunt, uti nonnulli cum sale uarijs modis apparato: quippe cum crassū sit succi, & excrementitium, omnino fit accommodatius, quando cum incidentibus & calfacientibus fuerit paratum. Sitamen rectè conficiatur, alimentum corpori præstabit non contemnendum. Hæc ille. Sunt etiam qui cerebrum, prius quàm mandatur, super craticulam probè inassandum esse moneant: quòd scilicet eius immoderatio per ignis caliditatem magna ex parte corrigatur ac temperetur. Rhazes lib. 3. ad Almanso. cap. 11. hoc etiam adiungit, nempe, cerebrum calidæ quidem temperaturæ hominibus in cibo esse utile, frigidioribus uerò, quiq; uitam frigidis passionibus obnoxiam degant, aduersissimum. Neq; id quidem temerè. Quippe similibus, ut testis est Galenus cum alibi sæpius, tum præcipuè lib. 1. de sanita. tuend. cap. 10. quilibet excessus augefcit, contrarijs emendatur ac minuitur. Vt autè summam de cerebro perstringam, ad uictus salubris rationem parum accommodum est: quare ex intervallo potius ac parcè, quàm assiduè atq; affluenter eo uescantur, qui sanitatis tuendæ curam susceperint. Quorundam tamen animalium cerebrum ceu medicamentum ualet. Sic cerebrum capreoli aduersus uenena, & uirulentarū bestiarum morsus remedio est. Terrestris lepo-



## DE CONSERVANDA

ris inassatum cerebrum manditur iuuandis tremoribus, qui ualetudine contracti sunt: affrictu aut cibo facilem infanibus dentitionem præstat. Quidam etiam aduersus metum utiliter edi prodiderunt. Cerebrum pulli & caponis in uino bibendum datur contra serpentium morsus, sanguinem à cerebri membrana profluentem sistit, & in cibo cerebri substantiam auget, unde & his, qui tardiori leuioriꝫ ingenio ac mente sunt, prodesse dicitur. Quod ad electionem attinet, Animalia uolucra exiguum quidem habent cerebrum, sed ipsum tamen tantò pedestrium cerebro est præstantius, quantò & siccius: uolucrum autem ipsorum, montana cerebrum habent quàm palustria præstantius, pro aliarum omnium partium proportionem. Porro ex pedestribus animalibus Auicenna agnium præfert, post hoc uerò uinum præcipuè commendat. 2. Cano. cap. 129.

**Medulla** Septimum, Medulla: de ea Galenus lib. 3.  
**Ossium.** de alim. facult. capite 8. hæc prodidit: Medulla, inquit, quæ in ossibus inuenitur, cerebro est dulcior, iucundior, ac pinguior, adeò, ut si ea, inter se comparando, gustes, putaturus sis cerebrum austerum etiam aliquid in se habere. Porro medulla nauseam prouocat, si liberalius sumatur, quemadmodum & cerebrum: nutrit tamen & ipsa, si probè conficiatur. Auicenna cum seminibus & pipere condit, 2. Cano. cap. 496. Quod delicatè



## BONA VALETVDINE. 62

delicati quidam lurcones & artis obsonatricis periti faciunt cydonijs & passulis. Laudatissima est ceruina, mox uitulina, post hanc taurina, deinde caprina, & ouilla. Dioscor. lib. 2. cap. 69.

Octauum. Dulcia uina: de quibus infra capite 11.

Nonum, cibus gustu iucundior: talis enim non exiguum corpori tribuit alimentum, quemadmodum Hippocrates etiam lib. 2. apho. 38. monet, ubi sic scriptum reliquit: Paulò deterior & potus & cibus, uerum iucundior, melioribus quidem, sed iniucundioribus præferendus est. Quam sententiam ipse exponens Galenus. Quæcunq; inquit, cum uoluptate assumuntur, ista uenter arctius amplexatur, & facilius concoquit. Refugere autem consuevit ea, quæ iniucunda & insauia sunt, utpote quæ uel nauseas, uel inflationes, uel fluctuationes pariant: quod quidem in plurimis etiam ijs, qui boni sunt succi cibus, accidit. Quando uerò paulò fuerit deterior, tunc in ijs, qui libenter hunc assumunt, non modò non etiam deterior, sed quandoq; melior redditur.

Decimum, oua sorbilia: quæ sanè præcedē Oua sorti capite parua mole plurimum alere ostendimus. bilia.

Vndecimum, Maturæ ficus: De quibus Si- Ficus. meon Sethi hæc tradit: Ficus admodum nutriūt, carnem tamen non compactam, neq; firmam generant ceu panis & suilla, sed sublaxam ac submas



## DE CONSERVANDA

rem, ut faba. Ventrem flatibus implent, nisi prom-  
bè cōcoquantur, Minus uerò cæteris oporis sunt  
mali succi, & uentrem proritant, & facile exe-  
unt. Effatu dignam abstergerendi facultatem ob-  
tinent, quo fit, ut post ipsarum esum nephretici  
multas arenas excernant. Maturæ ficus nihil  
propemodum omnino ledunt, proximeq; ad  
caricas accedunt, multaq; cum illis utilia  
habent. Si quis tamen largius esitauerit, in  
una re ab eis offendetur: quandoquidem san-  
guinem non admodum probum gignunt: quo fit,  
ut ex ipsarum usu pediculorum multitudo pro-  
ueniat. Oportet autem post usum ficuū alimentū  
quod incidat & extenuet, ingerere. Ad hæc ficū  
pulmonem & thoracem iuuant. Aiunt insuper  
contra uenena facultatem habere, si quis singu-  
lis diebus ieiunus ijs utatur. Carica pectus iu-  
uant, & ad tusses faciunt, urinam ciunt, satisq;  
nutriunt, corporis etiam bonam habitudinem ef-  
ficiunt. Ante cibum sumptæ uentrem irritant, sed  
nisi celerius uentrem pertranscant, non bonum  
sanguinem gignunt. Quapropter si ad satietatem  
usq; crebrò edantur, scabiem & pruritus exci-  
tant. Cibus autem bonus est, & aduersus uenena  
remedium, si cum nucibus aut amygdalis come-  
dantur. Renes expurgant, & iecoris lienisq; ob-  
structiones auferunt, uerum calfaciunt, & sitim  
inferunt, & flauam in calidioribus temperamen-  
tis



etis bilem procreant. Addit Galenus: Iecori lie-  
niq; inflammatione obsessis esse noxias, quemad-  
modum & ficus, non peculiari quadam & exi-  
mia facultate, sed communi ratione dulcium o-  
mnium ciborū ac potuum: obstructis autem illis,  
aut ονίρρω adfectis, ipsas ex sese nil commodare  
nec officere: sed medicamentis incidentibus ac  
extenuantibus & abstergentibus mistas, non me-  
diocriter iuuare. Proinde nonnulli medicorum  
in dictis lienis ac hepatis affectibus, exhibent i-  
psas longè ante cibum cum thymo, aut pipere,  
aut zingibere, aut pulegio, aut satireia, aut cala-  
mintha, aut origano, aut hyssopo. Ad eundem au-  
tem modum, si carica cum alio quopiam eorum,  
quæ facultatem habent acrē, aut omnino inciden-  
di ac extenuandi, assumantur, iuuabunt nō solum  
sic affectos, sed etiā sanos. Siquidem iecoris mea-  
tus, per quos fertur alimentū, apertos esse non æ-  
grotis modò, sed sanis etiam est tutissimum. Ad  
eum igitur modū uulgo ficibus cum attenuantib.  
sale, aceto, & garo preparatis, uescimur, quòd  
ipsas utiles esse experientia didicerint Plura Dio-  
scorides lib. 1. cap. 144. Galenus li. 2. de alim. fac.  
cap. 8. Paulus lib. 1. cap. 81. & Aëtius lib. 1.

Duodecimum, Vuae recemes, id est, dul- Vuae  
ces & maturæ. Nam ficus & uua, quemadmodū  
inter fructus autumnales principatum obtinent,  
ita fugacibus omnibus magis nutriunt, minimumq;  
prauit



## DE CONSERVANDA

præui succi habent, præsertim cùm exactam maturitatem fuerint adepti. Porro quòd ipsa nutriunt, maximo argumento sunt ij qui vinearum fructum custodiunt, qui cùm duos menses solis uis ac ficubus, quorum custodie præ sunt, uescantur, (nisi fortè panis quidpiam cum illis addant) corpulenti tamen admodum fiunt: At caro, quæ ex ipsis gignitur, haudquaquam est firma ac densa, quemadmodum ea, quæ ex carnibus fit, sed laxa est ac præhumida, ob id celeriter etiam, cùm uesci ipsis desierint, constringitur ac considet. Verùm uuæ minus alunt quàm ficus, maximumq; id ipsis inest commodum, quòd uelociter subeant.

Quocirca, si quando hæserint, grauiter lædunt: neq; enim retentæ bellè concoquuntur, & dum in iecur ac uenas distribuuntur, succum crudum generant, qui non faciliè in probum sanguinem mutetur. Vinaceorum siue nucleorū substantia sicca est, & quodammodò adstringens, omniaq; intestina peruadit, nihil, quod sensu deprehendi queat, à sese mutata. Vuæ uerò tantisper à collectione, dum membrana extrinsecus ambiens detumuerit, pensiles aëri expositæ, neq; sistunt uentrem, neq; proritant, minusq; flatibus implent, cæteris autem facilius concoquuntur, & melius nutriunt. Non parua autem est inter uuas differentia, quòd aliæ sint dulces, aliæ acide, aliæ austere, aliæ deniq; quæ nullam uehementem habeant



## BONA VALETVDINE. 61

beant qualitatem: uocant autem ipsas uinosas. Ceterum quæ dulces sunt, succum habent calidiorem, & ob id sunt sitibunda: austera uerò & acida frigidiora: uinosæ autem locum inter calidum ac frigidum medium obtinent. Aluum subducunt dulces, & maximè si sint humidæ. Omnium quidem certè usus (si quis moderatè sumat) est tutissimus, quum natura fuerint carnosæ, ac maturæ, siue in uite summam maturitatem obtinuerint, siue quod maturitati deerat, ex consequenti suspensione sint adeptæ. Vix quæ alba sunt, uehementius aluum turbant & subducunt, magisq; stomachum inflant, quàm nigrae. Omnes uerò ciborum appetentiã excitant, & Venerem. Conuenit cum eduntur, membranam & nucleos expuere, quòd difficulter conficiantur, quemadmodum luculenter & perspicuè docuit Galenus lib. 2. de aliment. facult. cap. 9. & lib. 1. de locis affect. cap. 4. & post eum Simeon Sethi in Syntagmate de cibariis facult. Ceterum uix recentes, è quibus uinacci exempti sunt, celerimè pertranseunt, cibusq; alijs præeunt, si in uentriculum purum inciderint, et sumptæ primis epulis fuerint. Quòd si sumptæ post alios cibos fuerint, aut etiam prauum succum in uentriculo offenderint, celerimè unà cum alijs cibus corrumpuntur. Idem de alijs quoq; fructibus aluum subducentibus intelligendum. Si cui uiridibus



## DE CONSERVANDA

ridibus ac recentibus uuis uesci placuerit, ad hō-  
 ram ferè in aqua feruida ut maceret, ac frigida  
 deinde abluat oportet prius, quàm mandere ipsas  
 aggrediatur: quæ enim ita præparantur, inno-  
 xie fiunt. Vuas, quæ subtilem ac tenuem has-  
 beant corticem, citius deorsum concedere, mi-  
 nusq; uentrem flatibus implere: his uerò contra-  
 rias contraria operari, Rhazes libro tertio ad  
 Almanso. capite 20. autor est. Vuæ acerbæ  
 atque immaturæ, frigida & humida sunt, uen-  
 trem constipant, stomachum corroborant, & ca-  
 liditatem à flaua bile ortam sedant, sed parum  
 nutriunt. Succus inde expressus, qui Græcè uoca-  
 tur οὐροῦ κρηττόν, uulgo Italoꝝ & Officinis Agre-  
 sta, bibitur ad recentem sanguinis excreationem,  
 etiam si rupta parte aliqua contingat: sed pauco  
 & aquatiore est utendum. Plurimis uerò antè  
 diebus inueteratus, cumq; stillatio rosarum li-  
 quore decoctus atq; exhibitus, nauseantibus, &  
 his qui cibaria in uentriculo non retinent, succur-  
 rit. In cibo adstringit, bilioso alui profluuio &  
 dysenteria proficit. Sunt præter has etiam uuæ  
 sicca, quæ, quòd in siccando solem patiantur &  
 Vuæ passignem, passæ siue passule uocantur: hæ sunt  
 alijs uuis calidiores, stomacho gratiores, ualen-  
 tius alunt, sed minus subducunt aluum, eandemq;  
 fermè cum alijs uuis habent rationem, quam cari-  
 bæ cum ficibus. Multæ enim sunt dulces, acerbæ  
 autem

**Vuæ  
sæ.**




autem omnino pauca: plurimæ uerò ex dulci & austera qualitate sunt mixtæ: quanquam dulces nonnihil quoq; austere qualitatibus habent, & austere dulcedinis. Caterum ut dulces temperamento sunt calidiore, ita austere frigidiores. Ad hoc, austere stomachum roborant, & uentrem constipant, & his multò magis acerbæ: mediam autem quodammodo inter ipsas constitutionem dulces obtinent, ut quæ nec stomachum dissoluant, nec aluum subducant. Dulcibus tamen, ut uis quædam semper inest contemperandi, ita & mediocriter detergendi, quibus duabus facultatibus exiguas mordicationes, quæ os uentriculi infestant, obtundunt. Bellè nutriunt, exscinate pectus & pulmonem iuuant, stomachum, iecur, & lierem corroborant. Cum nucleis manducatæ conducunt intestinis. Est tamen præstabilius nucleos expuere, propter duritiem & terream ipsorum essentiã. Vuae passæ pingues septē drachmarum pondere, per sex dies sumptæ ab ieiuno, purgant phlegma, et sanguinem abundare faciunt. Tota substantia familiares sunt hepati, et usu crebro consuetæ: nutriunt enim ipsum et impinguant, sanguini bonum colorem præstāt, et humores percoquant: ob id felicissimè, exemptis uinaceis, miscentur medicamentis hepaticis. Sed si paulò largius sumantur, incidunt et exurunt sanguinem. Præstantiores autem sunt, quæ tū pingues sunt, tū corticem habent.



## DE CONSERVANDA

*Bent tenuem, dulcioresq; . Passula minus quidem  
quàm carica uentrem mouent absterguntq; , sto-  
macho tamen magis accommodantur. Plura Ga-  
lenus lib. 2. de alim. facult. cap. 9. & 10. Paulus li-  
bro 1. cap. 81. Aëtius lib. 1. Simeon Sethi in Synta-  
gmate. Rhazes lib. 3. ad Alman. cap. 20. Auicena  
2. Cano. cap. 737. Auerrhoës 5. collectan. cap.  
37. Rabi Moses Tract. 3. ad Sultanum Babylo-  
nia, & Iacobus Syluius lib. 1. de medic. simp. nat.  
Ex quibus sanè omnibus satis liquet, quæ de re-  
centibus hoc loco dicuntur uis, ea etiam de pas-  
sulis esse intelligenda.*

## DE BONI VINI PRO- prietatibus. Cap. X.



**V**ina probantur odore, sapore, ni-  
tore, colore,

Si



BONA VALETVDINE. 65

Si bona uina cupis, quinque hæc laudantur in illis:

Fortia, formosa, & fragrantia, frigida, frisca.

Lieblichen geruch/schmack/farb/vñ schein  
Sol haben ein aufferwelter wein.

Quatuor generales boni uini differentias primus uersus complectitur, cuique eæ omnes insunt, id ipsum uulgari ioco, nimirum ob colorem, odorem, & saporem, Cos appellari solet.

Prima quidem Odor est. Vinum enim instar Vini odor.  
aromatis unguentique suaueolens, Constantino Africano lib. 5. Theorices cap. 28. teste, alimentum corpori suppeditat non mediocre, succum gignit laudabilem, partes principes facultatum, ceu fontes, corroborat, facultates animamque exhilarat, spiritus quoque tenues adauget, eosque languidos tantumque non exolutos reficit et recreat: quo fit, ut solo etiam olfactu λεπτοδυσμία languentibus sæpe animum reuocet. Iucundo enim odore, quemadmodum in libro de alimentis Hippocrates testatur, uires celerrimè reficiuntur. Contrà, quod foetidum est, natura abominatur: Spiritus namque crassos & melancholicos, & malum succum generat, prauamque fumorum qualitatem sursum transmittens capiti dolorem infert. Humain uerò siue Ioannitius de Vini differentia,



## DE CONSERVANDA

quæ ab odore sumitur, in supplemento comment.  
1. Galeni in libr. 3. Hippoc. de vict. rat. in morbis  
acut. in hunc ferme modum scriptum reliquit: Vi-  
num boni odoris succum quidem gignit laudabi-  
lem, sed cum calidiore sit temperamento subti-  
lioreq; substantia, corpus celeriter calfacit, &  
caput uaporum copia infestat. Quod uero non  
boni odoris existit, sed ferientem quandam et in-  
suauem nactum est qualitatem, et si prauum pro-  
creat succum, capiti tamen ob frigiditatem & cras-  
sitiem suam minorem noxam suggerit. Quod nul-  
lo deniq; pacto odorem habet, sed est aquæ instar  
inodorum, hoc ipsum, cum insigni crassitudine  
præditum sit, tantum abest ut caput offenda-  
t, ut ei ne uapores quidem aut fumos communicare possit.

Vini sa-  
por.

Secunda, Sapor: Quod præcedenti capite  
de iucundiore cibo diximus, si ad iucundio-  
rem etiam uini saporem transtuleris, nihil erit quod  
nos de ipso nouum dicere oporteat. Etenim &  
hoc quoq; cum uoluptate assumitur, auidius à uē-  
triculo attrahitur, & melius nutrit. Non ignorā-  
dum tamen hoc loco, quod et uini secundū gustan-  
di qualitatem permagna sit diuersitas. Dulcia e-  
nim, eodem Constantino teste, plus alijs nutriunt,  
sanguinem crassiorē generant, uentrē humectant,  
concoctioni renituntur, & sitim excitant. Ponti-  
ca siue *συμφικα* stomachum quidem corrobora-  
rant, uentrē constipant, & intestinis conueni-  
unt.



## BONA VALETVDINE. 62

unt, sed in thoracis pulmonisq; ægritudinibus, in quibus sputum detinetur, inhabilia sunt, neq; facile concoquuntur. Acerba, quæ etiam dixerintur sunt, hoc est, quemadmodum infra cap. 44. ostenditur, urinam prouocant, crassos humores incidunt atq; dissoluunt. Amara minore caliditate participant.

Tertia, Nitor, siue splendor: qui sanè non Vini nã ipsius modò uini, sed etiam spirituum, qui inde tor-  
ortum habebunt, subtilitatem arguit.

Quarta, Color: quod enim ad uini nutrimentum attinet, non parua eius secundum colorem differemia est. Rubicundiora nanq; (si ipsis cætera omnia antè pariter adfuerint) potèntius quàm alba nutriunt, atq; ea de causa macris etiã quàm alba conuenientiora sunt. Cõtrà uerò obes ac pinguib; alba magis conferunt. Verùm de hac uini differemia cap. 8. abudè diximus. Duo sequentes uersus quinq; speciales boni uini notas continent. Quarum prima quidem est, ut sit forte, fortitudo uerò ex effectu deprehenditur. Vinum enim potens, Galeno commen. 1. in li. 3. Hipp. de uic. rat. in morbis acut. teste, uehementer celeritèq; corpus calfacit, caputq; ferit. Idem etiam comment. 2. in citatũ Hippocratis librum ijs confirmat uerbis: Fortia uina uehemèter calfaciētia caput humorib; uaporib; et caliditate replēt. Eiusmodi nanq; uina præterquàm quòd non me-

Vini color.

Vinum forte.



## DE CONSERVANDA

diocriter corpus alunt, spirituum etiam non exiguam copiam generant. Abstinentum tamen ab ipsis, nisi diluta sint, ijs potissimum, qui debile cerebrum habent. Cum enim uaporosa admodum sint, facile caput grauant, eaq; occasione cerebrum offendunt.

**Vinum** Secunda, ut sit formosum: Vinum enim formosum siue pulchrum maiori cum uoluptate assumitur, probius concoquitur, & facilius in corpus distribuitur, promptiusq; nutrit.

**Vinū fragrans.** Tertia, ut sit fragrans. Vinum enim fragrans siue suaueolens & aromaticum, uires maxime roborat, & ut paulò antè dictum est, spiritus tenuis generat.

**Vinū frigidum.** Quarta, ut sit frigidum. Nam uinum actu siue *παρταστικόν* frigidum esse debet, non autem facultate aut potentia. Quod enim ab externo aliquo calido incalescit, hoc rarius statim & tenuius penetrantiusq; ut omnia subeat, redditur: qua ratione, nisi quis ipsum parcissime sumpserit, citius inebriat, neruos debilitat, & caput laedit.

**Vinū friscum.** Quinta, ut sit friscum, siue leue, hoc est, frisch vnd rösch im fallen. Tale autem cum prius censendum, quod effundendo sonum efficit, spumamq; agit in medio tenuem ac facile labilem seu euanescentem: uel per cuius fusuram modò sursum, modò deorsum discurrentes conspiciuntur

tur



## BONA VALETVDINE. 67

etur ἀτομοί, id est, minutissima quaedam corpuscula, qualia in sole uidentur, quum per fenestrā radios ac lumen immittit. Nisi enim ita affectum fuerit, pendulum dicitur, ac multò etiam magis, si penitus sono atq; atomis destituatur. Quod uerò spumam habet cum magnis ampullis ad scyphi latus diu harenibus, debile siue dilutum esse dignoscitur. Annotatiuncula. In tertio uersu τὰ γόμενοι est, nam singula eius uerba similiter incipiunt.

## DE VINO DVLCI ET albo. Cap. XI.

**C**orpora plus augent tibi dulcia,  
candida uina.

Klar/süßer weisser wein mir gliebt/  
Dann er dem leib güt narung gibt.

Docetur hoc uersu, candida & dulcia uina, Vinum  
candidū,  
& dulce  
si ipsis cetera quoq; adsuerint, quàm reliqua maioris esse nutrimenti. Cuius quidem rei causa dulcedini attribuenda est. Nutrimentum enim hominis, ut copiosè admodum lib. 4. de simp. medic. fac. cap. 14. Galenus monstrat, dulce, aut dulci permistum esse oportet. Quippe dulcia, cum natura sanguinis nostri & carnis proximè congruant, non solum ori & palato, uerum & alijs plerisq; ui-



## DE CONSERVANDA

feceribus acceptasunt, adeo, ut ab illis auidissimè  
 excipiantur. Vngunt enim, implent, & restituunt  
 erosas particulas. Atq; ita sanè fit, ut uina quoq;  
 quæ ca. 8. in numero corpus nostrū alementū posui-  
 mus, quò dulciora sunt, eò magis nutriant. Quod  
 etiā Auic. testimonio confirmatur, qui 3. 1. doc. 2.  
 ca. 8. ita ferè scriptū reliquit: Vinū quod crassum  
 simul est et dulce, ijs potissimum conuenit, qui cor-  
 poris robur atq; molem sibi parare student. Idē  
 trac. 1. 2. cano ca. 3. causam, cur dulcia plurimum  
 alant, hanc esse tradit, Nempe quòd dulcibus na-  
 tura delectetur, & quæ uisceribus inest trahen-  
 di uis, eadē auidissimè rapiat. Quāquā uerò hic  
 uersus de omni uino dulci rectè intelligitur, me-  
 diocre tamen, quod summū dulcedinis gradū non  
attingit, preferendum est. Nam quæ excellenter  
 dulcia sunt, quale Apianum est, quod muscatel-  
 lum siue muscatellinum uulgo dicitur, sanguinem  
 corrumpunt. Naturalis enim uis hepatis ea ex  
 uentriculo, priusquā concocta & à superfluita-  
 tibus secreta sint, exugit atq; attrahit: quare san-  
 guis serosis & crudis expletur humoribus, a-  
 deoq; ut ebulliat atq; putrescat, idoneus efficia-  
 tur. Neq; id solum de uino, sed & de omnibus ex-  
 tremè dulcibus æstimandum est. Ad hæc, dulcia  
 omnia, quæ sumuntur immodicè, corporibus ad  
patiendum paratis triplex noxæ genus impor-  
tant. Quorum primum quidem est fastidium: dul-  
 cia



eiā enim caliditate atq; humiditate sua os uentrī  
culi leniunt ac læuigant, illiq; affectionem inani-  
tioni ac corrugationi, famis causā, contrariam  
inducunt. Secundum, uelox inflammatio atq; in-  
flauam bilem conuersio: ad cuius generationem  
dulces humores omnes idonei sunt. Quo fit, ut o-  
mnium horum maximè mel bile scat, quod dulcis-  
simum sit: deinde & dulcia uina. Hæc eadem &  
fitim faciunt propter tum caliditatem, tum cras-  
sitiem, nec conferunt febricitantibus, neq; biliosis,  
quemadmodum Galenus comment. 2. in libr. 3. de  
uic. rat. in morb. acu. luculenter & perspicuè do-  
cuit. Tertium, hepatis atque lienis obstructio.  
Hæc enim uiscera dulcia uehementer appetunt,  
eaq; ante perfectam concoctionem ad se unā cum  
fecibus trahunt, & maximè hepar, unde facilius  
etiam in obstructionis periculum adducuntur,  
crassa nimirum substantia, in qua dulcis sapor fi-  
xus ac fundatus est, ad hoc cooperante, ut testis  
est tract. 1. secundi cano ca. 3. Auicē. Eadem ra-  
tione reliquis etiam lotium minus citant ac pro-  
fundum. Ceterum aduersus iam dicta tria incom-  
moda acida cum primis remedio sunt. Appetenti-  
am enim aciditate reuocant, inflammationem fria-  
giditate restinguunt, & obstructions substantiæ  
subtilitate recludunt. Et licet uina aliq; nutri-  
menta dulcia hepar atq; lienem obsepian, in pul-  
mone tamen contrarium operantur: hunc enim



## DE CONSERVANDA

ab obstructione liberant. Nam in descensu per  
 οἶκος γογ, qui Arabibus Meri appellatur, nihil  
 ad ipsum à dulcibus resudat nisi subtile: neq; san-  
 guis ex rebus dulcibus genitus ad pulmonem pe-  
 netrat, nisi prius in hepate depuratus, atq; in cor-  
 de tenuatus fuerit, quemadmodum id ipsum Gale-  
 nus comment. 2. lib. 3. de uict. rat. in morbis acut.  
 clarissimè ostendit. Vina item dulcia minus ine-  
 briant. Cuius rei grauißimum habemus testem  
 Hippocratem, qui lib. 2. de uict. rat. in morb. acu.  
 apho. 2. in eum scribit modum: Vinum dulce ui-  
 noso minus caput grauatur, minusq; mentem ferit.  
 Rationem reddit Macrobius lib. 7. cap. 7. Satur-  
 nal. Ex dictis iam omnibus colligitur, corpori,  
 quod uel naturæ ipsius habitu, uel ab alia quapi-  
 am extrinsecus obrepente causa extenuatum est,  
 uinum dulce cum primis, & crassum, ac sufficien-  
 ter coloratum exhibendum esse. Hoc enim eui-  
 demer nutrit, substantiamq; corporis deperditā  
 restituit, & impinguat. Sed corpori obeso ac  
 pingui uina tenuia, odore et sapore iucunda, sub-  
 albida, & moderate fortia, magis ex usu sunt. Si-  
 tis restinctioni adhibendum est uinum album, te-  
 nue ac debile. Hoc enim non refrigerat solum, sed  
 ualidè etiam humectat: quo fit, ut sitim etiam fa-  
 cilius depellat: & quando sitis urgentior fuerit,  
 tantò illud conuenientius sumitur. Ad spirituum  
 uerò & uirtutum tum instaurationem, tum robo-  
 rationem



## BONA VALETVDINE. 69

rationem, uinum subtile, odoratum, sapore gratum, colore moderatum, & sufficientis fortitudinis utilius bibitur, idq; cum paucis cibo. Porro affectus thoracis ac pulmonis, qui diuturni sunt, & sine febre, à uinis mediocris substantia & sapore dulci, multum iuuantur, & potissimum qui humoris per sputa expectoratione purgantur, quemadmodum copiosius in libro de attenuante dieta cap. ultimo Galenus docet. Eadem ad alui subductionem per quam utilia habentur.

## DE VINO RUBRO.

### Cap. XII.

**S**I uinum rubrum nimium quandoq;  
bibatur,  
Venter stipatur, uox limpida turbificatur.

Des roten weins gar wenig brauch/  
Dann oft genügt stopfft er den bauch.  
Auch hat er solch natur an jm/  
Daß er dir oft benimpt die stim.

Hic recensentur duo incommoda ex immoderata uini rubri potatione.

Primum, uentris constipatio: cuius rei cau-  
sam nonnulli hanc assignant, nempe quòd uinum  
rubrum, si cetera consentiunt, reliquis impensius  
tuum cal faciat, tum alacritatem ac caliditatis quidem ra-

Vinum  
rubrum  
nocuum



## DE CONSERVANDA

tione magis desiccet: ratione uerò nutritionis ad-  
uidius à natura detineatur. Alij uerò ad immodi-  
cam uini rubri styptici, siue pontici assumptionē  
referunt. Hoc enim cū constipandi, densandi,  
et astringendi uim habeat, nō solum agrē in cor-  
pus distribuitur, sed aluum quoq; supprimit.

**Faucium** Secundum, gutturis & faucium exaspera-  
**exaspe-** tio, siue raucitas. Eam enim uina quēdā impensē  
**ratio.** rubra siccitate et terrena essentia sua efficiūt. In  
horū numero uina quoq; rubra Brabantia repo-  
nenda sunt: Nam & ipsa sanē ob siccitatem &  
terrenam essentiam fauces exasperant, idq; po-  
tissimū faciunt cū adhuc musta sunt, aluum  
tamen non cohibent. Musta enim admodum ru-  
bentia uentris soluendi uim habent, & hoc qui-  
dem ex multa terrena facis admistione. Hæc e-  
nim propterea quòd nitrosa ac salsa qualitate  
prædita sit, intestina mordicans & abstergens  
alui subductionem molitur. Ab eiusmodi igitur,  
dum musta, id est, turbida sunt ac feruent, absti-  
nendum est: Ex quo enim mordicant, mordax e-  
tiam fumus ab ipsis resoluitur, qui ad cerebrum  
sublatus, oculos acrimonia sua corrodit atq; ru-  
befacit. Idem de mustis quoq; Brabantia, siue ea  
rubra, siue alba fuerint, æstimandum est. Causa  
autem, cur fumus iste mordicet, ex eo est, quòd  
uinum, unde dissoluitur, sit mordicatum. Opor-  
tet enim simile esse defluxū subiectæ substantiæ,  
ut



## BONA VALETVDINE. 70

ut commen. 4. lib. 1. apho. & com. 2. lib. 3. de uic.  
 rati. in morb. acut. Galenus clarissimè ostendit.  
 In uniuersum, uina crassa pontica siue *su<sup>u</sup>u<sup>u</sup>u<sup>u</sup>*  
 rubra uel nigra opportunè ad retentoria facul-  
 tatis uentriculi aliorumq; uiscerum corrobora-  
 tionem bibuntur: quando nimirum recrementa  
 uel plura iusto, uel ramentosa descendunt, uelut  
 in alui profluuiio atq; dysenteria contingit, sicut  
 & uina alba austera, & quaecunq; alia adstrin-  
 gentia medicamenta. In eum usum & fulua uina  
 prosunt, non tamen simpliciter fulua, sed fulua au-  
 stera, quemadmodum Hippocrates lib. 3. de uic.  
 rat. in morb. acut. apho. 7. & post eum in suis cō-  
 memarijs Galenus manifestè docuerunt. Quibus  
 autem uenter non facilè concoquit, ijs uina sub-  
 tilia, uel substantia & colore mediocria, odora-  
 ta, sapore iucunda, sufficienter fortia, ac stypti-  
 citate quadam participantia, conferunt.

## DE LETALIVM VENENO- rum remedijs. Cap. XIII.

**A**Llia, ruta, pyra, & raphanus, cū  
 theriaca nux,  
 Præstant antidotum contra letale ue-  
 nenum.

Kluffs vnd knoblauch/  
 Kettich vnd raut/

Thiriack



## DE CONSERVANDA

Tiriak vnd birn/  
Thün der giffte weh:n.

Hic sex referuntur αὐτίκα ἐκτακτα ἔρ reme-  
dia cōtra letalia uenena, ac uenenatorū morsus.

**Primum, Allium:** quod cū aduersus omne  
**Allium.** uenenorum genus, tum imprimis aduersus uitiosæ  
ac corruptæ aquæ noxas remedio est. Præsum-  
ptum enim, quemadmodum id ipsum Dioscorides  
lib. 2. cap. 145. Plinius lib. 20. cap. 6. & Constan-  
tinus Cæsar lib. 12. cap. 30. de agricultura, clarissi-  
mè ostendunt, uires eius, quæ per imprudenciam  
bibitur, inefficaces atq; irritas reddit. Auicenna  
2. Cano. cap. 123. parem facultatem & Cape at-  
tribuit, quo fit, ut sub Allio hoc quoq; comprehen-  
di debeat. Idem 3. 1. doc. 8. cap. 7. ceu theriacen ui-  
tiosarum aquarum cape commendat, & maximè  
quidem si cum aceto sumatur. Nam cape, cū ex  
tenuandi, incidendi, cumq; stypticitate quadam  
abstergendi, & non ignauiter aperiendi uires  
obtineat, caloreq; tertium ordinem accedat, ma-  
las aquas, ne frigiditate uentriculum offendant,  
temperat, crassasq; ut promptius descendant, ex-  
tenuat. Acetum uerò cum ipso permistum, non  
modò uirtutem eius in aquarum tum extenuatio-  
ne tum penetratione auget, sed à siti quoq; quam  
cape mouere solet, præseruat. Eadem & in allio  
ratio est: quare post crassæ & turbidæ aquæ po-  
tum præcipuè commendatur. Eas enim ut citò de-  
scen-



BONA VALETVDINE. 71

scendant, extenuat, & ne uentriculo ac intesti-  
nis officiant, uenâsue obstruant, iuuamentū præ-  
stat. Allium præterea, Auicenna 3. 1. doct. 5. ca. 4.  
teste, iter faciemibus contra occurrentis aëris frī-  
giditatem mirificè prodest: qua ex causa per di-  
uersas mundi plagas oberrantibus, uarioq; potu  
utemibus, utilissimè præsumitur: id quod Macer  
lib. 1. cap. 5. hisce etiam uersibus innuere uoluit:

Allia qui manè ieiuno sumpserit ore,  
Hunc ignotarum non lædet potus aquarum,  
Nec diuersorum mutatio facta locorum.

Allium quoq; contra uirulentarum bestiarū,  
serpentium, & uiperarum ictus, & priuatim hæ-  
morrhoi, prodest, ita ut non aliud magis, si cū ui-  
no iugiter adsumatur, aut tritum in eodem ebi-  
batur. Contra rabiosorum morsus & illitu & cibo  
ualet. Venenatis *μυγαλῆς*, hoc est, muris ara-  
nei morsibus, efficacissimè cū ficulneis frondibus  
& cymino illinitur. Quin & uenenata animalia  
allij odore fugantur, ut ex illo Vergiliano disti-  
cho patet:

Thestilis & rapido fessis messoribus æstu,  
Allia serpyllumq; herbas comundit olentes.

Eius rei causam Aemilius Macer loco paulo  
antè citato his uersibus exponit:

Hæc ideo miscere cibis messoribus est mos,  
Vt si fortè sopor fessos depresserit illos,  
Vermibus à nocuis tuti requiescere possint.

Porrò



## DE CONSERVANDA

Porro cum foetor allij, qui id non degustarunt, longè grauiſſimus & moleſtiſſimus ſit, ei quoq; rei, ne qui ſumpſerunt, alios offendant, remediū aliquod adhibendum eſt. Menander itaq; è Græcis autor eſt, allium edentibus, ſi radicem betæ in prunatoſtam ſuperederint, odorem extingui.

Quidam tradunt, ipſa grauem halitū non eſſe ſciturā, ſi quis ab ipſorū eſu crudā ſābam in ſuper mandat. Hieronymus Tragus eandem facultatē uiridibus etiā rutæ folijs adſignat. Macer li. 3. ca. 6. Zedoariæ radicē id efficere, his uerbis tradit:

Allia quem faciunt foetorem pellit ab ore.

**Cape.** Cape quoq; ex Dioſcoridis Anazarbei ſententia rabioſi canis morſibus cum aceto, ruta, & melle illitum auxiliatur. Eadem ad uerbum ſerē mutuatus eſt Auicenna 2. Cano. cap. 123. Verū in hoc diſſenit, quòd acetum omiſerit, & ſalem in mellis locum ſuffecerit. Cape præterea flatuſ uenenatorum in cibo diſcutit atq; expellit. Et ſucus, qui ex eius eſu plurimus in ſtomacho gignitur, peculiari quadam proprietate uenenatorum noxas frangere à quibuſdam creditur. Cæterū ſilemio illud hoc loco minime prætereundum eſt, quòd allium, cape ac porrum in cibo nō conueniant, neq; temperatis, neq; calidis corporibus. Nam extra hoc, quòd pauciſſimum & præuū dant alimentum, acrem etiam atq; pungentem ſanguinem, maxime ſi cruda ingerantur, ge-

nerant;



nerant: humores tamen crassos tenuant, lentosq;  
 incidunt. In totum, omnia hac si cruda edantur,  
 peiores quàm cocta succos procreant, ac plus hu-  
 moris excrementiij continent. Porrum Sime-  
 on Sethi calidum & siccum in secundo facit or-  
 dine. Vrinam cit, & noxium succum creat. Assi-  
 duè comestum uisus hebetudinem, & capitis dolo-  
 rem efficit. Stomacho aduersatur. Difficilia in-  
 uehit somnia. Nervos, dentes, & gingivas acri-  
 monia sua ledit. Et sanguinem nigrum atq; me-  
 lancholicum generat: Biliosis itaq; & melancho-  
 licis uitandum est, potissimum si crudum fuerit.  
 Cæpæ ex quarto sum ordine excalfaciuntium:  
 earumq; essentia crassarum est partiū. Si succum  
 exprimas, quod reliquum est, admodū terreæ sub-  
 stantie est, eiusq; calidæ: At succus aqueæ aëreæq;  
 caliditatis. Si crudæ edantur, humores in stom-  
 cho malos, putridos, & corruptibiles generant.  
 Difficilia et terribilia inducūt somnia. Largiore  
 cibo capitis dolores cient. In morbis coctæ etiam  
 lethargicos & phreniticos efficiunt, memoriā &  
 rationem, ut aliqui ferunt, ledunt. Si uerò cum  
 electæ carnis iuscule coquantur, plurimum ma-  
 lignitatis deponunt, appetentiam mutant, con-  
 coctionem promouent, & frigidos cibos, quī-  
 bus cum percoquantur, temperant. Si quis ta-  
 men crebrius his utatur, in lienis uitia incidit:  
 Tutius igitur est, eas raro attingere, Allium,



## DE CONSERVANDA

ut Galeno placet, excalfacit quarto excessu, huiusmodi quidem participat aliqua, sed minore quam cape. Inflationes permutat alteratue. Veterem tußim crudum coctumue comestum lenit. Asperas arterias clarificat, & scretum provocat. Aciem oculorum esu hebetat. Capitis dolorem facit. De eo hoc amplius Galenus lib. 12. metho. meden. capite 8. Est, inquit, allium ex eorum ciborum genere, qui & flatum discutiant, & minime sitim inferant. Sunt qui, parum id experti, existiment maiorem quam capas sitim excitare: sed planè errore: cum non modò non maiorem quam cape, sed nec omnino sitim faciat. Idem omnium planè eduliorum maximè flatum discutit. Itaque ipse certè agrestium theriacen id appello. Abstinendum tamen, ut paulò antè dictum est, ab assiduo horum trium usu, & potissimum cum is qui ipsis uestitur, natura fuerit biliosus. Solis enim qui uel succum pituitosum, uel crudum & crassum ac lentum acervârint, cibi eiusmodi sunt accommodati.

**Ruta.** Secundum, Ruta: Eius duo sunt genera. Vnum sativum atque hortense: alterum montanum sylvestreque. Ruta montana sylvestrisque in cibis damnatur, quòd ex quarto sit ordine excalfacientium & siccantium: Satiua uerò cum ex tertio sit, in cibos magis admittitur. Est autem non solum gustu acri, sed & amaro, Ex quo sanè etiam digerere



digerere atq; incidere crassos lentosq; humores  
 potest. Ob eam uim & per urinas euacuat. Quin  
 & tenuium est partium, flatusq; extinguit. Qua-  
 re ad inflationes coli, uteri, & recti intestini com-  
 petit, ac Veneris appetitum cohibet. Discutit  
 atq; exiccāt strenuē: est enim eorum ex numero  
 medicamentorum, quæ ualenter desiccant. Tra-  
 ditur etiam quod eruda, saleq; condita ac comē-  
 sta, uisus aciem mirum in modum exacuat: ob id  
 antiqui sculptores & pictores hoc cibo assiduē  
 utebantur. Nonnulli & succum eius cum succo  
 fœniculi & melle commiscētes, medicamentum  
 ad oculorum aciem acuendam conficiunt. Ve-  
 rū cū acrimonia quædam, oculis infesta, suc-  
 co eius insit, uenilando applicari debet, ut ua-  
 por eius tantū, & non substantia oculos pertin-  
 gat. Quæcūq; autem ruta & per se pro letalium  
 medicamentorum antidoto ualet, folijs tritis, &  
 ex uino sumptis: Contra aconitum maximē & i-  
 xiam. Item fungos, siue in potu detur, siue in ci-  
 bo. Valet & contra scorpionum ictus, & aranea-  
 rum, apum, crabronum, uesparum aculeos, &  
 cantharidas, ac salamādras, canis uē rabiosi mor-  
 sus: Acetabuli mensura succus, siue semen ē uino  
 bibitur, & folia trita uel commanducata impo-  
 nuntur cum melle & sale, uel cum aceto & pice  
 decocta: Succo uerō perunctos, aut eā habentes,  
 negant feriri ab his maleficijs: Serpentesq; si uras



## DE CONSERVANDA

tur ruta, nidorem fugere. Folia per se præsump-  
pta, aut cum nuce iuglande, aridisq; ficis, ineffi-  
caces uenenorum uires reddunt: contra serpen-  
tes simili modo sumere conuenit. Aristoteles lib.  
9. cap. 6. de historia animalium tradit, Mustelam  
dimicaturam cum serpente, rutam comedere. O-  
dor enim eius infestus est serpentibus. Ruta  
quoq; cum ficibus & amygdalis dulcibus manē  
sumpta, à ueneno præsenuat. In sanctuarijs Mi-  
thridatis maximi regis deuicti, Cn. Pompeius in-  
uenit in peculiari commentario ipsius manu cō-  
positionem amidoti, è duabus nucibus siccis, itē  
ficis totidem, & ruta folijs uiginti simul tritis, ad-  
dito salis grano: et qui hoc ieiunus sumat, nullum  
uenenum nociturum illo die. Autor est Plinius  
lib. 23. natur. histor. cap. 8. Eadem Galenus quoq;  
lib. 2. de amidotis cap. 43. & libro 2. de aliment.  
facult. capite 28. & in libro de cibis boni & ma-  
li succi capite 14. confirmat. De Ruta plura  
leges apud Dioscoridem libro 3. capite 43. Plini-  
um lib. 20. ca. 11. Galenum lib. 8. cap. 49. de simp.  
medicament. facul. Constantinū Cæsarem lib. 12.  
ca. 25. de agricul. & Simeonē Sethi in Syntag.

**Pyra.** Tertium, Pyra: Hæc nanq; ueneni, & præ-  
cipuè fungorum malignitatem pellunt abiguntq;  
Quod quidem de pyris syluestribus cum primis  
intelligendum uidetur: De eis enim Dioscorides  
libro 1. capite 132. ita scriptum reliquit: Aiunt  
fungos.



fungos, si syluestria pyra cum eis coquantur, innoxios fieri. Et lib. 6. cap. 23. Fructus, aut folia pyrastrum cum fungis decocta, strangulantem illam uim auferunt, esitataq; eisdem auxiliantur. Quod Paulus Aegineta lib. 5. ca. 55. in eum scribens modum innuere etiam uoluit: Pyra syluestria, aut folia simul incocta, uim strangulandi, quæ fungis inest, tollunt, eademq; in cibo conferunt. Hanc pyrorum contra fungos efficaciam, Plinius lib. 23. capite 7. ponderi et pugnanti succo attribuit. Imelligi præterea potest et de pyris aromaticis, quæ sanè cum spiritus fragrantia sua corroborent, ueneni etiam noxam pellunt.

Quartum, Raphanus: Eius Græci duo faciunt genera, satiuus et syluestris. Satiuus hodie peculiariter raphanus minor dicitur, Germanicè Rettich: Syluestris, Plinio lib. 19. capite 5. teste, Latinis Armoracia appellatur, Germanicè Meerrettich. Satiuus excalfacit ordine tertio, desiccatur secundo: Syluestris autem in utroq; efficacior est. Quin et semen ipsum plâta efficacius est. Satiuus contra uiperarum ictus auxiliatur. His qui fungis strangulantur, tam cibo, quàm potu salutaris est. Si quis ieiunus ipsos accipiat, securus erit, ut ne à medicamentis lædatur. Succus ipsorum ex aqua acceptus, boletis et uenenis resistit. Si uerò raphani succo quis manus suas probè illinat ac confricet, intrepidè et citra periculum reptilia ac ser-

Raphanus.



## DE CONSERVANDA

pentes apprehendet. Scorpijs impositi raphanē  
cuestigio ipsos interficiunt, & succus in hoc ex-  
pertus magis ac fortior est. Si quis præsumpto ra-  
phano à scorpio percutiatur, non solum non mo-  
rietur, sed etiam celerem sanitatem adipiscetur.  
Raphanus autem ob eam etiā causam contra ue-  
nena ualere dicitur, quod uomitiones moueat,  
quibus stomachus à noxijs humoribus expurge-  
tur. Semen quoq; uenenis & uenenatis uermibus  
aduersatur. Contra cerastis morsus, potum ex ui-  
no auxilio est.

Raphanus ipse cum manifesta calfactione at-  
tenuandi atq; incidendi facultatem habet. Nam  
qualitas acris in ipso superat: quibus rebus pitui-  
tam scindit & absument. Sanguinē acrem atq; pur-  
gentem efficit, eoque biliosis nocet. Stomacho ad-  
uersatur, ructus ciet, humorē crassum ac leniū,  
& si uirtus concoctrix debilis fuerit, crudum et-  
iam generat. Vomitus cieri per raphanum sum-  
ptum ante reliquum cibum, dicit Dioscorides li-  
bro 2. ca. 105. utpote qui hoc modo cibum eleuet,  
& ad euomendum protrudat. A reliquo autem ci-  
bo sumptum, αὐτὸς οὐκ ἔστι, hoc est, distributionem  
ciborum in corpus iuuare perhibet, his uerbis:  
Summo tamen cibo sumi debet, quo magis eius di-  
stributionem adiuuet: cum autem præsimitur, ci-  
bum suspendit: quare uomituris commodissimē  
datur ante cibum. Verum Galenus lib. 2. de alim.  
facult.



facult. cap. 70. se mirari ait, tum Medicos, tum  
 idiotas, qui raphanos crudos à coena *ῥαφανος*  
*ῥαφανος*, id est, bonæ concoctionis gratia edunt.  
 Ipsi quidem, inquit, hanc rem experientia satis  
 sibi exploratam esse affirmant, qui tamen ipsos  
 sunt imitati, omnes læsi fuerunt. Sumpti enim post  
 cibum, coctionem non iuuant, sed impediunt po-  
 tius. Subinde enim eructant, uentriculum probè  
 claudi non sinunt, caput uaporibus replent, ei-  
 q; grauitatem iaducunt. Minus tamen officiunt, qui  
 exigua copia à coena cum sale & aceto ingerun-  
 tur. Indi *ῥαφανος* *ῥαφανος* *ῥαφανος* *ῥαφανος*  
 id est, bonam ingenij habitudinem ac industriam  
 homini, mentemq; quæ rectè ac perspicuè perci-  
 piat atq; intelligat, efficere tradunt. Dioscoridi  
 sensuum etiam aciem excitant. Lienem extenu-  
 ant, iecinori & lumborum doloribus prosunt.  
 Nonnulli quoq; cum oximelite uomendi gratia  
 propinant, multamq; educunt pituitam, & à fe-  
 bre quotidiana saepe & quartana liberantur. Fo-  
 lia, si parua copia sumamur, coctionem adiu-  
 uant, & ad appetentiam, quæ collapsa fuerit, ex-  
 citandam accommodata sunt. Plura de raphano  
 Dioscorides atq; Galenus locis paulò antiè cita-  
 tis, Plinius lib. 20. cap. 4. Constantinus lib. 12. de  
 agricult. cap. 22. & Simeon Sethi in Syntag

Quintum, Theriace: Hæc enim tota sub. Theria-  
 stancia sua tam brutis, quàm ratione præditis ani-  
 scs,



## DE CONSERVANDA

malibus contra omne ueneni genus auxilio est,  
 neminemq; pollicito frustrari finit. Siquidem nul-  
 lum unquam à feris, quæ hominem solent interi-  
 mere, commorsum, hac statim epota antidoto, pe-  
 rijsse, memoriæ est proditum. Nullus eadem præ-  
 sumpta, haud multò post morsu impetitus, belluæ  
 ueneno ceu illam superante interiit. In pestifera  
 etiam lue, solum hoc antidotum malo correptis  
 prodesse adeò hætenus uisum est, ut nullum ali-  
 ud præsidium tanto malo resistere fuerit idone-  
 um. Namq; pestis, tanquam & ipsa existat quæ-  
 dam bellua, haud paucos interimit, uerùm ciuita-  
 tes quoq; totas depascens, malè conficit. Quippe  
 praua quædam aëris ad corruptionem prompta  
 mutatio efficitur, & homines, cum respirationis  
 necessitate periculum euitare nequeant, ipsum  
 aërem ueluti uenenum quoddam ad se per os  
 attrahunt. Theriacen autem in eiusmodi aëris  
 statu præsumentes, neuiquam à malo corripiun-  
 tur. Quin & correptis iam eadem medetur, aë-  
 ris inspirati malitiam inalterans, mutansq; ut  
 quæ corporis temperaturam infici magis prohibe-  
 beat. Breuiter, totum corpus ita ab iniurijs secu-  
 rum facit, ut nec à deleterio quopiam possit infici  
 ei. Consimilis ferè uirtutis est & aliud quoddam  
 antidotum, quod ab eius, cui in frequenti usu fuit,  
 nomine, Mithridatium appellatur. In qualitate  
 enim atq; efficacia theriacæ proximum est, pa-  
 rumq;



rumq; differunt, nisi fortè quòd Theriace paulò calidior, & contra serpentum uenena potentior est. Proditur magnum illum bellatorem Mithridatem hoc antidotum præsumentem, ob firmam corporis constitutionem ex illo præparatam, non potuisse ueneno potu interire. Cùm enim bellum aduersus Romanos gerens, à Pompeio uictus, in extremis medicamenti ueneno sanus mori cogere tur, medicamentu epoto, eoq; copioso, ipse quidem non interijt: filia autem ob eximium erga patrem amorem, cum eo mortem uolentes oppetere, eiusdem medicamenti potu subito conciderunt. Deinde cùm mortem ille obire statim non posset, ueneno propter antidotum præsumptum inefficaci, uocato quodam ipsius amico nomine Bistoco, iniunxit ipsum iugularet. Atq; sic medicamenti opus ferro absoluens, mori ipsum uolenter coëgit. Hæc ferè Galenus in lib. de Theriaca ad Pisonem cap. 2. & 8. & 28. Lege plura apud eundem in lib. de usu Theriacæ ad Pamphilianum per totum, & lib. 1. de antidotis cap. 16. et Auicennam 6. 4. trac. 3. ca. 1. & 6. 4. trac. 1. ca. 5.

Sextum, nuces: nempe iuglandes, quas nonnulli etiam regias appellant. Hæ multo sanè in usu sunt. Cum ruta & ficus præsumptæ, & à summo cibo, letalibus uenenis aduersantur: nec minus si à ueneni haustu comedantur. Largius estata latos lumbricos pellunt. Cum cepa uerò, sale

Nuces.



## DE CONSERVANDA

Et melle, canis hominisq; morsui conferunt. Et  
 hoc de aridis cum primis intelligendum est. Ali-  
 mentum porrò, quod corpori præbent, exiguum  
 est. Aride uiridibus ac humidis peiores habentur:  
 unguinosiores enim, magisq; pingues sunt,  
 itaq; facile etiam in bilem transeunt: Et quò diu-  
 tius recondita fuerint, magis tales efficiuntur.  
 Quamobrem oleum etiam ex inueteratis expri-  
 mere liceat. Tunc sanè concoctu difficiles, Et stō-  
 macho, præsertim bilioso, inutiles fiunt, atq; bilem  
 augment, faucium Et capitis dolorem adferunt, tus-  
 sionibus inimicæ, oculos lædunt, uertiginem faci-  
 unt, idq; cum à cibo sumuntur, lingua *ωαρὰ λυ-*  
*σι* inducunt, Et in ore inflammationes Et ulce-  
 ra pariunt. Stomacho meliores fiunt, si cum cari-  
 cis edantur. Ad uomitiones ieiunis in cibo utiles.  
 Ceterum quæ uirides adhuc sunt atq; humide,  
 neq; adstringentis qualitat, neq; oleosæ conspi-  
 cuè participes, sed magis quodammodo qualitat  
 expertes, hæ stomacho minus nocent: dulciores  
 enim sunt, faciliusq; concoquuntur, Et multò ma-  
 gis, quando Et ipsæ cum caricis manduntur. Hu-  
 mide præterea aptæ ad deiectionem sunt, siccæ  
 uerò minus. Pleriq; autē uentris subducendi gra-  
 tia cum garo etiam ipsas præsumunt: in quem u-  
 sum uirides sunt accommodatiores, ut quæ ad-  
 stringētis qualitat minus sint participes. Quin  
 Et siccarum quoq; si prius ( quod nonnulli faci-  
 unt )



BONA VALETVDINE. 77

unt) in aqua fuerint macerata, facultas uiridibus  
est adsimilis. Ad hæc uiridium nuclei depellati  
atque torrefacti aliquantulum, si à reliquo cibo  
commanducentur, ciborum in corpus distributio-  
nem adiuuant. Et sic patet in uniuersum, corpo-  
ribus sanis nuces uirides magis quàm siccas con-  
uenire. Plura Dioscorides lib. 1. cap. 140. Plinius  
lib. 23. cap. 8. Galenus lib. 2. de alimen. facult. ca.  
28. & Simeon Sethi in Syntagmate.

DE AERE. CAP. XIII.



K 5



## DE CONSERVANDA

**L**ucidus ac mundus sit ritè habitabilis aër,  
Infectus neq; sit, nec olens fœtore cloacæ.

Die lufft darinn du wonst sei liecht/  
Kein/vnuergift/ vnd stincke nicht.

Hic agitur de prima re non naturali, nempe de Aëre: cuius, ut Galenus lib. 9 cap. 14. method. medend. & in arte medicinali cap. 85. testatur, nulla est euitandi ratio. Nam in aëre nos ambiente semper uersari, comedereq; ac bibere, & uigilare, & dormire est necessarium, & sine eo nec tolli morbus, nec teneri sanitas potest. Hic igitur causæ sine qua non, obtinet rationem. Quapropter sedulo hoc agendum, ut in ambiente, quoad fieri potest, quàm optimo habitemus. Quod ut rectè consequamur, quatuor eius notas hisce uersibus expressas diligenter consideremus oportet. Quarum prima quidem est, ut sit lucidus, clarus, minimeq; crassus, aut nebulosus. Crassus enim & obscurus humores confundit, turbidusq; ad cor descendit: quo fit, ut spiritus etiam turbidi ac crassi, tum corpus pigrum ac languidum reddentes, tum animam quoq; contristantes, ex eo producantur. Nihil autem magis uiuidum ac iucundum, minúsue circa uoluntarios motus pigrum



grum reddit hominem, quàm si in lucido ac claro  
 uersetur aëre, aut manè surgat. Secunda, ut sit  
 mundus, hoc est, exquisitè sincerus ac purus, nul-  
 lisq; uaporibus inquinatus. Impurus nanq; iuxta  
 qualitatem & naturam illius, quod ipsi admisce-  
 tur, cordis temperaturam uariat atq; immutat,  
 quemadmodum id ipsum Hali Rhoboam com-  
 ment. 15. in libr. 3. Artis medicinalis Galeni osten-  
 dit. Tertia, ne sit infectus, cuiusmodi esse so-  
 let in locis cadauerum non crematorum multi-  
 tudine refertis, sicut in prælijs contingit. Nam  
 hunc pestis ferè subsequitur. Inspiratus enim in  
 corpore spiritus inficit. Quarta, ne foetorem ha-  
 beat cloacæ: Sub qua sanè comprehenduntur &  
 particulares aëris infectiones omnes, quibus hu-  
 mana natura offenditur: nempe latrinarum, cœ-  
 ni, sterquiliniorum, sputarum culinæ, locorum in  
 quæ cadauera & ossa mortuorum comportan-  
 tur, & stagnorum seu paludum, idq; multò qui-  
 dem magis, si linum insuper aut cannabis in eis  
 putrescit. Quando enim aër huiusmodi sordibus  
 inquinatus in corpora ingreditur, spiritus infi-  
 cit, ac maximam cerebro noxam suggerit, uiarū  
 spiritus obstructione facultatis animalis transitū  
 prohibens, & hali u suo caput grauans. Huius-  
 modi ergo aër omnibus ex æquo ætatibus, omniq;  
 tēperaturæ noxius est: sicut è diuerso qui purus  
 omnino est, nulli non ætati est utilis. Hinc non te-  
 merè



## DE CONSERVANDA

merè Auicenna 2.1.doct.2.sum.1.cap.2. in hunc  
propè modum scriptum reliquit: Aër quidem op-  
timè temperatus et clarus, cui nihil prorsus ad-  
mistum est alienæ materiæ, quæ tota substantia  
spiritus temperaturæ contraria sit, sanitatem  
non efficit tantum, sed etiam conseruat. Contra-  
rius uerò effectus producit contrarios. Verum  
quò prædictorum exactior habeatur notitia, sci-  
endum est, Aërem pro tuenda bona uoletudine  
duobus modis esse necessarium: Primò quidem  
ob spirituum & caloris innati refrigerationem:  
Deinde uerò ob sumidi excrementi, spiritibus ac  
calori innato molestiam exhibentis, expulsionem.  
Quemadmodum enim externum ignem sine aë-  
ris euētilatione suffocari atq; extingui uidemus,  
ita etiam de spiritibus & calore innato imagina-  
ri oportet. Nisi enim per assiduam inspirationem  
& transpirationem calor naturalis refrigere-  
tur, ac quasi uemiletur, necesse est spiritum peri-  
re: Aëre enim indiget nutriente, conseruante, tē-  
perante, atq; depurante siue segregante. Nutri-  
tio ergo, conseruatio, & temperatio caloris inna-  
ti fiunt per aëris attractionem. Depuratio per ei-  
usdem expulsionem. Ac priores quidem fiunt a-  
ssperæ arteriæ dilatatione, quam d'ioxolūp Græ-  
ci nominant: ea enim aër frigidus attrahitur, qui  
uitale robur, unde spiritus quoq; animalis gigni-  
tur, excitat & recreat. Altera uerò eiusdem arte  
ria



rie accidit contractione, συσολύρ Græci uocāt,  
 qua certè, quod ex humorum deustione in toto a-  
 nimante contractum uelut fumidum est excremen-  
 tum, expellitur. Aër itaq; qui sic attrahitur, si fœ-  
 tidus et impurus fuerit, calorem innatum atq; sp̃i-  
 ritus corrumpit. Hinc etiam intelligi potest, fa-  
 cilimè infici corda uenenato aëre. Quare pro  
 tuenda bona ualetudine eligendus est aër opti-  
 mæ essentiæ, qui nihil uaporis seu halitus alieni  
 in se admistum habeat, neq; turbidus, aut nebulo-  
 sus appareat. Qui enim talis existit, humores cō-  
 turbat, & ut amea etiam dictū est, animam con-  
 tristat. Sed sit exquisitè purus ac liber, qui ex ter-  
 ra plana uel edita uentorum perflatu undiq; lu-  
 stretur. Et cui fumi, pulueres, & nebulae admistæ  
 non sint. Et qui nec stagni, nec paludis halitu sit  
 infectus, nec ex profundo specu pestilemem au-  
 ram spiret, qualis circa σάργδεis, & Hierapo-  
 lin, aliubiq; in multis terrarum locis uisitur.  
 Nec qui ex cloacis, quæ urbem, aut numerosum  
 exercitum purgent, uitiū contraxit. Nec qui  
 ex animalium, olerum, leguminum, aut prauarū  
 arborum putredine, aut fimo comquinatur. Nec  
 qui ob stagnum, uel flumen uicinum nebulosus est.  
 Nec qui editis undiq; montibus in cauo loco, siue  
 ualle conclusus nullum recipit perflatum. Suffo-  
 cans enim putrisq; est, similis ei, qui in domibus  
 quibusdam est inclusus, in quibus ob putredinem



## DE CONSERVANDA

Et perflatus defectum, plurimus aceruatur squalor ac situs. Proinde omni planè etati noxius est, et uitandus, quemadmodum et quilibet inclusus. Hæc ferè Galenus libro 1. capite 16. de sanitas tuenda. In pestilente tamen ambientis constitutione, ob generaliore putrefactionem, inclusus conuenientior existit: unde per id tempus domi manere, fenestrasq; occludere oportet, ne qua pestilens aer ingrediatur. Quod si cui tamen eas aperire placuerit, curandū imprimis, ut sint uersus Orientem, aut Septentrionem constitutæ: idq; fiat à sole iam aliquot horis orto. Calor enim solis citius irrumpens caliginem atq; putredines aeris dissipat, omnemq; crassitudinem eius attenuat. Ad postremum uerò cauendum etiam, ne uel minimum quidem aer in qualitatibus suis tam actiuis quàm passiuis, caliditate nimirum, frigiditate, humiditate, et siccitate, excedat. Si uerò talis loco habitationis nostra natura defecerit, arte nostra moliendum erit, ut qualem esse expedit, præparetur. Id autem qua ratione fieri possit, Galenus libro 9. method. medend. capite 14. et Auicenna 2. 1. doc. 2. Sum. 1. cap. 6. 7. 8. et 9. copiosè admodum docent.

## DE NIMIA VINI POTATIONE. Cap. XV.

Si





**S**I nocturna tibi noceat potatio ui-  
ni,  
Hoc tu manè bibas iterum, & fuerit me-  
dicina.

Warestu truncken nechten spat/  
Trinck frö herwider/ist mein rath.

Præceptum hoc loco de ijs traditur, qui ma-  
nè ob pridianum uini potum agrotant: nempe  
ut tum quoque ipsis paulum uini propinetur.  
Porrò largior uini inuitatio, quæ ultra quàm sa-  
tis est, ac multam in noctem producit, ebrie-  
tatem nonnunquam, sæpe sitim matutinam, ali-  
quando uerò immodicam etiam corporis exal-  
sationem suscitare solet. Si quidem exal-  
sationem, maximus error est, id manè repetere:

nam



## DE CONSERVANDA

nam perinde hoc esset, ac si ignem igni adderes;  
oleoq; incendium restingueres. Si ebrietatem  
cum nausea quadam, nihil incommodauerit, si et-  
iam paulum eius manè propinetur. Sic enim faci-  
le uomit elicietur, uentriculusq; à bile & pitui-  
ta, ceterisq; prauis ac uitiosis humoribus, quibus  
grauatus fuit, exonerabitur, adeoq; crapula cum  
omni eius noxa discutietur. Vomitū enim præsta-  
re iuuamentū, ut stomachus à materièb. humora-  
libus euacuetur, autor est Auic. 4. 1. cap. 13. pro-  
batq; uomitū bis fieri in mense continuis duobus  
diebus, ex autoritate Hippoc. in libro de diætâ sa-  
lubri, & in libro de insomnijs, nimirū ut secūdus  
dies prioris uomitus reliquias extrudat. Idē 3. 1.  
doc. 2. ca. 8. non parū emolumenti ex eo consecu-  
turum adserit, si quis semel in mense inebrietur:  
quo uidelicet per ebrietatē uomitus excitetur, ut  
qui maximè ab ægritudinib. chronicis, hoc est, lō-  
gis ac malis tueri queat. Sed Rabbi Moses trac.  
4. ad Soltanum Babylonie hanc sententiam ceu  
erroneam ijs conuellit uerbis: Nocet, inquit, e-  
brietas omnis, & maximè assidua. Errauit ergo  
qui esse putauit utilem ebrietatem semel in mense.  
Quin eadem etiam à Guiljelmo Placentino libro  
1. cap. 8. de curatione morborum, & à Gordonio  
particul. 2. Liliij, cap. 21. & à Valeſco lib. 1. Philo-  
nij cap. 8. redarguitur, ut quibus præſeruari,  
quàm curari melius esse uideatur. De uomitu  
plurè



BONA VALETVDINE. 81

plura infra cap. 85. Si quis ex nocturna uini potatione, propterea quod bibere illud non consueuerit, oblaeditur, huic & manè, quo adsuescat, idem propinandū est: sic enim fiet, ut ex uini sumptione minorem lesionem sentiat. Nam à consuetudo, ut est apud Hippocratem lib. 2. aphor. 50. minor fit lesio. Si uerò nocturnam uini potationem manè sitis excipiat, ea mendosa est, & curatur quidem sumptione uini, sed magis tamen aquæ. Ceterum minimè ignorandum hoc loco, ab assidua & quotidiana ebrietate summoperè omnibus, tam firmum, quàm imbecille cerebrum habentibus, ex æquo cauendum esse. Frequens siquidem ebrietas, quemadmodum 3. i. doc. 2. cap. 8. Auicenna testatur, sex morborum genera in humanis corporibus excitat. Primò nanq; iecoris *ὁ βίαιος* *ἥπαρ* hoc est, bonum habitum dissoluit. Vinum enim immoderatus sumptum calorem eius naturalem uel obtundit, uel resoluit, atq; debilitat, adeò ut facultatem amittat sanguificam, & aquosas humiditates *ὁ σπῶν* efficiens pro sanguine generet. Vel hepar ipsum unà cum humoribus eius adurit: quam sanè rem magna ex parte sequi solet, uel *ἐλεφαντίασις*, quæ est Arabum lepra, uel mania. Deinde assidua fumorum è uino sublatione bonam etiam cerebri constitutionem destruit: Calidum quidem phrenitidi, aut mania, frigidum uerò epilepsia, lethargo, apoplexia, aut

Ebrietas incommoda.



## DE CONSERVANDA

caro, Arabibus Subeth appellato, obnoxium red-  
 dens. Tertio loco neruorum imbecillitas con-  
 uulsa tam uini perpotationem sequitur: atque inde  
 sanè accidit ut bibacibus & frequenter inebria-  
 ri solitis caput, manus, ac reliqua membra pro-  
 pè omnia tremula efficiantur, idq; non tantum  
 in senio, cuius maxime proprium hoc uitium est,  
 sed in cruda quoq; uiridiq; senecta, & quan-  
 doque etiam in iuuentute. Quarto, frigida ner-  
 uis uitia, nempe conuulsionem, ac paralyin ad-  
 ducit. Vbi enim immoderatus sumitur uinum,  
 ut quod calidam habeat temperaturam, facil-  
 time eos replere solet. Talis siquidem natu-  
 ra promptè omnia subintrat, præsertim quum  
 non admodum crassam substantiam habuerit.  
 Substantiæ igitur copia uinum neruis hæc ad-  
 ferri mala, Galeno comment. 5. libro quinto apho-  
 risinor. teste. Vinum etiam frequenter in uen-  
 triculo acescit, unde non minimum leduntur  
 nerui. Ex defectu præterea concoctionis ui-  
 num sepe conuertitur uel in crudas atque aquo-  
 sas humiditates, quibus laxati nerui resoluntur,  
 uel in frigidos, crassos, & glutinosos succos;  
 quibus iidem obstructi aut distenduntur, aut  
 contrahuntur. Quinto, Apoplexiam procre-  
 at: pituitoso enim, hoc est, frigido, crasso, len-  
 toq; humore, quem temporis tractu generat, a-  
 deo principalissimos cerebri uentriculos una-  
 uice



BONA VALETUDINE. 88

uice & cumulatim replet, ut subito omnes corporis particule motu simul ac sensu destituantur. Sexto uero repentinam saepe mortem adfert: locis enim spirationis uini, uel inde generatarum humiditatum multitudine uehementer coarctatis atque impeditis, ebrius stertendo & dormiendo suffocatur. Hec omnia Galenus etiam libro tertio de temperamentis, in cum scribens modum confirmat: Vinum, inquit, non semper animal calfacit, æquè ut nec oleum flammam accendit, tamen si aptissimum est ignis nutrimentum. Imò si imbecillæ & exiguæ flammæ confertim multum oleum infundas, suffocabis eam, prorsusq; extingues potius, quàm augebis. Sic igitur & uinum, uti plus bibitur, quàm ut uinci possit, tantum abest ut animal calfaciat, ut etiam frigidiora uitia gignat, quippe apoplexia, & paraplegia, & quæ Græcè Caros, & comata uocamus, & neruorum resolutio, & comitiales morbi, & conuulsiones, & tetani immodicum uini potum comitantur: quorum unumquodque frigidum est uitium. Hec ille. Quinquà uero à nobis hætenus dicta mala uino immoderatus sumpto accepta ferenda sunt, non parum tamen conferre existimandū est, si modicè bibatur. Auicenna loco suprà citato quinq; eius recenset commoda. Primo namq; calore & subtilitate substantiæ, tum cōuenienti quoq; & occulta pro-



## DE CONSERVANDA

prietate facilem efficit ciborum, quibus permisce-  
tur, in omnia membra distributionem. Vnde ele-  
gantissimè ab Hippocrate in libro de alimento  
*ὀξύμα τὴν τροφήν*, hoc est, alimenti uehiculum  
nuncupatur. Idq; meritò sanè: neq; enim ex uentri-  
culo in uenas, quæ sunt in hepate multæ & angu-  
stæ, succus faciliè transmitti posset, nisi aliquis ei  
tenuis & aquosus humor, tanquam uehiculum,  
permisceretur. Deinde eadem etiã ratione phle-  
gma incidit atq; resoluit, meatuum obstructions  
aperit, adeoq; naturam ipsam ad excretionem in-  
citât. Tertio flauam bilem per urinam, sudorem,  
excrementa, & transpirationem insensibilem,  
*ἢ Ἀγλὸν αἰδοῦσιν* Græci uocant, ex-  
pellit: idq; intelligendum maximè de uino t. nui,  
subrubeo, siue albo, per naturam debili, uel abun-  
dè diluto Potentia enim flauam bilem augent po-  
tius, quàm expellunt: quòd insita quadam uī in  
eam faciliè commutentur, & hepar, ultra quàm  
satis est, calfaciant. Quarto atram bilem, quæ  
crassa & tardi motus est, per proprios meatus  
ab hepate ad splenem, & à splene ad os uentricu-  
li nullo negotio deducit, eandemq; è corpore tan-  
dem unà cum facibus exigit. Quinetiam melan-  
choliæ noxas substantia, temperamento, & effe-  
ctibus suis contrarijs reprimat ac tollit. Melan-  
cholia siquidem tristitiam, timorem, pusillanimi-  
tatem, & auaritiam: uinum uerò letitiam, auda-  
ciam,



ciam, magnanimitatem, & liberalitatem parit.  
 Quintò medetur omnibus modis seu speciebus las-  
 situdinis, nisi multa extranea caliditas ipsis con-  
 iuncta fuerit. Spiritus enim languidos, tantumq;  
 non exolutos, abundè reficit & recreat, faculta-  
 tes corroborat, & humiditates musculis, neruis,  
 chordis & iuncturis insidentes aut eximit, aut  
 certè minuit. Ad hæc, in arefactiua lassitudine, re-  
 ita postulante, uelociter humectat, præsertim si  
 dilutum fuerit. Præstat præterea & alia quàm  
 plurima commoda. Galeno enim teste li. 3. de tem-  
 peramen. ca. 3. omnium celerrimè nutrit: nam ut  
 adsimiletur, mutationem desiderat minimam. Ca-  
 lorem & spiritum naturalem corroborat, totum  
 corpus calfacit, cerebrum purgat, intellectum ex-  
 citat, cor exhilarat, iram mitigat, tristitiam remo-  
 uet, libidinem incitat, præq; omnibus alijs potibus  
 concoctionem semicrudorum humorum in quauis  
 corporis parte adiuuat, & ut unico uerbo rem  
 totam perstringam, hominem & anima & cor-  
 pore reddit uiriliorem: unde abstemij, si cætera  
 æquabiliter se habeant, reliquis sunt effœmina-  
 tiores.

## DE MELIORE VINO.

## Cap. XVI.

**G**ignit & humores melius uinum  
 meliores.

L 3



DE CONSERVANDA

Si fuerit nigrum, corpus reddet tibi  
pigrum.

Vinum sit clarumq; uetus, subtile,  
maturum,

Ac bene dilutum, saliens moderamini  
ne sumptum.

Der beste wein dem leib wol nuzt/  
Der schwartzfarb wein benimpt den lust.  
Trinck mässig alten subtiln wein/  
Gemischt/klar/springend sol er sein.

Hic docetur imprimis, ex meliore uino meliores humores procreari: neq; id sanè immeritò. Nam quàmò præstantior humorum materia fuerit, tamò ex ea etiam meliores humores gigni, rationi consentaneum est. Subiungitur deinde, corpus nigri uini potu torpidum ac pigrum reddi, & ne hoc quidem citra rationem. Nam cum reliquis sit crassius, ac terrena natura magis particeps, spiritus etiam crassiores inde produci necesse est. Simile enim esse oportet defluxum subiectæ substantiæ, ut locis suprà aliquoties citatis Galenus autor est. Iam uerò spiritus crassiores corpus grauiam, & ad uoluntarios motus perficiendos pigrum reddunt. Tercio loco septem referamur præcepta de electione Vini.

Primum, ut sit clarum: hoc enim, utpote subtile, spiritus etiam claros ac subtiles generat.

Secundum,



Secundum, ut sit uetus: Nouum enim siue Vinum mustum (si cætera conueniant) facilius inebri- uetus, at, aluum subducit, colicos cruciatus generat, & alia quadam adfert incommoda, de quibus infra cap. 26. Neq; ita tamen hoc intelligendum uenit, ut nobis admodum uetus eligendum uideatur.

Tale enim iuxta Auicennæ sententiam 3. 1. doc. 2. cap. 8. inter medicamenta potius, quàm potus reponendum est. Maior siquidem ei corporis ad caliditatem & siccitatem alterandi, quàm alendi facultas inest. Alimendum enim quod ex ipso corpori hominum accedit, exiguum est: eò quòd à siccibus & uiriditate, quibus permistum & confusum fuit, iam repurgatū, seq; ipso calidius quodā modo effectum sit. Vinū namq; sicuti lib. 8. ca. 14. de simp. medic. fac. à Galeno scribitur, ex secūdo est ordine ex calfacientiū: sed quod admodum uetus est, ex tertio: sicut mustū, quod uocāt ex primo. Caliditati eius proportiōe respōdet siccitas.

Tertium, ut sit subtile: tale enim spiritus procreat multos atque subtiles: cum è diuerso crassum crassos generet.

Quartum, ut sit maturum, non austerum, siue stypticum. Austerum namq; uinum, quemadmodum comment. 8. lib. 3. de uic. rat. in mor. acw. Galenus attestatur, excretionem omnes cohibet. Quare ledit ea corpora, quibus per urinas expurgari est opus, ledit quoq; superiora omnia.



## DE CONSERVANDA

Sed tamen ipsa adstrictionis ratione omnino iu-  
uamentum præstat ægritudinibus intestinorum.  
Verum huiusmodi adstrictionem labefactat, exol-  
uitq; si aqua temperatum fuerit.

**Dilutum** Quintum, ut sit dilutum: Vinum enim cum  
diluitur, hoc est, aqua temperatur, remittit fu-  
mositatem suam, atq; ob eam rem minus cum ca-  
put grauat, tum inebriat. Sed hoc ipsum de uino  
subtili potissimum intelligendum uidetur, nempe  
crassum diluendo subtilius ac magis fumosum effi-  
citur, atq; ob id citius inebriat. De eo igitur Aui-  
cennam intellexisse censendum est, 3. 1. doc. 2. ca-  
pite 8. dum inquit: Mixtum uelocius inebriat.

Sextum, ut infundendo quasi subsiliat: Et  
est una de boni uini conditionibus, de quibus ca.  
10. dictum est.

Septimum, ut modicè sumatur: Vinū enim  
modicè sumptum acuit ingenium. Excitat enim ui-  
ni calor inueniendi uim, quæ torpet nonnunquam  
in ieiunis. Extat hæc sententia in lib. de discipli-  
na scholarium, qui Seuerino Boëthio adscribi-  
tur, cap. 2. Vinum, inquit, modicè sumptum intel-  
lectui uidetur conferre acumen: non autem mo-  
dicè sumptum rationem perturbat, intellectu he-  
betat, memoriam eneruat, obliuionem immittit,  
errorem infundit, ad ignorantiam perducit.

Ex omnibus iam dictis colligitur, pro conseruan-  
da bona ualetudine eligendum esse uinum etate  
medium,



medium, clarum, rubedine nonnulla participans,  
 odoratum, sapore æquale, ita ut non acre sit, nec  
 acutum, neq; dulce, nec fumosum, neq; crassum,  
 neq; subtile nimis, sed ad subtilitatem inclinans,  
 neq; excellenter potens, neq; plus æquo imbecillū,  
 sed medium, natum in colle aperto meridie spe-  
 ctante, regione inter caliditatem ac frigiditatem  
 temperata. Hæc ferè Auicenna loco citato. Porro  
 circa uini usum pro ætatis ratione tres notandæ  
 sunt regulæ. Prima, ne pueris detur uinum in po-  
 tu: nam perinde hoc esset, ac si ignem igni addas.  
 Quippe quod haustum & humectat nimium, &  
 calfacit corpus, tum caput halitu replet ijs, qui  
 humido calidoq; temperamento sunt, quale est e-  
 iusmodi puerorum. Atqui nec repleri his caput  
 est utile, nec suprâ, quàm par est, humidos cali-  
 dosq; fieri: quoniam eò iam calor is humorisq;  
 peruenerunt, ut si paululum utramuis qualitatē  
 auxeris, iam modum excesserint. Cùm autem sit  
 omnis excessus fugiendus, maximè hunc fugere ex-  
 pedit, ex quo non corpori modò, uerum etiam ani-  
 mo damnum accedit. Galenus lib. 1. cap. 15. de sa-  
 nita. tuenda. Secunda, ut seni detur, quantum  
 citra dispendium ualetudinis ferre queat, hoc est  
 quantum appetit genuina ac regulari appeten-  
 tia. Quemadmodum enim ocreæ ueteres, aridæ,  
 & corrugatæ oleo, ita corpora senum uino ele-  
 ctò, quale est Bellouacense, reficiuntur ac remo-

Vergi. 2.  
 Georgic.  
 Apertos  
 Bacchus  
 amat col-  
 les etc.



## DE CONSERVANDA

Vinum  
lac se-  
num.

uantur. Senibus enim cum exangues & frigidi sint, unum illud maximum commodum ex uino accedit, quod ætatis frigiditatem ad symmetriam & mediocritatem caloris reducat, tristitiam & melancholiam, quibus abundant, expellat, & soporem, quo ferè destituuntur, reuocet: obstructions item, quibus iidem obnoxij sunt, tollat. Sanè uinum sicuti pueris alienissimum, ita senibus aptissimum est. Galenus libro 5. de sanita. tuenda capite 7. Tertia, ut iuuenibus non exhibeatur nisi temperatè. Nam, ut Galenus inquit libro 1. de sanitate tuenda, capite 15. neque iam adultis uinum, nisi modicè sumptum, existimandum est utile esse: quod uidelicet & ad iram & ad libidinem præcipites facit, & partem animi rationalem hebetem turbidamq; reddit. Cæterum his ipsis ad bilis excrementa uel mitiganda, uel expellenda, est sanè non inutile: Corpus corroborat, & ingenium, ob subtilium & tenuium spirituum copiam, exacuit. Plura Plato libro secundo de legibus, Seneca libr. 2 cap. 20. de ira. & Galenus in libro, Quod animi mores corporis temperaturam sequantur, cap. 10.

## DE CEREVISIA.

Cap. XVII.

**N**on acidum sapiat ceruisia, sit bene clara.

Ex





Ex granis sit cocta bonis fatis, ac ueterata.

Das Bier sei klar vnd alt von jom/  
Nicht saur/gefocht von gutem Korn.

Hic quinque traduntur notae eligendae ceruisiae.

Prima, ut non sit acida: haec enim uentriculo inimica est. Acetum namque, quemadmodum comment. 39. libr. 3. de uict. rat. in morbis acut. Galenus docet, suapte natura nervos offendit, idque sane experimentum testatur, et demonstrat ratio. Nempe exangues sunt, et ideo frigidi facileque ab ijs, quae refrigerant simul et tenues habent partes, afficiuntur medicamentis. Læduntur praeterea et à reliquis perfrigerantibus omnibus: sed substantia aceti, quod tenuium est partium, in eorum mergitur profundum: atque in omnes ita irrumpit partes, ut ne minimum quidem ex

cis



## DE CONSERVANDA

eis illesum maneat. Sic igitur acetum nervosas offendit partes. Venterculus autem nervosus est. Ergo &c.

Secunda, ut sit clara: turbida enim impingat quidem, sed urinarum meatus obstruit, atq; ob id calculosis plurimum nocet, flatu gignit, difficilem atq; breuem spirationem efficit, & pituitam auget.

Tertia, ut sit cocta ex bonis, ac ualidis, & minimè corruptis granis, nempe ex optimo hordeo, tritico, uel auena: quàmò enim grana meliora fuerint, tamò & meliorem inde humorem gigni par est.

Quarta, ut sit bene ac perfectè cocta. Hæc enim melius concoquitur, & nature conuenientior existit. Malè uerò cocta, uentris inflationes, tormina, & colicos cruciatus generat.

Quinta, ut sit uetus, & à facibus repurgata. Recens enim præterquam quòd iisdem malis, quibus malè cocta obnoxia est, stranguriam etiã facit. Plura infrà cap. 46.

## DE VSV CERVISIAE.

Cap. XVIII.

**D**E qua potetur, stomachus non inde grauetur.

Dem



BONA VALETVDINE. 37

Dem Bier dem malz oder farb gebriecht/  
Das saur oder jung ist/trincke nicht/  
Trincks doch nach not/vnd füll dein frago  
Nur daß nit werd beschwert dein magn.

Hic unicum de Ceruissæ usu præceptum traditur: nempe ut modicè sumatur, neq; ea stomachus prægrauetur, uel ebrietas concilietur. Ebrietas enim ex ceruissia quàm uino deterior est, & diutius perdurat, quòd crassior, concoctusq; difficilior sit, quàm uinum. Fumi namq; crassiores inde ad caput eleuantur, quàm ex uino: quare tardius etiam discutiuntur. Ex quo sanè loco sequitur etiam, in principio prandij uel cœnæ potum à ceruissia utilius, quàm à uino inchoari. Venter enim ante cibi sumptionem uacuuus & nutrimenti indigus è proximis haud dubiè uisceribus attrahit. illa uerò, ut copiosè admodum lib. 3. de facul. nat. cap. 13. Galenus docet, nihil præter superfluitates & excrementa retribuisse certum est: quo fit, ut superfluitatibus iam atq; excrementis abundet. Quæ certè potissimè causa est, cur in maxima fame Medici consulant, ut ante cibi sumptionem uomitus eliciatur: quo nimirum superfluitates illæ à uentriculo attractæ euacuentur prius, minimeq; cum chylō miscèantur. Si igitur in principio mensæ biberetur uinum, quo natura præcipuè delectatur, quodq; auidissimè ab ea, quæ uisceribus inest, trahendi

ni



## DE CONSERVANDA

ui rapitur: superfluitates à uentriculo attractæ  
unà cum uino in omnia statim corporis membra  
non sine sanitatis dispendio distraherentur. Atq;  
ob hoc fortassis Ioannes Matthæus de Gradi. con  
filio 90. non in principio solum mensæ, sed in ma  
xima quoq; siti, & post quamlibet actionem fortè  
ac uehementem à uino abstinendum censet: quip  
pe quod ita sumptum incoctum adhuc ac crudū  
ad neruos facile penetret, atq; inibi in acetum cō  
mutetur. Ceruisia uerò utpote crassior, & ad cō  
coctionem pertinacior, non tam auidè rapitur:  
quare ab ea potus in principio prandij uel coenæ  
utilius inchoatur. Ceruisia humores etiam oris  
stomachi insidentes abluit, & sitim, quæ ex  
nimia uini potatione timetur, præterea et quam  
libet aliam mendosam, coërcet ac reprimit.

QVAE VICTVS RATIO QVO  
libet anni tempore sit utilis.

Cap. XIX.

**T**emporibus ueris modicum pran  
dere iuberis,

Sed calor æstatis dapibus nocet immo  
deratis,

Autumni fructus caueas ne sint tibi lu  
ctus,

De mensa sume quantum uis, tempore  
Brumæ,

Int



Im Lengen iß mit mäßigkeit/  
Im Sommer wirt dir schlemmen leid:  
Des Herbstes frucht wünsch nicht vnsußt/  
Im Winter ißs nach allem lust.

Hic pro singulis anni temporibus conueniens instituitur uictus ratio: Et primò quidem de Vere agitur. Verno siquidem tempore modicè prandendum est, id est, paulum cibo demendum, adijciendumq; potioni, Cornelio Celso lib. 1. cap. 3. & Auicenna 2. 1. doc. 2. ca. 6. testibus. Hyeme enim ob temporis gulositatem, exercitij paruitatem, et resolutionis prohibitionem, humores crudi, maximeq; phlegmatici ex temporis proportionem generati in interioribus corporis, ob ambientis aeris frigiditatē, siue αἰθέρα ὡς ἰσῆσαι, adunantur. Ver autem superueniens illos eliquat, & per totum corpus diffundit: Quare natura per id tempus plurimum circa illorum concoctionem occupata est. Si itaq; in Vere magna daretur cibi copia, natura impedita à prædictorum humorum concoctione diuerteretur: utpote humoribus, & magna ciborum copia plus æquo grauata: unde relictī in corpore humores crudi et incocti facilè in membrum aliquod decumbentes ægritudinem inducerent. Quare summopere cauendū est, ut id tēporis cibo nonnihil dematur. Ciborū enim diminutio ab ægritudinibus ueris maximè præseruat. Auicēna ibidē teste. Et hoc quidē de adulto et extremo



## DE CONSERVANDA

tremouere intelligendum. Nouum enim hyemi ad  
similatur, unde & hyemis ritu per id tempus ci-  
bus administrandus est. Intelligendum item de cor-  
pore crudis & phlegmaticis humoribus referto.  
Corpori namq; in humoribus temperato cibus iu-  
xta caloris innati, atq; eius, quæ à corpore fit re-  
solutionis, proportionem exhibendus est: ablata  
enim causa est diminutionis cibi. Vnde Hippo-  
crates lib. 1. apho. 15. Ventres hyeme & uere na-  
tura calidissimi sunt, & somni longissimi: quare  
per ea tempora alimenta copiosiora sunt exhi-  
benda. Etenim tunc calor innatus plurimus est,  
unde & pluribus egent alimentis.

**Aestatis  
cibus.**

Secundo, de æstate: nempe quòd immode-  
rata cibi sumptio æstate noceat. Siquidem uirtus  
concoctrix tunc debilis existit: Calor enim in-  
natus, qui omnium operum naturalium causa est,  
propter extrinsecus circumstantis caloris exces-  
sum, ad sibi affinem extrà protenditur, atq; ita  
cōtingit dissolui ac dissipari eius substantiam: ob  
hoc igitur debilior redditur, quàm ut multum ci-  
bum conficere queat, Galen. comment. 15. libr. 1.  
apho. Vbi minime tamen silentio prætereundum  
est, ob maximam humiditatem corporis tam sub-  
stantialium, quàm nutrimentalium, quæ per æsta-  
tem fieri solet, difflationem, plurimum quidem ac  
crassius alimentum exhibendum esse, si uirtus cō-  
coctionis sufficeret. Verùm cum uno eodemq; tem-  
pore



## BONA VALETVDINE. 99

pore multum conficere non sufficiat, parum de  
 eo ac sepius exhibendum est. Id quod comment.  
 17. lib. 1. apho. Galenus ijs significauit uerbis: Aes-  
 tuius quidem tempore, quantum ad temporis ra-  
 tionem atinet, sepius pauca danda sunt, quoniam  
 & pluri egent adiectione, ut qui sunt dissoluti,  
 & uires habeant imbecilles. Idem Cornelius Celo-  
 sus lib. 1. cap. 3. sic scribens confirmat: Aestate ut  
 sepius cibo utendum, sic exiguo est. Quanquam  
 uero cibo nonnihil per astatem demendum est,  
 potioni tamen adiiciendum uidetur. Maxima si-  
 quidem tum fit difflatio & exiccatio corporis,  
 & calor humidum longè exuperat, unde maior  
 etiam sitis exoritur. Elixis itaq; frigidisq; cibis,  
 ac potione tum multa, tum diluta utendum. Vinu  
 uero purum ac uinosum, ut quod facile inflamme-  
 tur, & uiolento aestu uehementem calorem incen-  
 dat uitandum.

Tertio, de Autumno: ut scilicet in eo à po-  
 mis ac ceteris autumnalibus fructibus, nimirum  
 uuis, persicis, ficibus, & similibus abstineatur, uel  
 parce saltem de ipsis assumatur: ob ebullitionem  
 enim quam in corpore & humoribus faciunt, san-  
 guinem nimis fluidum & putrefactioni accommo-  
 dum generant, idq; maximè in uentriculo impuro  
 & corporibus *κακός υμνός*, qualia per autumnu  
 sepius occurrunt: quæ ob id etiam malis corripi-  
 untur agritudinibus, cuiusmodi habentur in pri-



## DE CONSERVANDA

mis uariolæ, morbilli, et pestilentes. Quod palam  
 etiam Paulus Aegineta libro 1. capite 53. ita scri-  
 bens attestatur: Poma in autumnno affatim assu-  
 mere noxium est, ut quæ non copia tantum ob-  
 sint, uerum etiam uitiosos procreent humores et  
 inflationes. Etenim præstantissima, nempe ficus  
 et uua, flatus parium corrumpuntque cibos, nisi  
 ante alios præsumantur: ita uero neque inflant, ne-  
 que corrumpunt. Cæterum quod exactior uictus  
 ratio per autumnum habeatur, unicè hoc omni-  
 bus, qui sanitatis tuendæ curam susceperint, ca-  
 uendum est, quemadmodum libro 4. ad Almans.  
 capite 26. Rhazes præcipit, ne famem uel sitim  
 patiantur, uel cibo una hora repleantur, uel æ-  
 qua. Vinum autem bibendum est paulò liberius,  
 non tamen immodicè, ceu in æstate, dilutius: nempe  
 ut corpus humectet, et calorem reprimat. Quod  
 enim aqua immodicè temperatum est, calorem ob-  
 tundit, inflationes, ac inde colicos cruciatus pro-  
 creat. Minus etiam eius quàm per æstatem sumen-  
 dum est. siquidè natura tunc imbecillior existit,  
 quàm ut magnam uini copiam cõcoquere queat.  
 Sunt apud Galenum in libro de cibis boni et ma-  
 li succi, cap. 3. pulcherrima quædam ac utilissima  
 de horæis fructibus præcepta, quem sanè locum,  
 quia ualde eruditus est, hic integrum subijcere  
 placuit. Pater meus, inquit, geometriæ, architecto-  
 niæ, astronomiæ, arithmetici, logistici studiis  
 pluri-



plurimum ualuit: maximeq; omnibus, quibus erat  
notus, ob ipsius iustitiam, modestiam, bonitatem,  
ut quiuis ex philosophis, admirationi fuit. Is cū  
puer ipse adhuc essem, eam mihi uictus rationem  
instituit, ut nullis per id tempus obnoxius morbis  
uixerim. Vbi uerò adolefcentiam sum ingressus,  
ille in agrum rei rusticæ studiosus concessit, ego  
uerò doctrinæ studijs ardentius quàm ceteri con-  
discipali die noctuq; operam dabam. Sed cū  
per totum id tempus, quod ὁ τῶν παρ' uocant, ho-  
rais, hoc est, temporarijs uel fugacibus fructibus  
unā cum equalibus meis uberius usus essem, adue-  
niente autumnno, acuto morbo correptus sum, ue-  
namq; incidere opus fuit. Cumq; ergo in urbem  
pater reuertetetur, ad me obiurgandum se con-  
uertit, cuiusq; generis uictus admonuit, quo eo-  
dem suadente, usus antea fueram, utq; ab illo in-  
posterum minimè discederem, uitaremq; sode-  
lium incontinentium consuetudinem præce-  
pit. Tum sequenti etiam anno operam curamq;  
adhibuit, ut sobriè uiuerem, atq; horæos fructus  
cum moderatione gustarem. Atq; ita in eo anno  
qui erat ætatis meæ undeicesimus, incolumis ui-  
xi. Sed cū altero deinde anno pater excessisse  
set è uita, ipseq; unā cum eiusdem ætatis amicis  
opore fructus ad satietatem sumerem, in egritu-  
dinem superiori consimilem incidi, ut tunc quoq;  
sanguinis missione opus esset. Deinde uerò uel sin-



## DE CONSERVANDA

gulis annis, uel alternis nonnunquam, ad octantū usq; & uicesimum annum morbo aliquo laborabam. Cumq; tunc temporis periculum esset, ne ea pars mihi, qua iecur septo transuerso annexum est, abscessu corripereetur, ab esubore eorum omnium mihi penitus abstinendum proposui, exceptis ficibus uuisq; omnino maturis, quas neq; intemperanter, ut antea, sed cum moderatione sumebam. Quam sanè uictus rationem, cum quidam ex sodalib. natis me duobus annis maior comprobaret, curam ambo adhibuimus, ut exerceremur, cruditatesq; omnino uitaremus, ob idq; ad hanc usq; diem multos iam annos incolumes uiximus. Reliqui quoq; ex amicis, qui me hortante exercitatione usi sunt, moderateq; cibum sumpserunt, rectè omnes semper ualuerunt, sed alij quidem à quinto iam & uicesimo, alij ab aliquanto paucioribus annis, ut cuiq; scilicet persuasum fuit, horum fructus, cibosq; alios mali succi uitare oportere. Hæc ille.

Hyemis  
cibi par-  
ci.

Quarto, de hyeme: Hyberno siquidem tempore, Auienna 2. 1. doc. 2. cap. 6. teste, quantum uolumus, hoc est, plus quam cæteris temporibus edendum est. Quod Galeni etiam testimonio confirmatur, qui commen. 17. lib. 1. apho. in eum scribit modum: Hyberno tempore multa quidem danda sunt propter robur uirium, sed raro, quia non ualde multa indigent adiectione laborantes,



ut quibus non multa fiat euacuatio. Et ratio quia  
idem est, quia calor innatus hyeme intensior est,  
tum quia unctus, tum quia corroboratus. Sic enim  
αὐτὶ τῶ ἐπιστομῇ, id est, iuxta positionem sui con-  
trarii, nempe aeris frigidi corpora ambientis. De  
qua plura Aristoteles lib. 1. cap. 12. μετεωρολογικῶν.  
Sed hoc ueritatem habet in robustis & cor-  
pulentis, non autem in raris & debilibus. In his  
enim intensum hyemis frigus non modo non cor-  
roborat calorem innatum, sed magis debilitat.

Quod uero hyberno tempore calor plurimus sit,  
innuit Hippoc. apho. 15. lib. 1. Ventres hyeme &  
uere natura calidissimi sunt, & somni longissimi:  
quare per ea tempora alimenta copiosiora sunt  
exhibenda. Etenim tunc calor innatus plurimus  
est, unde & pluribus egent alimentis. Quia qui-  
dem & crassiora & concoctu difficiliora exhi-  
bere licet, eo quod calor intensior sit. Ino autem  
utendum est tum meraciore, tum rubicundiore.

Quamquam uero in hyeme ob robur caloris inna-  
ti & fortitudinem uirtutis concoctricis, cibi cras-  
siores ac densiores conueniunt, quia tamen tunc  
temporis ob phlegmatis abundantiam corpora  
facile replemur & obstruamur, & parua fit  
à comineme resolutio: tutius est uti cibis inter  
solidum & rarum medijs: qualis est caro hœdi-  
na, uitulina, ueruecina, luciorum, percarum &  
cancerorum. Crassioribus uero, ut bouina, cerui-



## DE CONSERVANDA

na, porcina, concharum, ostreorum, carpiorum,  
 & similia, abstinendum, aut certè cum modera-  
 tione utendum: adhibitis semper rebus apertius  
 & diureticis, nimirum petroselino, nasturtio, a-  
 pio, & exercitio forti. Ceterum circa uictus ra-  
 tionem pro singulis anni temporibus conuenien-  
 tem hoc etiam notandum uenit: Quòd autumno  
 quidem melancholicis cibis ac siccantibus abstine-  
 re oporteat, hyeme uerò eis uti, quemadmodum sa-  
 nè æstate humectantibus & refrigerantibus: Vere  
 aut, quòd medijs sit temperamenti, medicæ facultas  
 eis cibos edere, quemadmodum libro I. cap. 25. de  
 aliment. facult. Galenus attestatur.

## DE PRAVO POTU COR- rigendo. Cap. XX.

**S**alvia cum ruta faciunt tibi pocula  
 tuta,  
 Adde rosæ florem, minuuntq; poten-  
 ter amorem.

Salb vnd Kauten/macht sichern tranck/  
 Die Roß darbei die lieb bezwang.

Duo traduntur hoc loco prauis potus reme-  
 dia.  
 Salvia. Primum, Salvia: cuius folia potibus immer-  
 sa



sa uitia eorum proprietate quadam tollunt. Peculiarē præterea habent gratiam roborandi cerebri ac nervos: ijs uerò roboratis, malis fumis ex prauo potu procedentibus melius resistitur.

Secundum, Ruta: Huius namq; folia integra *Ruta.* ac citra comritionem ullam potioni imposita, auxiliarem uim contra perniciem eius præstant. Etenim caliditate & proprietate sua potus uitia emendant. De ruta, quomodo aduersus uenena conferat, satis dictum est suprà cap. 13. Additur in posteriore uersu, quòd flos rosæ superioribus adiunctus, non modò dictam earum uim augeat, sed Veneris insuper appetitum cohibeat atque tollat. Quod sanè de rosis potissimum intelligendum est, quæ puniceo colore rubent: hæc namq; fragrantia ac styptico suo sapore potus nocumentum remouet.

## DE NAVSEA MARINA.

## Cap. XXI.

**N**ausea non poterit hæc quem uexare, marinam  
Vndam cum uino mixtam qui sumpserit ante.

Das Meer dir keinen grauen trengt/  
So dus vor trinckst mit wein gemengt.

M 4



## DE CONSERVANDA

Cum plerisque necessitas incidat nauigio per mare proficiscendi, hic etiam remedia quaedam aduersus nauſas & uomitiones, quibus premi ſolent, qui nauium inſueti primum iam nauigare incipiunt, enumerare placuit: Nempe ſi diuites illi fuerint, ut per dies aliquot, antequam nauem conſcendant, uinum ſuum aqua marina temperent: ſi pauperes, aquam marinam abſque miſtione bibant. Sic enim fiet, ut nauſas citra ullum negocium euitent. Nam uinum & præcipue aquoſum, quod Paulo Aegineta οὐράγιον Græcè dicitur, ſtomacho uomitionibus turbato maxime conuenit. Aqua uero marina ſalfa & adſtrictoria ſua uios uentriculi claudens uomitiones præcidit atque impedit. Porro uomitionibus primum iam oborientibus, nec facile, nec utiliter reſiſtitur: ut quæ omnino magna ex parte præſidio eſſe ſoleant contra magnas et uehementes ægitudines, nimirum elephanziaſin, aquam inter cutem, apoplexiam, & ſtomachi tum frigidityatem, tum inflationem. Siquidem ab his non ſolum præſeruant, ſed eaſdem etiam iam abortas uel curant, uel certe leuant. At ſi diutius crebriusque urgeant, ad id ut nauigantes uehementer debilitentur, comestione ſtypticorum & acidorum fructuum, cuiusmodi ſunt mala cydonia, mala Matiana ( hoc eſt, ut interpretatur Iacobus Syluius, poma ſylueſtria, ut uero Ianus Cornarius, poma Arania ) & noſtra orbicu-



## BONA VALETVDINE. 93

orbicularia poma, quæ Epiroticis malis respondere putamur, uulgo Capenduta, siue pommes de Capendus Gallicè uocantur, & punica siue grana acida, restringendæ sunt. Hæc enim os uentriculi corroborant, & humorem sursum repentem deorsum reuellunt, ac infernè per uentrem euacuant, fluentemq; stomachum sistunt. Quin et ipse stomachus ab hisce roboratus fructibus humores ad se undarum exagitatione confluentes reprimunt. Apij quoq; semen torrefactum ac in uino potum, confert. Absinthium quoque tam in cibo, quàm in potu sumptum nauseas tollit. Panis item assatus, si ex uino aquoso et odore maceratus in Vapores geratur, prodest. In summa, tota uictus ratio tum stomachi ex acidis & uentriculum roborantibus, tum uapores etiam siue fumos ad caput ascendere prohibentibus, constituenda est: In quorum numero & lemicula cum primis in aceto, uel succo uuæ acerbæ incoctæ, reponendæ sunt. Plura Paulus Aegineta lib. 1. cap. 56. & Auicenna 3. 1. doc. 5. cap. 8.

## DE GENERALI CONDI- mento. Cap. XXII.

**S**Aluia, sal, uinum, piper, allia, petroselinum,  
Ex his fac sallam, ne sit commixtio falsa.

M 5



## DE CONSERVANDA

Pfeffer/Enoblauch/salbey vnd saltz/  
Wein/petersilg machen ein salß.

*Communes recensentur hoc loco materiae, ex quibus in mensa ἐμβέματα, hoc est, intinctus, condimenta, siue salsamenta ex tempore parari possunt, si specialia defuerint. Sunt autem ea numero sex. Et prima quidem Salvia est: Ex hac*

**Salsamē** enim fit condimentum in assatione siue coctura **sa uaria.** anserum & porcellorum. Hi namq; salvia per saepe farciri solent antequam assentur: ut nimium superfluis ac glutinosis ipsorum humiditatibus resolutis atq; dissipatis, salviae penitus sibi cum odorem, tum saporem induant. Salvia tamen post assationem reijcienda et non comedenda est: Quinetiam ruricolae & plebei homines condimentum ex salvia conficiunt, quo in anserum esutuntur. Allium enim cum salvia contundunt, ut acrimoniam deponat, & uino commiscunt. **Sal cum** **uino.** Secunda, Sal. de quo infra cap. 52. Tertia, uinum: Quod sanè extemporale diuitum, uel nobilium condimentum est. Nam in sinapij, aut ueriuti defectu, uinum cum sale temperatum pro salsamento ingerunt. Porro uerutum (ut hoc obiter etiam hic explicetur) Gallicum uocabulum est, idem significans quod ὀμφάκιοι quod est succus acerbæ uuae, nondum maturescens. Italicè Agrestio, Officinis Agresta, Gallicè Veriust, & hinc facta Latina nominis terminatione, Veritū. Quarta,

Piper:



**Piper:** Estq; rusticorum & agrestium hominum **Piper.**  
**Salsamentum:** quippe quibus fabæ atq; pisa pipere  
 condita in quotidiano sint usu. Quinetiam ex pa-  
 ne tosto cum ceruisia, siue uino, ius nigrum pipe-  
 re conditum pultis instar conficitur, quod ob id  
 uulgato iam serè ubiq; nomine piper etiam appel-  
 latur. Hoc super carnes aut pisces effusum in  
 delitijs habetur. Quinta, **Allium:** hinc quoq; sal-  
 samentum rustici conficiunt, quod cum omnibus **Allium**  
 propècibus suis, siue assi illi fuerint, siue elixi, si-  
 ue dulces, siue falsi, imò uerò & cum induratis  
 ouis esitant. Allium nanq; tritum cum molli ca-  
 feo ac lacte commiscet, atq; epulis deinde appo-  
 nunt. Sexta, **Petroselinum:** Siquidem ex folijs **Petrose-**  
 eius contusis, cumq; ueriuto uel uino albo commi-  
 stis, fit salsa uiridis, quæ cum assis serè manditur.  
**Caterum** silentio minime prætereundum hoc lo-  
 co, quòd pro ratione temporum sibi inuicem suc-  
 cedentium, tum cibariorum etiam, quibus cum  
 apponuntur, salsamenta uariari conueniat. Cali-  
 dus siquidem temporibus frigida, aut minima cer-  
 tè caliditate participantia: e contrario uerò frigi-  
 dis calida conferunt. Salsamentorum igitur statu-  
 enda materia est, in æstate omphacium, turiones  
 uitis, acetū, succus malorū limoniorum, uel citrā-  
 gulorū, uel punicorū, siue granatorū, cū saccha-  
 ro, stillatitio rosarum liquore, qui ποδόςαγμα  
 Græcè dicitur, et amygdalis. Quibus tamē inter-  
 dum



## DE CONSERVANDA

Cum serpylli nonnihil ac petroselini ad frigidita-  
 tis commodationem addi potest. Temporibus  
 frigidis aptissima constituetur salsamentorum ma-  
 teria, sinapi, eruca, zingiber, piper, cinnamomum,  
 caryophyllon, allium, salvia, serpyllum, mentha,  
 petroselinum, iuscula carniū, uinum, & acetum,  
 idque non acre nimis, sed uini naturae propinquum.  
 Temperatis autem temporibus inter caliditatem  
 & frigiditatem media magis congruet. Porro  
 quod ad cibaria ipsa attinet, alia alijs, quemad-  
 modum sanè coqui non ignorant, egent condimen-  
 tis. Carni namque ueruecinæ similiter & uitulinae,  
 atque capreolinae, salsa uiridis apponi solet, in æ-  
 state quidem ex aceto, & omphacio, cum paucis  
 speciebus, nempe cum petroselino, zingibere albo,  
 omphacio, & pane tosto, eoque in aceto uel agre-  
 sta macerato, sine alij admistione: In hyeme ue-  
 rò eadem, sed cum largiore specierum copia, pau-  
 co allio, optimo uino, & pauca agresta, apponi-  
 tur. Nonnunquam uerò sinapium & eruca suffi-  
 ciunt. Carnibus bouinis elixatis perquam utile  
 pro condimento est, dumtaxat ad usus eorum qui  
 rectè ualent, iusculum nigrum ex pane tosto, cumque  
 iure carniū, pauco omphacio, & pipere coctum,  
 quod piperis etiam nomine appellari diximus.  
 Hoc idem & pro suillis non inutile hyberno tem-  
 pore fuerit. Nihil porro uetat in principio refe-  
 ctionis per æstatem carnes suillas etiam frigiditas  
cum



## BONA VALETVDINE. 91

cum aceto ac petroselino mandi. Quòd si tamen  
eadem carnes, nempe bouina atq; suilla, pastilla-  
ta fuerint, hyeme quidem cape atq; allium cum  
exiguo specierum dulcium pondere: estate uerò  
òu p̄cipuop sine capis, aut paruulas capas, sed m̄  
nuta planè copia, assumere alienum non est. Sim  
uerò ex carnibus subtilioribus pastillatura con-  
stiterit, repudiato per æstatem caparum usu, lac  
amygdalarum cum omphacio & exiguo specie-  
rum dulcium puluere apponendum est. Ouum et-  
iam conquassatum cum omphacio in fine conce-  
ditur. Hyeme uerò uinum in omphacii locum suf-  
ficere, adeoq; species augere operæ precium erit.  
Cuniculorum & pullorum assaturæ conuenit cō-  
dimentum ex cinnamomo & mica panis, estate  
quidem cum omphacio, sed hyeme cum uino. Su-  
illæ carni assaturæ per hyemem conueniet liquor,  
qui inde assando destillauerit, cum capis comu-  
sis & optimo uino temperatus: per æstatem uerò  
salsa uiridis, cuius suprà mentionem fecimus, ex  
usu magis erit. Phasianorum, perdicum, & turtie-  
rum assaturæ præter salem aliud non requirunt  
condimentum. Caponibus uerò & galinis elixa-  
tis non inutile condimentum est per hyemem pro-  
prium decoctionis earundem ius cum paucis spe-  
cierum dulcium puluere, & maxime quidem si  
saluia, hyssopus ac petroselinum iuri simul inco-  
cta fuerint: estate ius ipsum per se cum momento

croci



## DE CONSERVANDA

eroci & succo turionum uitis sufficit. Caterum pro caponum & gallinarum pinguium pastillatum condimento, præter exiguam specierum dulcium copiam nihil penitus apponendum est, idq; in fine tantum, per æstatem quidem cum omphacio, per hyemem uerò cum optimo uino. Pisces uerò tamò calidioribus atque acrioribus opus habent condimentis, quamò crassiore magisq; excrementitia carne & humidiorè natura constiterint, concoctuq; pertinaciores fuerint. Eadem in carnibus quoq; habenda est ratio. Plura Magnus de conseruanda sanitate, parti. 3. cap. 10. & 21.

## DE UTILITATE LOTIONIS manuum. Cap. XXIII.

**L**Otio post mensam tibi confert  
munera bina,  
Mundificat palmas, & lumina reddit  
acuta.

Si fore uis sanus, ablue sæpe manus.

Wasch dein händ/vonderlaß es nicht/  
Du reinigst dich/vnd scherpfst dein gsicht.

Due hic referuntur commoditates ex lotionè  
manuum à sumpto cibo. Primò nanq; manus ipsas puras atq; mundas efficit: Deinde uerò lumina etiam reddit acuta, id est, uisus aciem excitat.



BONA VALETUDINE. 96

Est. Et hoc quidem non per se, sed ex accidenti.  
Manus enim instrumenta sunt, quibus purgamur  
oculi. Quare puras eas atq; mundas esse conue-  
nit. Sed de hoc abundè suprà cap. 2.

DE PANE. CAP. XXIII.



**P**anis non calidus, nec sit nimis in-  
ueteratus,

Sed fermentatusq; oculatus, sit bene  
coctus,

Et falsus modicè, ex granis ualidis ele-  
ctus.

Necomedas crustam, choleram quia gē-  
gnit adustam.

Et panis falsus, fermentatus, bene co-  
ctus.

Purus sit sanus, nō talis sit tibi uanus.

Dein



## DE CONSERVANDA

Sein brot sei weder warm noch alt/  
Geseurt vnd leicht/nicht one saltz/  
Von gutem gtreyd gebachen wol/  
Die rind macht dich schwarz gblütes vol.

Duo circa panis electionem cauenda esse, hoc loco præcipitur. Primum, ne actu calidus ingeratur: talis autem maximè existit recensior, & primum iam è furno extractus. Nam cum lentorem quendam adhuc retineat, uehementer inflet, uisceraq; obstruat, necesse est: eoq; ad sanitatem inutilis habetur. Quod 2. Cano. tract. 2. cap. 572. in eum propè modum scribens Auicenna innuere etiam uoluit. Non comedatur calidus, sicut est, quando uidelicet è furno extrahitur: huius enim, quemadmodum & reliquorū similium usus, propterea quòd inflet, & immodicè uiscera obsepiat atq; obstruat, natura aduersus insensuq; est. Hic idem, ut libro 2. de uic. ratione in morb. ac. apho. 34. Hippocrates scriptum reliquit, & loco citato Auicenna cōfirmat, manifesta caliditate et recemi fuligine sitim facit, celeriterq; uaporo sa humiditate satiat, sed suprà suspenditur, & tardè descendit. Vétère tamen (reliquis accidentibus circuncisis) facilius concoquitur: est enim humidior: idq; duobus potissimum modis cognoscitur. Primum ex pueris, serè enim ij maximè eo delectantur, utpote simili. Alterum testimonium ab etate sumitur. Nam si uetus est siccissimus, què recensiss-



BONA VALETVDINE. 97

recentissimus est, eum humidissimum esse oportet. Qui quidem & si uictus salubris rationi ut alimentum minus congruit, odoratum tamen praestantissimus habetur. Valenti namq; ac suaueolenti uino imbutus & naribus admotus, cor ipsum mirum in modum recreat ac roborat, atq; hac sane ratione syncope correptis utilissimè adhibetur. Imò uerò & solo eius olfactu uitam prorogari nonnulli memoriae prodiderunt. Quod proinde

Panis odor.

de à Democrito factum esse, Diogenes Laërtius libro 9. in eius uita ijs testatur uerbis: Cum iam ex senio deficeret, & propinquus uideretur morti, moerentem sororem, quòd ille in celebritate Cereis moriturus, ipsa dea uota exoluere nequiret, bono animo esse iussit, panesq; calidos sibi quotidie afferre, eos igitur naribus cum admouisset, uiuum se, dum ea celebritas transiret, seruauit.

Vbi uerò dies illi transierunt, tres autem erant, quietissimè ac minimo dolore conclusit uitam 109. etatis anno. Extat super hac re Græcū eiusdem Laërtij epigramma tale:

Καὶ τίς ἐφύ σοφὸς ὦδ' εἰ, τίς ἐργον ἔρεξε τό-  
σουτον,  
ὅσοτον ὁ παντοδ' αἰὲς μὲνυσσε Δημόκριτος;  
ὅς θ' ἀνάτορ παρ' ἔοντα, τρὶ' ἡμέτα δ' ὤμασι  
ἔσχευ  
καὶ θερμοῖς ἄετ' ὠδ' ἄδμασι, ἐξένισεν.

Id est:

N



## DE CONSERVANDA

Quisnam tam sapiens uisus, qui tale patrârit  
Vnquam, quale sciens omnia Democritus?  
Qui per tres tenuit præsemia fata dies, &  
Illa recens cocti panis odore aluit.

Plura hac de re Conciliator differentia 155. et  
Manardus lib. 18. epist. 6. Secundum, ne uetustate  
induratus, siue mucidus edatur. Naturæ enim hu-  
manæ, propterea quod nimium exiccet, melanco-  
licumque succum generet, pro alimento non conuenit.

**Panis** Secundo loco quinque enumerantur panis e-  
lectio, lecti conditiones. Prima, ut sit bene fermentatus.  
Siquidem concoctu inter panes, ut lib. 1. de alim.  
facult. cap. 9. Galenus attestatur, sunt facillimi,  
qui plurimum sunt fermentati, et pulcherrime  
subacti, quique in clibano igne moderato fuerunt  
assati. Porro qui fermento omnino caret, nemini  
prorsus est accommodus. Qui uero parum habet  
fermenti, hic, iuxta Auicennæ sententiam, uber-  
tim quidem nutrit, sed nisi multo exercitio ac  
labore fatigetur, qui eo utitur, promptè læditur.  
Iecoris enim meatus, per quos fertur alimentum,  
obstruit, lienis imbecillitatem auget, calculos de-  
niq; in renibus gignit. Secunda, ut sit oculatus, id  
est, rarus, porosus, et minimum ponderis magna  
mole nobis præstans: Hinc enim uiscositatem om-  
ninem sublatam esse perspicuum est. Parum tamē  
si Auicennæ credimus, alit, uenirem excrementis  
implet, et facile per intestina descendit, quemad-  
modum



modum ille quoque, qui, quod ex farina à furfure non separata, & furfure à pura farina non separato fiat, αὐτὸν ὅμως siue σὺννομισὸς à Graecis, à Galeno uerò πικρυγίας, id est, fursuraceus, & à Cicerone cibarius appellatur. Fursur enim cum nonnihil facultatis habeat absterforiae, merito intestinis irritatis uelox sit eius deiectionio. Iis autem contrarij quidem sunt panes purissimi, plurimum ponderis exigua mole habentes, omnium uerò panum tardissime deijciuntur. Tertia, ut plurimum ab artifice sit subactus, & in clibano mediocriter calido belle percoctus: malè nanque coctus cum aegrè conficitur, tum uentriculum etiam grauat. Quod Auicennae etiam testimonio confirmatur, qui loco citato ita ferè inquit: Panis qui non probè percoquitur, plurimum quidem nutrit, sed si quis priuatus, & ab exercitatione alienus, eo uti uoluerit, celerrimè in obstructionis periculum incurret. Huius etiam generis est in patella coctus. Nam partes ipsius intimae minus belle elaborantur. Sed de hac conditione abundè supra capite 9. in Tritico dictum est. Quarta, ut mediocri sit sale conditus: dulcior enim obstruit, salsior exiccat, qui uerò in utriusque excessus medio consistit, si ipsi cætera omnia antè pariter adfuerint, optimum præbet alimentum. Modus uerò salis gustu iudicandus est: qui namq; in longiori huius mistura



## DE CONSERVANDA

offenderit, prauus existit. Quatenus igitur gustus nullum adhuc sensum tristem ex ea mistura percipit, eatenus ipsius copiam augere prestiterit. Quinta, ut ex optimis granis, laudatissimo nimirum tritico sit confectus: de quo satis superque dictum est cap. 9. Tertio demum loco precipitur, ut ab esu crustæ panis, propterea quod choleram adustam atque succos melancholicos generet, abstinemus: quatenus enim ipsa adusta et sicca est, succum etiam inde genitum adustum et siccum esse oportet. Quod Galeni testimonio confirmatur, qui in 4. Hippocrat. lib. de uict. rat. in morb. acut. comment. 103. ita scriptum reliquit:

*Crusta  
panis.*

Ob assationem ambusta, tum ad succi bonitatem, tum ad concoctionem sunt inhabilia, choleramque pariunt propter eam, quæ his accidit, acrimoniam. Merito igitur nobiles, qui natura biliosi sunt, utranque sibi crustam, tam superiorem, quam inferiorem auferri à pane curant: quos præcëlentes Ecclesiarum proceres, atque deliciares obsonatricis speculationis magistri imitantur. Deligenda itaque est pane medulla: quippe quæ melius, firmitus, atque uelocius, quam crusta, præstet alimentum. Iis tamen qui sani adhuc sunt, sed uentriculum habent humidiores, quique extenuari cupiunt, crusta nonnunquam post alios cibos uesci conceditur: ut quæ præsumptos cibos deorsum subducatur, et os uentriculi roboret. Ultimi  
duo



duo uersus optimi ac saluberrimi panis quinque no-  
tas continent: nempe ut sit probè salitus & fer-  
mentatus, ut bene percoctus, ut purus ac sanus, id  
est, confectus ex granis mundis, & ualidis, ac bo-  
na messe collectis, quæ imbrium multitudine ui-  
tiata non sint. Quod Auicenna loco citato ijs ferè  
uerbis innuere etiam uoluit: Oportet, inquit,  
ut panis sit mundus, salitus, bellè subactus, fermenta-  
tus, probè coctus, & hesternus, hoc est, post bi-  
duum non repositus. Minimè præterea silemio  
prætermittendum, quòd maior panis portio ex  
comparatione semper sumenda sit ad pisces, her-  
bas, & fructus humidiores, quàm ad carnes & o-  
ua: rursus ad carnes maior, quàm ad oua: & ad  
mollia oua copiosior, quàm ad dura.

Additio.

Tritum in scholis Medicorum est dictum,  
Differtionem utique omnem esse incommodam. Ve-  
rùm quæ ex pane fiat, pessimam. Quod sanè de-  
sumptum est ex 3. 1. doct. 2. cap. 7. Auicennæ, ubi  
inter reliqua sic fermè scribit: Panis impedimen-  
tum, ubi non percoquat uenter, maximum cense-  
ri debet. Carnis uerò non ita. In stomacho quip-  
pe residet diu, onere imprimis molesto, quòd si  
non concoctus satis, denique dilapsus fuerit, hepar  
præfarcit, ac meseraicas. Caro autè maiorem du-  
cit cum humano corpore similitudinem, proinde  
ex ea minus prouenit nocumini, & hepatis, aut



## DE CONSERVANDA

meseraicarum præfatio leuior, ac curationi minus minusq; obfistens, imbibentibus membris longè procliuius ob cognationem quandam carnis succum, quàm panis. Hæc Cælius Rhodiginus libro 5. capite 36. lectio antiqua. Sciendum præterea, quod panis ex farina cribro succreta, & à furfure repurgata, maius ac purius præstet alimentum: furfuraceus uerò, id est, cui furfuris nonnihil commistum est, minimum quidem omnium nutriat, sed facilius, ceu ante etiam diximus, per aluum subeat. De Pane plura Galenus libro primo capite 9. & 10. de aliment. facult. & lib. 5. cap. 8. de sanitate tuenda.

## DE CARNE PORCINA.

### Cap. XXV.



**E**st porcina caro sine uino peior  
ouina, Si



Si tribuas uinum, fuerit cibus ac medicina.

Ein guter Schweinh brat mit wein/

Wirt dir ein köstlich artzney sein.

Damit das schwein den schöps vberwind/

Schweinen gekröß die besten sind.

Priore uersu carnis porcinae instituitur cum ouilla comparatio: nempe quod porcina absq; uino sumpta, quàm ouilla peior habeatur. Porro quod praua sit ouilla, Galenus lib. 3. de alimen. facult. cap. 1. ijs confirmat uerbis: Agni carnem habent humidissimā ac pituitosam: Ouium uerò excrementosior est, ac succi deterioris. Hac ipsa tamen suilla, quæ bonū alioqui succum generat, peior esse, si absq; uino edatur, hoc loco asseritur. Idq; non aliam certè ob causam, nisi quod & ipsa pituitosam habeat substantiam, quæ quidem uino corrigitur, & ad σνμμετρίαν perducitur. Altero deinde uersu innuitur, eandem cum uino sumptam, suprā quàm quod ualentissimè nutrit, facultatem etiam habere ceu medicamenti, ut quæ humectando corpus inalteret. Id quod de porcellis asis potissimū atq; apris pulcherrimè apparatis intelligendū est. Caterū carnes porcinae, quæ sale cōdiuntur, ac sole deinde uel fumo exsiccantur (quemadmodū apud nos in annū repomenda, à rusticis ac plebeis hominib. apparantur)



## DE CONSERVANDA

ouillis nihilo meliores censendæ sunt, siue cum uino, siue absq; uino mandantur. Quare de assatis porcellorum carnibus, siue aprugnis hoc ipsum quod hic traditur, eo uidelicet, quo diximus, modo accipiendum est.

Ilia porcorum bona sunt, mala sunt reliquorum.

Ilia siue omasa, id est, pinguiora porcorum intestina cum reliquorum animalium intestinis hoc uersiculo conferuntur: quantumq; ad uictus salubris rationem attinet, aliorum animalium intestinis natura multò cum præstantiora, tum suauiora sunt, ut testis est cap. 11. lib. 3. de alim fac. Galen. Neq; ullius etiam animalis intestinis libentius quàm eorum quæ sanguine referta, uel pingua admodum sunt, uescimur. Eiusmodi autem porci cum primis habentur. Iam uerò & sanguis suillus humidus est, & minus calidus, humano maximè temperie similis: siquidem & carnes suillæ humanis sunt similes. Cum itaq; porcorum intestina sanguine plena sint, nec aliud animal ex brutis facilius tum saginetur, tum pinguescat, non abs re intestinis eius libentius uescimur. De carne suilla abundè suprà cap. 7.

DE MUSTO.  
Cap. XXVI.

Impedit





**I**Mpedit urinam mustum, soluit citò  
uentrem,  
Hepatis  $\epsilon\mu\phi\rho\alpha\xi\iota\upsilon$ , splenis generat lapide-  
demq̃.

Der Most den harn verhindert seh:/  
Den Maßdarm macht er loß vnd lehzt.  
Er thüt dem Miltz vnd Leber schaden/  
Darzu dich mit dem stein beladn.

*Quinq; referuntur hoc loco incommoda, quæ  
uini recentis siue musti potum sæpius excipi-  
unt.*

Primum quidem reddendæ urinae impedi-  
mentum est, quod dupliciter sanè intelligendum  
est. Vel enim crassitudine, quam ex multa terre-  
næ facis admistione obtinuit, usq; eò hepar adeoq;  
renes ipsos obsepit atq; obstruit, ut urina penitus  
supprimatur: uel certè consuetum eius reddendæ



## DE CONSERVANDA

morem ac ordinem immutat: Id quod de mustis nonnullis Rhenensibus, ac alijs quibusdam subtilioribus nemini dubium est. Siquidem feces eorum terrena & nitrosa qualitate præditæ sunt, atq; eam ob rem, ubi in uesicam descenderint, ipsam mordicant, urinamq; inordinate ac præter morem consuetum profundere cogunt.

Secundum, facilis ac cita uentris solutio: uiscera enim nitrosa siue salsa fecis suæ qualitate abstergens ad deiectionem incitat: idq; præstat, primò quidem fecis acrimonia, deinde flatuum etiam, quos progignit, multitudine, tertio uerò propterea, quòd ad coquendū sit difficile, ac stomachum grauet: citò deorsum subit, inferiorēque uentriculi meatum, qui Græcis τὸν ὠσφός. nobis autem Ianitor, & inferius os uentriculi, Barbaris portonarius appellatur, compressum, arctissimeq; coactum & contractum aperit. Quæ causa etiam, cur promptius aluum subducatur, potior tamen ea est, quòd nitrosum quippiam ipsi insit, ac tergendī facultas.

Tertium, bonæ hepatis temperatura noxa: Hepar enim, quemadmodum 3. 1. doct. 2. cap. 8. Auicenna confirmat, plurima fecis commistione obstruit, flatuum multitudine debilitat, & dysenteriam hepaticam inducit. Pari modo & καχεξία, ac reliquas prauas hepatis ægrotudines, diuersas nimirum hydropis species, generat.

Quar-



## BONA VALETVDINE. 102

Quartum, Splenis ac cōstitutionis eiusdem  
offensio: Siquidē hoc uiscus æquē obstruitur mu-  
sto atq; hepar, imò uerò et duro insuper tumore,  
quē σκίρρορ Græci dicūt, haud rarò corripitur.

Quintum, calculi generatio, & potissimū  
in renibus: qui colore ruber est, & friabilis. Hūc  
eam maximē ob causam mustum generare dici-  
tur, quòd substantia constet crassiore, adeoq;  
crassitudine renes offerciat. Et hoc uerè quidem  
de musto dulcioris uini, cui nitrosæ ac mordican-  
tes feces admistæ non sunt, intelligitur. Nam cui  
eæ admistæ sunt, tantum abest à generatione cal-  
culi, ut nihil ei magis possit esse contrarium: quip-  
pe quòd urinam uehementer moueat, ac prouo-  
cet. Eiusmodi uerò nonnulla ex Rhenensibus in-  
uenias, quæ non modò arenulas secum per urinā  
agam, sed mēiere etiam frequēius cogant. Fre-  
quens porrò mictio arenulas iam adhærescemes  
motu suo absterget & aufert. Quare &c. Plura  
infra capite quadragesimo quinto.

## DE AQVAE POTV. Cap. XXVII.

POTUS aquę sumptus comedenti in-  
commoda præstat,  
Hinc friget stomachus, crudus & in-  
de cibus.

Trinckstu



## DE CONSERVANDA



Trinckstu wasser in dein fragen  
Über tisch/es felt dein magen.

**Aque po-** Duplex noxae genus inter edendum aque po-  
**tus noxi-** tum consequi, hoc loco asseritur. Primò nanq; uē-  
**us.** triculum in frigidat, & relaxat, maximeq; omni-  
um cibi appetentiam deijcit. Deinde concoctio-  
nem interrumpens cruditatem generat. Pendens  
autem ea, et tristissimum, ut testis est lib. 7. method.  
meden. cap. 6. Galenus, ex frigiditye eius omnia,  
cuius culpa & in præcordijs diutissimè moratur,  
& fluctuationes excitat, & in flatum mutatur,  
& corrumpitur, & ita uentriculi resoluit ro-  
bur, sic ut deterius ob id concoquat. Proinde eo-  
dem in loco Galenus etiam præcipit, ne ilico post  
cibum largius bibatur, uidelicet antequam cibum  
fuerit concoctus. Siquidem innatam cibi si bibe-  
tur,



tur, ita ut eos uentriculi corpus propter inter-  
positum humorem non coningat. Quod innuere  
etiam 3. 1. doc. 2. cap. 7. his ferè uerbis Auicenna  
inueniunt: Neq; post cibum multa bibenda est aqua,  
quæ inter ipsum, uidelicet cibum, & uentriculi  
corpus, separationem faciat, & fluctuationis sen-  
sum inuehat. Hoc idem sequente etiam capite,  
nempe octauo, in hunc propè modum scribens at-  
tenditur: Cum à comestione natura concoctioni  
studet, si tantum aquæ exhaustum prius fuerit,  
quantum commodè ciborum permistioni sufficit,  
tum ea quæ succedit aquæ potio, inchoatam con-  
coctionem turbat atq; impedit. Idem in Canonicis  
sectio. 2. apho. 29. & 30. Aquæ potu in mensa u-  
tendum non est, nisi ratione adherentiæ & tar-  
dioris descensus buccellæ. Aqua enim cum cibo su-  
menda non est. Quem locum Auerrhoës expo-  
nens inquit: Causa quidem huius est, quoniam a-  
qua, quæ statim à comestione bibitur, antequam  
ingestus cibus à uentriculo incalescat, in frigidat,  
concoctionem impedit, & cruditatem parit. Ea-  
dem etiam causa est, cur ingestus cibus uentricu-  
lo innatet, neq; eadem adhareat, nec uniatur, ut i-  
psum, sicuti par est, coneratur. Actio namq; uentri-  
culi in sumptum cibum fit, conterendo simul &  
coquendo. Vnde simile quiddam succedit, quale  
solet cum multum aquæ in lebetem feruentem in-  
fundimus; nam tum caloris uis in elixando hebe-  
tatur.



## DE CONSERVANDA

tatur. Ita & in uentriculo contingit. Nam & cibi in corpore concoctio elixationi similis est, ut disertè admodum docet Aristoteles libro 4. meteorolo. capite 3. & post eum Galenus libro 3. de facult. natural. capite 7. Exigua tamen aqua potio, quæ paulatim & quasi sugendo sumitur, ante cibi descensum concedi potest, nempe ut per eam cibi promptius uentrem permeent, & ad inferiora descendant, idq; magis adhuc si sitis etiam molestans ad bibendum urgeat. Exigua enim frigida potio eo, quo diximus, modo sumpta uentriculum alleuat ac colligit. Alleuat quidem, quia sitim extinguit, & cibi descensum promouet. Colligit uerò, quia partes eius in unum cogit. Et hoc ex locis Auicennæ iam citatis satis liquet. Cæterum notandum, quòd quamuis in depulsione sitis aqua quàm uini potus magis conueniat, omnibus tamen quæ ualeitudini tuendæ sunt consideratis, uinum haud dubiè præferendum est. Nam dato ac concesso, quòd in suis extinctione (quæ, ex Aristotelis & Galeni sententia, est appetitus frigidi simul & humidi, aut alterutrius) aqua in uniuersum sit melior, quia frigida & humida, naturaliter tamen in cibi permistione, & eiusdem ad omnes corporis partes delatione, uinum præstantius habetur. Siquidem facilius cum propter substantiæ tenuitatem, tum actionis celeritatem cibus permiscetur. Quinetiam

natura



natura eo magis delectatur, adeoq; citius attra-  
 hit & alijs cibis permiscet: idq; eo excellentius  
 etiam, quod hæc mistio per modum quendam fiat  
 ebullitionis, quam uinum utiq; cum sit potestate  
 calidum, adiuuat: aqua uerò ob innatam frigidi-  
 tatem turbat atq; impedit. Et sic omnibus perspi-  
 cuum fit, uinum in ciborum tum permistione, tum  
 delatione aquæ præferendum esse: quippe sub-  
 stantiæ tenuitate & genuina caliditate promptè  
 permeat & penetrat. Nam quæ calida simul &  
 tenuia sunt, faciliè penetrant: quo fit, ut uinum  
 etiam, quàm aqua, magis ad omnes corporis par-  
 tes deducat. Aquæ nihil inest potestate calidi, ni-  
 hil substantiæ aëreæ, nihil igneæ: unde tardiuscu-  
 la sit, & plurimum temporis moretur, adeoq;  
 omnem cursum impediat necesse est. Adsignatur  
 præterea & alia ratio, cur aqua uino in potu  
 sit postponenda: nempe hæc, quod aqua cum per  
 se neq; concoquat, neq; nutriat, alimenti tamen  
 nutritionem uel maximè impediat. Atq; inde sanè  
 cibi omnes, quātò aquæ naturæ magis participes  
 sunt, tātò minus nutriūt. Vinū igitur cōmodius cū  
 cibo bibitur, quippe quod nō solum nō impediat  
 nutritionē, sed multū etiā iauet: Maximè enim ce-  
 lerri neq; tū nutrit tū instaurat, quemadmodū su-  
 præ ca. 8. & 11. abundè ostendimus. Insuper &  
 hoc notandū, quod aquæ potio, Auicēna 3. 1. doc.  
 2. cap. 8. teste, non inter edendū modò, sed in alijs  
 quoq;



## DE CONSERVANDA

quoq; certis quibusdam uitæ studijs noxia existit:  
 Et primò quidem, si ieiuno stomacho sumatur:  
 tunc enim liberè ceu nullo retinaculo præpedita  
 ad principaliora membra penetrans insita sua  
 frigidityte calorem innatum aut extinguit, aut  
 certè debilitat. Et hoc potissimum in homine uerè  
 ieiuno. Nam ebrio maximum quandoq; leuamen  
 adfert, neq; ipse quicquam inde læsionis percipit,  
 si ieiunus aquam bibat. Idq; eam maximè ob rem,  
 quòd ieiunus ebrius non sit omnino ieiunus, aut  
 stomacho uacuo, sed nonnullas etiam tum reti-  
 net hesternæ crapulæ reliquias: eas igitur, cum ni-  
 trosæ qualitate præditæ, ac ob id perquàm mole-  
 stæ sint, aqua contemperans stomacho abstergit:  
 quinetiam uapores ad caput tendentes deorsum  
 reuellit, ac totum uentriculi habitum in pristinū  
 quodammodo statum reponit, corroboratq; , ita  
 ut alimentum rursus appetat, contineat, & conco-  
 quat. Secundò, si ab exercitatione uehementio-  
 re, aut statim à coitu sumatur: tunc enim pori cor-  
 poris aperti, ac robur nonnihil dissolutum est:  
 aqua igitur in profundum penetrans calorem in-  
 natum aut extinguit, aut certè deteriores red-  
 dit. Tertiò, si mox à balneo sumatur: idq; eis  
 potissimum qui uacuo uentre loti fuerint. Siqui-  
 dem cutis ipsorum laxata iam, & meatus immodi-  
 cè aperti sunt: quare aqua, ut dictum est, liberè  
 ac citra ullum obstaculum penetrans in summum

uite



uita discrimen perducit. Hinc est quod Auicenna 6. 4. tract. 1. Sum. 1. cap. 11. ita ferè scriptum reliquit: Ex aqua frigida, quæ ieiuno stomacho, aut illico post balneum, siue coitum bibitur, bonæ temperaturæ corruptio & ὁσπώπιας timenda est. Quartò, si deprauata sitis, quæ ebrijs sæpe ac alijs quibusdam uentri ac gulæ seruientibus media nocte aut summo mane oboritur, depellendæ gratia sumatur. Frigidæ enim potu tum concoctio impeditur, tum resolutio ac dissipatio uini potentis, uel salsi aut biliosi humoris in ore uentriculi contenti, prohibetur. Quo fit, ut sitis æquè uehemens statim urgeat, & temporis spacio magis augeatur. Proinde hæc sitis somno tutius placabitur: per hunc enim humores prædicti sitim excitantes concoquuntur & descendunt, ideoq; ut subinde cesset sitis necesse est. Quòd si uerò sitis uehementior fuerit, quàm ut frigidi aëris inspiratu, aut oris collutione sedari possit, aquæ frigide potu restinguenda est: nam melius est concoctionem aliquantisper impediri, quàm multa siti uentriculum accendi, præsertim ex meraciore uino. Aqua igitur frigida ex uase stricti orificij, siue gracilis colli bibenda est, ut plurimum temporis moretur in orificio stomachi, ualentiusq; sitim mitiget: ac de ea sæpius etiam, sed paululum sumendum est, ne concoctio penitus excludatur. Quintò, generaliter ac communi ratione sanis



## DE CONSERVANDA

obest, si multum aquæ frigide bibant: Calorem enim innatum extinguit, pectus offendit, ciborum appetentiam deijcit, & nervosis omnibus aduersatur partibus, ut testis est lib. 5. apho. 18. & 24. Hippocrates. Prudemissimè igitur monuisse videtur, quisquis ille fuerit, qui ita cecinit:  
Vina bibant homines, animantia cætera fontes,  
Absit ab humano pectore potus aquæ.

Veruntamen aqua temperatè frigida appetentiam amissam reuocat nonnunquam, non per se quidem, sed ex accidente. Ventriculum nanque ac unà villos eius in unum cogendo firmat ac roborat.

## DE CARNE VITVLINÆ.

Cap. XXVIII.

**S**Vnt nutritiuæ multum carnes vitulinæ.

Kalbfleisch thut füttern wol den leib/  
Darzu die folgenden vögel schreib.

Laudibus hic efferuntur carnes vitulinæ, eò quòd alimentum corpori suggerant non mediocre: Et hoc satis ex Auicenna constat. Nam 3. 1. doc. 2. cap. 7. inter cætera præcipit, ut cibus Sanitatis tutela conueniens sit talis, quales sunt carnes, & propriè hædorum, & vitulorum lactentium parvorum, & agnorum anniculorum: ut



BONA VALETVDINE. 106

quæ consimilis ferè sint naturæ, & faciliè in sanguinem commutentur. Galenus quoq; lib. 3. cap. 1. de alim. facul. Carnes vituli lactentis, sex uel octo hebdomadarum, assatas, ut optimas tum ad coquendum, tum ad succum bonum generandum, tum ad nutriendum, commendat. Sed de his abundè dictum est suprâ capite 7. Ideo non est cur hîc plura referantur.

DE AVIBVS ESVI APTIS.  
Cap. XXIX.



**S**Vnt bona gallina, & capo, turtur,  
sturna, columba,  
Quiscula, phasiades, merulae, simul ortygometra,  
Perdix, frigellusq; ætis, tremulusq; amarellus.

Agitur hoc loco de præstantia alimenti, quod ab auium genere sumitur: enumerantur autem quatuordecim, sed ita quidè, ut inde et reliquarum iudicia faciliè colligas.



## DE CONSERVANDA

Gallina.

Primum, gallina est: quo nomine non solum gallina iuvenes mediocriter pingues, sed galli etiam gallinacei hoc loco intelligendi ueniunt. Si quidem horum omnium caro (ut copiose admodum differentia 68. Conciliator ex Haly, Auenzoari, Auerrhois, & Mesue sententia probat) alimenti est inter aues optimi: quia facile in sanguinem uertitur, & parum excrementosa est. Caro autem gallinarum est melior quam gallorum, nisi sint castrati. Nigrarum quoque, & quae nondum pepererunt, est melior & leuior, ut gallorum, qui nondum coierunt. Miram in corpore obtinet cum ipsius temperamenti, tum humorum æquandorum facultatem. Iis maxime conuenit, qui uitam in ocio ac quiete degant, quiq; leuiori ingenio ac mente sunt. Colorem uiuidum comparat, uocem clarificat, genitali semini adiicit, & cerebri substantiam auget. Iusculum eorum optima leprosis medicina est. Ad hæc gallorum cum gallinis nondum coeuntium testes, deperditas in morbis uires mirifice restituum: quam ob causam hecticis, & marasmo laborantibus, morborumq; diuturnitate macrefactis utiliter exhibentur. Insuper & semen prolificum suppe ditant, & Venereas roborant uires. Decrepitorum autem præcipue gallorū caro nitrosa & salsa, cibo inepta, medicamentosa est iure suo maxime: potissimum uero gallorum ruforum, qui ad motū sint alacres,  
ad



ad coitum arduos, ad dimicandum fortes, obessorum & macrorum medij, quoq; uetustiores, eò magis sunt medicamentosi. Plura Mesues lib. 2. de medicament. simp. purgant. distinct. 1. cap. 23. Simeon Sethi in Symagmat. & Auicenna 2. Cano. cap. 296.

Secunda, Capus, siue Capus: hoc nomine semi Capus. marem gallum uocant, cum fuerit castratus, sicuti à M. Varrone lib. 3. cap. 9. & Columella libr. 8. ca. 2. de re rustica traditur. Hic enim in cibus gratior est, utpote remoto Veneris usu pinguior atque salubrioris alimenti redditus. Quare cum uoluptate assumitur à uentriculo, ac facilius concoquitur.

Tertia, Turtur: huius quoq; caro cibus annuus Turtur. meranda est nulla omnino ex parte damnandis, qui neq; tenues, neq; crassi sunt, sed ueluti in omni re siccæ, omnisq; excessus mediocritate consistit. De ea Galenus cap. 7. lib. de attenuante dieta, in hunc scribit modum: Qui non exercetur, mandanda ei erum modicè non modò gallinæ, sed columbæ etiam, ac turtures, tametsi turtur temperamento est sicca, et potissimùm quæ in montibus degit, itaq; uesci quis poterit eis innoxie: recens tamen non turtur modò non est mandenda, sed nec perdix, nec alia omnia, quæ carnem habent moderatè siccam, sed ubi unum diem ad minus suspendis, ita demum mandas licet. Porro palum



## DE CONSERVANDA

bes, præterquàm quòd carnem habent columbis,  
 & perdicibus, & turturibus duriozem, difficile  
 etiam ad coquendum & excremementum habent.  
 Perdices uerò, ac turtures, neq; durissimas habent  
 carnes, neq; concoctu difficiles, neq; prauo succo  
 uitiosas, sed & ipsarum durities, si mortuæ uno  
 die asseruentur, facile uincitur, fiuntq; friabiles  
 omnia atq; inculpatæ. Alimentum enim corpori  
 dant laudabile, sanguinemq; minimè uiscosum ge-  
 nerant, & crassi ac tenuis medium. Proinde qui-  
 bus salubris cibus curæ est, eos, ut arbitror, his  
 uti conueniet. Hæc ille. Plura Galenus in libro de  
 cibis boni & mali succi, cap. 5. & Rhazes apho.  
 lib. 3. apho. 17.

**Sturnus.** Quarta, quorundam opinione Sturnus est,  
 quem ὄρνις Græci uocant: auis nigra, albis ma-  
 culis distincta, magnitudine merulæ. Eius generi  
 proprium cateruatim uolare, & quodam pile-  
 orbe circumagi, omnibus in medium agmen ten-  
 demibus, sicuti ab Aristotele lib. 9. cap. 26. de hi-  
 storia animalium, & à Plinio lib. 10. cap. 24. tra-  
 ditur, Germanicè ein Spræ oder Staar. Gale-  
 nus lib. 6. cap. 16. de sanitate tuenda, inter perdi-  
 ces, attagenas, merulas, & turdos, quæ quidem  
 boni succi esse ab omnibus existimantur, sturnos  
 etiam commemorat: cum tamen à multis illauda-  
 bilis esse alimenti iudicentur: quippe qui melan-  
 cholicum atq; uitiosum generent succū, & cicuta,  
 quæ



quæ uenenū esse ab omnibus statuitur, uescantur, ut est apud Galenum lib. 1. cap. 2. & lib. 3. ca. 17. de simp. med. fac. Huic obiectioni Aloisius Mundella sic occurrendum putat: Nempe Galenum in 6. de sanit. tuen. in calculi renū uitio sturnos tate quam tenuis alimēti approbasse, itemq; palumbes & passerculos, qui in turribus nidificant, πυγγὰς Græci uocant: Vel Sturnos non ita fortasse improbi succi esse, præsertim iuenculos, ut uul-  
 gus putat: quædā nanq; sunt animalia, quæ adhuc in tenella ætate existentia, boni sunt succi, ut uituli & hœdi: si uerò annosa fiant, prauī. Hæc enim, ut ait Galenus lib. 3. de alim. fac. ca. 1. & con-  
 coctionis, & boni succi, & nutritionis laude ca-  
 rent. Multò autem magis Galeno credendū est, quàm uulgo ita inconsultè aliquā generalem pro-  
 ferenti sententiam. Neq; etiam, quòd ueneno pa-  
 scantur, ab horum esu abstinendum est. Nonnulla enim animalia sunt, quæ licet uenenis quandoque nutriantur, boni tamen sunt succi, quemadmodū de sturnis iam commemoratis constat. His enim cicutā nutrimentū est, homini medicamentū. Si quē-  
 dem sturnorū natura cicutā in substantiam suā uertere potest, quod hominū nō potest. Sunt tamē quibus Starna hoc loco magis arrideat, ut per eā auis accipiatur grādiuscula, magnitudine anse-  
 ris, colore cinereo, cuius caro succi sit laudabilis, præsertim iuenculæ. Atq; ita sanè Rhazes lib. 3.



## DE CONSERVANDA

ad Almanforem cap. 10. intellexisse uidetur, ubi hanc reliquo auium generi præferens in eum prope modum scriptum reliquit: Starnæ caro inter aues tenuissima, atq; his, qui attenuante uictus ratione delectantur, cōuenientissima inuenitur. Vel per Starnam auis forma & magnitudine pusillæ perdicis intelligenda est. Sic Rabbi Moses accepisse uidetur, ita ad Iudeos inquiring: Pari modo nec starnæ domino nostro conuenire putandæ sunt: quia uenrem constringunt. Sed hanc proprietatem alij perdicibus adscribunt. Nam carnes earum, sicuti à Simeone Sethi & Rhaze loco paulò antè citato, asseritur, uentrè sistunt. Quin etiam Baldachus quidam non contemnendus auctor starnas mirificè commendans tabula 15. de rebus non naturalibus, ita ferè scribit: Starnæ, phasianorum, ac perdicum naturæ propinquæ sunt, & secundum ordinem sese in temperamento & subtilitate habent. Præstamissimæ enim sunt starnæ, mox phasiani, deinde perdices, ut quæ reliquis excellentius desiccant. Docet præterea Iohannes Michaël Sauonarola, ab harum trium esu abstinendum esse tum ijs, qui quamlibet actionem fortem ac uehementem obeunt, tum sanis etiam: ut si quādo morbus aliquis inciderit, habeant quod ultra consuetudinem ad edendum inuitet.

Quinta, columba: auis uulgo nota, quæ cum Columba biliosam admodū habeat carnem, sanguinem moderato



derato crassiorē & calidiorē necessariō gignit: atq; ob id febres nonnunquam facit. Quare in pastillis potius cum aceto, aut omphacio, & coriandro preparata, quā assa mandenda est: ita nanq; exuperantia caliditatis eius ad superius sicq; commodationemq; reducitur. Renes frigiditate dolentes iuuat, semini genitali & sanguini adiicit: sed caput atq; oculos laedit. Quin etiam lepram, si frequēius usurpetur, generare fertur. Non minimum uerō reliquis pulli eius uolucres tum succi probitate, tum concoctionis facilitate praestant. Inuolucres enim calidam ac humidam habent carnem atq; excrementitiam, & maximē domestici. Ex columbis enim, ut Oribasius tradit libro 4. ad Eustathium cap. 1. agrestes domestici praestantiores sunt: & omnino agrestia domesticis praecellunt. Electiores quoq; pulli sunt per Ver & Autumnum, quā per Aestatem atq; Hyemem exclusi soli. Porro amicae & annexae non solum columbae, uerū & turtures, tum ob caliditatis & siccitatis excessum, tum uerō & concoctionis difficultatem uitandae sunt. Plura Simeon Sethi in Syntag. Rhazes lib. 3. cap. 10. ad Alman. Auicenna lib. 2. Cano. cap. 133. & Auerrhoës lib. 5. collectan. cap. 32.

Sexta, Quiscula: uulgare nomen à sono fi. Quiscutum: neoterici Qualeam uocant: Latinis (ut Fella, Coturnus ait) dicta est Coturnix itidem à uoce, à qua nix.



## DE CONSERVANDA

multis auiibus nomina indita sunt, ὄρνις à Græcis appellatur, Germanicè ein Wachtel. Caro eius, iuxta Auerrhois sententiam, temperata est, ad caliditatem tamen paulò propensior, ac tenuis substantiæ, optimiq; succi: quare sanis, ac ijs, qui conualescunt, alimentum est ad bonam ualitudinem accommodatissimum. Verùm Psello, Isacco, atq; alijs quibusdam non aspernandis Medicinæ scriptoribus Coturnix auis est, tum ad concoctionem, tum ad succi bonitatem inhabilis: ut quæ & ueratrum comedat, & morbo comitiali corripiatur: unde Auicenna 2. Cano cap. 154. ab eius usu suadet abstinendum: ueluti à tetanum & spasmus inducente. Vbi notandum tamen, Auicennam non ob id solum coturnicis cibū improbare, quòd elleboro nutriatur, sed etiam quòd talis facultas spasmū ac tetanū generandi, illius insit substantiæ. Hac ratione igitur Galli coturnices cum molli ac pingui caseo pastillatas edere cōsueuerunt. Potest etiam per coturnicem intelligi alia quædā auis per dice aliquantulū maior, genis, rostro, & pedibus rubeni colore, reliqua uerò penarum facie ad leucophæū uergente, quæ Italicis uulgo Coturnix appellatur: estq; de Alpinarū uolucrum genere, & in syluestribus, & frigidis locis, montibusq; uersatur & degit, neq; ab Italicis regionibus unquam recedit. Cuius auium speciei apud ueteres fuerit, nondum satis compertum habetur:



## BONA VALETVDINE. 110

betur: sed ex gustu, & odoratu, & loci natura, in quo continuè commoratur, & ex ijs quibus pascitur (nam illa grati admodum sunt odoris) boni & laudabilis esse alimenti iudicanda est, & propterea in cibis meritò expetenda. Quo sanè modo Rhazes etiam lib. 3. cap. 10. ad Alman. coturnicem accepisse uidetur, cum ei secūdum poststarnam bonitatis locum tribuit. De utraq; coturnice cum plurima, tum cognitu pulcherrima habet Aloisius Mundella epist. 6.

Septima, Phasianus: quem à Phaside amne Phasiada apud Colchos, ubi primū cognitus est, ita nunc cuparunt. Hæc est decantata omnium libris auis, quā primam ferè in mensis esse iudicant propter carnis bonitatem, à qua medicine professores ueluti à scopo de tēperamentis ciborū iudicia auspicantur: succi enim probitate & iucūditate longè ceteris antecellit, neq; solum ad uictus salubris rationem, uerū ad robur quoq; conciliandū accommodatissima est. Caro enim iuuentuli ac pinguis cōualescentibus & morborū diuturnitate macrefactis optimus cibus est. Sed ob nimium atq; immensum precium principū duntaxat mensis atq; magnatū dicata est. Meminit Phasiani Galenus li. 3. de alim. fac. ca. 18. sic inquit: Caro Phasianorū, quod ad cōcoctionē, et nutrimentū attinet, gallinis est similis, uoluptate tamē in edēdo supat: & sic cōstet tēperamento, ut qui in sicciore degat aere,



## DE CONSERVANDA

aëre, & magis exerceatur. Lege plura de hoc apud Simeonem Sethi, & Rhazen aph. li. 3. aph. 13.

**Merula.** Octava, Merula: quæ quidem avis est nigro pennarum colore, rostro rutilo, et sturni magnitudine. Κόρυς à Græcis dicitur, Germanicè ein Amstel, oder Merle. Quamquam uerò hæc à Galeno, Oribasio atq; Aegineta inter optimi succi alimenta connumeratur, carnem tamen, quam perdicis & attagenis est, duriores obtinet. Quare & ipsa iuuenula ac pinguis mandenda est. Turdi quoq; & reliquæ id genus aucula montanæ omnes in hanc classẽ referendæ sunt.

**Ortygo metra.** Nona, ὀρτυγὸς τρυα: ea avis est turturis magnitudine, pennarum colore nec quicquam à coturnice differens, rostrum longius est & acutius, crura pedesq; satis etiam præ corporis spacio longos obtinet, quinetiam frugiuora est, & ad uena: antequam coturnices haud uspiam audias, neq; coturnices te amplius uisurum speres, ubi hæc audiri desijt. Vox mirifica est, coaxantium ranarum clamori non absimilis, nisi quòd subtilior multò & acutior sit. Caro eius optimũ gignit succum, ubi per diem suspenderis. Gylbertus Longolius in eruditissimo suo de Auibz Dialogo eandem esse putat cum cynchramo, quem screccum Germanicè, id est, Ein Schnerze oder Screke nuncupa-



nuncupamus. ὄρνυμι αὐτὰς autem Græcis dicta est, quod coturnicibus per maria terrasq; aduolantibus dux & rex itineris esse soleat. ab ὄρνυμι, id est, coturnix, & μήτρα, id est, matrix. Plura Aristoteles lib. 8. ca. 12. de historia animal. Plinius lib. 10. cap. 21. natural. histor. Solinus ca. 13. & Athenæus lib. 9. de ipnosophist.

Decima, Perdix: huius quoq; caro medijs se  
rè temperamenti est, & concoctu facilis, pro- Perdix.  
bumq; succum gignit, præsertim si non illico post  
occisionem, sed unum ad minus diem suspensa co-  
medatur. Sic enim quod durum in se cominet, ab-  
ijcit, & friabilis redditur, quemadmodum ex Ga-  
leno paulò antè ostensum est. Sanguinem copio-  
sum ac tenuem generat, adeoq; crassiorem, si for-  
tè in corpore inuenerit, extenuat: idq; alæ po-  
tissimum præstant: quæ ut in reliquo auium gene-  
re, ita in hoc quoq; facilius concoquuntur. Et u-  
no uerbo, optimæ quidem alæ sunt auium iuuenū  
saginarum, pessimæ uerò macilentarum & an-  
tiquarum. Alimentum autem perdicum optimum  
est ijs, qui se non exercent, & qui uitam degunt  
ociosam, quiq; imbecilliores & inualidi sunt, tū  
etiam attenuante uictus ratione assuetis, & hy-  
dropicis, quiq; humido sunt uentriculo: uitiosos  
enim & corruptos ipsius humores consumit atq;  
abstergit. Memoriam assidue mansa corroborat,  
impinguat, semen auget, & uenerem stimulat,  
sed



## DE CONSERVANDA

Sed uentrem cohibet: unde accommodatissimum  
diarrhoea laborantibus fit edulium, si assa cū ac-  
to ingeratur. Medulla cum uino præsumpta iete-  
ricos sanat. lecur comitiali morbo correptis au-  
xilium est. Fel quoq; suffusionibus oculorū à primo  
cipio mirificè prodest: facit & ad ipsorum hebe-  
tudinem. Si tempora singulis mensibus eodem felle  
perungantur, memoriae confert. Plura Galenus  
libro 3. cap. 18. de alim. facul. & lib. 8. ca. 2. meth.  
meden. & Simeon Sethi in Syntagma.

**Frigellus** Undecima, frigellus: Ea ex turdorum gene-  
re auis est: cuius Aristoteles lib. 9. cap. 20. de hi-  
storia animal. tres constituit species. Vna uisci-  
uor. 1. quæ nisi uisco & resina non uescitur, &  
magnitudine paulò minor quàm pica est: Germa-  
nicè ein Brametnogel. Altera pilaris, quæ so-  
num ædit acutum, & magnitudine merula est.  
Vulgo ein Drossel. Tertia, quam iliacā uocant  
nonnulli, minima inter has, minusq; maculis distin-  
cta, à Germanis ein Weindrossel nūcupatur: de  
quo sanè turdo intelligenda sunt, quæ de frigello  
hoc loco dicuntur. Hic utrinq; iuxta oculos, & in  
pectore, & in ipso alæ flexu, intus & foris macu-  
las habet latiusculas, rubras. Primū genus nō nisi  
hyeme apud nos cernitur, aut si uideatur, rarum  
est. Secundū per totum annū apparet maculoso  
ualde pectore, et cantus sui gratia à multis in ca-  
ueis alitur. Tertiū per æstatem apud nos nusquā  
uidetur.



## BONA VALETVDINE. 112

videtur, sed uindemiæ tempore, atq; instante hyeme primum cernitur, adeoq; ob id frigellus, nempe quod aduentu suo frigus instare prænunciet, nominatur. In uineis potissimum reperiuntur, ac dulcium uuarū esu sæpius inebriamur, uelociter uolant, & optimi sunt succi, præsertim circa festū Omnium sanctorum. Lege Guilielmum Turnerū in libello de Auibus.

Duodecima, Otis: quæ et ipsa in cibis gra Otis, tissima atq; optimi succi est, nempe ex syluestriū gallinarum genere. Gylbertus Lon. eam esse adferit, quam Bonosam uulgo, Germa. ein Haselhün nuncupamus. De qua Galen. li. 3. de alim. fac. ca. 19. & Athenæus li. 9. de ipnos. Sunt tamen quibus orex hoc loco magis placeat, ut gallina phasiani per eam accipiat. Alij uerò gallinam aquaticā interpretantur. Siue igitur gallina sit aquatica, siue phasiani, caro eius bonum gignit succum.

Decimatertia, Tremulus: quæ quidem auis Tremulus, est fusco pennarū colore, magnitudine quā gallina minor, uelocissimi uolatus, altè uociferans ac clamosa, in cuius capite crista plumea, ex earum auīū genere, quas *δαιτωριδ' ας* Græci uocant: caudā enim cum pedibus incedit aspidū quatit, et ob id tremulus uocatur. Sæper ferè iuxta maria uersatur: ne quis paruā illam auiculā longæ caudæ, quæ codatremula uulgo, siue motacilla, & Germa. ein Bach oder wasser Stelz. dicitur, per



## DE CONSERVANDA

per tremulum hoc loco intelligendam putet. Huc etiam referri posset (si non eadem est) avis quædam cornice minor, plumis ferè uiridibus & nigris per totum dorsum, caput, et collum: uentre albo, longa & semper erecta in capite crista plumæ, alis obtusioribus, & inter uolandum magnè strepitum edentibus, unde & uannellus à barbaris dicitur, clamosa admodum & querula: quæ aquis uermium gratia, quibus solis uictitat, appropinquat, sed ipsas non ingreditur, in planis & locis erica confitis plurimum degit. Theutonicè ein Kywitz.

**Amarellus.**

Decima quarta, Amarellus: avis aquatica, forma perinde ac anas, sed minor: ab Aristotele lib. 8. cap. 3. de histor. animal. Bosca appellatur, Germanicè ein Schmeblente. Illud porrò nosse in uniuersum expedit, quòd præstantius alimentum ab ijs sumatur auibus, quæ uolatu magis nutuntur, celeriusq; uolant. Et quemadmodum prædictarum auium caro concoctu facilis, & ad bonam ualitudinem accommodatissima, sic è diuerso quarundam excrementitia est ac mali succi, multoq; ad coquendum difficilior, atq; inæqualis temperamenti: cuiusmodi imprimis existit paounum, anserum, gruum, malar dorum, & quotquot oblongum habent collum, ac rostrum, inq; paludibus nutriuntur. Huc, quod ad succi prauitatē attinet, passeret etiam referendi sunt, qui in turribus




ribus nidificant, pyrgitæ appellati: nam & calidissimi sunt, & longius à temperamento recedūt, ac durius alimentum dant, uenere m̃q; impensius stimulant. Circa electionem uerò alimenti, quod ab auium genere sumitur, sciendum est, iuxta diuersas præstantioris alimenti proprietates (si eius, quod nutritur, sanitatem uel robur spectes) carnes uariè laudari. Sic Galenus ad facilem concoctionem & subtilitatem respiciens, bonitatis palmam perdicibus attribuit: Rhazes & Isaacus ob leuitatem & subtilitatem starnam prætulerunt. Idem quoq; Isaacus diuersa ductus ratione diuersarum auium carnes laudauit. Auicenna turis carnem, quod mentis aciem atq; intellectum roboret, mirificè cōmendat. Auium porro omnium uolucrum genus paucissimum præstat alimentū, si ad genus gressilium conferatur, potissimum si ad suillam, quæ non aliud inuenias, quod copiosior sit nutrimenti: uolucrum tamen caro ad coquendum est faciliior: quare ijs, qui neglecto corporis exercitio, consilijs potissimum, & studijs, ac contemplationi uacant, conuenientissima est, præcipuè perdicis, attagenis, columbæ, galli gallinæ, & gallinæ, quemadmodum lib. 3. de alim. facult. cap. 18. Galenus testatur. Sanguinem enim procreat clarum, atq; mundū, et spirituum generationi, ac mētis exercitijs, & intellectui aptissimum. Siccius namq; alimentum, quale distarum



## DE CONSERVANDA

animum est, studio contemplationi; intentis con-  
uenit. Siccitas enim prudentiae familiaris est, sicut  
ti luculenter & perspicue docuit Galenus in li-  
bro, cui titulus, Quod animi mores corporis tem-  
peraturam sequantur, capite 5. Lege plura apud  
eundem libro 8. capite 2. method. medendi,  
& in libro de attenuante dieta capite 6. De  
Attagene, quem ein Bircchün Germanice uoca-  
mus, pulcherrima quaedam & scitu dignissima,  
Gybertus Longolius in dialogo de Auius, pro-  
didit.

## DE PISCIBVS. CAP. XXX.



**S**i pisces molles sunt magno corpo-  
re tolles.

Si pisces duri, parui sunt plus ualituri.

Groß



BONA VALETVDINE. 114

Groß vnd weiche fisch veracht/  
Ob harten vnd Flein der schleimner lacht.

Hic duæ traduntur laudabilium piscium nota. Pisces enim aut dura carne suapte natura sunt, aut molli. Ex his igitur qui molles sunt, uetuli iunioribus præstant. Carnis namq; mollities pro modo humiditatis respondet, quæ crudior in nouello pisce, in uetulo uerò concoctior existit. Quare nouelli pisces lenio ac pituitoso succo magis quàm uetuli abundant. Atq; hac certè ratione nonnulli anguillam etiam uetulam iuniori præferunt. Ex ijs uerò, qui dura carne præditi sunt, iuniores longè præstantiores & concoctu faciliores habentur: eiusmodi porrò lucij cūprimis sunt & perca. Carnis enim durities concoctioni resistit. Quæ sanè sententia ex 1. Cano. ca. 555. Auicennæ desumpta est, ubi sic fermè scriptū reliquit: Ex piscibus dura carne præditis eligendi sunt minores, ex molli uerò maiores ad terminum aliquem. Plura Galenus lib. 3. de alimen. facul. cap. 29. & 30.

Lucius & perca, & saxatilis, albica, tencha,  
Gornus, plagitia, et cum carpa, galbio, truta.

Die gnanten fische seind gesundt/  
Gut der natur vnd auch dem mund.



## DE CONSERVANDA

Hic decem recensentur pisces, quorū alimentum hominum corporibus saluberrimum esse putatur.

**Lucius.** Primus, Lucius est: piscis uulgo notus, qui quod non modò in alterius, sed suæ etiam speciei pisces grassetur, tyranni appellationem uulgato uersiculo sortitus est.

Lucius est piscis rex atq; tyrannus aquarum.

Natatu uelox, ac duræ carnis est, sed omnium Medicorum iudicio  $\delta\upsilon\pi\epsilon\tau\eta$   $\Theta$ , atq; optimi succi, Germanicè ein  $\text{Sechr}$ .

**Perca.** Secundus, Perca: qui branchijs subrufus est, dorso spinis armatus: unde  $\alpha\kappa\alpha\upsilon\delta\omicron\varsigma\epsilon\phi\eta$   $\epsilon\iota\upsilon$   $\Theta$   $\pi\omicron\iota\kappa\iota\lambda\omicron\gamma\omicron\alpha$ , Aristoteles scribit. Duræ quoq; carnis est, et uulgo cognitus, Germanicè ein  $\text{Ber}$  sig. Porro alimentum, quod ex eo sumitur, non modò ad coquendum est facile, sed gustui etiam gratum est, atq; hominum corporibus saluberrimum, ut quod sanguinem medium consistencia generet. Medium autem uoco (inquit Galenus li. 3. de alim. facul. cap 27.) qui neq; admodum tenuis est, neq; aquosus, neq; uehementer crassus. Vnde maximo in precio hic piscis semper est habitus. Ausonius in Mosella sic de eo canit:

Nec te delitias mensarum Perca silebo,

Amnigenos inter pisces dignande marinis.

Quanquā certè  $\tau\omicron\pi\omicron\phi\eta\gamma$  antiquissimis etiā

Græco



Græcorum usitatum sit, reperiuntur tamen quibus per *κῦτιπερασι*, quod nulli piscium parcat, à parcendo sic dictus esse uideatur: ut qui ioratus alios pisces pinnis suis, quas supra dorsum habet, uulneret. Qua ratione à Lucio quoque immunis est. Imò, ut Albertus refert, naturalis quedam lucio cum perca amicitia est. Lesus enim lucius non tam facile à quouis alio piscium sanatur quàm à perca.

Solum igitur liquidis percam laceratus in undis

Vestigat lustrans, solum hunc medicamina poscit.

Qui sic inuenius uulnera eius tangendo lenit atque sanat.

Tertius, Saxatilis: quo quidem nomine piscis à nonnullis hoc loco accipitur ex eorum numero, qui parui perpetuò manent, Latine etiam fundulus, & Germanice ein Schmerle oder Grundel nuncupatur: Cuius alimentum (licet squamis careat) ad uoluptatem, coctionem, simul ac distributionem, & succi bonitatem, præstantissimum est. Multos tamen inuenias, quibus Saxaulus potius, siue Saxaulis hic legendum esse uideatur, ut hoc nomine ex planorum piscium genere cum intelligamus, qui *βόγλωψ* & *βόγλωπος* à Græcis dictus, hodie *γλωψ* nuncupatur. A Varrone & Plauto lingulaca, à lingua

Saxatilis



## DE CONSERVANDA

figura, quæ Græcis est  $\gamma\lambda\delta\eta\alpha$ , cui  $\epsilon\varsigma$  particula addita est, ut magnitudinem potius quàm bubulæ linguae figuram significet. A Plinio Solea. Item ab Ouidio:

Fulgentes soleæ candore, et concolor illis  
Passer.

A figura solea, quæ solo pedis subijcitur, Germanicè ein Dunge. Qui et ipse inter marinos pisces alimentum est haudquaquam contemnendi. Galenus libro 3. de alimen. facult. cap. 29. similes quodammodo inter se esse passerem et soleam scribit, non tamen omnino eiusdem esse speciei: Soleam enim molliorem esse, ciboque suaviorem, ac in totum passere præstantiorem. Suauitate quidem, alimentum copia, succi bonitate solea præstantior est, at carne duriore, solidioreque esse experientia sensusque conuincunt. Plura Guiljelmus Rondeletius lib. 11. cap. 11. de piscibus marinis.

**Albica.**

Quartus, Albica: qui et ipse marinus, reponendus in numerum sale conditorum, et in fumo deinde, uel in aëre exiccatorum, qui à baculo, quo ante cocturam conuoluntur, Stockfisch Germanorum lingua appellatur. Albica autem ex eo dictus uidetur, quod molli, humida, atque candida admodum sit carne: unde Germanicè quoque ein weißling, et Saxonice ein weittig oder weittling nominatur, et pro bono gratoque cibo habetur.

Quintus,



**Quintus, Tinca,** uel *tencha*: piscis aquæ dul *Tencha*.  
 cis notus, pelle lubrica, muccosa, ad nigredinē *Tinca*.  
*dente*, ac carne dura: unde ab his trib. nēpe *lucio*,  
*perca*, & *tinca* post coctionē pellis auferri solet.  
*Auson. in Mosell. uulgi solatiū uocat*, quod paupe  
 ribus tantū apponatur. *Excrementitius est*, & to-  
 tus lutosus. *Theuto. ein tinche oder schleibe.*

**Sextus, Gornus,** *gornatus*, siue *gurnadus*: pi- *Gornus*.  
 scis marinus albus, atq; minimus, medij digiti lon-  
 gitudinem non excedens. Vnā cum capite ac spi-  
 nis manditur. *Theutonicè ein gānart.*

**Septimus, Plagitia:** piscis marinus planorū *Plagitia*.  
 generi subiiciendus, rhōbo figura similis, sed cōtra  
 ctior, lingulaca latior. Hic piscis supina parte al-  
 bicat, prona fuscus est et terrei coloris, instar pas-  
 serum auiū, unde à Latinis *passer* etiā dicitur, à  
 Græcis *ψαλλα*, Germanicè *ein plateisgle / halb*  
*fisch / oder scholle. Guil. Rond. li. ii. ca. 7.*

**Octauus, Carpa,** siue *Carpio*: piscis fluui- *Carpa*.  
 tilis notus, squamosus. Cuius caro excrementitia  
 est ac muccosa, quare à magnatib. in uino deco-  
 quitur. Ita nanq; multò quā antè præstātior eua-  
 dit: quicquid enim mucosum, aut uirosum gustus  
 refert, id totū deponit. Germanicè *ein Carpen.*

**Nonus, Galbio:** piscis marinus notus, car-  
 tilagineus, corpore tenui, & in amplissimas alas *Galbio*.  
 expanso, *raia* Latine dicitur, & à quibusdā *ro-*  
*chetus*, siue *rochus*, à Græcis *βροχίτης*, à



## DE CONSERVANDA

rubi, quem *Bæp* vocant, similitudine. Quemadmodum enim spinosus est aculeatusq; rubus, ita raia omnis aculeis aspera, non quidem toto corpore: sunt enim *Λεῖο Βαῖ*, id est, leues raie, quibus nulli sunt in corpore aculei: sed siue leues sint raie, siue aspera, omnes uncos aculeos in cauda gestant, sicuti in rubo, cynosbato, & rosis cernuntur. Piscis est durae carnis, concoctu difficilis, sed alimentum firmi & sani, Germanicè *ein Roch*, Guiliel. Rondel. lib. 12. cap. 3. Nonnulli Galbionem referunt in baculo conusorum piscium classem, ut eum hoc nomine intelligamus, qui Germanicè *Rotscher* vocatur, qui & ipse durae carnis est, ac sanus. Alij textus habent Gobio, de quo Galenus lib. 3. de alim. facu. cap. 29. Gobio, inquit, litoralis est piscis, ex eorum numero, qui parui perpetuò manent. Suavissimus ac concoctu facilissimus, simulq; ad distributionem & succi bonitatem optimè comparatus. Gallicè *Gouion*, Theutonicè *ein Bachfress*, oder *Bressling*. Huc referendi videntur pisciculi omnes, quos *pfrellen* oder *Erlizen* Germanicè vocamus, et quotquot tales occurrunt, nempe iucundi, boni succi, et ad coquendum faciles.

**Truta.** Decimus, Truta: Hic omnium, qui in dulcibus aquis generantur, piscium æquali cunctarum gentium iudicio longè nobilissimus habetur. Varius admodum est, purpureis guttis siue maculis totum



totum dorsum speciosè pingemibus, carne interiorius rubra, quemadmodum in salmone etiam conspicitur, ut proculdubio is piscis sit, qui Ausonio in Mosella Salar uocatur, cum dicit:

Purpureisq; Salar stellatus tergora guttis.

Celebratur apud homines, tanquam uoluptate cibos reliquos superet. Carnem habet ualde friabilem, ut in qua nihil neq; leuoris, neq; pinguedinis insit, quo fit ut alimentum, quod ex eo sumitur, hominum etiam corporibus saluberrimum esse censeatur. Huc, quod ad succi bonitatem attinet, aschie etiam et aurate, quos aschen & rote forellen Germanicè nuncupamus, referendi sunt. Porro Truta Gallicum est: nam uulgo Truitte uocant, Germanicè etn forel. Verùm hætenus singulatim de piscibus, Nunc generatim etiam atq; uniuersè nonnihil de præstantia ipsorum dicemus.

Sciendum igitur in primis, alimentum, quod Piscium ex piscibus prouenit, quemadmodum id ipsum li- electio.  
bro 3. cap. 25. de aliment. facul. Galenus attestatur, sanguinem gignere consistemia tenuiorem, quam quod ex pedestribus animalibus sumitur, adeò ut non affluenter nutriat, & celerius discutatur: magis tamen excrementitiū est. Phlegmatici enim, id est, frigidioris humidiorisq; temperamenti sum pisces. Ob eandem tamen causam quidam, ipsos concoctu difficiles esse, ac tardi transi-



## DE CONSERVANDA

tus censuerunt, quippe ratione frigiditatis lentè etiam sunt, atq; diutius ob id uentriculo immorantur, & concoctioni repugnant: quo fit, ut sæpius corrumpantur, & putrescendo sitim generent. Carnium itaq; laudabilem alimentum hoc nomine, quàm piscium salubrius est.

Secundò uerò hoc etiam sciendum, nempe pelagicos, hoc est, marinos (modò cetera bona nota cõsentiant) in uictus salubris ratione, quàm qui in aquis dulcibus nati sunt, esse meliores. Alimentum enim quod præstant, minus excrementitium est, & carniû naturæ propinquius. At uerò cum pelagici (ceteris paribus) quàm fluuiatiles sint carne duriore, consentaneum est, eos dè difficilius etiam concoqui & resolui, ac magis nutrire, sanguinemq; gignere puriorem. Aegris tamen ob concoctricis facultatis imbecillitatem fluuiatiles accommodatiores sunt.

Tertiò sciendum, ex piscibus tam marinis, quàm fluuiatilibus, eligendos esse, qui carne sint minimum mucosa aut lenta, sed alba, suauis, subtili, friabili, odorata, quæ tardè putrescat, & qui non degunt in paludibus, lacubusq; , atq; id genus locis limosis ac sordidis, nec in aquis limosas herbas, & mali succi radices habentibus. Pessimam enim habent carnem, qui in eiusmodi locis degunt.

Eligendi uerò non admodum iuuenes, neq; præ grandes, neq; pinguedine multa respersti, sed ut



in suo genere, carnosi, & celerrimi cursus.

Ex marinis præstantiores habentur, qui in fluminibus longius à mari distantibus capiuntur, uti que si ceteræ laudabilium piscium notæ non abfuerint. Iisdem quoq; notis consensientibus, quanto spinis agnatis ac squamis horridiores fuerint, tanto præstantiores etiam esse par est. Spinarum enim & squamarum multitudo substantiæ puritatem arguit. Præterea optimi sunt ex pelagicis, qui uiuunt in mari puro ac profundiore, uentorumq; procellis magis agitato, & quod fluuios multos & magnos excipit. Quare in mari Pontico & Balthio nutriti ijs præstant, qui in mari Mortuo siue Meridionali capiuntur.

Eorū aut, qui in fluuijs gignuntur, salubriores sunt, qui in ijs gignuntur, in quibus aqua rapide fluit, ac copiosa est. Ex quibus iā dictis liquido constat, qui piscium probi malitiae censerī debeant.

Cetacei enim ac bestiales, cuiusmodi porcus & canis marinus, delphinus, & morhua potissimum habentur, cum laudabilium piscium notis, nimirum albedine, subtilitate, ac friabilitate careant, in cibo sunt prorsus iniucundi, & ad coquendum difficiles, exiguumq; boni quidem alimentum, excrementum autem plurimum reddunt, & præsertim recentes. Quare mirum non est, si prauum succum in eorum corporibus, qui quotidie illis uescuntur, congerant. Quos tamen si quando  
meliorum



## DE CONSERVANDA

meliorum non suppetente copia, edere cogamur, magnoperè cauendum, ne illico à captu ingerantur, sed seruandi sunt per dies aliquot, dum caro eorum mollescat, adeoq; citra substantiæ corruptionem tenerescat. Id quod fieri solet ubi leuiter sale conspersi fuerint. Quo modo sapidiores etiam, ac multò quàm amè præstantiores euadere, lib. 3. de alim. facul. cap. 24. & 40. Galenus auctor est. Quicquid enim mucosum, aut uirosum gustu referunt, id totum deponunt.

Ex piscibus marinis raia & gornus in laudabilem classe censentur, carnem enim habent consistentia purissimam. Deinde uerò passer & solea, quorum tamen caro lenior est, minusq; tum alba, tum friabilis, & crassior, sapore etiam atq; odore minus commendabilis. Merlengo tamen, siue merlano, quem ἀρβύλλω Græci uocant, secundus fortè à raia deberetur locus, minore enim participat crassitie ac leniore, quàm passer et solea, & substantia utcunq; friabilis est: sed si odorem, saporem, colorem, substantiæ puritatem & molitiam spectes, bonitate nonnihil à gorno ac raia deficere uidebitur. Idem de harengo iudicium est. Morhua iuuenis bonitate prædictis satis propinquat, sed si diligentius ad præscriptas laudabilem piscium notas exigatur, crassior multò atque lentior inuenietur. Salmones autem, rhombi, (uulgo gallorum turboti) & maquerelli siue maquerelli



## BONA VALETVDINE. 119

erelli, longè à reliquis bonitate deficiunt: sunt enim multò crassiores, magisq; leui, & concoctu difficiliores, neq; competunt nisi uehementiore exercitio fatigatus, robustis ac iuuenibus, idq; magis etiam si quid salsedinis ipsis cōmiscatur, quo leuior, crassities, & frigiditas eorum remittantur ac corrigantur.

Ex pi. cibus autem aqua dulcis, lucius & perca mediocres laudatissimi sunt, præsertim si præter dictas bonitatis notas pinguedinis non omnino expertes fuerint. Secundum post illos locus obtinet uendosia, carnem tamen habet non perinde albam, subtilem, & friabilem, sæpiusq; in stagnis quàm fluuijs reperitur.

Illud porrò summatim nosse etiam expedit, quòd pisces fluuiatiles, modò cætera consensiant, tum ad bonos humores gignendos, tum etiam ad gustus ipsius uoluptatem cæteris multò sine præstantiores, si in aqua profunda, petrosa aut aspera, ad Boreã spectante, ac rapidè fluente degant: præsertim si urbis alicuius amplissimæ, latrinarum, balneorum, culinarumq; loturæ & purgamenta in illam nõ defluant, neq; & uestes & alia eiusdem generis in ea abluantur: Multo uerò magis, si præterea & herbarum ac bonarum radicum copia abūdet. Cancrion: tam morini quàm fluuiatiles, sicuti lib. 3. de alim. fac. cap. 33. à Gale no traditur, dura in totū carne constam, ideoq;

&



## DE CONSERVANDA

Et ad coquendum sunt difficiles, Et firmi alimen-  
ti, ægrè tamen in uentriculo corrumpuntur.

In piscibus quoq; id communiter memoria te-  
nere oportet, quòd recentes ualde nutriant Et  
humectent, mammas lacte repleant, semen proli-  
ficum suppedient, adeoq; uenerem excitent, Et  
biliosis corporibus sint accommodatissimi: Cete-  
rùm abstinendum ab ipsorum esu post quamlibet  
actionem fortem ac uehementem: qui nanq; id tem-  
poris ingeruntur, eos Et malè concoqui, Et dum  
in iecur ac uenas distribuuntur, succum generare  
crudum, qui non faciliè in probum sanguinem mu-  
tetur, à ratione alienum non est. Præterea uerò,  
cùm hæc ipsorum etiam natura sit, ut tardius  
pertranscant, cura non minima adhibenda est,  
ne in uentriculum incidant debilem, aut prauis  
succis uitiatum: quippe qui tum neq; bellè conco-  
quantur, Et facilius serè unà cū alijs in uentricu-  
lo existentibus corrūpantur. Neq; itē unà cū car-  
nibus, nec lacticinijs, neq; summo post alios cibos  
loco, si quid Auicennæ credimus, edendi sunt.

Postremo uerò hoc etiam sciendum, quòd cras-  
sioris succi pisces infra mediocritatem saliti re-  
centibus sint præferendi: Verùm recens saliti, Ga-  
leno lib. 3. de alim. facul. cap. 24. teste, iam diu sa-  
litis sunt meliores. Pisces etiam laudabiles exi-  
guo sale cōspersi, atq; moderatè sumpti, appeten-  
tiam, si quis eis delectetur, reuocāt Et roborant.

DE



BONA VALETVDINE. 120  
DE ANGVILLA, ET NON  
nihil etiam de Caseo. Cap. XXXI.



**V**ocibus anguillæ prauæ sunt, si co-  
medantur,

Qui physicen non ignorant, hæc testifi-  
cantur.

Caseus, anguillæ, nimis obsunt si co-  
medantur,

Ni tu sæpe bibas, & rebibendo bibas.

Der Zel ist ein vngsunder fisch/  
Thut der stimmen grossen verdriess.  
Zu fess vnd aeln schmer wol die feln/  
Vil gûter trünck die haben wöln.

Anguillam uocibus nocere hoc in loco tradi-  
tur, idq; rationibus tum medicis, tum philosophi-  
cis comprobatur. Limbus enim piscis est, cras-  
siq; & leni succi, obstructions facit, longusq; à  
memoratis paulò antè probi piscis indicijis rece-  
dit: quod Galenus etiã in libro de cibis boni & ma-  
li succi, ca. 15. in hunc modum scribens attestatur:

Anguille

Anguille



## DE CONSERVANDA

Anguilla nunquam boni succi sunt, tametsi purò in humore uersentur, nedū in eo qui urbium sordes & purgamenta in se recipit. Idem ferè & in lib. de Attenuante dieta cap. 6. confirmare uide tur. Anguilla, inquiens, & mollium pars maxima tametsi carnem habent mollem, quod tamen succo lento & pituitoso abundat, ijs, qui salubri uis-  
tus ratione uti uolunt, plurimum est noxia. Pari

**Lāpetra** modo de mustelis quoq; quæ uulgato iam nomine lampetræ dicuntur, sentiendum est. Nā & ipsæ ni-  
hilo secius quàm anguilla plurimum crassi succi gignunt. tametsi paruula lampetræ non perinde malæ & periculosa sint. Minore enim, ut sensus ipse iudex est, crassitie & lentore participant. Quo fit, ut hi pisces, licet non ingratum ori sapo-  
rem offerant (quod salua tamen eorum reueren-  
tia dictum uelim, qui in eorum usu diu perseue-  
rant) admodum sint periculosi. Siquidem gene-  
ratio eorum in aquis serpentum generationi in-  
terris respondet, non sine ueneni suspitione. Vn-  
de etiam M. Varron lib. 4. de lingua latina, no-  
men habent quòd anguibz adsimilemur. Atq; hac  
certè ratione capita & caudæ, ac similiter inte-  
rior spina, ut quæ uenenū in se contineant, nullo  
modo edenda sunt. Conueniens autem erit ob suc-  
ci crassitiem ac lentorem, ut in optimo uino im-  
mersæ necentur, atq; cum iusculo deinde optima-  
rum specierum, sicuti ab Apitiane scholæ secta-  
toribus

Anguilla  
coctio.



# BONA VALETVDINE. 111

toribus solent, præparentur: ac primò quidem duabus ebullitionibus in uino & aqua præbulliant, illisq; reiectis tandem ad perfectionem coquantur. Vel gelu inde in patina fiat, uel pastillatur, uel assatura, idq; cum salsamemo competenti, in hyeme quidem cum uiridi, fortibus speciebus, & uino: in æstate uerò cum debilibus speciebus, omphacio, & aceto. Commodius tamen ab eiusmodi piscium esu abstinetur. Stomacho enim & renibus sunt inimici, sed præcipuū sentiunt nocumen- Anguilla  
tum ex eorum obsonijs, qui arenulas mingere con- esus cal-  
sueuerunt, quoniā illæ anguillari glutino in cal- culosis  
culos cogi & adstringi uideamur. Podagra quo noxius,  
que laborantibus manifestè officium, nec ullis mor-  
bis medentur, sic ut iniquè natura fecisse uidea-  
tur, quæ tam suauem refutandis expuendisq; pis-  
cibus indiderit saporem. Medici omni ex loco,  
omniq; tempore, & præsertim circa solstitium  
anguillas detestamur.

Sequitur deinde, caseum atq; anguillas pluri-  
mum nocere si comedantur: quod sanè de ijs, quæ  
magna mole ingeruntur, intelligendum est. Cause  
quidem de caseo suprà cap. 7. De anguillis uerò  
in præsentī capite habemur.

Postremo loco hoc etiam adseritur, nempe  
prauitatem eorum uberiore ac frequentiore uini  
potu corrigi atq; emendari: quod minimè tamen  
de uino subtili ac penetrante, neq; itē de eo quod

Q



## DE CONSERVANDA

In potus delatiui uicem substituitur, intelligendū est. Tale namq; cum cibus mali succi bibendum non est, quemadmodum 3. 1. doct. 2. capite 8. Aui-  
cenna sic fermè scribens diligenter admodum mo-  
nuit: Neq; cum cibus prauī succi, nec antequam  
illi conficiantur, neq; ab eorundem concoctione  
uinum protinus bibendum est: quippe quod malū  
chymi cibos in omnia statim corporis exteriora  
membra, quò fortasse citra uini adminiculum mi-  
nimè penetrassent, non sine sanitatis dispendio se-  
cum trahat. Intelligendum igitur de uino forti nō  
admodum penetrante, quod sæpius atq; modicè  
commode ciborum permistionis gratia sumitur.  
Hoc enim prauitatem eorum corrigit, concocto-  
riam facultatem roborat, frigidosq; & phlegma-  
ticos humores concoquēdo benignos reddit: quo-  
fit, ut ad casei atq; anguillarum, quæ agrè admo-  
dum conficiuntur, concoctionem non parum pro-  
ficiat.

Cæterum neq; illud silentio hoc loco inuoluen-  
dum, nempe uinum non in anguillarū modò, sed  
quorumlibet etiam piscium esu exhibendum: quip-  
pe frigidioris humidiorisq; temperamenti sunt o-  
mnes, adeoq; difficilius ob id ipsum conficiuntur,  
tardiusq; transeunt: uino igitur sæpius ac modicè  
sumpto facile emendatur, adq; συμμεσθία perdu-  
cuntur. Hinc nō temerè hactenus hoc usurpatum  
est: Ex piscibus uiuos quidē aqua foueri, mortuos  
uero uino condiri oportere. DE



BONA VALETVDINE.  
DE CIBI POTVSQVE IN  
prandio atque coena permistione,  
siue alternatione. Cap.  
XXXII.

**I**Nter prandendum sit saepe parumq;  
bibendum,  
Si sumas ouum, molle sit, atq; no-  
uum.

Trinck oft vnd wenig vbertisch/  
Kein ey nicht iß/dann weich vnd frisch.

Hic duo traduntur praecepta.

Primum, de cibi potusq; in prandio atq; coe-  
na permistione siue alternatione: Inter pranden-  
dum nanq; coenandumue in uicem modò edendū,  
modò bibendum est, ac ne id quidem largè & co-  
piosè, sed saepe potius & parcè: Neq; enim iumen-  
ta nobis in hoc imitanda sunt, quæ tum demum bi-  
bunt, cum cibo exaturata fuerint: sed potio sub-  
inde interponenda est, quoniam cibus permistio-  
ne pottonis mollior redditus per membra nutritio-  
ni deseruiencia, facilius peruehitur.

Vbi notandum, triplicem à Medicis constitui Potus tri-  
potum. Ac primum quidem permixtiuū uocari, plex:  
quòd unà nimirū cum cibus ingeratur: Alterū de-  
latiuum, quòd concoctione in uentre tam conse-  
cta & absoluta, in hepate uerò inchoata, ut cibi



## DE CONSERVANDA

penetrationem adiuuet, exhibeatur. Tertium  
 uerò sitis sedatiuum, quo in explenda siti utimur.  
 Quæ igitur de potu hoc loco traduntur, ea de  
**Permixti** permixtuo accipienda sunt. Hic enim interponi  
**uus.** sæpius ac permisceri cibis debet, neq; ad finem  
 prandij uel coenæ, siue dum sitis urgeat (saluo ta-  
 men aliorum iudicio) differendus est. Imò uerò  
 crebrius etiam ab illis assumi debet, qui cibis actu  
 uel potentia siccioribus uescuntur, quiq; uehemen-  
 tius sese atq; immoderatus exercendo siccum  
 panem uorant: non tamen copiosè, ne concoctio  
 impediatur. Simile enim quiddā succederet, qua-  
 le aquam in lebetem feruensem sæpius largè &  
 copiosè infundemibus solet: quippe calor is uis in  
 coquendo hebetaretur.

**Sedati-**  
**uus.** Sitis autem sedatiuus potus circa prandij uel  
 coenæ finem naturæ congruere magis uidetur:  
 tunc enim ob calidi siccijq; cibi æstuationem uera  
 sitis urget. Nanq; uerisimile non est eodem ac bre-  
 ui temporis momento infestari naturam esurie  
 sitiq; simul, eò quòd hæc irritetur à calore, illa  
 stimuletur à frigore interno. Estq; hic potus au-  
 gendus, uel minuendus, prout ipsa sitis exposu-  
 lat.

**Delati-**  
**uus.** Atqui delatiuus prima coctione iam peracta,  
 atq; etiam paulò antè quàm aliud quidpiam eda-  
 tur, propinandus est: præsertim cum prius inge-  
 stus cibus consistentia fuerit crassior: neq; differe-  
 endus



rendus est, dum sitis oboriatur. Venterculū enim ad reliquum suscipiendum cibum reddit expeditiorem, ac eorum etiam, quæ in uentriculo continentur, distributionem ad hepar plurimum iuuat. Non tamen immoderatus eo abutendum est, ut maturè concoqui possit. Siquidem incoctus ad hepar non transit. Quod uerum utiq; erit, si in delatiui locum non substituatur aqua. in illa enim necesse non est, ut concoctio expectetur, priusquā ad hepar transiret. Rationabiliter uerò in potu delatiuo, ceu etiam in permixtiuo non aqua, sed uinum propinari debet, aut aliud quidpiam, quod uino sit αἰὲς λογος, ueluti ceruisia, μελίκρατος, aut ex cerasijs uel malis, aut simili quopiam fructus genere confectæ potiones: quibus tamen omnibus uinum est præferendum. Facilem enim efficit alimenti in omnia membra distributionem: unde non ineptè ὀχναμα ἢ τροφὴς ab Hippocrate nuncupatur, ut copiosè admodum supra cap. 15. & 27. ostendimus.

Sed quia de commoda cibi potusq; permixtione satis iam diximus, illud minimè omittendum est, quod nonnullis ut rectum placere uideo, nempe ut iuxta crassiorem, sicciorē, & frigidiorē cibum de utroq; potu tam delatiuo, quā permixtiuo largius assumamus, & ut rursus circa calidiorē, subtiliorē, atq; humidiorē, parcius. Et iterum ut uinum subtile ualensq; cum cibo naturæ



## DE CONSERVANDA

erasso, duro, ac frigido bibamus, & è diuerso, ubi calidioribus concoctioni; magis parentibus cibis uinū debilius adiungamus. Quæ ratio si stabit, ualentiore uino iuxta carnem utemur bubulam, quàm pullorū gallinaceorum: itemq; iuxta pisces, quàm carnes animalium terrestrium.

Secundum præceptum de ouis erat, nempe ut recentia ac mollia ingeramus: cuius ratio reddita est suprà cap. 8.

## DE PISIS, CAP. XXXIII.



**P**isum laudandum nunc sumpsimus  
ac reprobandum,  
Est inflatium cum pellibus, atq; noci-  
uum,

Pellibus ablatis sunt bona pisa satis.  
Inquisi-



Inquisitione dignū uidetur, quod de pisis hoc Pisis  
 loco traditur: nempe ipsa laudem mereri quan-  
 doq; nonnunquam uerò & uituperium. Vbi scire  
 ante omnia conuenit, pisa duas habere faculta-  
 tes, adstrictoriam nimirū & purgatoriam: qua-  
 rum hæc certè in ipsorum uelut carne est, illa  
 uerò in corticibus. Laudantur igitur quæ adem-  
 pto cortice manduntur: culpantur, quæ non de-  
 corticata ingeruntur. Priore enim modo sum-  
 pta, ut in diætiis uniuersalibus Isaacus id ipsum  
 confirmat, uentrem subducunt: altero uerò ma-  
 gis condensant & adstringunt, plurimumq; fla-  
 tulenti spiritus pariunt, ita ut pugna quedam ac-  
 tormina in intestinis excitentur: purgatoria qui-  
 dem facultate succum excernere uolente, adstri-  
 ctoria uerò retinente: hincq; intus affligitur na-  
 tura, ab utroq; horum diuexata. Porro si pisa  
 cortice spoliata mandantur, tunc purgatorie ac-  
 tionis maxime conferunt. Quod de pisis hic dici-  
 tur, idem de omnibus fermè leguminibus, puta fa-  
 bis, lentibus, phaseolis, & si quæ sunt similia, præ-  
 cipuè tamen corticē habentibus crassiore, ut de  
 fabis & ciceribus nigris, intelligendū est. Hac nam-  
 que ratione legumina omnia, quemadmodū lib. 4.  
 de uic. rat. in mor. acu. apho. 91. Hippoc. attesta-  
 tur, flatuosa sunt, et cruda, & cocta, & fricta, et  
 macerata, et uiridia. Cortex præterea in omnib.  
 peiorem generat succum, quàm quæ ipsorū uelut



## DE CONSERVANDA

caro est. In pisorum genere reperiuntur quedam alba & rotunda, cortice tenui, leui, ac fragili, quæ tametsi unâ cum corticibus innoxie mandiqueant, præstat tamen ut decorticemur. Legumina uiridia adhuc & nondum exactè matura, ualde tenuem habent corticem, ac minus ipsis discrimen inest, quod ad corticem saltem & carnem attinget, faciliusq; concoquuntur: quare ea nonnulli sanis corporibus, quàm matura atq; exiccata magis conuenire arbitrati sunt: quod tamen à ueritate alienum uidetur. Nam ea admodum esse excrementitia, & substantiæ corruptioni magis obnoxia, constat: quo fit, ut à sanis non usquequaq; citra noxam sumi queant. Hoc tamen negari non potest, quòd matura & exiccata cum ab extremis corticibus purgata fuerint, ad uictus salubris rationem, quàm recensia non decorticata, accommodatiora sint, & è diuerso uiridia quàm exiccata cortice non spoliata. Porro, cum omnium leguminum substantia inflet, concoctioni renitatur, crassiq; & prauis succi alimentum in corpus diffundat, meritò à uictus salubris ratione excluditur. Brodium tamen siue iusculum eorum, eò quòd flatum cum omni & alimenti & concoctionis prauitate deponat, uenrem subducatur, urinam ciat, uenarum atq; uiscerum obstructions amolitur, adeoq; ad uasorum etiam, quæ colatoria uulgo uocantur, nempe hepatis, renum & uesicæ, emunda-

**Herbs  
bru.**



emundationem sit efficacissimum, non parum cōmoditatis in uictus salubris ratione habere digno scitur. Cuius proinde usum ieiuniorum tempore, quando crassis atq; obstruentibus utimur cibis, frequentiore esse conuenit. Multiplex porrò ac uariis hominibus leguminum usus esse solet.

Nonnulli enim cum falsis carnibus esitant: quem modum Galenus lib. 1. cap. 25. de alim. facult. non probat. Nam hæ quoq; sanguinem crassiores & melancholicum magis generant. Quapropter non est his copiosius utendum, & maximè si cui corpus sit aut melancholicum, aut crasso, aut prauo succo abundet. Pessimè autem coci diuitibus legumina sapa adparant: quandoquidem legumina haudquaquam incrassantium mistionem postulant, sed humidorū potius, & quæ ipsorum crassitiem incidunt. Quibus uerò sapa commiscetur, iecoris obstructions solent gignere, uiscerisq; huius ac lienis inflammationes in augent, nisi melle addito, meliora fiant. Perspicuum autē est, quòd & scirrhusos uisceris utriusq; affectus sapa exacerbat. Vt autem legumina esui accommodatiora fiant, magis nutrant, & crassum prauumq; succum amittant, in hunc serè modum coquenda ueniunt: Sub noctem in aquam feruentem infundantur, ac primò quidem manibus diutulè confri coctio. centur, ut à cortice separentur, deinde per totā noctem in eadem macerando temperentur, se-



## DE CONSERVANDA

quenti uerò die duabus uel tribus ebullitionibus  
in eodem liquore, dum tertia quartæ aque por-  
tio absumatur, percoquantur, Aquam autem ad-  
hibere oportet leuissimam, ceu pluuialem. Nam  
et hac citius coquantur, et molliora euadent, et  
concoctioni minus facessent negcij. Ius decocti  
colo tandem transfundendum, et ad usus reser-  
uandum. De quo ubi et quantum cuique libuerit,  
accipiendum, cumque cinnamomo denuò, et cro-  
co temperandum ad lentum ignem. Hoc enim pa-  
cto terream naturam magna ex parte deponet.  
Nonnulli duas partes zingiberis, unam piperis,  
aliquantum etiam cymini adiiciunt; quo facilius  
secedat: ad extremum aliquid aceti uiniue, et  
butyri admiscant, atque unica iterum ebullitione  
coquunt, spumam interea diligenter auferentes.  
Quod quidem in principio refecionis potissimum  
sumendum. Illud postremò minimè prætereundū,  
quòd brodium sine iusculum cicerum et pisorum  
alborum multò sit præstantius, et humane natu-  
re accommodatius, quemadmodum et tota eo-  
rum substantia.

## DE LACTE TABIDORVM.

Cap. XXXIIII.

**L**Ac φδιωκοῖς sanum caprinum,  
postque cameli,  
Ac nutritium plus omnibus est asi-  
ninum. Plus



# BONA VALETVDINE. 326



Plus nutritium uaccinum sit, quoq;  
ouinum,  
Adsit si febris, caput & doleat, fugien-  
dum est.

Schwachen vnd verzertē leuten/  
Wil ich zur zigenmilch deuten/  
Camel vnd Esels milch nert fast/  
Von kuen vnd schaaßen aller bast.

Hic præcepta quedam traduntur de electione  
re lactis genere, quatenus uidelicet φδιωκοῖς, Lactis e-  
hoc est, tabidis, emaciatis, hectica febre laboran- lectio.  
tibus, & quomodocunq; consumptis, sit cōductu-  
rum. Cibi enim his ipsis, quòd calorem natium  
imbecillum obtineant, concoctu faciles conuent-  
unt: boni item ac multi alimenti, ut corpus ema-  
ciatum instaurent: sed liquidi & tenues, ut uias  
ob siccitatem cōtractas facilius subeant, & pene-  
trent: ob febrim quoq; refrigerent nonnihil, & ob  
ulceris sanem, detergeant, & ob solutionem con-  
tinuam.



## DE CONSERVANDA

linui, glutinent. Quas dotes omnes habet lac: facile enim coquitur, ac omnium quæ alimenti gratia sumimus, lac, butyro & caseo multum nutrit: optimum optimi est succi: sero casei & butyri liquidum est, subfrigidum est, ut lib. 3. cap. 20. & lib. 10. cap. 7. de simp. medic. facul. terget sapore dulci butyrosee substantiæ, & acrimonia seri: glutinat caseo, & eodem ac butyro est emplasticum. Quapropter nonnulli, Galeno in libro de cibis boni & mali succi, capite 9. teste, pulmonis ulceribus affectos potione tantum lactis curari putant, antea scilicet quam ea ipsa ulcera amplientur, callosaq; fiant.

Ac primum quidem præceptum est de lacte  
**Lac ca-** caprino: quod utile esse phibificis, Auicenna lib.  
**primum.** 2. Cano. cap. 444. & 1. 4. tract. 3. cap. 6. confirmat. Neq; id sanè iniuria: si quidem inter cetera lactis genera moderatè se habet, cum non admodum pingue crassumq; sit, ob id medium quoque esse censetur, quod in corporibus nostris præstat.

Secundum de camelino: quod illo tenuius est, serosiq; humoris magis particeps: quo fit, ut minus tum nutriat, tum emaciatis conferat. Hydopicis tamen, & quibus hepar malè affectum est, non parum commoditatis adfert, præsertim si fuerit cameli nuperrimè enixæ. Eo namq; hepar, si quid Auicennæ credimus, reficitur, atq; instauratur.

Tertium,



Tertium de asinino: Asinæ nanq; inter cætera brutorum genera lac præbent ad propositos affectus accommodatissimum: quippe cum tenuissimum sit, & minimè coagulatur, & quoquo uersus ocysimè in corpus digeritur, quemadmodum elegantissimè libro 7. method. meden. capite 6. à Galeno scribitur. Quod Auicenna quoq; i. Alexand. 4. trac. 3. capite 6. confirmat. Non est, inquiens, Trall. li. 12. ca. 4. lac post muliebre, quod hecticis æquè conferat, ac asininum, Hecticam enim si quidem curabilis fuerit, ad plenum curat. Sed præ cæteris lac muliebre, tanquam naturæ eiusdem, & humano corpori familiarissimū, ab alijs medicis, præcipueq; ab Herodoto & Euriphone ad tabidos affectus celebratur. Quoniam cæteris est subtilius, frigidius, & humidius, citius concoquitur, uelocius penetrat, & melius nutrit. Sumendum autem quoduis horum manè ieiunis, horis tribus, aut quatuor ante cibum, unc. quatuor primum: quas si rectè confecerit, postridie quinq; , sex uncias, & sic diebus consequentibus auctum, si bene concoquat, usq; ad libram unam. Quatenus enim uires augeri cernimus, eatenus nos quoq; cibis adijcimus. Sumat autem patiens ex mamilla, aut minimum diu extra propria conceptacula moratum (illic enim & sanguis & semen promptissimè corrumpitur) per se aut cum pauco melle, uel saccharo, & sale, ne in uentriculo ace scat. A lacte hausto

Alexand.

Trall. li.

12. ca. 4.

Lac muliebre.

sto



## DE CONSERVANDA

sto non dormiat, ne corrumpat, nec corpus exerceat motu aut frictione, ne crudum lac in corpus trahat.

Ceterum silentio praetereundum hoc loco non est, quod non semper lac muliebre, aut asininum phthisicis prodest: Imò uerò lac acidum siue ebutyratum ab ipsis in certis quibusdam casibus convenientius adsumitur. Et primò quidem, quando cum phthisi fluxus uentris simul infestat. Deinde cum metus est, ne in uentriculo coaguletur, uel ardor adest uehementis febris, aut uenter suapte natura biliosus existit, ut in quo lac nullo negotio in bilem transeat. Quinetiam quando phthisi febris coniungitur putrida, & multae in inferioribus partibus sunt obstructiones. Lac enim acidum cohibet & adstringit aluum, neque facile in bilem conuertitur: quippe cui butyrum, quo promptè accendi poterat, ademptum sit: eadem ratione nec in putrida facile putrescit. Praeterea cum immundus ac sordidus est uenter: in eiusmodi enim lac promptissimè corrumpitur. Postremò uerò cum phthisicus lac integrum & dulce abominatur, ab acido autem siue ebutyrato non omnino abhorret. Sed de his omnibus copiosè admodum Hieronymus Cardanus libro secundo Contradicentium, Trac. 4. Contradict. 1. & Conciliator differentia 194.

Quartum de lacte uaccino: quod ut inter  
cetera



Cetera lactis genera crassius ac pinguius inueni- Lac uac-  
tur, ita alere etiam magis putandum est. Atque cinum.  
hinc sanè Rhazes libro 3. capite 15. ad Almanso.  
sic fermè de eo scriptum reliquit: Lac uaccinum  
quorumlibet aliorum animalium lacte crassius iu-  
dicatur, atq; ob id corporis molem et obesitatem  
adipisci uolentibus accommodatissimū habetur.  
His amplius Auicenna lib. 2. Cano. cap. 444. hoc  
quoq; addendum putauit: Nempe lac cuiuslibet  
animalis, cuius foetus eandem in utero moram cū  
homine ducat, id est, per nouem menses, humano  
lacti esse maximè cōforme: illud uerò, quod sit a-  
nimalis, cuius imprægnatio quàm mulieris diutur-  
nior sit, esse deterius: quo fit, ut, cū uacca nouē  
mensibus uitulum ferat, lac eius humano maximè  
conforme, atq; ob id optimum quoq; habeatur.

Quintum de lacte ouino: hoc, quod ad con-  
sistentiam quidem & nutrimentum attinet, ad  
uaccinum quodammodo accedit.

Sextum de lacte uitando in febribus putri-  
dis, & dolore capitis: cuius rei causæ adsigna-  
tæ sunt suprà cap. 7.

DE BUTYRO. CAP.  
XXXV.

**L**Enit, & humectat, soluit sine fe-  
bre butyrum.

Dem.



## DE CONSERVANDA



Dem Falten ist die butter wider/  
Sie feucht/laxiert/lindert die glider.

**Butyri** Tres butyri proprietates hinc referuntur.  
**proprie-** Primò, cum doloris sedatione lenit, & ma-  
**tates tres** turat: Siquidem temperatè calidum est, & natu-  
 ra pingue atq; oleosum, facultatisq; concoquen-  
 tis, paulum habens etiam digerendi potentia, in  
 medijs nimirum corporibus, secundum duritiem  
 & molliem. Bubonas igitur & parotidas iuvat,  
 gingivas extenuat, & præsertim in infanibus  
 dentientibus, item humores in pectore ac pulmo-  
 ne fixos linctu concoquit.

Secundò humectat: ex meliore nanq; lactis  
 essentia constat, quemadmodum ergo lacti, unde  
 seiunctum est, humectandi vis inest, ita & butyro  
 inesse oportet.

Tertiò uerò soluit; largius enim sumptum,

cum



cum ob suae substantiae lubricitatem, tum ob communem omnium ciborum humidorum rationem, qui scilicet citra adstrictionem sunt humidi, facile per uentrem subit. Sed febricitantibus & calidioribus naturis non aequè ut alijs conuenit: ipsis enim in flauam bilem conuertitur.

Illud porrò nosse hoc loco utile est, quòd butyrum ob superabundantem & humiditatem & pinguitudinem in alimentis, usu praesertim immoderatior, expetendum non sit: Ventriculum enim re supinat, ac subuertit, & ad uomitum incitat. Neque ultimo post alios cibos loco ingerere conuenit, quippe cum humidum sit ac lubricum, facileque subduci queat, in superficie natans corrumpitur, & ob hoc ipsam ante alios cibos sumendum est. Ita enim citius subducitur, & alijs cibis uiam munit. Quocumque oleo magis tum nutrit, tum cibos condit: quo fit, ut obsonijs additum olei atque adipis uicem merito penset. Vnucè tamen hoc semper cauendum, ne usus eius sit immoderatus, neue in uentriculo accendatur. Pinguis enim inflammata, quemadmodum in maiori praxi trac. 6. ca. 15. rub. 4. Ioannes Michaël Sauonarola scriptum reliquit, in melancholiam adustam transeunt, ex qua lepra deinceps generatur. Quo fit, inquit ille, ut ob numium Butyri usum multi leprosi in Germania reperiantur. Recens butyrum, ut Auenzoar testatur, contra bestias, quae uirus eia-

R



## DE CONSERVANDA

culantur, uenenaq; & foris illitum, & per os assumptum efficax est: ab aspide enim percussis utilissimè imponitur: & in pestilenti aëris constitutione quotidie cum puri panis tribus aut quatuor bolis manè ab ieiunis deuoratum, mirificè ad sanos ab infectione præseruandos confert. Plura de butyro Dioscorides libro secundo, capite 66. Galenus libro 10. cap. 10. de simp. med. facul. Parus Aegineta libro 7. & Simeon Sethi in Syntag.

Annotatiuncula. Tametsi *ἑστὺς* primam necessariò habeat longam, eadem tamen correpta, & media producta, Ioannes Baptista Fiera quoq; hoc uersu extulit:

Lac dabit aërij tibi condimenta butyri.

## DE SERO. CA. XXXVI.



**I**nciditq; lauat, penetrat, mundat  
quodq; serum. Das



Das Molkēn zertreibt vnd macht subtil/  
Durchtringet/wäscht/vnd reinigt vil.

Hic agitur de facultatibus Seri, quod lactis a-  
quosa est substantia. Hoc ( ut libro 2. dist. met. 1.  
cap. 9. de med. simpl. purgan. Mesues inquit ) ex-  
calfacit atq; siccāt ordine primo completo, &  
usq; ad secundum. Quinetiam attenuat, abluīt, ab-  
stergit, & nitrosa, qua refertum est facultate, at-  
uum absq; aliqua mordacitate leniter subducit.  
Bilem tum flauam, tum atram ab exustis humori-  
bus genitam deijcit: quo fit, ut mirificē conferat  
maniācis, & melancholicis. Præstat item ad vi-  
scerum infarctus, & morbis inde prouenientibus  
opitulatur: nimirum aqua intercute laboranti-  
bus, felle suffusis, & lienosis. Datur utiliter fe-  
brientibus ex bile, & viscerum, ac uasorum ob-  
structionibus. Competit etiam num uitijs in cute à  
bile, & perustis humoribus emergentibus. Qu-  
re lichenibus, uiti lignibus, alphis, psoris, leprisq;  
admodum conuenit. Hæc ille. Comitibus quo-  
que, atq; ijs, qui ob potētis uini largiorem potū  
malē habent, auxilium præstat. Plura Diosco-  
rides libro 2. ca. 64. Galenus lib. 10. de simp. med.  
facult. cap. 8. Rhazes lib. 3. ad Alman. cap. 15. &  
Auenenna 2. Cano. cap. 444.

DE CASEO. CAP.

XXXVII,

R 2



## DE CONSERVANDA



**C**Aseus est gelidus, stipans, crassus,  
quoq; durus,  
Caseus & panis sunt optima fercula sa-  
nis.  
Si non sunt sani, tunc hunc ne iungito  
pani.

Der Kesse stopffe/ist kalt vnd grob/  
Bess vnd brot hat grosses lob/  
Es ist dem gsunden offte gar güt/  
Den Kess der Franck wol hinweg thut.

Duo hoc loco peraguntur. Primò quatuor  
referuntur facultates Casei. Quarum prima est,  
ipsum esse gelidum, id est, temperatura frigidum,  
quod intelligi debet de recente ac molli, qui frigi-  
dus & humidus, & non de uetere, qui calidus &  
siccus est. Atq; huius sanè rei grauissimū habemus  
testem Paulum Aeginetam, qui lib. 7. sic ait: Ca-  
seus recens & mollis repellendi uim obtinet, leui-  
ter refrigerans. Quinetiam de eo intelligi potest,  
qui conficitur ex sola lactis coagulatione, absq;  
ulla



ulla alterius rei commistione. Reperitur enim qui ob aromatationem quorundam, ac odoratarum herbarum admistionem acrior & calidior euas-  
ferit, & ob id linguam uellicet, atq; uentriculum ex-  
calfaciat. Talis autem colore potissimum uiri-  
dis existit, qui si maiore paulò mole ingeratur,  
corpus uehementer exurit. Secunda est, caseum  
stipare, hoc est, adstringere ac cohibere aluum,  
quod maximè solet præstare uetus, cui multum  
coaguli admixtum est. Tertia est, ipsum esse crassum,  
quod est, crassos generare humores, idq; nullo ex-  
cepto. Omnis enim caseus fit ex crassiore & ter-  
restri magis cuiuslibet lactis substantia, admixto  
coagulo, & expresso inde sero. Quarta est, Ca-  
seum esse durum, id est, ægrè & concoqui, & al-  
uo discedere: nimirum propter succum crassio-  
rem.

Secundo deinde loco hoc etiam adseritur:  
nempe caseum parua mole cum pane sumptum,  
optimum sanis hominibus esse cibum, quippe qui  
panis admistione cōcoctu reddatur facilius, cum  
alioqui per se sumptus, admodum ob concoctio-  
nis tarditatē offendat. Aegrotantibus uerò, pro-  
pterea quòd neq; ad concoctionem, ut dictum est,  
neq; ad mouendam urinam, neq; ad ciendam al-  
uum, neq; ad succidendiq; probitatem, quicquam  
boni conferat, omnino fugiendus est. Plura de hoc  
suprà cap. 7. & 9.



DE CONSERVANDA

CASEVS DE SEIPSO.

**I**gnari Medici me dicunt esse noci-  
uum,

Et tamen ignorant, cur nocumenta  
feram.

Expertis reor esse ratum, quia commo-  
ditate

Languenti stomacho caseus addit  
opem.

Caseus ante cibum confert, si defluat al-  
uus,

Si constipetur, terminet ille dapes.

Qui physicen non ignorant, hæc testifi-  
cantur.

Mann meint der faß bring nichts dann,  
schad/

Er thut dem magen oft genad.

Du solt in nach der malzeit nagn/

Er deckt die speiß vnd schleußt den magen

In prioribus duobus uersibus *περὶ τοῦ κασιεύου*  
*τοῦ κασιεύου* est. Fingitur enim Caseus seipsum aduer-  
sus malignos uicinos ac uituperatores defende-  
re. Ignari, inquiens, Medici, hoc est, indocti ac  
medicinae rudes, dicunt me, uidelicet Caseum, in  
uniuersum nocium esse: quum ipsi tamen igno-  
rent causam, cur humanae naturae nocere dicar.

Allusum



Allusum autem uidetur ad illud, quod ab Hippo-  
 crate in libro de ueteri medicina scriptum est in  
 hunc modum: Atqui, inquit, mihi necessarium esse  
 uidetur, ut omnis Medicus de natura sciatur, & o-  
 mni studio annitatur, ut cognoscat, si modò ali-  
 quid eorum quæ fieri debent, rectè præstare ue-  
 lit. Quid est homo ad ea quæ comeduntur ac bi-  
 buntur, comparatus, & quid cuiq; ab unoquoq;  
 continget ac accidet, & non simpliciter sic exi-  
 stimare, quòd malum edulium est caseus. Dolorem  
 enim adfert repleto ex ipso. Sed quem dolorem,  
 & propter quid, & cui parti intra hominem exi-  
 stemi incommodum existit? Nam & alia multa  
 edulia ac pocula natura mala sunt, & afficiunt  
 hominem non eodem modo. Proferatur autem mi-  
 hi, uerbi causa, aliquid, uelut uinum meracū mul-  
 tum potum, hominem aliquo modo debilem red-  
 dit, & omnes qui uiderint hoc fatentur & cogno-  
 scunt, quòd hæc est uis uini, & quòd ipsum est  
 causa, & in quas in homine partes maximè possit  
 nouimus. Talem itaq; ueritatem etiā de alijs osten-  
 dere uolo. Etenim Caseus, quādoquidem hunc in  
 exemplū sumpsi, nō omnes homines lædit, sed sunt  
 qui ex ipso repleti, ne tantillū quidē offenduntur,  
 imò gracilib. mirabiliter etiā conferre proditur.  
 Sunt autē qui difficulter summouentes ipsum ab  
 eo liberantur. Horū uerò naturæ differunt, diffe-  
 runtq; etiā iuxta hoc, quod est in corpore caseo



## DE CONSERVANDA

contrarium. Nam à caseo excitatur & commo-  
uetur, in his quibus eiusmodi humor multus in  
corpore existit, & quò magis hic potens est, eò  
magis uerisimile est ipsos malè affligi. Si uerò to-  
ti humanæ naturæ malus esset, omnes utiq; læde-  
ret. Hæc autem si quis nouisset, nō incurreret ea,  
neq; sanè pateretur. Hactenus Hippocrates.

Secundo deinde loco duæ recensentur uti-  
litates ab ingesto caseo. Quarum prima quidem  
est, ipsum debilitatem abscindere stomachi: ubi  
sciendum tamen, quòd non quilibet statim caseus  
cuius subueniat stomacho (casei si quidem in cer-  
tis quibusdam casibus omnes ex æquo nocent, sto-  
macho nimirum raræ texturæ, ac illi quoq; qui  
ex longa ægritudine adhuc debilis se colligit) sed  
recens, mollis, ac paucilemoris particeps, quem  
admodum lib. 3 ad Alman. cap. 15 Rhazes testa-  
tur, calido atq; sicco stomacho apprimè confert:  
exustionem enim, caliditatem, & siccitatem eius  
frigditatis ac humiditatis ratione reprimat, & eo  
mendat. Contrà uerò eidem, uetus admodum, &  
acris, cuiq; multum coaguli iniectum est, manife-  
stè officit. Stomacho autem, cuius pelliculis mul-  
ta infarta sunt phlegmata, plurimum confert ca-  
seus, qui inueterauit, & ob id quàm prior acrior  
atq; ardentior euasit: phlegmata enim acrimo-  
nia sua incidit, abstergit, & infrà subducit Rur-  
sus uerò recens ac mollis huic maximè nocet.

Secundo



Secunda est, caseum priori loco exhibendū  
ijs, quibus uenter maiorem in modum soluitur:  
posteriori uerò quibus idem ob imbecillitatem  
non respondet. In uniuersum nanq; adstringentia  
si prius ante alium cibum aut edantur, aut biban-  
tur, aluum comprimunt. Quibus autem ob im-  
becillitatem uenter non respondet, ij molliendi  
uirtute prædita, nempe olera, aut pisces, aut id  
genus aliud præsumunt: deinde adstringentia,  
(quorum in numero caseus etiam reponitur) quæ  
dum ipsum firman ac roborant, deorsum in uen-  
triculi fundum, ubi concoctionis officina est, pro-  
pellunt, adq; excretionem tandem incitant: id  
quod ex ueræ medicinae peritis neminem latere  
arbitror. Vide Galenum lib. 2. de alimen. facult.  
cap. 22. ubi rationem tradit, cur rhetori cuidam  
adstringentibus post alios cibos laxantes sumptis  
uenter fuerit solutus. Huiusce rei meminit etiam  
Paulus lib. 1. cap. 81. De acido caseo ita scribit Aë-  
tius lib. 2. cap. 101. Recens caseus, qui ex acido la-  
cte fit, et ob id *ὀξύγαλκτικόν* appellatur, o-  
mnium optimus censendus est. Nam et in cibo iu-  
cundissimus est, et stomacho innoxius præ omni-  
bus alijs caseis existit, minus ægrè concoquitur,  
et minus ægrè transit, neq; uerò ualde crassi suc-  
ci est, quo crimine in commune omnes casei sunt  
infames. His addit Rhazes, acidū caseum exigua  
mole ultimo post alios cibos loco ingestum, robo-



## DE CONSERVANDA

rare os uentriculi, atq; auferre etiam *αὐτοῦ*  
*ἑα* ac nauseam, quæ ex dulcibus & pinguibus  
cibis proueniant.

## DE MODO EDENDI ET bibendi. Cap. XXXVIII.

**I**Nter prandendum sit sæpe parumq;  
bibendum,

Vt minus ægrotes, non inter fercula po-  
tes.

*Zwischen dem mal solt zechen lan/*

Præcipitur imprimis hoc loco, ut inter pran-  
dendum coenandumue in uicem modò edatur, mo-  
dò bibatur, id est, inter edendum sæpius quidem,  
sed parum bibatur: neq; potus, quemadmodum su-  
prà quoq; cap 32. dictum est, eousq; differatur,  
dum uenter cibo expletus uideatur. Deinde uerò  
ut eo tempore, quod inter prandium ac coenam  
intercedit, potus, quoad eius fieri potest, euite-  
tur: & maximè si ingestus cibus in uentriculo non  
dum concoctus fuerit, nisi magna cogente neces-  
sitate. Interrumpitur enim et impeditur primò sum-  
pti cibi concoctio, ita ut eum inconcoctum è uen-  
triculo descendere coningat, appetentia cibi in  
coena sumendi deijcitur, corpus grauatur, & ad  
dispositionem, in qua homo neq; sanus, neq; ager  
dici queat, siue qualis ea est, quæ febrim præcede-  
re solet, adducitur. Vt



Vt uites pœnam, de potibus incipe  
cœnam.

Das nacht imbs sahe mit trincken an.

Cœnam à potu inchoandam esse hîc adseri-  
tur. Sunt qui hunc in modum exponant: Si uis ui-  
tare pœnam, id est, infirmitatem, in principio cœ-  
næ bibas prius quàm comedas. Sed inepta prorsus  
ac inualida est hæc expositio. Secundū Medicos  
enim cœnā à cibo quàm potu auspiciari cōducibi-  
lius est. Neq; Angli ipsi, quibus præsens liber dica-  
tus est, eiusmodi morē consuetudinēque seruant.  
Quacumq; enim diei hora bibere uoluerint, bolū  
ferē siue frustulū panis præsumunt. Quare quod  
dicitur, sic intelligendū potius uidetur: Incipe cœ-  
nam à potu, id est, à cibo liquido & cōcoctu faci-  
li. Et hoc est quod ait Hippocrates in aphorismis  
li. 2. aph. 11. Facilius est impleri potu, quàm cibo.  
Atq; eius quidem rei hæc assignari potest ratio:  
Quia si cibus liquidus & cōcoctu facilis postre-  
mo sumeretur loco, concoctionem eius multò ci-  
tius, quàm crassi ac duri, qui prius ingestus fuerit,  
perfici coningeret. Somnus enim qui cœnā sub-  
sequitur, mirum in modū concoctionem adiuuat.  
Hancq; ob causam liquidus cibus, cum ob crassū  
illum nondum ex toto concoctum, ad exitum per-  
uenire nequeat, nimis adureretur: aut certè, si  
exierit, crassum illū, sed inconcoctum adhuc, secū  
traheret, periculumq; ita ei, qui comederit, non  
uulgare



## DE CONSERVANDA

vulgare compararet. De recto ciborum ordine  
nonnihil etiam suprâ cap. 6. diximus. Porro de  
questione hac, Vtrum à potu cœna inchoanda  
sit, lege Conciliatorem differemia 118.

**P**ost pisces nux sit, post carnes case-  
us adsit,

Vnica nux prodest, nocet altera, tertia  
mors est.

Singula post oua, pocula sume noua.

Nuß vff fisch/vffn ey ein trunct/  
Nach fleisch ist dir der keß gesund:  
Es sind dreinuß/die ein ist güt/  
Die ander schadt/die drit der todt.

Nuces  
post pi-  
sces.

Tria hoc loco peraguntur: primus nanq; uer-  
sus duo præcepta complectitur. Quorum pri-  
mum quidem est, ut post esum piscium nuxes in  
casei locum substituantur. Quod tribus ferme  
modis probari solet. Ac primo quidē, propterea  
quod nuxes collectionem phlegmatis, quod ex fre-  
quenti piscium esu generatur, caliditate ac sicci-  
tate sua discutiant & dispergant. Atq; hinc sanē  
est, quod in uere, quando nimirum quadrage-  
nario ieiunio corpora macerantur, summo statim  
post alios cibos loco nuxes exhibeantur. Deinde  
ea etiam re, quod pisces frigidioris ferē humidio-  
risq; sint temperaturæ, adeoq; difficilius ob id i-  
psas



psuſum cōcoquantur, tardius ſubducātur, & prom-  
ptiſſimè in uentriculo corrumpantur ac putre-  
ſcāt: Nuces uerò, cū euidemer excaſciāt atq;  
deſiccent, eorum concoctionem adiuuent, prau-  
tatem corrigant, & ad mediocrem temperamentū  
perducant. Tertiò uerò ob eam quoq; cauſam,  
quòd piſces interdum ueneni nonnihil in ſe conti-  
neant: nuces autem, ut copioſè admodum oſten-  
dimus ſuprà cap. 13. uenenis adu. rſentur.

Secundū, ut poſt carniū eſum non nu-  
ces, ſed caſeus exhibeatur. Caſeus enim præſtat,  
ut cibus ad fundum uentriculi, ubi concoctionis  
opus potiſſimū uiget, promptius deſcēdat. Quod  
de eo ſanè caſeo maximè intelligendū eſt, qui me-  
dium locū inter recentē ac ueterem ſortitus ſit.

In ſecundo deinde uerſu de triplici agitur  
nuce: quarū una quidem prodeſſe, altera nocere,  
tertia uerò mortē inferre dicitur. Per primā autē  
eā nonnulli intelligunt, quæ ob odoris præſtantiā  
Moſchata uulgo appellatur. Hæc ſiccatur & excaſ-  
cit ordine ſecūdo cōpleto. Adſtringit, oris ſua-  
uitatem cōmendat, & foetē uis animæ uirus com-  
manſa abolet: Lemignēs in facie emēdat, uifum  
acuit, uentriculū & iecur roborat, lienem abſu-  
mit, urīnā ciet, fluemē aluū ſiſtit, flatuſ diſcutit,  
& frigidiſ uteri affectib. mirificè prodeſt. Per al-  
terā accipiunt uel nucē Auellanā, quæ λένιον Græcis appellatur: uel  
cam,



## DE CONSERVANDA

eā, quæ in cōmuni est usu, & κάρυον βασιλικόν  
 Græcè, Latine uerò Iuglās dicitur. Quarū illam  
 quidē nocere ob id tradiderūt, quod ægrè conco-  
 quatur, cibis in uētriculo supernatet, uomitus ex-  
 citet, flatus generet, et largius esitata caput tētet:  
 Hāc uerò, quod pari modo cōcoctu difficilis, sto-  
 macho inutilis, biliosa, et tuſſientib. inimica sit, ca-  
 pitiq; dolorem inferat. Ob hancq; ipsam sanè cau-  
 sam, Nuces etiā dici à nocendo, Grāmatici autu-  
 mant. Græcorū quidā κάρυα, quod καρυβαρία  
 .i. capitis grauedinē faciāt, nominari tradūt. Per  
 tertiā uerò iocose nōnulli nucē interpretātur ba-  
 lista, quod nimirū repem inā inferat mortē. Verū  
 alij nucē intelligūt Methellā: quippe quæ uentri  
 sit βαρύνουσα .i. torporē inducēs. Quarto enim  
 refrigerat excessu, ita ut drachmarū duarū pon-  
 dere esitata statim interimat, minore uerò mēsu-  
 ra temulentia faciat. Quos quidem affectus præ-  
 stat etiā in canib. quibus nec ādis aptissima habe-  
 tur. Lege Rhazen lib. 3. ca. 30. ad Al. Serapionē  
 de sim. me. ca. 365. et Aui. 2. Can. ca. 512. PORRO  
 ut grati etiā discipuli uicib. fungar, Georgij Stur-  
 tiadæ medici eruditione et experiētia clarissimi,  
 meiq; olim in re medica præceptoris obseruādis.  
 de tribus hisce nucib. opinione huic quoq; loco in-  
 seram. Is igitur per nucē hīc aliud nihil quā u  
 glandem intelligendū adſerebat: per unā quidē  
 paucas numero, quæ citra denariū cōsisterent:  
 per



p̄ alterā, quæ paulò largiore copia ingereretur:  
per tertiā uerò quæ immoderatissimè sumeretur.

Secundū hanc igitur interpretationem unica  
nux prodesse dicenda est, uel quòd nuces letali-  
bus aduersentur uenenis: uel quòd uiridium ac  
recentiū nuclei depellati, & ante alios cibos sum-  
pti uentrē leniter subducant: torrefacti uerò ali-  
quamulum atq; à reliquo cibo commanducati ci-  
borum in corpus distributionem adiuent. Alte-  
ra nocere, quòd nimirum cōcoctu sū difficiles,  
ac caput immoderatiorē usu tement. Tertiā ue-  
rò mortem inferre, quòd præter iam dicta incō-  
moda d' uocet etiam ad istum ingestæ mo-  
dum generent: quæ nisi præcipiti & compendia-  
rio auxilio cohibeatur, mortem breui inferat.


Tertio demum uersiculo præcipitur, ut post  
oui cuiusq; recentis atq; mollis esum haustulus,  
& præcipuè uini, sumatur. Eiusq; rei duplex fe-  
rè adsignatur ratio. Ac prior quidem, quòd ouum  
recens ac molle succi sit optimi, & concoctu faci-  
lis, paruaq; mole, ut suprā cap. 6. ostendimus, plu-  
rimo corpus reficiat alimento, idq; uitello suo  
potissimū: uinum autem, quum natura eo de-  
lectetur maximè, præstet ut à membris aui-  
dius attrahatur, celeriusq; ita permeet. Poste-  
rior uerò, quòd ouum tardius descendat per gu-  
lam (quæ Græcis proprio nomine *δισκοπέγος*,  
ab *δίσκος*, sero, & *πέγος*, cibus, quòd cibum &  
potum



## DE CONSERVANDA

potum in uentriculum transuehat, Arabibus Me-  
ri nuncupatur ) uinum autem descensum eius ad-  
iuuet.

## DE PYRIS. CAP. XXXIX.



**A**Ddepyro potum, nux est medi-  
cina ueneno.

Fert pyra nostra pyrus, sine uino sunt  
pyra uirus.

Si pyra sunt uirus, sit maledicta py-  
rus.

Dum coquis antidotum pyra sunt, sed  
cruda uenenum.

Cruda grauant stomachum, releuant  
sed cocta grauatum.

Post pyra da potum, post pomum ua-  
de cacatum.

Auff die birne thū ein trunck/  
Vlusse seind wider gift gesundt.

Birne



Birne on wein sein gifftes vol/  
 Kocht mann sie/es vergeht in wol/  
 Rohe beschweren sie den magn/  
 Nach spffeln thū den bauch entladn.

Hic docetur imprimis, ut super pyrorum esu  
 uinum bibatur, idq; tum uetus, tum odoratum: Pyra,  
 atq; eius quidem ratio reddita est suprā cap. 7.  
 Pyra enim sanguinem seroso replent succo, in-  
 flationesq; ac colicos cruciatus suscitant. Vinum  
 ergo, cum calfaciat, tenuet, flatus discutiat, & se-  
 rosam redundantiam consumat, super ipsis con-  
 uenientissimè bibitur. Deinde Nucem ueneno  
 medicinam esse traditur: de quo copiose suprā ca-  
 pite 13. Secundo ac tertio uersu dicitur, pyra  
 absq; uino commansa esse uirus, hoc est, nocere hu-  
 manæ naturæ: cuius ratio iam reddita est ne quis  
 interim simpliciter, ut de illis, quæ excessu quali-  
 tatum elementorum, quarum mistione constant,  
 aut propria qualitate, siue forma (ut uocant) oc-  
 culta uenena esse noscuntur, ita de pyris quoque  
 suspicetur: Sic enim commansa perniciem submi-  
 de uel noxam aliquam inferrent, ac proinde ar-  
 bor ea ferens meritò detestabilis esset, adeoq; ob  
 id ipsum excindenda, atq; in ignem coniicienda.  
 Quarto uersu innuitur, pyra recensia & cruda  
 esse uenenum, id est, nocere humanæ naturæ:  
 Nam extra hoc quòd sanguinem seroso atque e-  
 bulliente replent succo, inflationes & colicos



## DE CONSERVANDA

cruciatu excitant, phlegmata etiam ac scabient  
generant. Cocta uero contra *αὐτὶς ὅσῳ*, id est,  
remedium præstant, perinde atq; illa paulò antè  
præstare diximus, quæ cum uino manderentur.  
Atq; hæc sanè ultimo post alios cibos loco sumenda  
potissimum sunt: ita nanq; excrementorum subdis-  
tinctionem adiuuant. Quinto uersu docetur, crudo-  
rum pyrorum esum grauè esse stomacho. Ipsum  
enim non à concoctionis tantum opere distrahit,  
sed flatibus etiam distendit. Cocta uero e contra-  
rio grauatum stomachum leuant, & reficiunt,  
inq; suum pristinum uigorem restitunt. Vlti-  
mo tandem uersu hoc imprimis præcipitur, ut ui-  
num super pyrorum esu bibatur: cuius quidem ra-  
tio iam reddita est. Deinde, ut à pomorum esu  
alius subducatur: quam rem Auicenna 2. Cano-  
cap. 569. sic fermè scribens confirmat: Poma  
dulcia & acida, ubi in stomacho crassum inuene-  
rint succum, quandoq; incidunt ipsum, & per es-  
gestionem expurgant. Quæ sententia apud Orio-  
basium quoq; reperitur lib. 4. Synopses ad Eu-  
stathium filium cap. 19. Acida, inquit, cum in uen-  
triculo succum crassum inueniunt, eundem inci-  
dendo aluum subducunt, & ob eam causam fæ-  
ces liquefaciunt. Quæ dulci succo sunt prædita,  
ea sine acrimonia facilius descendunt. Quinctia-  
am hæc adsignari potest ratio, nempe quòd poma  
flatum in uentriculo excitent, flatu uero per al-  
uum faciliè ducat.

DE

Gale. li. 2  
ca. 21. de  
alim. fac.



BONA VALETVDINE.

138

DE CERASIS.

Cap. XL.



**S**i cerasum comedas, tibi confert grā  
diadona,

Expurgat stomachū, nucleus lapidem  
tibi tollit,

Hinc melior toto corpore sanguis  
inest.

Der kirschen schaln den magen fegte/  
Der kern des steines weetag legt/  
Der safft macht dir ein güt geblüt/  
Die drei gehn auß der kirschen güt.

Tria ex cerasorum esu commoda hoc loco re-  
censentur: ac primum quidem, quod stomachū  
expurgent: idq; de illis potissimum intelligendum, Ceraso-  
rum com-  
que unā cum nucleis manduntur. Ad eum nanq; moda,  
modum ( ut nonnullis placet ) ingesta abstergent  
& emundant. Secundum, quod nuclei eorum,

S 2



## DE CONSERVANDA

cū inde expressus succus siue lac sumitur, peculiari quadam proprietate lapidem nō in rebus tantū, sed in uescica quoq; frangam & expellant. Tertium uero, quod quæ ipsorum uelut caro est, optimum generet sanguinem, corroboret, & impinguet. Et hoc certē experientia testatur, & demonstrat ratio. Siquidem in passeribus, qui cerasis plurimum delectantur, eo ipso tempore, quo hæc matura sunt, iecuscula nō paulō maiora quā alias reperiuntur. Vnde hepar frequentiore cerasorum usu augeri ac roborari certō colligitur. Sed hīc notandum, quod duplicia sint cerasa, crassa nimirum & parua: ac crassa rur'us duplicia, nempe dulcia & pontica, siue acerba. Dulcia omnia & parua insalubriora sunt, faciliē corrumpuntur, & lumbricos in corpore generant. Crassa pontica quoq; duplicia inueniuntur. Quædam enim pediculo constant longiore, bacca etiamnum cæteris crassiore, gustu acerbo, & admodum acido, colore perpetuō rufescente, nec unquam in atrum uergentē. Italis uerle dicuntur. Hæc tenera adeo et fragilia sunt, ut nisi sub arbore sua comedantur, faciliē gustatu collidantur & marcescant: Quare non nisi recitā, atq; in principio tantū mensæ sumēda sunt. Abstergerendi stomachi & ciendæ appetentiæ uiprædita sunt. Alia deniq; crassa, nigra, & maxime omnium pontica sunt, quæ in compluribus

italiæ



## BONA VALETVDINE. 119

*Italiae locis Marasche uulgo nuncupantur, à sa-  
 pore sic dicta, quòd non iniucundi amaroris tan-  
 tillum respiciant. Ea summo post alios cibos loco  
 edenda sunt, ita ut os uentriculi pomicitate sua  
 claudant: quo clauso concoctio & melius & ci-  
 tius peragitur. Galenus habita cerasorum omnis  
 generis ratione lib. 7. simp. medi. cap. 19. ea hisce  
 paucis perstrinxit: Cerasus arbor fructus fert  
 non paris adstrictionis in omnibus particulatim  
 plantis participem. Nam & in harum, sicut eti-  
 am malorum granatorum, & malorum, quibus-  
 dam austera qualitas, in quibusdam uerò dulcis,  
 in nonnullis autem acida exuperat. Quinetiam  
 ipsorum dulcium ea, quæ nondum cocta sunt, ac  
 matura, quædam admodum sunt acerba, quædam  
 similiter moris acida. Sed in moris immaturis aci-  
 da qualitas acerbam exuperat, in cerasijs non  
 semper. Ergo quæ dulciora sunt, magis quæ in  
 intestinis sunt subducunt, sed minus grata stoma-  
 cho sunt. Contrà austera. Quæcunq; uerò aci-  
 da sunt, ea pituitosis excrementosisq; stomachis  
 sunt apta. Siquidem austeris magis desiccant, &  
 nonnihil etiam incidunt. Porro ipsius arboris  
 gummi communem omnibus uiscosis & mordaci-  
 tatis expertibus medicaminib. facultatē obtinet,  
 quæ & ad arterias exasperatas accommoda est.  
 Proprie autem, si quidem, quod quidam subscri-  
 bunt, uerum est, calculis uexatos adiuuat. Nam*



## DE CONSERVANDA

*sic illi tenuium partium inesset facultas quadam.*  
*Hæc ille. Plura Dioscorides libro 1. capite 129.*  
*Plinius lib. 15. ca. 25. et Simeon Sethi in Symag.*

## DE PRVNIS.

Cap. XII.





**F**Rigida sunt, laxant, multum pro-  
sunt tibi pruna.

Die pflaumen machen weych im leib/  
Vnd küln/als mann von jnen schreibt.

Duae prunorum facultates hic referuntur. Ac prior quidem, quod corpus mediocriter refrige- *Pruna.*  
rent Dulcia enim (quemadmodum lib. 2. de medi-  
caminibus simpl. purgantibus bened. capite 19. à  
Mesue scribitur) calido frigido temperata, aut  
paulò frigidiora, humida ordine secundo:  $\mu\epsilon\sigma\alpha$ ,  
id est, dulcacida frigida, principio secundi. Omnia  
tamen refrigerant. Quare Lusitan, qui calidam  
incolunt regionem, carniū suarū cocturæ pru-  
na plerunq; immiscet, & potissimum Damasce-  
na. Posterior uerò, quod alium moueant. Et hoc  
Galenus quidem libro 2. de alim. facult. capite 31.  
ita scribens confirmat: Corpori, inquit, ex hoc  
fructu minimum alimenti accedit: utilis tamen est  
ijs, quibus propositum est, uentrem mediocriter  
humectare ac refrigerare: Ipsum enim cum humi-  
ditatis, tum lentoris sui gratia subducit. Quod  
certè de maturis intelligendū: Cruda enim, quem-  
admodum Auicenna testatur, non parum adstri-  
ctionis præseferunt. Et quāquam posterior hæc  
prunorum facultas, non secus atque prior etiam,  
Damascenis ferè attribuatur, Armenis tamen po-



## DE CONSERVANDA

tius adscribenda erat, ut quæ, Auicenna & Me-  
sue testibus, præter cætera magis alterent, largi-  
usq; soluant. V sui uerò maximè sunt matura: im-  
matura minus. Optima autem inter ipsa, & hu-  
manæ naturæ conuenientissima sunt oblonga, car-  
ne cum dura tum exigua, siccitate nonnulla par-  
ticipantia, cortice exteriori tenui, sapore non  
prorsus dulcia, sed μεσση, id est, dulcacida, qua-  
lia Damascena cum primis habentur. Hæc enim  
mediocriter humectant ac refrigerant. Multa  
porrò & uaria prunorum genera reperiuntur,  
non omnium tamen usus approbatur: Et ex ipsis  
agrestia quædam parua, dura acerbâq; & cibo  
iniucunda, Galeno αἰθροκοκκίμυλα, uulgò pru-  
neola siue prunula nominatur, Germanicè Schle-  
hen. Horum fructus, inquit Galenus libro 7. de  
simp. medic. facul. capite 35. euidenter adstricto-  
rius est, ueniremq; sistit. Quo fit, ut aquam non-  
nulli uentri sistendo accommodatissimam inde e-  
liciant. Cæterum pruna, quæ uentris subducendi  
gratia sumuntur, in aqua frigida prius quàm inge-  
rantur, aliquandiu præmaceranda sunt. Ita nan-  
que præparata magis tum humectant, tum refrige-  
rant, adeoq; ad appetentiam, quæ collapsa fuerit,  
excitandam, & ad flauam præterea bilem, quæ  
in uentre habetur, detergendam ac subducendâ  
accommodatiora sunt: Quæ re biliosis etiam non  
solum febribus, sed alijs quoq; morbis salubria  
reddun-



BONA VALETVDINE. 142

redduntur. Pruna recentia atq; humida siccis  
ualentius quidem alterant, sed excrementitium  
magis & peioris succi corpori præbent alimen-  
tum. Sicca uerò non solum ad nutritionem accom-  
modatiora sunt, uerum magis etiam corroborant.  
Quod de prunis hoc loco diximus, idem de cera-  
sis quoq; aliquo modo intelligi potest, sed horum  
humiditas quàm illorum subtilior ac minus lenta  
est, quo fit, ut minus etiam alant. De prunis Dio-  
scorides lib. 1. cap. 137. Galenus & Mesues locis  
paulò antè citatis, & Auicenna li. 2. Can. ca. 541.

DE PERSICIS, RACEMIS,  
& Passulis. Cap. XLII.



S S



DE CONSERVANDA

**P**ersica cum musto uobis datur ordine iusto

Sumere, sic est mos nucibus sociando racemos.

Passula non spleni, tussi ualet, est bona reni.

Pfirsich so mann sie ist mit most/  
Weinbeer vnd nûß sein gûte kost/  
Zum hûstn gût/zum miltz rosin sein böß/  
Vad machn die niern von vnflat loß.

*Duo præcepta cumprimis hoc loco traduntur.*

Ac primum quidem, ut mustum cum persicis bibatur, aut sanè persica simul cū musto exhibeantur. Mustum nanque calfacit admodum, ebullitionemque in corpore efficit: sed persica ebullitionem hanc atque calfactionem frigiditate sua cohibent & moderantur. Contrà uerò persicis, cū uehementius refrigerent, meritò adhibetur mustum, quippe quod frigiditatem eorū, ne uentriculo noxam inferant, calore suo facile mitiget ac temperet. De Persicis suprà ca. 7.

Secundum uerò, ut uuarum racemi cum nucibus edantur: quod de aridis potissimum & antiquis nucibus intelligendum est: Virides etenim ac humida per se salubres censentur. Amiquæ uerò & arida excellenter siccam, adeoq; ob oleo-

sam



BONA VALETUDINE. 141

Sam suam qualitatem promptè in corporibus accenduntur. Iure igitur uuarum racemi cum ipsi mandendi ueniunt, ut qui exiccationi atq; inflammationi humiditate sua resistent. De nucibus copiosè suprà cap. 13.

Tertio deinde uersu traditur, passulas siue uuas passas lieni officere: Ipsum enim communi ratione dulcium omnium obstruunt atq; lædunt. Hinc Galenus in libro de attenuante diætâ, ca. 9. in eum modum scriptum reliquit: Vuæ passæ si non sint adstringentes, lieni quidem & hepatis membris non conducunt: thoraci tamen ac pulmonis affectibus conducunt. Renibus etiam conferunt, eos enim lauant & abstergent, urinamq; cient. Renes nanq; multa ad ipsos deriuata humiditate mundantur. Sed de his quoq; suprà ca. 9.

DE FICVBVS. CAP. XLIII.



Scrophula



# DE CONSERVANDA

**S**cropha, tumor, glandes, ficus, cataplasmate cedunt,  
Iunge papauer ei, con fracta foris tra-  
hit ossa.

Dem Tropff/der schwulst/hewdruse groß/  
Von feign ein pflaster ist nicht böß/  
Ist gestosener maen dart ei/  
Gebrochen gbein ist ein arznei.

**Ficuum  
faculta  
tes.**

Hic duæ ficuum cataplasmatibus modo imposita-  
rum facultates referuntur: Ac prior quidem,  
quod cum aqua siue alio quopiam conuenienti li-  
quore decoctæ, humidæq; impositæ, scrophulas,  
glandes, atq; tumores discutiant. Per scrophulas  
uero, quemadmodum doctissimè ab Iano Corna-  
rio in cap. 8. li. 1. Macri scribitur, Latini non re-  
cepto adeò uocabulo, strumæ intelliguntur. Vide-  
tur autem ex Græca uoce factum esse. Sicut enim  
Græci χοιράδες appellant, quas nos strumas dici-  
mus, sic uisum fuit huic, qui primus scrophas ap-  
pellauit eos glandularum circa collum ac guttur  
tumores, Græcæ uocis etymon exprimere: χοιρά-  
δες enim χοίρῳ ὡς χοιράδες appellatæ sunt, hoc  
est, à porcis ac suis: Vel quod, Auicenna 3. 4.  
tract. 2. cap. 9. teste, ob edacitatem haud rarò  
circa hoc animal reperiantur, uel quod earum fi-  
gura porcis plurimum adsimiletur. Per Glandes  
accipiendus hoc loco abscessus, ut Guidoni Cau-  
liaco



liaco placet utcunq; mollis, unicus, mobilis, & si paratus à partibus circumiacentibus, in emunctorijs plerunq; nascens. Vulgò Sagedrusen / à glandis forma, quam præ se ferre uidetur, nomen claturam accepit. Lege 10. Tagaultium li. 1. in stitutio. chirurg cap. 13. Porro per tumores quolibet inflationes in quavis corporis parte exorta intelligi possunt. His enim omnibus curandis ac maturandis ficus in aqua cum memento aceti, ut penetrationem earum adiuuet, decoquenda sunt, donec mollescant, mox liquore per colum transfuso, ficus ipsæ in mortario contundenda, ac cum eodem rursus cataplasma informandum. Cataplasma autem propriè medicamentum uocatur, quod è planis viridibus conusis, uel ijsdem ad mollitudinem usq; in aqua decoctis componitur: id quod inuitur etiam uulgato uersiculo:

Tunc cataplasma facis, cum succum ponis  
& herbam.

Posterior uerò facultas: quod cum papauere imposita ficus fracta extrahant ossa. Quo sanè loco erraticum illud papauer intelligendum est, quod in aruis passim nascitur, flore rufo, & capite pollicaris unguis magnitudine. Pueri in Scholis ἐνκυσόρ, id est, atramentum librarium ex coneruis florum folijs conficere solem. Germani cē Blapper oder Born rosen. Dioscorides li. 1. cap. 145. de folijs eius priuatim testimonium præbet,



## DE CONSERVANDA

Bet, quod cum ficibus cataplasmatibus modo imposita ad extrahendum ossa fracta conducant. Sed adscribam ipsius uerba. *Ἀνέγρασι δὲ οἱ ὀλυνθοὶ τὸ σὰ σὺν μήκωνι ἀγρίῳ φύλλοις. i. Grossi cum syluestris papaueris folijs ossa extrahunt.*

Vermiculos, ueneremq; facit, sed cui libet obstat.

Leuß/geyl/vnd vnfeusch macht die feig/  
Es ist zu widerstehen leicht.

Duo hic traduntur effectus ficuum. Primum namq; ex largiore ipsarum usu pediculorum multitudo prouenit: Quod de ijs potissimum intelligendum est, quæ, ut refert Galenus lib. 2. de alim. fac. ca. 8. & post hunc Auicenna 2. Cano. ca. 283. maturæ prorsus ac siccæ sunt: quâdoquidem sanguinem non admodum bonum sudoremq; multum gignunt. Deinde uerò ad uenerem irritant. Excrementitiæ enim sunt, et inflationes pariunt, quibus uirga erigitur, et Venereæ roborantur uires. Plura suprâ cap. 9.

## DE MESPILIS. CA. XLIII.

**M**ultiplicant mictum, uentrem dant mespila strictum, Mespila dura placent, sed mollia sunt meliora.





Es stopffe den bauch / macht blasen lehr  
Hart mispel sehr / die weich vil mehr.

Duae mespilorum utilitates hoc loco recensent Mespilo-  
tur. Vna quidem, quod mictum siue urinam multi rum utit  
plicent atq; augeant. Quod certè non primò ex tates duo  
per se, ac propria sui ratione efficiunt, sed ex ac  
cidenti. Faeces enim comprimendo indurant, quo  
fit, ut uëtris humor ad uesicā distribuatur. Quin  
etiam ratio adsignari potest similis illi, quæ est  
apud Hippocratem aph. li. 4. aph. 83. Mictio no- Mictio  
ctu plurima facta parua significat deiectionem. nocturna  
Quoniam



## DE CONSERVANDA

Quoniam, inquit Philotheus, multa & magis cōferta distributio facta est in iocinore, & aliò derivata est materia, ideo multæ urinae fluxerunt, parum autem stercoris: & è conuerso, si multa stercoris deiectio fiat, pauca erit urinarum excretio, eadem de causa: nam parua distributio facta est, & ideo etiam parum urinae, multa autem per stercus deiectio, quoniam in uentriculo maneat humidum. Altera uerò, quòd uentrem detineant: idq; præstant maximè qualitatis ratione, quæ inest ipsis acerba admodum & styptica. Ex quo infertur hoc loco, mespila dura placere, quippe quæ ob adstrictionem aluo fluendi in cibo accommodatissimè exhibeantur: sed mollia esse meliora: ut quæ magis nutrant, & aluum minus sistant. Illud porrò neminem latere debet, omnibus huiusmodi parcè uescendum esse, non autem affluenter, ut pyris, persicis, ficibus, uuis, & similibus. Nullo enim ipsorum ut alimento, sed ut medicamento potius indigemus. Quod satis quidem colligitur ex saporis acerbitate, & duritie substantiæ, ut quæ extra hoc quòd serò in arbore maturitatem conequantur, minus etiam, quàm ut ediqueant, mollescant. Atq; hac sanè de causa, priusquàm edamur, reponi solent donec emolliantur. Sic enim quàmplurimum ex acerbitate & stypticitate amittunt, & in cibo suauiora fiunt.

DE



BONA VALETVDINE. 145  
DE MVSTO. CAP. XLV.



**P**rouocat urinam mustum, citò  
soluit, & inflat.

Etlicher most reizt an den harm/  
Eröffnet vnd bläset auff den darm.

*Tres hic enumerantur commoditates musti.  
Primò enim urinam prouocat. Siquidem faci-  
bus eius nitrosum quidpiam inest, ac tergendì fa-  
cultas, atq; eam ob rem ubi in uesicam descende-  
rit, ipsam mordicans ad urinae profusionem impel-  
lit. Qui tamen uersus non de quolibet musto, sed  
de eo solùm intelligendus est, quod faeces habet  
mordicantes. Eiusmodi porrò ex Rhenensibus nò  
pauca reperiās. Mustum enim cui faeces insunt  
crassae, non mordicantes, quemadmodum suprà  
cap. 26. ostendimus, meatus obsepit atq; obstruit*

**T**



## DE CONSERVANDA


urinarios, ita ut urina potius supprimatur.

Deinde uentrem soluit: Viscera enim nitrosa  
et salsa fecis suae qualitate abstergens ad de-  
iectionem incitat.

Tertiò uerò inflat, quod quidem propter eam  
contingit, quã in corpore excitat, ebullitionem.  
Inde enim flatus proueniunt. Sed de his omnibus  
satis suprà cap. 26.

## DE CEREVISIA ET ACETO.

Cap. XLVI.



**C**Rassos humores nutrit ceruisia,  
uires

Præstat, & augmentat carnem, gene-  
ratq; cruorem.

Prouocat urinam, uentrem quoq; mol-  
lit, & inflat,

Frigidat



BONA VALETVDINE. 146

Frigidat & modicum. Sed plus desiccatur  
acetum.

Frigidat, emaceratq; melanch. dat, sper-  
ma minorat,

Siccos infestat nervos, & pingua sic-  
cat.

Das hier gibt grober feuchte viel/  
Stercks gblüt/vnnd mehrers fleysch on  
ziel/

Es lehit die blasn/vnd weicht den bauch/  
Es kält ein weng/vnd bläset auff auch.

Der essig kält vnd treugt/macht magr/  
Gibt schwer geblüt/vnd schade dem hage.  
Der männlich sam von essig schwindet/  
Das geäder legt/die feist benimpt.

Duo hoc in loco peraguntur. Primò enim bre-  
uiter octo Ceruissæ proprietates percurruntur.  
Quarum prima quidem est, quòd crassos humo-  
res in humano corpore generet: idq; maxime si  
uino comparetur. Porro iuxta materia uarieta-  
tem, unde conficitur, aliam in se atq; aliam reci-  
pit uel incrassandi, uel extenuandi humoris ra-  
tionem. Siquidem ex crassiore substantia crassio-  
res, ex tenuiore uerò tenuiores humores pro-  
creari par est.

Secunda, quòd robur addat.

Tertia, quòd carnem augeat.

T 2



## DE CONSERVANDA

Quarta, quod bonum gignat sanguinem. Quae quidem tres proprietates potissimum intelligenda sunt de cereuisia multae substantiae, non nimis recenti, neque nimis inueterata, ex optimis granis rite et perfecte cocta: qualis Erphordiensis cum primis existit. Ea enim multum habet substantiae, boni est succi, uberrimum corporibus exhibet alimentum, et vires auget.

Quinta, quod urinam prouocet: quae proprietas claris maxime conuenit cereuisijs, quibus plurimum incoctum est lupuli: qualis est Embecensis. Ea namque ob lupuli copiam celerrime penetrat, et urinam prouocat.

Sexta, quod uentrem molliat. Eiusmodi inter triticeas Hamburgensis existit. Grati saporis est. multum substantiae habet, copiosum et boni succi alimentum praebet, sanguinem bonum generat, et in soluenda aluo per se, aut cum butyro Phrysico primum locum sibi uendicat. Minus tamen conuenit illis, quibus caput non admodum firmum est: quippe qui ex ea facile inebrientur.

Septima, quod flatibus uentrem distendat: idque maxime praestat Cereuisia cruda, hoc est, male et imperfecte cocta: quae cerue, praeterquam quod aegre concoquitur, inflationes etiam et obstructions gignit, urinamque remoratur: impinguat tamen admodum. In hanc classem Coyta Hollandiae referenda est.

Octaua,



Octaua, quòd paululum in frigidet: Eiusmodi censentur cum primis cereuisiæ Hollandiæ, Brabantiæ, Hannoniæ, Flandriæ, & quibus plebei homines uulgo utuntur. Eæ nanq; omnes uino collatæ, refrigerandi facultatem habere uidentur. V- Cereuisiæ bi sciendum, cereuisiam confici posse ex auena, præparatæ hordeo, & tritico: sed iuxta materiæ rationem tunc diuersa ei inducitur temperatura siue qualitas.

Quæ nanq; ex hordeo fiunt, frigidiores euadunt. Hordeum enim refrigerat siccaturq; in primo abscessu. Quæ ex hordeo simul atq; auena, minus alunt nec inflant, neq; obstruunt admodum. Quæ uerò ex tritico, calidiores existunt, magisq; tum obstruunt, tum nutriunt. Crassiores cereuisiæ tenuioribus tardius concoquuntur, atq; in corpus uniuersum distribuuntur, magis tamen nutriunt.

Tenuiores uerò contrà citò alterantur, in partes corporis celeriter rapiuntur, mouent urinam, & parum alunt. Mediocres omnia faciunt mediocriter. Pessima habenda est cereuisia, quæ conficitur ex rebus inebriantibus, nimirum ex lolio, uel chamæpeuce: Ea enim adeò efficitur ualida & halitiosa, ut parum absit, quin bibentes paulò immoderatus ad insaniam redigantur, maximum capitis dolorem generat, & neruos lædit.

De Cereuisia plura suprâ cap. 17. & 18. Est præterea cruditißimum Ioannis Placotomi, de natura & uiribus cereuisiarum, opusculum, in omni-



## DE CONSERVANDA

um manibus, unde facile suppleri queant, quæ hîc desiderantur.

Aceti  
proprie-  
tates  
quinq;.

Secundo deinde loco quinq; aceti facultates enumerantur. Ac prima quidem, quod exiccet. Secunda, quod refrigeret. De temperatura uel maxima est inter autores controuersia, alijs frigidum, alijs contrà calidum adstruendis. In hoc tamen præcipui consentiunt, quod uim habeat refrigerandi magis, quàm calfaciendi. Exiccet tertio gradu, estq; ualde tenuium partiũ, crassos & glutinosos humores attenuat, atq; incidit, humorumq; putrefactionem uel maximè resistit. Eamq; ob rem Medici peste grassante cum in cibo, tum in potu aceti usum mirificè commendant. Hinc sanè 3. 1. doc. 5. cap. 1. Auicenna inter alia sic fermè de eo scribit: Aceto præterea pestis tempore uti in cibo atq; potu, nocuementi ipsius securitatē præstat. Tertia, quod emaciet, hoc est, macrum reddat: Vehementer enim attenuat, incidit, ac desiccet, & excellentius si, ut 3. 1. doc. 4. cap. 5. Auicenna tradit, ieiuno usurpetur stomacho. Assiduus tamen atq; immoderatio eius usus plurima omnino adfert incommoda. Visum nanq; debilitat, pectus ac pulmonem offendit, et tussis comouet. Hepati quoq; inimicū est: Siquidē, ut trac. 3. ad Soltanum Babylonie Rabbi Moses autor est, ipsum reddit, sanguinēq; eius de albat. Stomacho præterea, iuncturis, et neruosis omnib. mali nonnihil immoderate



ratione usu ingenerat, articularesq; dolores, tremores, & paralyfin excitat. Proinde qui frigido sunt & sicco tēperamento, quiq; inualidū pectus, pulmonem, hepar, stomachū, et neruos habent, ab aceto abstineant, aut modicē saltem eo utantur.

Quarta, quōd generet melancholiam: Frigiditate enim sua & siccitate ipsum hepar refrigerat & exiccat, atq; ad generandam fecem melancholicam opportunum reddit, quæ deinceps facile in ueram melancholiam uertitur. Hippocrates lib. 3. de uict. rat. in morb. acu. apho. 38.

Quinta, quōd Veneris appetentiam rescindat & semen imminuat. Nimum enim attenuat, incidit, exiccat, & refrigerat. Cibariorum tamen appetentiam suscitāt. Harum facultatum libr. 3. ad Almanforem cap. 17. Rhazes etiam meminit. Acetum, inquit, frigidum est & siccum, maciem efficit, uirtutem destruit, sperma minuit, bilemque corroborat nigram, flauam uerō demolitur, sanguinemque debilitat, & cibos, quibus admiscetur, attenuat atq; incidit.

Vltimo tandem uersu tria comprehenduntur. Ac primum quidem, quōd macris noceat. Cū enim acetum excellenter attenuet, incidat, atq; desiccet, ex necessitate etiam maciem auget. Quippe, similibus, ut Galenus lib. 1. cap. 10. de sanitat. tuend. testatur, quemlibet excessum augescere par est, contrarijs uerō remitti aut minui.



## DE CONSERVANDA

Secundum, quòd noceat neruis: Exangues enim sunt: & cum tenue sit, ualde eos penetrat. Plura de hoc supra cap. 17. in acida cereuisia.

Tertiam, quòd immodicè pingua corpora emaciet: atq; eius quidem ratio iam reddita est. De aceto plura Dioscorides lib. 5. cap. 17. Galenus lib. 1. de simpl. medic. facul. cap. 19. & deinceps. & lib. 8. eiusdem operis cap. 22. & Simeon Sethi in Syntag.

## DE RAPIS. CAP. XLVII.



**R**apa iuuat stomachū, nouit producere uentum,  
Prouocat urinam, præstatq; in dente ruinam.  
Si malè cocta datur, tibi torsio sic generatur.  
Die



Die rüben seind dem magen leicht/  
 Darvon der windt im leib entweicht/  
 Der harm darzü/die zeen falln auß/  
 Seinds vbel köcht / kempt krummen drauß.

Hic tria cum primis raporum recensentur cō. Raporū  
 moda. Ac primum quidem, quod stomachum iu- commo-  
 uent. Secundum, quod flatus gignant. Tertium, da & in  
 quod urinam prouocent. Quæ sanè omnia de ijs cōmoda.  
 intelligi debent, quæ bellè, & præcipuè cum pino  
 quibus carnibus percoquumur. Ea enim iucun-  
 diora ac gratiora stomacho fiunt, satis tum nu-  
 triunt, tum impinguant, sed humentem ac fluxā  
 carnem creant, flatus & genitale semen generāt,  
 Veneremq; stimulant, urinam prouocant, fauces  
 leniunt, atq; thoracem, ac uisum præterea, ut A-  
 uenzoar & Auerrhoës testantur, peculiari qua-  
 piam proprietate roborant. Fertur etiam, quod  
 fibræ illorum, siue caudæ, aluum fortiter moueāt.  
 Atque hinc sanè uulgati excogitati sunt uersi-  
 culi;

Radix rapa bona est, comedenti dat tria dona,  
 Visum clarificat, uentrem mollit, bene bombit.

Secundo deinde loco duo eorūdem referun-  
 tur incommoda. Nam & dentes ledunt, & tor-  
 siones siue tormina in uentre suscitant. Atq; his  
 quidem malis cruda maximè obnoxia sunt. Pri-  
 mum enim non agrè modò dentibus franguntur,  
 uerum etiā minus iusto in uentriculo conficiūtur;



## DE CONSERVANDA

quo fit, ut & ipsa corrumpantur, et foetidos præ-  
terea halitus dentibus suggerant, acciduntq; dupli-  
ci ita nomine dentes offendi, cōmanducatione ni-  
mirum, & halitu. Deinde uerò ad istum modum  
liberalius ingesta, concoctu sunt difficiliora, ac  
flatulenta magis, stomachoq; noxia. Nonnunquā  
autem & uentrem mordicant. Quorum poste-  
rius etiam uulgato nobis indicatur uersiculo:

Ventum saepe rapis, si tu uis uiuere rapis.

Crebrior raporum usus crassum humorem ge-  
nerat, & obstructions iecoris parit. Ventrem  
nec sistunt, nec mouent. Inter radices tamen om-  
nes, quæ quidem edendo sum, rapa corporis nutri-  
tioni uel maximè conueniunt, idq; ex saporis iu-  
cunditate facile deprehenditur. Ea enim edulio-  
rum omnium natura est, ut amara, & quæ linguā  
cōtrahunt, minus, dulcia uerò magis alant. Rapa  
autem cū alijs radicibus dulciora sint, minusq;  
linguam contrahant, magis etiam alijs præstare  
alimentum, magisq; uictus salubris rationi conue-  
nire, consentaneum est. Sanguinem tamen crassio-  
rem & melancholicum generant, cū minus iusto  
in uentriculo, ob concoctoria facultatis imbecilli-  
tatem, conficiuntur. Coctionem autem diuturnio-  
rem postulant, eaq; sunt laudatissima, quæ, primæ  
ebullitionis aqua segregata & abiecta, bis perco-  
quuntur. Cruda, ob prædictas paulò antè causas,  
nullo modo edēda sunt. Cymæ raporum decoctæ  
man-



BONA VALETVDINE. 150

manduntur, & urinam cient. Rapum muria cō-  
ditum, uel cum aceto & sale sumptum, minus  
quidem alimenti sufficit, sed multò magis appe-  
tentiam recreat. Huius semen tritum & magna  
copia haustum, Venerem suscitāt. Fertur, quòd  
si quis hoc ipsum semen cum calamintha & Lem-  
nia terra commixtum sumat, eo die neq; ueneno,  
neq; morfu uenenati animalis lædi. Appensum in-  
guinum morbis peculiari quapiam proprietate  
medetur. Plura Dioscorides lib. 2. cap. 104. Pli-  
nius lib. 18. cap. 13. Galenus lib. 2. de alim. facul.  
cap. 62. & lib. 6. de simp. med. facul. cap. 98. &  
Simeon Sethi in Syntag.

DE ANIMALIUM VISCE-  
ribus. Cap. XLVIII.

**E** Geritur tardè cor, concoquitur  
quoq; durè.

Sic quoq; uentriculus, tamen exteriora  
probantur.

Reddit lingua bonum nutrimentum  
medicinæ.

Concoctu facilis pulmo est, citò labitur  
ipse.

Est melius cerebrum gallinæ, quàm re-  
liquorum.

Sie hertz sind nicht zudāwen güt/  
Der mag deßgleich im mittel thūt.

Sie



## DE CONSERVANDA

Die zung vnd lung mir wol gefelt/  
Der hünner hirn ist außerswelt.

**Cor.** Agitur hoc loco de natura & facultate uiscerum, quæ homines cibi causa ex animalibus secant. Recensentur autem numero quinque. Quorum primum quidem est, Cor tardè tum concoqui, tum per intestina descendere. Caro enim eius dura est, cui, ut agrè concoquatur, & tardissimè descendat, natura comparatum est. Testis Galenus lib. 3. de alim. facul. cap. 11. Cor, inquit, substantia quidem caro est fibrosa ac dura, idcirco que ad coquendum est difficile, & tardè permeat. Huc iecur quoque referendum uidetur. Nam, ut ibidem testatur Galenus, omnium animalium iecur crassius est succi, ac ad coquendum difficile, tardeque permeat. Renes itidem pravi admodum sunt succi, & concoctu difficiles. Galenus ibidem ca. 5. Secundum est, stomachum quoque agrè concoqui, & leniè transire. Est enim membrum cartilaginosa ac nerueum, neque faciliè in bonum sanguinem mutari potest. Cartilaginosa enim dura sunt, nerueæ uerò animalium particule succum absolutè pituitosum gignunt, Oribasio li. 4. synop. ad Eustathium filium ca. 7. teste, Galenus li. 3. de alim. fac. cap. 12. in hunc ferè modum de eo scriptum reliquit: Durior carnibus est stomachus, ob id, etiamsi ritè conficiatur, succum tamen gignet non planè sanguineum neque inculpatum, sed frigidiorē,

**Stomachus.**



diorem, ac crudiores. Proinde multū temporis  
 requirit, priusquā satis confici & in probum  
 sanguinem mutari queat. In extremis tamen par  
 tibus, nempe in fundo & orificio, facilius confici  
 tur, ut in quibus pinguior sit, & carnum naturæ  
 propinquior. Tertium est, Linguam boni esse  
 alimenti, idq; maximè, Auicenna lib. 2. Cano. cap. Lingua.  
 145. teste, circa radicē illic enim suauissima est,  
 facile concoquitur, & probum corpori alimentū  
 præstat: cum fungosa alioqui laxaue sit, & respe  
 ctu solidioris carnis parum alimenti habeat. In  
 ter omnes tamen porcellinæ præstantissimæ sunt,  
 ut quæ ablata circumcingente pellicula à structo  
 ribus ac prægustatoribus principum, carni æqui  
 parentur aprugnæ. Bouillæ ob exuperantem hu  
 miditatem parum in uictus salubris ratione com  
 mendantur. Quamobrem ipsis usuri obsonatricis  
 artis periti, caryophylla inserere solent, prius  
 quā assentur: sic enim illarum humiditas contē  
 peratur, edendoq; accommodatiores fiunt. Quar  
 tum est, pulmonem facile & concoqui, & per Pulmo.  
 intestina descendere: mollis enim admodum est et  
 rarus. Paulus libro 1 capite 8, hæc sic tradit:  
 Pulmo facilius quidem, utpote fungosus, conco  
 quitur, sed leuiorem cibum præbet, pituita gene  
 randæ efficax. Agnus uerò pulmo, licet pro  
 alimento minus conueniat, medicamento tamen  
 nim possidet. Impositu enim, ut autor est Diosco  
 rides



## DE CONSERVANDA

videtur libro 2. capite 37. & Galenus libro 11. de  
simpl. medic. facult. capite 8. attritus à calcea-  
mentis contractos ab inflammatione tuetur &  
sanat. Idem tradit Auicenna 2. Cano. capite  
**Cerebrū** 568. Quintum est, gallinæ cerebrum omnium  
esse præstantissimum. Vbi sciendum imprimis,  
cerebrum esse pituitosum, crassi, vitiosiꝑ; succi:  
Lentè transit, concoctioni aduersatur, stoma-  
chum ledit, & nauseam excitat: ideo rectè vul-  
go ad corrigendam frigiditatem et humiditatem,  
cum sale, & puluere zingiberis, aut piperis con-  
diri solet. Suillum naturæ inimicum est: Ovil-  
lum uerò, vitulinum, leporinum, cuniculinumue  
cum sale ac calidis speciebus mandi conceditur.  
Inter omnia tamen cerebrum gallinæ faciliè pri-  
mam laudem obtinet. Abundè enim nutrit, ge-  
nituali semini adiicit, & cerebri substantiam au-  
get, unde & his, qui tardiori leuioriꝑ; ingenio ac  
mente sunt, prodesse dicitur. Dioscoridi libro  
2. cap. 43. sanguinem à cerebri membrana proa-  
fluentem sistit. Quod Auicenna libro 2. Cano. ca-  
pite 129. & 296. ad fluxum sanguinis narium  
transtulit, nempe qui membranae cerebri vitio  
contractus sit. Cerebrum, inquit, gallinæ prohibet  
fluxum sanguinis narium, accidentem ex ue-  
laminibus cerebri. Plura de hoc supra cap. 9.

## DE SEMINE FOENICVLI.

Cap. XLIX.

Semen



**S**emen Fœniculi pellit spiracula cu-  
li.

Der fenchel samen treibt vnd jagt  
Die geng des hindertheyls mit macht!

Hoc in loco traditur, semen fœniculi, quod  
μαῖα & γοῦ Græcè dicitur, flatus dissipare atque Fœniculi  
expellere, idq; maximè ratione caliditatis. Nam,  
ut libro septimo de simpl. medic. facult. cap. 97.  
Galenus memoriæ prodidit, tam ualenter exal-  
facit, ut ex tertio ordine excalfaciendum conse-  
ri promereatur: desiccatur uerò non æquè, sed i-  
psam quispian in hoc primi esse ordinis posue-  
rit: proinde lac procreat: quod, si admodum de-  
siccaret, non sanè efficeret. Suffusis eadem ra-  
tione, auxiliatur, urinas mensq; ciet. Ex esu  
præterea seminis fœniculi manant & alia que-  
dam commoda. In febribus enim nauseam, & sto-  
machi feruorem ex aqua frigida potum sedat,  
stomachum purgat, oculorum aciem reficit, &  
cum uino decoctum uirulentorum uermium ictus  
sanat. Contrita radices, & cum melle illitæ,  
morsibus canum medentur. Quæ quidem omnia  
à nonnullis, memoriæ prospiciendæ gratia, hisce  
uersibus inclusa sunt:

Bis duo dat marathrum, febres fugat, atq; ue-  
nenum,

Et purgat stomachum, lumen quoq; reddit a-  
utum.

Transcri-



## DE CONSERVANDA

Transcripta autem ea sunt partim ex Dioscoride lib. 3. cap. 67. partim uero ex Auicenna li. 2. Cano. ca. 281. Quo sanè loco inter alia refert Auicenna, etiam Democritum existimasse, serpentes, & uermes uenenatos, recentis foeniculi semine pastos senectam exuere, oculorumq; aciem succo eius reficere, ueris initio, ubi latebris relictis in apricum prodierint. Vnde intellectum est, hominum quoq; caliginem præcipuè eo releuari. Plura hac de re Nicander sub exordium Theriacon, Plinius libro octauo capite 27. & libro 19. capite 9. & libro 20. capite 23. Macer libro primo capite 16. & Mesues capite primo de ægri tudinibus oculorum. Attamen quum concoctioni aliquantulum renitatur, & exiguum, prauiq; succi alimentum corporibus exhibeat, non ut alimento, sed ut medicamento potius foeniculo utendum est. Proinde alijs interim cibis ipsum uice condimenti, & ut eorum prauitatem corrigat, adhibemus. Quemadmodum enim petroselinum nonnunquam cum lactucis, ut earum humiditas & frigiditas contemperentur, sic etiã cum cucurbitis interdum, aut rapis, ut prauitas eorum minuat, foeniculum decoquere simul & mandere consueuimus.

DE ANISO. CAP. L.

Emendat





**E**Mendat uisum, stomachum con-  
fortat Anisum.

Copia dulcoris anisi sit melioris.

V



## DE CONSERVANDA

Das gsicht vnd magen Anis sterckt/  
Je süßer je besser nutz er wirckt.

**Anisi uti-**  
**litates.** Due hîc referuntur utilitates Anisi. Primò  
nanq; uisum emendat, & maximè quidem foris in-  
positum. Atq; hinc sanè apud Plinium libro 20.  
cap. 17. naturalis hist. Epiphoris oculorum è ui-  
no radicem eius tusam ab Iolla imponi solitam  
legimus: Ipsum cum croco pari modo & uino,  
& per se tritum cum polenta ad magnas fluxio-  
nes extrahendaq; si qua in oculos inciderint.

Secundo deinde loco stomachum roborare  
dicitur, quod profectò de semine eius potissi-  
mum intelligendū est. Illud nanq; ut li. 6. de simp.  
medic. facult. cap. 44. Galenus adserit, maximè  
utile est, acre & subamarum, ut propè ad uren-  
tium accedat caliditatem. Est autem & in siccan-  
do tertij ordinis, sicut & in calfaciendo. Stoma-  
chum igitur calfacit, et qui in ipso sunt, humores  
crassos, ac frigidos, lentosq; attenuat, incidit, li-  
quidosq; et expulsionì accommodos reddit. Infla-  
tiones quoq; quæ ab ijsdem proficiscuntur, discu-  
tit. Atq; hinc adeò fit, ut stomachus tum repurge-  
tur, tum exiccetur, & onere, quo grauatus fuit,  
depositoroboretur. Quinetiam uisui eadem ratio-  
ne cõferre existimandū est, quippe cui nihil æquè  
noceat atq; stomachi impuritas. Hinc enim impi-  
ri, foetidi, & turbulenti fumi ad oculos sublatis no-  
xam spiritibus uisui inuehunt. Melius ad hoc  
semper



## BONA VALETVDINE. 54

semper recens, plenum, non fursu-  
sum, dulcedine & odore præstans. Præter has utilitates &  
aliæ quàm plurimæ à Dioscoride lib. 3. cap. 56. Plin-  
io loco paulò antè citato, Serapione cap. 242.  
& Auicenna lib. 2. Cano. cap. 1. recensentur. Oris  
enim halitum iucundiores facit, doloris leuamen-  
tum præstat, urinam ciet, discutiendi vim habet,  
aquam quæ subijt cutem dissipat, potum sitim ex  
falsis humoribus contractam extinguit, animalium  
ueneris aduersatur, ualet ad inflationes. Aluum  
& alba foeminarum profluvia tostum sistit, lac  
ad mammæ elicit, Venerem stimulat. Dyspnœas  
à pituita profectas tostum purgat, cum melle sum-  
ptum melius. Vetustis & antiquis ex frigore he-  
paticis affectibus prodest. Iecoris, lienis, renum,  
uteri, ac reliquorum etiam uiscerum obstructio-  
nes tollit. Vias enim ab humoribus crassis, frigi-  
dis, ac lenis præclusas & obsessas aperit. Atque  
ob id febribus quoque opitulatur antiquis. Dolo-  
res capitis leuat, suffitum naribus: cum rosaceo  
tritum instillatumque fractis auribus medetur.

## DE SPODIO.

### Cap. LI.

**S**i cruor emanat, Spodium sumptum  
citò sanat.

V z



# DE CONSERVANDA

Gebzanter helffenbein verſtelt  
Das blüt/daß des kein tropff mehr felt.

**Spodium** Spodium sanguinis profluvia hîc ſiſtere tra-  
ditur: quod de Spodio ab Arabibus nobis descri-  
pto potiſſimum intelligendum uenit. Hoc, ut ex  
Auicenna 2. Cano. cap. 617. colligitur, non eſt ni-  
ſi radices cannarum arundinumue aduſtæ. Qua-  
re cum eo, quod Græci *αὐλῆ πῶδ' ῥοῦ* appellant,  
conuenire uidetur. Officinæ Platearij nuxæ teſti-  
monio, pro ſpodio tam Græcorum quàm Arabū,  
oſibus uſtis utuntur, quæ elephantis eſſe putant,  
quum ueriſimilius ſit bouis, uel alterius eſſe ani-  
mantis oſſa. Quocirca cum uerum & Græco-  
rum ſpodium, quod Tutia uocata ſpecies eſt, ha-  
beatur, ex officiis prorsus hæc combuſta oſſa  
proſcribantur, eiſq; in Græcorum compoſitio-  
nibus uſus ſit, in Arabum uerò compoſitionibus  
cannarum Indiæ ſpodio, aut ſi illud haberi non  
poſſit, radicibus cannarum noſtrarum aduſtis u-  
tendum erit. Græcorum ſpodium ſolum admo-  
uetur: Arabum uerò etiam ſumitur & deuoratur.  
Hoc ipſum itaq; ſanguinem undecunq; etiam ma-  
nantem hîc ſiſtere traditur: & maximè quidem,  
quod frigidum ſit & ſiccum, ualideq; adſtringat:  
aut certè, quod ſumptum ſiue admotum peculia-  
ri quadam proprietate hepar intemperie uel na-  
turali, uel quoquomodo aduentitia calidius, mo-  
deretur ac roboret. Hoc autem uiſcere ( quod  
princi-



# BONA VALETVDINE. 155

principium ac fons sanguificationis est) roborato, sanguis ab eodem melius etiam retinetur. Pulvis igitur eius cum stillatitijs liquoribus rosarum & plantaginis in nares iniectus αμορφαγία earundem curat. Idem cum succo plantaginis contra αμόρφοσιν & dysenteriam efficaciter sumitur. Quam & alia quamplurima ab autoribus spodio attribuuntur dotes. Siquidem cor quoque proprietate quadam corroborat, & spiritus claros ac solidos efficit: quapropter exhilarat etiam atque letificat. Potum, aut appositum calidæ cardiacæ, & contractæ ab effusione flauæ bilis ad os uentriculi syncopæ, calidoque cordis tremori auxiliatur: adiuuante scilicet talem ipsius actionem facultate adstrictoria, & maximè quidem in temperaturis calidis. In frigidis uerò cum croco temperatum eadem præstat. Febribus confert acutis, sitim sedat, & immodico cholerico alui profluvio atque uomitui subuenit. Pustulis quoque quæ in ore & lingua erumpunt, prodest. Feruorem furoremque flauæ bilis compescit, uentriculū roborat, ardori eius atque imbecillitati proficit, flauæque ad ipsum bilis inhibet effusionem. Contra melancholiam ex sollicitudine, timorem de præteritis, terrorem de futuris, & quaslibet animi perturbationes, efficax est. Vtiliter calidis oculorū abscessibus illinitur. Plura Rhazes li. 3. ad Almanforem cap. 36. Auicenna loco citato, & trac. 2. de




## DE CONSERVANDA

uiribus cordis, ca. 3. Auerrhoës li. 5. collec. ca. 56.  
Serapion ca. 331. et Leonhartus Fuchsius li. 1. ca.  
17. de cōposit. medic. Porro autem quemadmodū  
spodium peculiari hepatis roborandi facultate  
præditum est, ita et aliæ nonnullæ medicinae alijs  
singularibus quibusdam membris roborandis ac  
commodatæ sunt, ueluti macis cordi, moschus ce-  
rebro, glycyrrhiza pulmoni, capparis lieni, et  
galanga stomacho, id. quod uulgatis etiam his ce-  
uersiculis comprobatur:

Gaudet hepar spodio, mace cor, cerebrum  
quoq; moscho,  
Pulmo liquiritia, splen capp. stomachusq;  
galanga.

Annotatiuncula. Hepar priorem syllaba  
longam habet. Est enim Græcum ἥπαρ, qua-  
re contra naturam hic breuis posita est.

## DE SALE. CAP. LII.





**V**As condimenti præponi debet e-  
denti,

Sal uirus refugat, rectè insipidumq; fa-  
porat.

Non sapit esca probè, quæ datur absq;  
sale.

Vrunt res falsæ uisum, semenq; mino-  
rant,

Et generant scabiem, pruritum, siue ui-  
gorem.

Das saltzfaß stet zu tische trag/  
Es dempfft die gufft/gibt guten gschmag/  
Den augen schadt versaltzen ding/  
Es schwecht den sam / vnnnd mehrt den  
grindt.

*Tria hoc in loco peraguntur. In primis enim  
generale traditur præceptum, nemini hætenus,  
humaniori saltem atq; ciuiliori, non obseruatum:  
nempe ut uas condimenti, hoc est, salinum pri-  
mum in mensa apponatur: idq; adeò uulgatum u-  
biq; est, ut hisce etiam uersiculis decantetur:*

*Sal primò poni debet, primoq; reponi,  
Non bene mensa tibi ponitur absq; sale.*

*Duo deinde salis recensentur commoda: ac  
primum quidem, quòd uenenis resistat. Cuius du- Salis cõ-  
plex adsignari potest ratio: Vel quòd sal uim ha moda,*



## DE CONSERVANDA

beat uehementer siccam & adstringentem, atq;  
ob id quicquid in corporibus humidum est, id o-  
mne depascit, reliquum adstrictione leniter con-  
trahat, eiusq; rei testis est Galenus lib. 11. de simp.  
medic. facult. cap. 50. sic inquit: Nam sal quic-  
quid in corporibus humidum inest, id quodammo-  
do absument: & quod reliquum est substantie so-  
lide, adstrictione contrahit, ac proinde etiam co-  
ditura sua carnes seruat, & à putredine tuetur:  
Vel quòd sal non solum humores è corpore ducē-  
dos liquet, incidat, tenuet, purget, & exiccet:  
sed poros etiam, per quos ueneni uis in interio-  
ra corporis irruere solet, denset ac constringat,  
adeoq; penetrationem eius intercipiat & exclu-  
dat. Secundum uerò, quòd cibos condit, id est,  
sapidiores reddat: Nulla siquidem cibaria citra  
salis commistionem sapere, quotidiano discimus  
experimento Tertio demum loco salis, siue per-  
Salis siue salforum eduliorum, quatuor enumerantur no-  
cibario- cumenta. Quorum primum quidem est, quòd usus  
rum ni- præsertim immoderatiore urant, hoc est, corrum-  
mis salso pant, aut hebetem certè ac debiliorem reddant  
rum no- uisum. Cuius itidem duplex adsignari potest ra-  
cumenta tio: uel quòd oculi, ut suprà cap. 2. ex Aristotele  
ostendimus, sint de natura aquæ. Res uerò per sal-  
se humidam ipsorum substantiam exiccent & co-  
sumant, adeoq; hebetudinem ob id uisui adferant.  
Vel quòd à cibarijs persalsis in uentriculo exi-  
stemibus



stentibus mordaces admodum atq; acres resoluātur fumi, qui ad oculos sublatis ipsos acrimonia sua rodant, ac rubefaciunt. Atq; hinc sanè eos, qui salem excoquunt, rubros ferè oculos habere conspiciamus. Secundum, quòd Veneris appetentiā compescant. Nam cum omnes corporis exiccent & consumant humores, sperma quoq; necessario exhauriunt ac minuunt. Tertium, quòd scabiem generent. Acrem enim ac mordacem procreant succum, sanguinemq; adurunt, atq; hinc profectò scabies incidere consuevit. Quartum, quòd pruritus etiam excitent: mordacia enim ac pruritiosa generant excrementa. Horum nocuentorum Rhazes etiam meminit lib. 3. ad Almanso: cap. 17. Sal, inquit, sanguinem eorum, qui multā ex ipso sumunt quantitatem, adurit: uisum quoq; debilitat, atq; sperma minuit: pruritus generat, & scabiem. Ad hæc, serpiginem nonnunquam, et impetiginem, morpheamq; ac lepram progignit ijs, quorum corpora ad patiendum sunt parata. Quin urinarios etiam meatus, usu præsertim immoderato ac frequentiore excoriat. Modicè tamen salsa profligato fastidio appetentiā reuocant. Fertur præterea, quòd si sal cum aceto et succo rutæ permistus, pedum plantis diligenter infricetur, non noxam tantum ex uini crapula contractam curet, sed ijs etiam, qui cibos auersantur, Græci ἀροίτῃς appellant, aueritatem re-



## DE CONSERVANDA

stituat. Plura de Sale Dioscorides lib. 5. cap. 89.  
Galenus lib. 9. cap. 30. & lib. 11. cap. 50. de simp.  
medi. facul. Simeon Sethi in Syntag. Auicenna 2.  
Cano. cap. 624. & Mesues lib. 2. sec. 2. cap. 16.  
de medic. simp. purgantibus.

## DE SAPORIBVS, AC EORVM qualitatibus. Cap. LIII.

**H**l feruore uigent tres, salsus, ama-  
rus, acutus.

Alget acetosus, sic stypanus, ponticus  
atq;

Vinctus, & insipidus, dulcis dant tempe-  
ramentum.

Der schmack hat in sich neun gestalt/  
Die erstn drei heysß/die andern kalt/  
Die letzten drei das mittel haben/  
Diß neun thun vnser zungen laben.

Hic agitur de saporibus, siue qualitatibus gu-  
statorijs: Vbi sciendum imprimis, Saporem acci-  
pi pro omni eo, quod gustu dijudicatur. Species  
autem eius aliter ab alijs numerari solent. Gale-  
nus lib. 1. de sim. med. fac. cap. 38. non facile nume-  
ro comprehensibiles esse tradit, à Theophrasto  
li. 6. de causis plantarum ca. 1. & 4. eius octo re-

Sapores sensentur differentie, exempli gratia, dulcis,  
octo. pinguis,



pinguis, austerus, acerbus, acris, salsus, amarus,  
 & acidus. Quibus nonum quoq; nonnulli adijci-  
 dum putarunt, nempe insipidum, quem ἄωσιον  
 Græci uocant, quod extra omnem sit insignem tñ  
 caliditatē, tum frigiditatem, mediam, quoad fieri  
 queat, constitutionē obtinens, qualem præbet sen-  
 sum aqua planè omnis qualitatē uacua. Ex quib.  
 tres calfacere hoc loco traduntur, nimirum sala-  
 sus, amarus, & acris. Sed in his non parua est ma-  
 ioris minorisq; ratio: Siquidem acre, ut Auicen-  
 na 2. Cano. trac. 1. cap. 3. confirmat, est calidius,  
 hinc amarum, deinde salsum, quoniam acre maio-  
 rem uim habet resoluēdi, incidendi, & abstergen-  
 di, quàm amarum: Salsum uerò est uelut amarum  
 frigida aliqua humiditate retusum, bebetatumq;.  
 Secūdo deinde loco tres ex saporibus statuuntur  
 frigidi: Acidus uidelicet, austerus, & acerbus. Ex  
 quibus acerbus tamen frigidior existit, mox auste-  
 rus, deinde acidus. Quod sanè perspicuum euadit  
 in omnibus fructibus qui dulcescunt. Principio e-  
 nim acerbi sunt uehementis infrigidationis: pro-  
 cessu deinde temporis cum per solarem calorem  
 aliquo modo ad concoctionem ducti fuerint, auste-  
 ritas in eis sentitur, qua sensim deposita, acidita-  
 tem acquirunt, sicut ὀξυπᾶνες, hinc dulcedinem  
 tandē adsciscunt. Acidū uerò quamuis acerbio-  
 rius sit frigidum, tamen ob subtilitatē & penetra-  
 tionem suā eò in pluribus maioris est infrigidatio-  
 nis.



## DE CONSERVANDA

nis. Acerbum autem & austerum in sapore sunt propinqua, sed hoc nihil linguae præter extimam eius superficiem contrahit: illud uero non modo extimam superficiem, uerumetiam interiora eius contrahit atque exasperat. Postremo uero tres dicuntur temperati, id est, mediæ qualitatis, ita ut corpus neque refrigerent excellenter, neque calfaciant: nempe dulcis, pinguis, & insipidus. Dulce enim licet calidum sit, in ipso tamen non apparet excellentia caliditatis, ut libro 3. ad Almanso. cap. 1. Rhæza usum est. Porro suæ cuique ac propriæ saporis adsignantur facultates. Dulcia enim concoquunt, emolliunt, rarefaciunt, laxant, plurimumque corporibus exhibent alimentum, & impinguant. Cum enim naturæ sanguinis nostri & carnis proximè congruant, lingua auidè excipit, ac uoluptate ac dilatatione afficitur, et fruens non leditur, non exulceratur ab eis, nec refugit ea, ut amara seu acria. Ac sanè quicquid nutrit, ex genere dulcium esse oportet. Nam dulcia ungunt, implent, & restitunt erosas particulas. Sed interdum excellenter dulcia nocent: quia cum sint ualde calida & ærea, citò in igneam naturam transeunt, ut mel et saccharum celerrimè uertuntur in rubram bilē. Quare auidius usi saccharo sæpe periculose inflammantur. Ad hæc, dulces cibi intemperantius eduntur, humorisque copiam generant, quam sequuntur



BONA VALETVDINE. 159

Sequuntur interdum uel putrefactiones, uel ob-  
structiones & abscessus hepatis atq; lienis: et ma-  
ximè quidem cum hæc uiscera ad patiendum ac-  
commodata fuerint. Stomachum quoq; relaxant  
admodum, & aluum cient. Pectori tamen conser-  
runt & pulmone, genitaleq; semen augent.

Amar a meatus per purgant, abstergunt, exte-  
nuant, humorum crassitiem incidunt, & linguam  
mordent, suntq; in natura terrestri, crassa, in qua  
excedunt calor & siccitas, ut in Bile, Nitro, Mar-  
rubio, Absinthio. Immodico usu sanguinem citò  
adurunt & corrumpunt, bilemq; augent rubrā.

Acerba, Græcis σφραγὴ appellata, recemio-  
res pomica, à pungendo uocant, quo uerbo medi-  
ci quoq; libenter utuntur, linguam contrahunt,  
& introrsum pellunt, ideoq; constipandi, densan-  
di, & adstringendi uim habent. Suntq; in natura  
terrestri, crassa, frigida, & sicca. Ideo enim acer-  
bus sapor dicitur esse tardior, quàm acidus, quia  
acidus est in natura tenuiore minus terrestri.

Acerba sunt, ut, fructus glandiū, pyra syluestria,  
& in genere immatura poma, mala cydonia, ac  
magis immatura. Nam postquam maturuerunt,  
fit mixtus sapor ex acerbo & dulci, sicut nucum  
ex acerbo & pingui. Sunt σφραγὴ & fructus,  
qui uulgo Ribes dicuntur, Germanicè Sanct  
Johans treubel. Item castaneæ, corna, et poma  
Cynosbati, uulgo Hainboten.

Auster 1.



## DE CONSERVANDA

Austera, Græcis αὐστηρά, medicis etiam nostri temporis συσφικα, à uerbo Græco σύφω, dicta, contrahunt, constringunt, densant, incrassant, et infrigidant. Sunt enim in natura terrestri, crassa, frigida & sicca, sed plus habente caloris & humiditatis, quàm habent acerba. Frequentiore in cibis ac immoderatiore usu humores abundè extenuant, inaniantq; eoq; sanguinem gignunt melancholicum, et corpus reddunt gracile. Venterculum tamen, quemadmodùm Gale. id ipsum in lib. de cibis boni et mali succi ca. 17. attestatur, corroborant. Omnia, inquit, quæ egregiè austera sunt, laxum stomachũ ac uentrẽ firman, ac tum præcipuè, cùm calida intemperie affecti sunt. Hac enim de causa, atq; etiã ad alui fluctiones sistendas, austeris utimur uinis. Iuuat enim uenterculũ natia siccitate, & aliquantulũ adstringunt. Pingua siue oleosa, quæ Græcis λιπαρά, et uulgo unctiosa nominatur, dulcibus uicina sunt, aqueæ & aëreæ substantiæ: leniunt, emolliunt, lubricant, laxant, concoquunt, maturant, et humectant, sine manifesta tamen calfactione. Hæc si sint mediocria, optimè nutriunt: Sed immodicè pingua supernatant, abominabilia sunt, et nauseabunda, uenterculũ resupinant, coctionem impediunt, flatu & obstructions generant. Ad hæc, cibi quoq; antequàm edendo natura satisfactũ sit, satietatẽ adferunt. Quod Gale. ni testimonio confirmatur, qui lib. 3. de alim. fac. cap.



cap. 26. ita scriptum reliquit: Pingua & lenta cibaria, statim ut sumpta fuerint, celeriter implent, & appetentiam euertunt. Præterea, quod maius est, compluribus deinceps diebus ipsorum esum non sustinemus. Febricitantibus, ac ijs etiam quibus stomachus atq; hepar calidiora sunt, non æquè ut alijs conferunt: ipsis enim facillè accenditur & in flauam bilem transeunt. Reliquis uerò phlegmatis generant copiam, somnolentiam pariunt, rationali m̃q; mentis partem reddunt hebetiorem. Carnium tamen atq; olerum coctura non mediocriter tribuunt condimentum.

Acrida, Græcis *ἄκρινα*, & uulgo acuta, non solum mordent ac rodunt linguam, sed etiam penetrant, urunt, ulcerant, aperiunt, flatum dissipant, tenuant, incidunt, separant, resoluunt, è longinquo attrahunt. Sumq; in natura tenui, in qua excedunt caliditas & siccitas: & superant calore res amaras: Vnde calorem augent, & corpus uelociter inflāmant, ac sanguinem adurunt, ipsumq; in bilem prius rubram, deinde in nigram conuertunt, siccant etiam, emaciantq; ac sitim faciunt. Acrida autem sunt, ut piper, zingiber, allium, cepa, calx, & granum gnidium, quod *Kellershalß* Germanicè uocamus.

Salsa, Græcis *ἁλμυρά*, incidunt, tergent, tenuant, liquant, mordent, condiendo seruant, et à putredine uindicant, conturbant, subuertunt uentriculum,



## DE CONSERVANDA

iriculum, & ad uomitum impellunt, desiccant  
citra apertam aut caliditatem aut frigiditatem,  
sitim excitant, exasperant, radendo expurgant,  
& aperiunt. Plura supra cap. 52.

Acida, Græcis ὀξέα, uulgo acetosa, mordendo  
constringunt, & refrigerant, penetrant, incidunt,  
extenuant, diuidunt, tergent, sæctu liberant, per  
purgant citra excoactionem. Suntq; in natura  
tenui, frigida & sicca, in qua dominatur frigidi-  
tas. Nam quæ sunt tantum acida, sunt præcipue  
frigida, ut ὀξάλις, quæ uulgo acetosa, & Germa-  
nicè Saur ampffer nominatur: quia hæc purè  
hunc saporem habet. Est & species mali pu-  
nici uerè acida. Alia quædam sunt mixtæ qualita-  
tis, ut acetum, quod est subacre, quia etsi frigidum  
est, tamen retinet obscurum calorem ex uini cor-  
ruptione: inde fit subacre, sed tamen dominatur  
frigidity. Cum enim exhalant aëreæ partes, &  
reliquæ manent terreæ, dilutæ aquosa tenui par-  
te fit Acetum sua natura frigidum. Acida sangui-  
nis atq; rubræ bilis feruorem compescunt, & ut  
lib. 4. Synops. ad Eustathium filium cap. 29. Ori-  
basius attestatur, cum in uentriculo succum cras-  
sum inueniunt, eundem incidendo aluum subdu-  
cunt, & ob eam causam feces liquefaciunt. At si  
purum uentriculum inueniant, eum magis suppri-  
munt. Corpus in frigidant ac desiccant, concocto-  
riam hepatis facultatem debilitant. Neruis etiam

ac



## BONA VALETVDINE. 161

ac neruosis omnibus nocent. Appetentiam tamen  
 cient: quia humores uitiosos in orificio collectos  
 diuidunt & pellunt, & mordicatione non uren-  
 te irritant uentriculum. Ex insipidis quædam ma-  
 gis nutriunt, nempe quæ propius ad æqualitatem  
 accedunt: quædam uerò mediocriter calfaciunt,  
 aut refrigerant: Quæ sanè si multa etiam humidi-  
 tate prædita fuerint, humectantium, sin uerò sic-  
 citas in eis exuperet, exiccantium ordini adscri-  
 benda ueniunt. De his omnibus plura Galenus in  
 lib. de simp. medic. facul. præsertim lib. 5. cap. 25.  
 Paulus lib. 7. cap. 1. Aëtius lib. 1. cap. 1. Rhazes li-  
 bro 3. ad Almanfor. cap. 1. Serapion sermo. 2. de  
 tempera. simpl. Auicenna lib. 2. Cano. trac. 1. ca.  
 3. Mesues lib. 1. Theorem. 1. & Philip. Melanib.  
 in lib. de Anima.

## DE VIPPA. CAP. LIIII.





## DE CONSERVANDA

**B**ls duo uippa facit, mundat dentes, dat acutum

Visum : quod minus est implet, minuit quod abundat.

Sie zeen ein weinsuppe reingen sol/

Sie scherpfte die augn/ vnd dawer wol.

**Vippa.** Hic quatuor recensentur commoda Vippæ : Primò dentes mundat. Panis enim uino imbutus

diutius circa dentes moratur, atq; eam ob causam facilius etiam faculemiam materiam ipsis obhaerentem absterget ac consumit, quàm uinum per se sumptum. Deinde uisum acuit: Malos enim fumos, qui è uentriculo cerebrum petunt, suaq; permissione spiritus uisuos obscurant, reprimunt: adeoq; materias prauas stomacho inhaerentes concoquit, incidit, & deorsum pellit. Tertiò cruda concoquit: quia os uentriculi leni quadam adstrictione claudens concoctoriam facultatem roborat, plurimumq; alimenti corporibus exhibet.

Quartò uerò uitiosorum humorum multitudinem minuit: Eos enim concoquit, incidit, exiccatur & deorsum expellit: idq; maxime, si panis asfatus prius, aut super prunis exiccatus fuerit.

Quin eodem etiam modo superflue concocta ad vomitum præuocat. Per rò Vippa Germanicè dicitur ein weinsuppe. De ea Hermolaus Barbarus cap. 95. lib. 5. corollarij in Dioscoridem

ita



BONA VALETVDINE. 162

Ita scribit: Erat ueteribus ientaculum, buccula  
ex uino, quod genus Barbari, à uino & pane uip  
pam uocant. De quo Athenæus libr. 1. Deipnos.  
sic ait: πρωϊνὸν ἐμβρωμα, ὃ ἡμεῖς ἀκρατισμὸν  
καλεῖμεν, διὰ τὸ ἐν ἀκράτῳ βρεχέειν. ἢ προσέ  
κειτο ψωμῶς. i. matutinum edulium siue ientacu  
lum, quod nos ἀκρατισμὸν uocamus, propterea  
quòd panis buccella mero tingantur. Lege de eo  
dem Plutarchum in Sympo.

DE DIAETA. CAP.  
LV.

**O**Mnibus ad suetam iubeo seruare  
diætā.

Quod sic esse probō, ni sit mutare ne  
cesse.

Hippocrates testis, quoniam sequitur  
mala pestis.

Fortior hæc meta est medicinæ, certa  
diætā.

Quam si non cures, fatuè regis, & ma  
lè curas.

Was speiß vnd wie du essen pflegst/  
Verander nicht/vnd wiß darnechst/  
Dass die verandrung frantzheit bringet/  
Doch wirt der not offte nachgehengt/  
X 2



## DE CONSERVANDA

Cum primus precipuusq; non solum morbi causa  
in suis curandi, sed sanitatis etiam tuendae scopus,  
ut in libro, qui de facile parabilibus inscribitur,  
cap. 28. & in praesagio experientia confirmato  
ca. 5. & in libro de attenuante victus ratione ca.  
1. Galenus adserit, in exacta victus ratione consi-  
stat: operae precium fuit de ea etiam hic aliquid  
praescribi. Praecipitur ergo imprimis, ut seruetur

**Dieta.** consueta dieta. Per quam sane administratio sex

**Consue-  
tudo.**

rerum non naturalium modo intelligenda uenit.  
Et ratio quidem est, quod transgressio a consue-  
tudine noceat nocumento magno. Consuetudo e-  
nim est altera natura: quia, ut lib. 1. cap. 11. rheto-  
ricorum ad Theodecten, & lib. 7. cap. 10. Ethicorum,  
& cap. 2. de memoria & reminiscencia,  
ab Aristotele scribitur, consuetudo est eorum,  
quae ut saepe, siue ut plurimum fiunt: natura eor-  
um, quae ut semper. Saepe autem & semper sunt  
sibi inuicem propinqua. Quod est ergo diu ad-  
suetum, in naturam ferè transiit: quemadmodum  
igitur naturam custodire oportet, ita & consue-  
tudinem, si laudabilis fuerit. Et quemadmodum co-  
sueti cibi & potus administratio, eadem ratione  
& aliarum rerum non naturalium obseruanda  
est. Vnde si quis consuetus multum laborare, ue-  
lit hanc consuetudinem immutare, ocioq; indul-  
gere, minusue laborare, uel aliud laboris genus  
adsumere, idq; alio & tempore & modo, ille pro  
culdubio



culdubio multum ex hoc debilitabitur. Idem intelligendum de cibo ac potu, somno & uigilia, repletione & inaritione, & animæ accidentibus. In quibus omnibus consuetudinem obseruare decet, & maximè quidem si sit laudabilis, uel ab hac non multum declinet, siue medium etiam locum inter bonam ac malam obtineat: respectu nimirum illius ad quod fieri debet permutatio. Porro quanta sit uis consuetudinis, uel inde colligas, quod debiles & senes consuetos labores facilius ferant, quàm fortes atq; iuuenes inconsecutos, quod profectò lib. 2. apho. 49. Hippocrates etiam hisce uerbis confirmat: Qui consueti solitos labores ferre, etsi fuerint imbecilles & senes, non consuetis, fortibus, atq; iuuenibus facilius ferunt. Quod dicit, inquit Philotheus, tale est: Sunt duo, hic quidem senex, ille autem in consistenti ætate, ambo incipiunt fodere, & huic quidem seni concingit rectè fodere, illi autem, qui est in consistenti ætate, non rectè: seni quidem ob consuetudinem rectè, quamuis sit imbecillus, iuueni autem non rectè, cum non adsuetus sit. In uniuersum enim oportet cognoscere, fortiores alijs fieri partes, quæ exercentur, & hac de causa solitos labores facilius sustineri. Ex hoc autè particulari exemplo licet nobis & de omnibus ratiocinari. Deinde uerò malam pestem, hoc est, maximum periculum ex repentina consuetæ diætæ permutatione se-



## DE CONSERVANDA

**M**utatio qui, confirmatur autoritate magni Hippocratis.  
 Subita non nempe ex 2. lib. de uict. rat. in morb. acut. apho.  
 cet.

21. & 22. ubi sic inquit : Atqui facile est hoc ad-  
 discere, quòd simplex uictus cibi ac potus, ipse si  
 bi ipsi semper similis, securior omnino est ad sa-  
 nitatem, quàm si quis repente ad alium meliorem  
 magnam mutationem faciat. Nam & his, qui bis  
 in die cibum sumunt, & his qui semel, repentinae  
 mutationes noxas ac egritudines inducunt. Et  
 eos sanè qui prandere non adfueti sunt, si pran-  
 si fuerint, statim infirmos facit hoc, & toto cor-  
 pore graues, & debiles, & pigros &c. Aelianus  
 quoq; ab initio libri 5. de uaria historia, Tachi  
 cuiusdam exemplo, admodum disertè nobis signi-  
 ficauit, quàm periculosa sit repentina diætæ per-  
 mutatio. Tachos Aegyptius, inquiens, donec u-  
 sus est uernaculo uictu, & frugaliter uixit, omni-  
 um hominum fuit sanissimus, Postquam uerò ad  
 Persas uenit, & in illorum luxum delapsus est,  
 cum non posset ferre insolentiã ciborũ, uitam in  
 dysenteria transiegit, & luxuriam cum morte cõ-  
 mutauit. Quanquam autem non sanis tantum,  
 sed agris quoq; adfueti uictus ratio diligenter  
 obseruanda præcipiatur, haud tamen rarò inci-  
 dit eius permutandæ necessitas : quando nimi-  
 rum illaudabilis existit, ita ut, nisi permutetur,  
 perniciose inde consequamur egritudines. Ta-  
 lis autem eorum est, qui prandium aut coenam  
 prauis



prauis terminare solent alimentis. Eiusmodi igitur consuetudinem necessarium est corrigi ac permutari, non quidem subito, sed paulatim & ordinatè. Omnis enim subita permutatio uehementer nocet, maximè si à consueto ad inconsuetum transitus fiat. Hinc est quod in libro de natura hominis, ita scriptum reliquerit Hippocrates: Detrahendi sunt cibi ac potus, quibus uti cōsueuerunt, idq; paulatim facere oportet. Nam si quis citò dietam permutet, periculum est etiam a permutatione aliquid in corpore nouatum iri. Quinetiam laudabilem uictus rationem interdū mutari necesse est, quo, si quando necessitas incidit, natura non offendatur insolentia, nouitateq; neq; renuat, neq; recuset. Nam qui omni diætæ sese adsuefacit, minus læditur, cū ad inconsuetam transire cogitur. Eadem in alijs quoq; rebus nō naturalibus ratio est. Quod Hippocratis etiā testimonio confirmatur, qui li. 2. aph. 50. ita scriptum reliquit: Quæ ex longo tempore consueta sunt, etsi deteriora sunt, insuetis minus molestare solent. Oportet igitur ad insueta permutari. In cuius quidem sententiæ explicatione Philotheus inter cetera sic inquit: Cū enim quodq; ipsorū factū sit peculiare, minus lædit, quāuis ex sua natura molestū sit, si nondū in cōsuetudinē uenerit. Verbi causa solitus est aliquis manna comedere, hic si ad bonū cibū sumendū cōuertitur, læditur.



## DE CONSERVANDA

cū adſuetus non ſit : adſuetus eſt aliquis aqua  
 potioni, ſi præter conſuetudinem bibat uinum, of-  
 fenditur, quoniam cōſuetudo contemnitur. Opor-  
 tet igitur ad inſueta permutari, ut, ſi neceſſe ſit,  
 ea, quæ offeruntur, ferre poſſimus. Vtenti enim  
 copioſo nutrimento, oportet etiam parum cibi  
 quandoq; aſſumere, ut, ſi coningat, ferat etiam il-  
 lius uſum. Hinc eſt, quòd Cornelius Celfus lib. 1.  
 cap. 3. in hunc etiam modum ſcripſerit : Nimiſ o-  
 cioſa uita utilis non eſt, quia poteſt incidere la-  
 boris neceſſitas. Neq; etiam ex nimio labore ſubi-  
 tum ocium, neq; ex nimio ocio ſubitus labor ſine  
 graui noxa eſt. Huc igitur reſpiciens Hippocra-  
 tes rectiſſimè conſulit, conſuetudinem eſſe mutan-  
 dam. Proinde non temerè à Plutarcho in libro  
 de tuenda bona uale tudine, in hunc modum ſcri-  
 bitur : Exacta illa & uehementer ad unguem, ut  
 dici ſolet, obſeruata uitæ ratio, ſimul & corpus  
 formiduloſum reddit, ac periculis obnoxium, &  
 animi frangit uigorem. Quocirca cauere quiſq;  
 debet, quemadmodum lib. 4. cap. 10. ad Almannſ.  
 prudentiſſimè Rhazes monuit, ne alicuius rei ſibi  
 conſuetudinem faciat, quam deinceps ipſum ob-  
 ſeruare neceſſe ſit. Exempli gratia : Si quis uno  
 cibo conſuetus ſit uti, uel aliquo potu, uel omnino  
 ab eis abſtineat, uel dormire, uel moueri, uel ege-  
 rere, Veneriue indulgere conſueſcat : & ab ali-  
 quo iſtorum impetuoſè irritetur, maximum in-  
 curret



curret nocumentum, si ab eis abstinuerit. Quapropter quisq; corpus suum debet ita præparare, ut caloris & frigoris patiens esse possit, & ad motiones & cibaria sibi necessaria aptum reddatur, & ut somni & uigiliarum horas, atq; mansiones & domos sine læsione permutare queat. Fortassis enim ex necessitate id ipsum quandoque facere cogetur. Poterit autem commodè, si consuetudinem non obseruet ad unguem, sed interdū ad insueta transeat. Porro quo tempore, quòue modo consuetudo mutanda sit, copiosè admodum docent, Galenus lib. 5. cap. 8. & lib. 6. cap. 3. de sanita. tuen. & lib. 8. cap. 9. metho. meden. Conciliator different. 98. & Hieronymus Cardanus lib. 1. trac. 6. Comradic. 2. Tertio demum loco traditur, fortio rem ac potio rem medendi metam esse, certam dietam: Quam sanè si medicus curare noluerit, ac aliam quandam, eamq; non satis commodam administrauerit, stultè ægrum regere, ac malè curare meritò dicetur. Sciendum est autem, apud Galenum hæc alimentorum genera inueniri, copiosum, medium, tenue. Copiosum est sanorum cibus, qui non solum uires conseruat, sed etiam auget. Medium ad sanos etiam spectat. Nam uires quidem conseruat, non tamen auget. Tenue, id est, quod uires quidem comminuit, ea tenus tamen ut non exoluamur. Hoc ab autoribus in multas partes diuisum est, nempe in tenue



## DE CONSERVANDA

simpliciter, in tenue exquisitè, in tenuissimum citra adiectionem, & in tenuissimum in extremo. Tenue simpliciter per pauca, aut ea quæ parum nutriunt, edulia fit, cuiusmodi est ptisana succus, mulsa, & sorbitio ex alica. Tenue exquisitè, ubi ptisana succus exigua sumitur quantitate. Tenuissimum citra adiectionem, per mulsam aquam, siue melicratum fit solum. Tenuissimum uerò in extremo, per solam mediam ad iudicationem usque progreditur. Copiosum autem uel est, ubi tota ptisana sumitur, uel copiosius, ubi pisces, oues, & ius carniū: uel copiosissimum, ubi caro. Medium autem horum est, ut panis lotus, uel placenta. Sani homines non solum conseruandi, sed augendi etiam sunt, propterea alimentum copiosum illis competit. Qui uerò aegritudine longa laborant, uires augere non debent, sed bene conseruare: aliter usque ad finem non sufficerent, propterea hi medio uictu cibandi sunt, qui etiam sanis conuenit, in quibus uires augere non cupimus, sed illas solum conseruare animo est, quas etiam in longo morbo totis uiribus seruare studemus. Quum uerò aegritudo breui terminatura est, si quarto die finire debeat, aliquid dare non est opus, iuxta illud Hippocr. lib. 1. apho. 6. Extremis morbis extrema exquisitè remedia optima sunt. Imò si uires sufficerent, & in septimo terminatura esset, nihil penitus dandum esset, nisi post illum terminum.



terminum. Hac de re plura, & cognitu non indig-  
na reperies apud Hippocratem lib. 1. aph. 4. 5.  
& 6. & ibidem apud Galenum & Philotheum  
in comment.

DE ADMINISTRATIONE

dietae. Cap. LVI.

**Q**Vale, quid, & quando, quantum,  
quoties, ubi, recta

Debent hæc medico in uictus ratione  
notari,

Ne malè conueniens ingrediatur  
iter.

Ein Arzt sehe auff der Francken speiß/  
Was er in geb/vnd welcher weiß/  
Wie vil/wie offt/zu welcher zeit/  
Vnd wie/daran nicht wenig leit!

Sex circumstantias medico in præscribenda  
uictus ratione cōsiderandas esse, hoc in loco tra-  
ditur. Prima, quale: hoc est, cuius qualitatis cibus  
exhibendus sit: quia in calida ægritudine cibus fri-  
gidus, in frigida calidus, in humida siccus, in sicca  
uerò humidus conuenit. Corpus tamen quod se-  
cundum naturam est, similem semper uictum po-  
stulat: quemadmodum quod præter naturam est,  
contrarium. Siquidem quod naturaliter se ha-  
bet, custodire: quod præter naturam est, tollere  
oportet.



## DE CONSERVANDA

oportet. Sed de hoc plura Galenus cum alibi sepe, tum maxime in Arte medicinali cap. 86. & lib. 8. cap. 9. meth. meden. Secunda, quid: id est, cuius substantie: Athletis enim ac rusticis, ijsq; qui quamlibet actionem fortem ac uehementem obediunt, cibus exhibendus est crassus ac durus: quia facultatem concoctoriam possident fortem, neq; tenuis substantie cibus, uelut est caro pullorum, caporū, uulorum, agnorum, hœdorum, & similium, ipsis competit: quippe quæ in ipsis uel adurere-tur, uel, quàm par est, citius conficeretur, ita ut sæpius ob id cibari cogerentur. Non temerè igitur inquit Glossa delectabilis in l. Seruis urbanis, in principio. ff. de leg. tertio. Rustici non debent uti pane albo, uel pullis, aut alijs delicatis cibarijs: sed pane grosso, casco, capis, & fabis. Porro nobilibus atq; ocio deditis hominibus tenuis substantie cibus magis congruit: quippe qui uirtutem concoctricem habeant debiliorem, quàm ut crassos cibos, cuiusmodi sunt salsæ suum atque boum carnes, & pisces sole, aut uento, aut fumo indurati, superare queant. Pari modo & in egritudinibus acutis tenuiore utendū est diæta, quàm in chronicis. i. longis, sicuti quartanis. Tertia, quando, id est, quo potissimum diei tēpore cibus adsumi debeat: in sanis enim consuetudo maxime obseruanda est. Vnde hominibus manè surgen-  
tibus



tibus, & bis tantum in die cibum sumemibus, estate quidem prandendum est hora decima, uel paulò antè, neq; differendum donec propinquet meridies, ut qui maximum æstum importare soleat. Coenandum hora sexta, uel paulò pòst. Hyems uerò ijsdem ob somni prolixitatem prandendum est hora undecima, uel duodecima: Coenandum hora septima, uel paulò pòst: sed ita tamen, ne quid præter consuetudinem fiat. Quinetiam in ægris cibandis temporis habenda est ratio, præsertim in febricitantibus. Siquidem in ipsis paroxysmis, uel non multò ante futuram accessionem à cibis abstinendum est: quòd nimirum naturam, quæ circa morbi materiam tum occupata est, cibus oblatus distrahat, atq; adeo humores morbi efficietes adaugeat. Neq; immediatè post paroxysmum cibus dandus est, quippe quem facultas à febris intemperie deiecta nondum superare queat. Quapropter tamdiu antè sequentis accessionis initium exhibendus est, ut prius quàm ea appropinquet, decenter in uentriculo coquatur, & ad inferiores partes descendat. Idq; in illis potissimum ita obseruandum, quibus uirtus adhuc satis ualida existit. Is uerò, quibus uires prosteruntur, dandus est cibus quocunq; tempore, etià in uigore. Cuius rei testis est Galenus, qui lib. 2. apho. commen. 9. ita scribit: Aliquando in ipso etiam morbi uigore, ubi symptoma aliquod inter-

uenerit



## DE CONSERVANDA

tenerit robur naturæ dissoluens, nutrire cogi-  
 mur. Quod idem copiosius etiam monstrat libro  
 10. cap. 3. & 5. meth. meden. Hæc omnia de paro-  
 xismo Stephanus Atheniensis in primum librum  
 Galeni ad Glauco. comment. 39. multo clarius in  
 hunc modum exponit: Sciendum sanè est, natu-  
 ram egere semper alimento, quod basim ac sedē  
 illius, quod digestum est, ipsi repleat. Sed hoc i-  
 psū alimentum præcipuè dandum est, quando  
 ipsum concoquere, ac cōficere potest. Concoquit  
 autem quando pura ac integra est, nec à febris ca-  
 liditate uexatur. Quare in interuallo dandum id  
 est. Si enim in acceßione demus, facultas quæ à fe-  
 bris intemperie deiecta est, ipsum superare non  
 potest. Alimentum autem non concoctum materia  
 fit febris. Et hoc est, quod Hippocrates li. 1. aph.  
 11. ait: In acceßionibus subtrahere oportet: nam  
 addere nocuum est. Dandum igitur est alimentum  
 in interuallis. Sed hæc dici possum in intermitten-  
 tibus. In cōtinuis uerò quid utiq; quis faceret? ne-  
 que enim in his inuenire licet remissum ac quietū  
 tēpus, uerū cōtinua est febris. Tamen in his etiā  
 fit  $\mu\delta\omicron\pi\upsilon\epsilon\grave{\xi}\iota\alpha$ . i. febris diminutio, quæ interual-  
 lum imitatur: tuncq; alimentū dandū est, non quā-  
 do accedūt. Hæc ille. Plura & ad præsenē specu-  
 lationem maximè facientia habentur apud Brudiū  
 Lusi. lib. 2. ca. 9. de uictu febricitantiū. Quarta,  
 quantū. i. quamitas sumendi cibi: quæ profectò in  
 astate,



BONA VALETVDINE. 169

estate, ut sup. ca. 19. diximus, minuēda est: quòd  
tū ob immodicas resolutiōes calor innatus debili-  
or existat: Hyeme uerò augēda, propterea quòd  
cōcoctoria facultas id tēporis ob frigus ambiētis  
roboretur Quinta, quoties, in die uidelicet cibus  
exhibēdus sit. Est enim estate quā hyeme, autu-  
mno, aut uere, sēpius exhibēdus, sed minori quan-  
titate. Pari modo facultate cōcoctoria debili exi-  
stente, sēpe sed parua quātitate dandus est. Eadē  
uerò robusta existente, dandus est quidē quan-  
tita magna, sed rarius. Sexta, ubi, id est, quo in lo-  
co: Cibus enim neq; in loco frigidiore, neq; calidio-  
re sumendus est, sed temperato.

DE CAULE. CAP. LVII.



**I**Vs caulis soluit, cuius substantia  
stringit,  
Vtraq; quando datur, uenter laxare pa-  
ratus,



## DE CONSERVANDA

Ser sodt des frauts den leib erweicht/  
Das fraut zu herten hülffe reicht/  
Nügestu aber beyds zuhauff/  
So weichrs vñ machts den maßdarm auff.

Hic agitur de caulibus: per quos nihil iam aliud intelligendum, quàm uulgare illud olus, quod Braun oder Blawköl appellamus, ὀγκύτη. By Græcis, Latinis uerò Brassica dicta: atq; hoc uel ex Martiale discere licet, qui xeniorum libro, eos caules per nitrata aquam uirides conseruari ait.

Ne tibi pallentes moueant fastidia caules,

Nitrata uiridis brassica fiat aqua.

Recensemur autem hoc loco tres ipsorum facultates: Quarum prima quidem est, decoctum eorum, & maximè primæ ebullitionis, uentris soluendi uim obtinere: In folijs namq; & exterioribus partibus nitrosa quædam & abstersoria inest qualitas, quam sanè, cùm debiliter admodum inhereat, modica elixatio in aquam faciliè deponit, eiq; potentiam adiicit purgatoriam. Aq; hinc adeò fit, ut ius primæ decoctionis alium excellentius, quàm secundæ, deijciat. Nitrosa enim illa & abstersoria qualitas exquisitè per primam segregatur, atq; in aquam deponitur. Secunda est, corpus ipsum siue substantiam communis tantum ratione uentrem sistere magis, quàm ad deijciendum incitare: quia purgatoria potentia per



BONA VALETVDINE. 163

per decoctionem aufertur, & relinquitur substantia terrea sicca, quæ sumpta uentrem adstringit, idq; multò magis si non bis duntaxat, sed ter aut quater aquam effuderis. Nam quandò exquisitius in aquam succum suum deposuerit, tamò et illi quidem maiorem purgandi uim adiiciet, & reliquam sui substantiam, quæ uelut oleris ipsius caro est, restringentem efficiet. Eadem est ratio in betta, atq; adeò in omnibus ferè quibus sapor aut acris, aut nitrosus, aut salus inest. Quippe & lenicula ipsa, tamet si satis magnam adstringendi potentiam gustu refert, tamen eiusmodi quid sortita est. Nam & huius decoctum, uenris soluendi uim obtinet. Verùm hic succus etiam si degustes, perspicuam misturam repræsentat, tanquam si nitroso austerum quid commisceas. Sed & conchularum maris, cæterorumq; ferè ostreorum succus planè tum salus est, tum uentrem soluendi uim obtinet: quamuis eorum caro uentrem reprimat. Tertia est, utrunq; nempe decoctum atq; substantiam simul uenris subductionem efficere: cum enim uires suas ita retineant, abstergere etiam, & intestina ad expulsionem irritare, conueniens est. Lege hac de re plura apud Galenum lib. 3. de simp. med. facult. cap. 14. & lib. 1. ca. 3. & 25. & lib. 2. cap. 44. de alim. facult. Proditum quoq; est, Brassicam naturali quadam facultate uino aduersari, & curare temulentiam;



## DE CONSERVANDA

**Brassica** Vnde querit Aristoteles, 3. Sec. proble. 17. Quid  
 temulen- est cur brassica sedet crapulam? Nonnulli respon-  
 tiam cu- dent, hoc euenire solitum, quod ex esu eius sumi-  
 rat. cleuemur admodum crassi, qui cum uini uapores  
 incrassent, ad cerebrum ascendere etiam probi-  
 bent. Aristoteles tamen aliam adsignat causam,  
 nempe quod quicquid humores uinosos undique  
 et omni ex corporis parte ad se in aluum trahit,  
 & corpus refrigerat, tollat crapulam. Brassica  
 autem est huiusmodi. Ergo brassica curat crapi-  
 lam. Minor probatur, quia per succum eius humo-  
 res, qui uinosi crudiq; tenentur, è toto corpore  
 detrahuntur. Ipsa uerò substantia frigida, sty-  
 ptica, ac terrea, supra in uentriculo remanens  
 corpus refrigerat, quo fit, ut tenues humores ad  
 uesciam labantur. Cum igitur humor utrinq; edu-  
 catur, corpusq; refrigeretur, rectè per consequens  
 à crapula liberatur. Euenit ad hæc, ut cum humo-  
 res deorsum se trahunt atq; excernunt, flatum et-  
 iam secum deducant: qui, si per uinum liceat, in  
 caput se efferens grauitatem creat, & crapi-  
 lam: sin autem deorsum se uertit, corpusq; ob  
 causam prædictam refrigeratum est, dolor cra-  
 pulæ omnis tollitur. Quin & ipsæ brassicæ folia,  
 quemadmodum libr. 2. de composit. medic. local.  
 cap. 1. Galenus attestatur, calida macerata, ca-  
 putiq; circumposita ac obligata, naturaliter e-  
 brietati resistunt. Porro brassica, quæ edendo est,  
 calfacit



BONA VALETVDINE: 170

calfacit & siccatur primo abscessu. Prauum & melancholicum succum procreat. Aestiuatamen peior est quàm hyberna. Oculorum aciem hebetat, unde Græcis etiam ἀρόμ. βλ. dicta censetur, quasi ὀρώμ. βλ., quòd pupillas oculorum, quas illi ὀρώμ. vocant, obtundat, hebetetq;. Somnum per contraria insomnia interturbat. Stomachum malè habet, parumq; nutrit: at si cum pingui carne coquatur, plurimū noxæ atq; uitij amittit. Vrinam ac menses ciet, & lumbricos interficit. Succus eius cum melle sumptus magnificè defecationes uocis iuuat: & si uulneribus imponatur, ea glutinat, dolosa malignaq; ulcera, & induratas inflammationes sanat. Plura Dioscorides libro 2. cap. 146. Plinius lib. 20. cap. 9. Galenus locis suprā citatis. Simeon Sethi in Synagmate. Rhazes lib. 3. cap. 18. ad Almans. & Auicenna 2. Cano, cap. 142.

D E M A L V A.

Cap. LVIII.

**D**ixerunt maluam ueteres, quòd molliat aluum,  
Huius radices rasæ soluunt tibi fæces.  
Vuluam mouerunt, & fluxum sæpe deducunt.



# DE CONSERVANDA



Der Bappeln name zeygt das an/  
 Daß sie den leib erweychen kan.  
 So auch ir wurzel ist geschelt/  
 Ist sie zu stül machn außser welt/

Vnd



Vnd bringt der weiber fluß zurecht/  
Vnd macht dasselbig leid wol schlecht.

Hic agitur de facultatibus maluæ; Et primo quidem uersu, qui ex lib. 2. cap. 36. Aemilij Macræ huc adscitus est, ueteribus Latinis Maluam, ab eo mollienda aluo, dictam esse traditur. Cuius sanè rei testis etiam M. Varro, qui Maluam quasi moluam, quòd aluum molliat, dictam esse contendit: quippe quæ clysteribus infusa, uel in cibo accepta, uentrem faciliè moueat. Quimetiam Græcis  $\mu\alpha\lambda\acute{\alpha}\chi\eta$ , ab emollienda aluo, nomen traxit. Siquè dem ipsis  $\mu\alpha\lambda\acute{\alpha}\chi\eta$  mollires significat. Antiqui enim eam acetarijs cum lactuca, ad subducendā aluum, utebantur. Vnde Martialis libro 10. Epigrammaton:

Exoneraturas uentrem mihi uillica maluas  
Attulit, & uarias, quas habet hortus, opes.  
Et alibi:

Vtere lactucis, & mollibus utere maluis.

Cæterum hoc olus faciliè subducitur, non modò propter humiditatem, uerumetiam propter genuinam uiscositatem, & potissimum quando quis cum oleo & garo copiosam ipsam sumpserit. Atq; ob id inter quatuor etiam emollientia, quorum decocto in clysteribus ad induratarum fecum educationem passim utimur, primum locum sibi uendicauit. Porro duplex malua est: Vna quidem floribus sanguineis, altera uerò candidis: &



## DE CONSERVANDA

in hac quàm illa maior emolliendi uis inest.

Secundo deinde uersu innuitur, radices maluæ raras, facibus educendis esse accommodas: & maximè quidem, si inde, perinde atq; è radicibus mercurialis, Βαλανο, id est, glandes, siue suppositoria fiant.

Tertio demum uersu, Maluam menses ciedere dicitur, quod & ipsum sanè ob manifestam humectandi facultatem ac genuinum lentorem præstat. Infectione namq; uterum emollit, ita ut uenas eius ab acri sanguine promptius fundantur. Quin etiam menses prouocare certo se experimento didicisse Platearius adserit. Folia maluæ trita cū folijs salicis, omnibus emplastris cōmodiora sunt. Nam & inflammari non sinunt, & sanguinem sistunt, & recens uulnus cicatrice includunt. Sed & luxatis ac contusis medentur. Phalangiorum quoq; & reptilium plagas curant folia eiusdem, si cepas & porrum triueris, eisq; miscueris, ac imposeris. Si quis uerò syluestris maluæ succo cū oleo illinatur, à uestpis & apibus non pungetur, sed & qui punctus iam est succo opem sentit, et folia maluæ contusa & imposita similiter percussus ab illis sanant. Similiter autem curat malua illita, lichenas, & occulta foeminarum uitia. Succus uerò eius auribus instillatus, dolorem aurium sedat. Cum melle acceptus thoracē, pulmonemq; inuat, & raucam uocem lenit, hepaticos sanat,

&



BONA VALETVDINE. 172

Et comitali apprehensos resipiscere facit. Eodē modo et nephriticis et ischiaticis auxiliatur. At uerò decoctum ipsius potatum, difficultatem emittendi urinam emendat, lapides conterit, somnum conciliat, facilemque partum præstat. Prodest etiam erosionibus uesicæ, et intestinorum, uulvæ, sedisque, clystere infusum. Malua illita inflammationes lenit, eaque, quæ indurata sunt, emolliat. Plura Dioscorides libro 2. cap. 111. Plinius lib. 20. cap. 21. Galenus lib. 7. de simp. med. facult. cap. 95. et lib. 2. de alim. facult. cap. 42. Constantinus Cæsar lib. 12. de agricultura cap. 12. et Simeon Sethi in Syntag.

DE MENTHA. CA. LIX.

**M**entitur mentha, si sit depellere  
lenta  
Ventris lumbricos, stomachi uermesque  
nociuos.

Gerechte Kraußmünz bald vertreibt  
Die würm im magen vnd im leib.

Mentham eo nomine non esse dignandam, nisi atui etiam lumbricos et stomachi uermes enecandi atque expellendi facultatem obtineat, hoc loco adseritur. Amarum enim quiddam in se habet et acerbum, et amaro quidem, non secus atque



## DE CONSERVANDA



absinthium, lumbricos interficit: acerbitate uerò,  
 si cum oxycrato bibatur, recentes sanguinis re-  
 iectiones reprimit. Exhibendum autem decoctum  
 eius, uelut absinthij quoq; & non substantia. Est  
 enim, ut si qua alia herba, tenuium partium, gustu  
 acri, & facultate calida, ex tertio nimirum ordi-  
 ne ex calfacientium, & secundo siccantium. Qua-  
 re ut medicamento potius, quàm alimento ipsa  
 utimur. Hepar enim frigidum & uentriculum iu-  
 uat,



uat, corroborat & stomachum, & concoctionem facit, sedat quoq; singultum, & uomitum phlegmaticum atq; sanguineum. Prodest quoq; ad cordis morsus, & appetitionem suscitatur. Mediocriter item ad Venerem excitatur: id quod omnibus accidit, quæ humiditatem semicoctam & flatuosam continent. Aperitq; iecinoris ac splenis obstructions. Verum hac uesti ad satietatem non oportet: quoniam sanguinem extenuat, & serosum facit, & ipsum in flauam bilem permutat: deinde efficit ut sanguis, qui maximè est tenuium partium, discutiatur, & crassus ac melancholicus relinquatur: atq; idcirco oportet biliosos ab ea abstinere. Contrita cum sale, & morsui rabiosi canis imposita, medicamentum fit salubre. Arida uerò trita, & post cibum sumpta, ad concoctionem facit, & lienosos iuuat. Cum uino pota difficulter parienti succurrit. Ferunt etiã quòd mansa lippienti imposita, fiat remedium: quodq; eius decoctum absorptum, confestim sanguinem è faucibus eijcientes sanat. Coire lac densariq; in caseum non patitur, si folia potionibus lactis immergantur. In summa, stomacho utilis est, & in condimentis peculiarem gratiam habet. Huius semen uentrem purgat, & pulmonem leuit. Plura Dioscorides lib. 3. cap. 35. Pinus lib. 20. cap. 24. Galenus lib. 6. de simpl. medic. facul. cap. 136. Simeon Sethi in Syntag. & Auicenna 2. Canon. cap. 495.



DE CONSERVANDA

DE SALVIA.

Cap. LX.



**C**Ur moriatur homo, cui salvia cre-  
scit in horto?  
Contra vim mortis, non est medica-  
men in hortis.

Salvia



BONA VALETVDINE. 174

Salvia confortat nervos, manuumq;  
tremorem

Tollit, & eius ope febris acuta fugit.

Salvia, castoriumq;, lauendula, primu-  
la ueris,

Nasturt. Athanas. hæc sanant paralyti-  
ca membra,

Salvia saluatrix, naturæ conciliatrix.

Wüchse ein freutlin vor den todt/  
Es wer fürwar die salb on spot/  
Sie sterckt die adern/das zittern legt/  
Das scharpffe febr zu fliehn bewegt/  
Die salb vnd andre stück genant/  
Thün dem gichtbruch hülfße zuhand.  
Die salb kan hülfß vnd rath geben/  
Ban sterckn vnd lenger das leben.

*Permagnam esse utilitatem Salviae hoc loco traditur: Ac primo quidem uersu per modum dubij queritur, qui fiat, ut homo moriatur, cui salvia crescit in horto? ad quod ita respondetur secundo uersu: Quanquam medicina in hortis reperitur, quæ corporis putrefactioni resistat, humiditatemq; custodiat naturalem, ne citius quam par est, dissipetur, nulla tamen inuenitur, quæ moriendi necessitatem è medio tollat. Et hoc est, quod Auicenna 3.1 capite singulari ait: Ars quidam sanitatis tuenda nos à morte securos non facit.*



## DE CONSERVANDA

cit, neq; corpus à foris incidentibus nocumentis  
munit, neq; unumquodq; corpus ad ultimam uitæ  
longitudinem, quæ est secundum hominem abso-  
lute, perducit. Sed de duabus rebus securita-  
tem præbet: putrefactionem enim penitus exclus-  
it, & humiditatem defendit naturalem, ne iusto  
citius resoluetur.

Secundo loco tres referuntur Saluie effe-  
ctus: ac primò quidem, quòd nervos robo-  
ret: Si-  
quidem manifestè calefacit, & leniter adstringit:  
humorum igitur copiam, qua nervi impediti rela-  
xabatur, exiccat, refrigeratosq; recalcificat. Dein-  
de, quòd manuum tremorem tollat: Nam quic-  
**Manuum** quid nervos roborat ac calcificat, tremorem etiã  
**tremor.** tollit. Tremor enim ex nervorum imbecillitate et  
frigidity potissimum accidit. Atq; hanc sanè  
ob causam senes nonnulli & anus decrepiti ci-  
bis ac potibus suis folia saluie imponere solent.  
Tertiò, quòd acutam remoueat febrem: cuius hæc  
adsignaueris causam, nempe quòd humores exic-  
cet, adeoq; putrefactionem, quam acuta febris ma-  
gna ex parte comitatur, impediat. Porro salua  
temperamento est euidenter ex calcificante & ex-  
iccante, atq; eam ob rem per se in victus salubris  
ratione non temerè usurpanda. Attamen cum ner-  
uos excellenter robo-  
ret, dupliciter ea homines  
in sanitatis tutela uti consueuerunt. Aut enim in-  
de parant  $\epsilon\mu\varsigma\acute{\iota}\mu\mu\alpha\tau\alpha$ , id est, intinctus, quemad-  
modum



modum ostendimus suprâ cap. 22. appetentiam  
ita reuocantes ei, cui uenterculus crudis, incon-  
coctis, ac prauis humoribus refertus fuerit.

Aut uinum ex ea etiam conficiunt, Saluiatum i-  
psis appellatum, quod in mensæ principio potissi-  
mum expetitur. Hoc cum sibi qualitatem quan-  
dam à saluia calidam simul ac adstringentem, a-  
romaticamq; & exiccantem adsciscat, tremulis,  
paralyticis, & epilepticis mirè conferre putan-  
dum est: præsertim si post purgationem ex epo-  
to medicamento modicè sumatur. Quin & uen-  
triculum, cerebrum, neruos, ac reliquas quoque  
corporis partes præ humiditate laxas, exiccat  
ac roborat, idq; per hyemem maximè. Valet con-  
tra renum, uesicæ, & laterum dolores, reiectio-  
nes sanguinis, tussim, rupta, & uulsa. Difficili urî-  
næ auxiliatur, & suppressos menses proritat,  
sed immoderatus: quocirca grauidis non nisi cū  
timore exhibendum est, quippe quòd partus fa-  
cilè enecet, & abortus faciat. Vaporosum est ad-  
modum, facileq; caput ferit, & citò inebriat: qua-  
re caput debile habentibus, quibusq; plurimum  
molestiæ catarrhus exhibet, ab ipso in roborando  
uentriculo cauendum est: ne, dum uni parti auxi-  
lium quærunt, reliquas offendant. Imò uerò nec  
aliàs immoderatus eo utendum est, neq; ad depel-  
lendam sitim, neq; ad deferendū permiscendūue  
cibum: quippe quòd uniuersum ita cibum ad ex-  
tremam

Saluiatū  
uinum.



## DE CONSERVANDA

tremam promptissimè caliditatem ac siccitatem perduceret. Primum enim per se calidum & siccum est uinum, deinde uerò & salvia sat strenuè excalfacit, desicc atq; , & tenuium est partium: quare quod inde fit uinum, ad immodicam haud dubiè caliditatem ac siccitatem inclinabit, atque ob id sanitatis tutelæ minus conuenit: ut quod ingestum cibum præmaturè atq; ante perfectam eius concoctionem è uentriculo ac hepate ad cerebrum faciliè & neruos deferret, obstructionemq; omnis putredinis matrem in humano corpore excitaret. Plura de hoc Magnus ca. 21. part. 3. Regiminis sanitatis, & Ioan. Michaël Sauonarola, in maiori præc. trac. 2. ca. 4. rubri 15. Duplex porrò salvia passim in hortis spectatur: Vna magnis, latis, & asperis folijs, quæ Germanis groß/oder breyte Salbei dicitur: Altera uerò folijs minoribus, contractioribus, & leuioribus, quam ydem Klein/spitz/creutz oder edel Salbei uocant. Græci, quod ipsa herba retorrida semper & exucca appareat, communi utranq; appellatione nuncuparunt ἐλελίσφακον, quod quasi in tabem, uel siderationem reducta uideatur.

**Salvia.** Tercio loco sex enumerantur medicamenta simplicia τῶ ἀπλῶν ὁδῶν curandæ accommodatissima: nempe Salvia, Castorium, Lauendula, Primula ueris, Nasturtium, & Athanasia. Hæc nanque omnia proprietate quadam membra paralytica curant



curant ac sanant. De Salvia quidem ex modo dictis satis constat: quippe quæ genuina caliditate & siccitate sua pituitosum humorem, quo nervi obstructi resoluebantur, facile consumat, adeoque nervis ipsis robur addat. Castorium calfacit sic Castoriū. catq; cum extenuandi viribus eximjis, quibus præter alias actiones, etiam nervorum, qui ex copia humorum malè habent, affectibus, nempe tremori, stupori, convulsioni, & paralyti, congruit, & refrigeratos facile recalcificat, & extrinsecus applicatum, & potui datum, idq; ita, ut nullam aliam offendat particulam, etiamsi mediocriter febris affligat, quemadmodum in ueternis & cataphoris, sed & mensibus retentis proficit, & secundas expellit. Iuvat etiam, si quis suffitum eius in prunis impositi inspiratione hauriat, maxime affectus in pulmone aut capite consistentes. Frigida quoq; surditati, & auribus ob crassos flatulemosq; spiritus dolentibus præclare opitulatur, ad lentis magnitudinem cum oleo nardino infusum. Oleum præterea castorij non minus contra frigidos nervorum & iuncturarum affectus omnes valet, quàm castoriū ipsum, præsertim si post materiæ evacuationem applicetur: residuum enim consumit, nervos roborat, paralyti, convulsioni, ac tetano medetur, & acerrimos rigores, & frigora febrium, si spina dorsi eo liniatur, sedat. Porro Castorium testiculus est animalis ant  
cipitis



## DE CONSERVANDA

**Lauendula.**

**Primula ueris.**

**Nasturtium.**

cipitis uitæ, quod  $\kappa\acute{\alpha}\varsigma\omega\gamma$  à Græcis, à Latinis Fieber, à Germanis uerò ein Biber appellatur. De quo Dioscorides lib. 2. cap. 23. Plinius lib. 8. ca. 30. & lib. 32. cap. 3. Galenus lib. 11. cap. 11. de simpl. med. facul. Paulus lib. 7 & Auicenna 2. Cano. ca. 125. Lauendula exalfacit & exiccat ordine secundo completo, uel tertio inchoante, uiribus à nardo Celtica non longè recedemibus. Confert omnibus Cerebri ægritudinibus à frigido prouenientibus, conuulsis, resolutisq; auxiliatur: uentriculum roborat, & iecur ab infarctu liberat: quin & obstructos lienes iuuat: uterum calfacit, & menses & secundas educit. Primula ueris calida est & sicca, neruos roborat, conuulsioni, tremori, apoplexiæ, paralyfi, cæterisq; neruorum atq; articulorum uitijis frigidis & humidis auxiliatur: atq; inde arthritica etiam à nonnullis, & herba paralyfi appellatur. Primula ueris autē dicitur, quòd scilicet uere inchoante mox erumpat, Germanicè Schlüssel blumen. Per Nasturtium Sisymbrium aquaticū hīc intelligitur, quod riguis gaudet, & in fontium riuus discurrentibus comite Sio nascitur, folijs primo exortu rotundis, cū uerò adoleuerint, erucæ modo dissectis: odore ac sapore satiuo nasturtio proximis, atq; ob id  $\kappa\alpha\gamma\delta\alpha\mu\iota\nu$  à nonnullis, id est, nasturtium, nominatur, Germanicè Brunnkress. Ea herba cū sicca est, tertij est ordinis exalfacientium & desiccantium.



siccantium: cum humida & uiridis, secundi: cras-  
 sos & pituitosos humores extenuat, incidit, &  
 resoluit: qua ratione nervos à phlegmate pur-  
 gat, paralysisq; causam aufert. Atq; hinc sanè  
 præcipiunt Medici, ut in quadragenaria illa ec-  
 clesiæ abstinencia, propter phlegmaticos cibos,  
 qui per id tempus mandi solent, nasturtia quoq;  
 subinde exhibeamur. Athanasia, tanacetum Athana-  
 etiam uocatur, & Germanicè Reinfarn/ quòd sia.  
 filicis ferè effigie in aquarum ripis nascatur, uel  
 alio nomine Wurmfraut/ quòd lumbricos è uen-  
 tre pellat, siue foris imposita, siue intrò in corpus  
 assumpta. Ea parthenij species quædam existit,  
 purgandiq; phlegmatis facultate prædita est,  
 nervos caliditate sua exiccat, lumbricos, & ma-  
 teriam, unde illi generantur, ex uentre pellit.  
 Plurimum igitur Galli primis sanctum post Pa-  
 scha diebus Athanasia cum ouis fixa ad phle-  
 gmatis per ieiunium quadragenarium ex esu pi-  
 scium collecti educationem utuntur: ne scilicet in-  
 de lumbrici in corporibus aptis ac præparatis  
 generentur. Recentiores etiam utuntur ad uen-  
 triculi & alui flatus discutiendos: item ad fran-  
 gendos renum calculos, & ad ciendam urinam.  
 Ultimo tandem uersu traditur, Saluiam sic dici,  
 quòd ad multa sit salutaris, præcipuè ad fœcun-  
 ditatem.



DE CONSERVANDA  
DE RUTA. CAP. LXI.



**N**obilitas rutæ hæc, quod lumina  
reddat acuta,

Auxilio



BONA VALETVDINE. 178

Auxilio rute uir quippe uidebis acutè. Ma. li. 13.  
Cruda comesta recens oculos caligine cap. 12.  
purgat.

Ruta uiris minuit Venerem, mulieribus  
addit.

Ruta facit castum, dat lumen, & ingerit  
astum.

Cocta & ruta facit depulicibus loca  
tuta.

Die Raut die augen scherpfft/ vnd wehrt  
Der männer bgird/ der weiber mehrt.  
Sie gibet list/ vnd wer sie seudt/  
Den flöhn damit sein hauß verbeut.

Quatuor hic recensentur facultates Rutæ: *Visus.*

Ac prima quidem, quod acutam reddat uidendi  
aciem: commanducata enim, ut testis est Diosco-  
rides lib. 3. cap. 45. & post eum Auicenna 2. Ca-  
no. cap. 578. mirè opitulatur oculis, qui hebetu-  
dinem sensere. Præstat idem & succus eius cum  
succo fœniculi & melle inunctus. De hoc nonni-  
hil quoq; supra cap. 13. & infra cap. 79.

Secunda, quod coeundi desiderium in uiris  
minuat, augeat uerò in mulieribus. Nam quum  
extertio sit ordine excalfaciendum & siccam-  
um, flatus strenuè discutit, aboletq; & semen u-  
tile, quod tenue admodum & aëreū est, resiccat,  
ac prorsum ne esse quidē permittit. Ex quo sanè



## DE CONSERVANDA

Veneris appetitum in uiris cohibet. Sed in mulieribus semen aquosum & frigidum calfacit, incidit, & extenuat, quare eas ad coitum magis incitat.

Tertia, quod astutiam siue calliditatem, id est, apprehensionem, & medij alicuius in subtili causa facilem inuentionem, usurpantibus conciliet. Calfactione enim ac resiccatione extenuantur, & acuumur spiritus, fouetur & illustratur ingenium.

Contra  
pulices.

Quarta, quod decoctum ipsius, si domus eo respergatur, pulices depellat. Eos enim, ut uno ore Medici testantur, acrimonia sua necat, & graui odore fugat. Pamphilus apud Constantinum Cæsarem lib. 13. cap. 15. de Agricultura, longè plura aduersus pulicum molestias remedia enumerat. Scrobem, inquit, facito, & rhododaphnas contusas in ipsum mittito, isticq; omnes concurrent. Absinthium, aut cucumeris sylvestris radix, aqua marina rigata ac respersa, pulices necant. Disperdit autem ipsos penitus Melanthium aqua maceratum ac respersum. Aut conyzæ coctæ decoctum irroratum. Disperdit eosdem similiter semen sinapis & rhododaphnes, ambo seruesfacta & in domo respersa. Calcem uiuam cribrato, & postquam locum uerueris inspergito, indeq; necabuntur. Idem continget ex amurca pauimentis assiduè irroratis. Cuminum  
item



Item syluestre tritum ac aqua mixtum, & semi-  
nis cucumeris syluestris drachma decem trita,  
& in aquam demissa, indeq; domo respersa, pu-  
lices crepare faciunt. Item chamelæ radix, &  
populi nigra folia tusa & aqua macerata, &  
tribolus ex aqua cocta. Pulices etiam muria acris  
respersa, & aqua marina enecat. Quod si in me-  
dia domo quis peluim deponat, & circulum ma-  
chera penitus ferrea circumscribat, & reliqua  
domum, præterquam locum circumscriptum, cre-  
more staphidis agrie, aut laurifoliorum tusorum  
conspersgat, aut etiam muria, aut aqua marina co-  
cta, omnes pulices in peluim congregabit. Fictile  
quoq; uas defossum, ita ut labra æqualia pauimen-  
to habeat, & adipe taurino oblitum, omnes puli-  
ces in sese congregabit, etiam eos, qui adhuc in  
pallijs delitescunt. Sub lecto paruulum scrobem  
facito, & in ipsum sanguinem caprinum mittito,  
congregabitq; pulices isthic, & ex alijs uestibus  
ad se illiciet ac uocabit. Cæterum ex amphimal-  
lis & densissimis tapetibus, in quibus plurimi pu-  
lices delitescunt, eximi ac euocari possint, si sic  
in urna aut dolio ipse sanguis caprinus depona-  
tur. Hactenus ille. Auicenna 6.4. Tract. 3. cap.  
11. de effugatione pulicum hoc amplius addit:  
Quando, inquit, domus colocynthidos infusione  
aspergitur, saliant pulices & fugiunt: & simile-  
ter ex decocto rubi Referunt quidam, quod si li-



## DE CONSERVANDA

gnum adipe erinacei oblinatur, isthic pulices statim omnes concurrent. Fugantur quoque suffitu sulphuris. Est etiamnum herba quaedam uulgaris notitiae, Arabicè dicta Chichuanu, id est, herba pulicum, quae in ciuitate Chairi puluerizata in lecto circa dormientes ponitur, et ex odore illius inebriantur, stupidiq; fiunt pulices, et non ledunt. Porro nihil equè disperdit pulices, ac graecolentia, uelut ruta, mentha, mentastrum, et lupulus, praecipuè tamen simus et urina equi. Enecat pulices seminis rapi decoctum inspersum. Quin et taurini cornus suffitu pulices fugari perhibentur. Fama est, inquit Dioscorides libro quarto, cap. 65. si psyllium uiuens domum importetur, non finire in ea pulices gigni. Postremo uerò nihil tam ac commodum est comprehendendis pulicibus, quam lecto imposita recens et candidissima lanugo xylina, quam Baumwoll Germanicè uocamus. In ea nanque congregati facillimè capiuntur. Plura Rhazes libro octauo, cap. 8. ad Almanforem.

## DE CEPIS.

Cap. LXII.

Sunt Ma  
cri libr. 1.  
ca. 7.

**D**E cepis Medici non consentire uidentur,

Fellitis





Fellitis non esse bonas, ait ipse Gale-  
nus,

Phlegmaticis uerò multum putat esse  
salubreis.

Non modicum sanas Asclepius adserit  
illas,

Præfertim stomacho, pulchrumq; crea-  
re colorem.

Contrititis cepis loca denudata capil-  
lis

Sæpe fricans, capitis poteris reparare  
decorem.

Von zwibeln schreiben die ärzt nicht gleich/  
Sagt ein sie bring der Cholre seuch/  
Vnd sei der feuchtn Complex gesunde/  
Dem magn zwar / ferbt wangen vnnnd  
mundt,



## DE CONSERVANDA

Mit 3 wibel safft reib Eale pletz/  
Vnd sie also mit haar besetz.

Agitur hoc in loco de Cepis: Ac primò quidem dicitur, medicis de natura earum nondum satis constare. Nam ipsorum quidam phlegmaticis ex usu esse tradunt, quidam uerò minimè. Galenus lib. 2. de aliment. facult. cap. 71. cholericis admodum nocere, phlegmaticis uerò prodesse, ijs attestatur uerbis: Abstinentum ab assiduo usu omnium acrium, ceu ceparum, porri, & allij, & potissimum cum is, qui ipsis uescitur, natura fuerit biliosus. Solis enim qui uel succum pituitosum, uel crudum & crassum ac lenum acervauerint, cibi eiusmodi sunt accommodati. Siquidem cepæ, ut 2. Cano. cap. 122. Auicennæ placet, in tertio calfaciunt abscessu, sed Galenus lib. 7. de simp. medic. facult. cap. 58. quartum excalfaciendum ordinem ipsis adsignat. Quo fit, ut calidis, quales cholerici cum primis existunt, uehementer officiant. Rhazæ uerò lib. 3. ad Almanforem cap. 18. superfluos humores, & phlegma in stomacho generant. Quod de illis maximè intelligendum, quæ crude manduntur. Earum nanque essentia crassarum est partium, & mali succi. Porro per fellitos, quemadmodum Cornarius noster in cap. 7. lib. 1. Macri disertè admodum monuit, biliosos hoc loco accipere oportet, id est, τοῦ χολώδους, sicut phlegmaticos pituitosos.

Deinde



Deinde uerò cepas phlegmaticis multum prodesse traditur. Corpus enim calfaciunt, humoresq; crassos ac glutinosos in ipso coaceruatos concoquunt, attenuant, incidunt, & detergant. Quin eadem etiam ratione stomacho frigidis, crassis, ac glutinosis humoribus grauato utiles sunt, & ad ualidum colorem, ueluti testis est apud Plinium libro 20. capite 5. Asclepiades, proficiunt. Neque enim fieri potest, ut uiuidus ac floridus sit faciei color, ubi uentriculus crudo, pituitoso, ac prauo succo refertus fuerit. Tertio demum loco adseritur, contritarum cepearum succo pilos, siue crines locis glabris ac denudatis restituui, si eo sæpius perfricemur: & maximè quidem, si ex densatis infarctisq; meatibus, & materiæ sub cute detentæ corruptela glabrities euenerit. Cephæ enim caliditate sua meatus aperiant, materiãq; prauam sub cute detentam nõ solum digerunt ac resoluunt, sed meliorem etiam in locum eius substituunt. Quapropter alopecie succo earum conuenientissimè perfricantur. Celerius enim, ut Dioscorides lib. 2. cap. 145. Galenus loco paulò amè citato, & Alexander Trallianus libr. 1. cap. 2. testantur, quàm Alcyonum pilos euocat. Vnde infertur tandem capitis decorem, quem Q. Serenus capitis honorem uocat, & reparari. Capitis porrò decor capilli sunt. Cephæ præterea semen genitale gignunt, & Vener-



## DE CONSERVANDA

rem stimulant, urinam cient, appetentiam ante  
alios cibos sumptæ excitant, sed largiore cibo ca-  
pitis dolores faciunt, sitim mouent, fastidium pa-  
riunt, ruborem faciei inducunt, saliuam multam  
generant, & rationem, ut aliqui ferunt, ledunt.  
Succus illarum cum melle illitus, oculorum he-  
betudinibus, argemis, nubeculis, & incipientibus  
suffusionibus auxiliatur. Quinetiam canis mor-  
sibus idem cum aceto, ruta, & melle illitus con-  
fert: quare hi quoq; duo uersus à quibusdam hîc  
additi sunt:

Appositas perhibent morsus curare caninos,

Si trita cum melle prius fuerint & aceto.

Plura de his supra cap. 13. diximus, cum de ala-  
lijs ageremus.

## DE SINAPI.

### Cap. LXIII.



EST



**E** St modicum granum, siccum, calidumq; Sinapi,  
Dat lachrymas, purgatq; caput, tollitque uenenum.

Der hitzig Senff macht augen rinn/  
Macht reyn das haupt / thut gift bezwingen.

Duo hoc in loco potissimum aguntur: Primò nanque perpusillum illud granum, quod σινάπι aut σινάπυ Græci, Latini uerò sinapi uocant, ad calfaciendum desiccandumq; efficax esse traditur: & hoc quidem, Galeno libro octauo, cap. 5. de simplic. medicamen. facul. teste, in quarto abscessu. Deinde uerò tres eidem adsignantur facultates.

Prima, quòd lachrymas eliciat: excellenti enim caliditate sua humiditates, quæ in cerebro sunt, attenuat, incidit, liquefacit, & dissoluit: illis itaq; fluentibus, simul etiam lachrymæ profiliunt.

Secunda, quòd caput purget: commanducatum enim pituitas capitis per os ducit & purgat. Caput Quinetiam tritum, naribusq; admotum, sternuta purgare menta ciet, quibus meatuum obstructions tolluntur, & cerebri uitia expelluntur: eaq; ratione comitialibus & apoplecticis mirificè succurrit.

Tertia,



## DE CONSERVANDA

Tertia, quod uenenum tollat: suffitum namque ac incensum, serpentes fugat, ad eorundem quoque et scorpionum ictus cum aceto tritum magna utilitate illinitur, fungorumque uenena discutit. Ad hæc lienis etiam affectibus ex humiditate et flatu procreatis confert. Item quartanis morbis, qui ex adusta pituita contracti sunt, præterea et podagris à pituita factis. Officit uerò uisui et calido capiti, ac iecori. Concoctionem et distributionem ciborum crassarum partium adiuuat. Minuit quæ in uentriculo sunt, humiditates. Illitum lepris, eas in melius mutat. Linguas etiam humiditate grauatas siccat. Si cum melle sumatur, tusses resoluit. Cum carieis uerò ischiadicis illitum, et lienosis, utile est: trahit enim quæ intus sunt ad corporis superficiem. Plura Dioscorides libro 2. cap. 148. Plinius libro 30. cap. 22. et Simeon Sethi in Synagmate.

## DE VIOLA PURPUREA. Cap. LXIII.

**C**rapula discutitur, capitis dolor,  
atque grauedo,  
Purpuream uiolam dicunt curare caducos.

Die



BONA VALETVDINE. 192



Die Veiel bñimpt die trunckenheit/  
Das wec des haupts/vnd fallend leydt.

Hic tres referuntur effectus *nigræ purpurae* *Ebrietas*  
*re aue Viola*. Primus, quod *crapulam* siue *ebrie-*  
*tatem* dissipat ac sedet: Cuius sanè rei duæ ad-  
ferri solent rationes. Vna quidem, quod *tem-*  
*peratum*, suauem, & *cerebrum* confortantem  
spiret odorem: *Cerebrum* uerò *roboratum* ac  
ualidum *ebrietas* non tam facile, quàm *imbecil-*  
*lum*, tentet. Altera, quod *cerebrum* refrigeret,  
& *sumis calidis* recipiendis ineptum reddat, ac  
deoq; *uini uaporem* infringat, & sic *ebrietatem*  
dissoluat. Secundum, quod *κεφαλαλγία*, id *Caput*  
est,



## DE CONSERVANDA

est, capitis dolorem discutiat: & hoc quidem si à causa calida, nempe à flaua bile, ortum habuerit: hanc enim purgat, & ab ea calorem extinguit. Horum effectuum meminit Plinius libro 21. capite 19. ubi de *Viola* uiribus differit his uerbis: *Viola* purpurea crapulam & grauedines capitis impositis coronis olfactiue discutit. Meminit etiam Simeon Sethi in Synagmate. *Viola*, inquit, dolores capitis, qui fiunt à flaua bile, sopiunt pota & odorata.

**Epilepsia.** Tertius, quod curet caducos, id est, comitiales morbo correptos, à Symptomate accidenti ac casu. Hoc habetur apud Dioscoridem libro quarto capite 122. Ceterum is non simpliciter hoc de purpurea *uiola* tradit, sed de parte ea, quæ in flore purpureo existit, uel purpurascit. Sic enim scribit: *φασὶ δ' ἐπὶ τῷ πορφύρεῳ τῷ αὐτοῦ μετ' ὕδατος ποθεῖν, συναγχοῖς βοηθεῖν καὶ ἐπιληψίας τὰς ἐπὶ πάλω.* Id est, Dicunt id quod in flore purpureo est, cum aqua potum anginis, & comitialibus puerorum morbis auxiliari. Videtur itaque accipiendum esse de altero flore, quæ in medio *uiolæ* instar capillamentorum inest. Sunt enim quidam flores, dicit Theophrastus libro primo capite 21. de historia plantarum, *διανθεῖς*, id est, duplicis floris, qui alterum florem in medio habent, uelut rosa, & lilium, & *uiola*



## BONA VALETVDINE. 184

viola nigra. Lege doctissimas Iani Cornarij  
annotationes in caput uigesimum nonum libri  
primi Macri. Quinetiam Plinius loco iam ci-  
tato id ipsum sic tradidit: Id quod purpureum  
est ex ijs, comitialibus medetur, maximè pueris  
in aqua potum. Eiusq; rei hæc adsignari potest  
ratio, quòd cerebrum uiolæ fragrantia robo-  
ret, ita ut à paruis nocumentis minimum læda-  
tur, & sic in epilepsiam non facîle incidat.  
De Violis plura Galenus libro 6. capite 150. de  
simplic. medicamen. facult. Rhazes libro 3. ad  
Almansorem, capite 21. Auicenna 2. Cano. caps  
726. & Mesues libro 2. Sect. 1. cap. 11. de simp.  
purgan.

## DE VRTICA.

Cap. LXV.

**A** Egris dat somnum, uomitū quo-  
que tollit, & usum. Mac. li.  
Illius semen colicis cum melle mede-  
tur. 2. cap. 2.


Et tussim ueterem curat, si sæpe biba-  
tur.

Frigus pulmonis pellit, uentrisq; tu-  
morem.

Omnibus & morbis ea subuenit arti-  
culorum,

Dis





BONA  
Die Vließ  
Der sich  
Den al  
Die Felt  
Der leb  
Mit die

Hie  
Ac pr  
bus acc  
res, quib  
exten  
Secund  
telle: Lem  
floratum in  
Vobis: Solum  
Tertia  
nam ex  
rem m  
lenos sp  
exstane  
Qua  
enim: i  
ducit: qu  
coloribus  
in om m  
cap. 74. a  
na att  
bordei, deo



Die Vessel gibt den Francken schlaff/  
 Der sich bricht jr sehr wol bedarff.  
 Den alten hūstn des leibes grim/  
 Die felt der lungn/vnd schwulst benimpt.  
 Des leibs/vnd alln glencken darbei/  
 Ist die Vessel ein gūt artzney.

Hic septem recensentur facultates Vrtice.

Ac prima quidem, quòd somnum agrotanti-  
 bus accersat: Crassos namq; & pituitosos humo Somnus.  
 res, quibus natura grauata somno destituebatur,  
 extenuat, incidit, & priuatim expurgat.

Secunda, quòd uomitum simulq; usum eius Vomitus  
 tollat: Lentam enim & frigidam materiam, qua  
 stomachum imbuente nausea ac uomitus plurimū  
 suboriri solent, incidit, exiccat, & dissoluit.

Tertia, quòd colicis medeatur doloribus: Colica.  
 nam extra hoc, quòd crassum pituitosumq; humo  
 rem incidit, & extenuat, crassos quoq; & flatu  
 lentos spiritus, qui exitum non habentes colicos  
 excitant cruciatus, discutit & expellit.

Quarta, quòd ueterem curet tussim. Crassos Tussis.  
 enim uiscososq; humores è pectore pulmoneq; e-  
 ducit: qua ratione orthopnoæ quoq; & lateris  
 doloribus prodest, & maximè quidem semen e-  
 lus cum melle delinctum, quemadmodum 2. Cano.  
 cap. 725. in eum propè modum scribens Auicen-  
 na attestatur: Quando cum ptisana, siue aqua  
 hordei, decocta bibitur, vitia pectoris extrahit;



## DE CONSERVANDA

Et folia eius cum aqua hordeidecocta, thoracem à lentis crassisque humoribus expurgant, sed semen cum melle delinctum, ad omnia efficacius est.

Quinta, quod frigora pulmonis pellat: humores namque frigidos ac pituitosos caliditate sua incidens simul et extenuans ex pectore pulmonisque educit.

Sexta, quod uentris tumorem discutiatur atque sedet: Crassos enim ac flatulentos spiritus, quibus uenter distentus in tumorem attollebatur, dissipat, atque resoluit.

**Podagra** Septima, quod omnibus articulorum doloribus, arthritidi nimirum, ischiadi, et podagræ subueniat: præcipue quidem, si prouenerint à lenta, crassa, ac frigida materia: eam enim urtica calfacit, incidit, et extenuat. Ad hæc, urtica flatuosum etiam quiddam obtinet, quo et Venerem extimulat, et maxime ubi cum passo aut musto semen eius bibitur. Eodem modo potum et uulua ora patefacit, urinam ciet, renumque doloribus medetur. Ventrem modicè subducit, ipsa duntaxat abstersione, ac ueluti titillatione, non purgatione crudum ac pituitosum humorem educens. Ducit foeminis præterea menses foliorum urtica decoctum, addita exigua myrrha, potum. Cauendum tamen ne linguam œsophagumque lædat: numium enim exurit: quod commodè quidem fieri poterit, si post sumptionem eius parum olei rosæ fasci



BONA VALETVDINE. 186

Faciei absorbeatur. Est autem urtica cum semine suo calida in principio tertij, sicca uerò in secundo: licet semen minore paulò, quàm herba ipsa, siccitate participet. Plura Dioscorides lib. 4. ca. 94. Plinius lib. 22. cap. 13. Galenus lib. 6. de simp. med. facul. ca. 13. Paulus li. 7. Rhazes lib. 3 ad Almansorem, cap. 28. & Auicenna loco citato.

DE HYSSOPO.  
Cap. LXVI.

**H**YSSOPUS purgans herba est & pectore phlegma,

Ad pulmonis opus cum melle coquenda iugata.

Vultibus eximium fertur præstare colorem. Ma. li. 2. cap. 5.

Isop reinigt die lung vnd brust/  
Vnd gibe dem angficht farb nach lust.

Hic agitur de hyssopi uiribus: Quod quidem desiccatur & excoalscit ordine tertio, sed & tenuium est partium. Pituitam manifesto experimento expurgat, facitq; ad pituitosum cerebrum, tum neruorum affectus, quod non modò munit, sed roborat quoq;. Quin & pectus, & pulmonem detergit, præsertim senibus, quorum pectora lenta, crassaq; pituita referta sunt: quo fit,



## DE CONSERVANDA



ut decoctum cum ficis, aqua, melle, & ruta, po-  
tumq; peripneumonici, diuturnæ tussi, suspirio-  
sis, à capite in subiectas partes destillationibus,  
& orthopnoicis auxilietur. Ascarides reliquos-  
que interaneorum vermes pari modi sumptum  
enecat.



# BONA VALETVDINE. 187

enecat. Idem facit, si cum melle delingatur, nitri  
tamen addito momemo. Decoctum ex aceto mul  
so epotum, crassum humorem per aluum extra  
hit. Ad subducendam aluum cum ficis uiridi  
bus detritis manditur: uehementiusq; addita iri,  
nasturtio, aut irione, deijcit. Mesues exhibet eum  
iure, aut manna mustum, uel cum melle, aut uuis  
passis purgatis, uel scilla coctum. Cutis in corpo  
re colorem floridum efficit. Lienis, & aquae inter  
cutem cum fico utroq; emplastri modo imponi  
tur. Inflammationibus quoq; ex uino illinitur.  
Cum feruente aqua impositum sugillata discutit.  
In anginis cum ficorum decocto optimè gargari  
zatur. Decoctum cum aceto, dentium dolorcm  
in collatione sedat. Hyssopi usus inflationes, au  
ricularum præsertim, uaporis suffitu discutit.  
Cibi appetentiam inuitat, uisum acuit, menses &  
urinam ciet, & febrium horrores excutit. Vinū  
decoctionis eius uterum à superfluitatibus pur  
gat & abstergit. Plura Dioscorides lib. 3. cap.  
30. Auicenna 2. Cano. cap. 365. & Mesues lib. 2.  
sec. 1. cap. 18. de medic. simp. purgantibus.

## DE CHAEREFOLIO.

Cap. LXVII.

**A**ppositum cancris tritum cum  
melle medetur.

Ma. li. 1.

Ca. 22.

4 3



DE CONSERVANDA



Cum uino potum lateris sedare dolo-  
rem  
Sæpe solet, tritam si nectis desuper her-  
bam,  
Sæpe solet uomitum, uentremq; tenere  
solutum.

Dem



Dem Krebs Kerbelkraut hülfte thut/  
 Mit hong vnd wein ist sonst auch güt.  
 Für weetag leibs/fürs vndäron auch/  
 Vnd macht dir hart den weichen bauch.

Enumerantur hoc in loco tres facultates che-  
 resfolij. Prima, quòd tritum & cum melle appo-  
 situm cancrum curet. Est autem Cancer tu-  
 mor durus, melancholicus, inequalis, rotundus, Cancer.  
 uenosus, id est, uenas habes in circuitu turgidas,  
 & exaltatas, liuescens, siue fuscus, & colore ma-  
 gis, quàm inflammationes, nigricans, calidus, sed  
 non adeò, ut inflammationes, subito accrescens,  
 egros maximè fatigans, & perpetuo ferè dolore  
 affligens, Græcè καρκίνος & καρκίνωμα dici-  
 tur. Hanc autem appellationem huic morbo in-  
 diderunt tam Græci quàm Latini, à cancro aqua-  
 tico animali, quoniam circa hunc implentur &  
 intenduntur uenæ, cancrorum pedibus, à glome-  
 re illo corporis descendentibus, persimiles. Non-  
 nulli uerò inde sic nuncupârunt, quòd difficilli-  
 mè ab his partibus, quas obsederit, euellatur, què  
 admodum cancer aquaticus animans. Hic enim  
 loco, quem semel apprehenderit, pertinaciter hæ-  
 ret. Adde quòd hic tumor cancri animalis colo-  
 rem repræsentat, nempe subnigrum. Plura de hoc  
 Paulus lib. 4. cap. 26. & Ioannes Tegaultius lib.  
 2. cap. 15. chirurg. instit.

Secunda, quòd cum uino potum, lateris do-



## DE CONSERVANDA

**Tormina** lozem sedet. Tormina quoq; uentris mitigat. Crassas enim inflationes, unde dolores isti proueniunt, discutit. Præterea stomachi atq; aliorum etiam uiscerum flatus dissipat, obstructionsq; tollit: ad quæ quidem omnia uinum quoq; per se sumptum singulare est.

**Vomitus** Tertia, quod uomitus aluiq; profluvia sistat. Calfaciendi enim & exiccandi ui materiam eorum discutit atq; consumit, & maximè quidè si à frigido & pituitoso succo oriamur. Vrinam & menses ciet, lateris, renum, ac uesicæ dolores tollit, cum melicrato exhibitum. Porro Chærisfolium, de quo hoc loco agitur, nulla alia herba est quàm quæ uulgo nostrati Berbel / corrupta, ut apparet, ex cerifolio uoce, appellatur. Ceterum medicamenta, quæ hic de chærefolio produmur, neq; apud Plinium, neq; apud ullum aliquem autorem Græcum reperiuntur, sed ex Plinio illo Li 4. ca. recentiore, et longè post Galenum autore omnia 37 de re transsumpta sunt. Nam is hæc uerba de ipso tradit: Chærephyllon canceratis medetur, lateris dolores ex uino mitigat. Quidam illud oleo incotum ἀνὸ τοῖς, ad soluendam frigoris iniuriam, miscuerunt. Ex aqua mulsa pituitam resoluit. Ex aceto lumbricos & ténias perimit, urinam ciet, menstrua pellit. Tritum cum cera & axungia uetere parotidas discutit. Lege doctissimi uiri Iani Cornarij annotationes in caput 22. li. 1. Mac. Ad hæc



BONA VALETVDINE. 189

hæc succus siue stillatitius chærefolij liquor potus  
cum carbonibus tiliæ, & lapide ex cancrorum  
capitibus exempto, sanguinem ob casum, percus-  
sionem, uel contusionem in grumos concretum,  
certo experimento dissoluit, & renum calculos  
frangit.

DE ENULA CAMPANA.

Cap. LXVIII.



**E**Nula campana reddit præcordia  
fana,

Cum succo rutæ succus si sumitur e- Ma.li. 1.  
ius, 4 5 cap. 20.



## DE CONSERVANDA

Affirmant ruptis quòd profit potio  
talis.

Der Alant ist der brust gesunde/  
Vnd so sein safft zur rauten kompt/  
Ist den zerbrochenen heylsam seh:/  
Nach der ärzte gemeiner leer.

Hic due referuntur facultates herbae, quam  
ἐλενιον Græci uocant, Latini Helenium, & Inu-  
lam, Barbari Enulam, Officinæ Enulam campa-  
nam, & Germani Alant.

Prima, quòd curet ac roboret præcordia:  
quo nomine iam exta in homine intelligenda ue-  
niunt, nempe os uentriculi, membra spiritus, &  
quæcunq; cordi propinquiora sunt. Et hoc sanè  
radice potissimum efficit. Ea enim calida & sic-  
ca atq; odorata est cum excrementitia humidi-  
tate, quapropter eclegmatis cum melle tempe-  
rata crassos ac lentos humores pectori pulma-  
niq; infarctos educit, tussi orthopnoeæq; prodest.  
Omnis iræ dolorisq; obliuionem inducit, cor ex-  
hilarat ac roborat. Ex ea uinum etiam confici-  
tur, quod uenlæitne Græcis dicitur. Hoc con-  
tra stomachi & pectoris uitia, & cordis ex hu-  
miditate & frigidityate imbecillitatē efficax est,  
excrementa in uenis sanguini permista, per men-  
ses, ac urinas expellit.

Vinum  
enulatū.

Secunda,



## BONA VALETVDINE. 190

Secunda, quod succus eius cum ruta succo  
hermistus, herniosis, hoc est, ruptis, quibus inte-  
stina in scrotum deuoluuntur, admodum opitule  
ur, & maximè quidem si hernia ex flatuum mul-  
titudine euenerit. Eos enim ruta atq; belenij suc-  
 cus discutit. Radix præterea belenij stomacho  
 prauis succis referto utilis est in passo condita,  
 obstructionsq; iecoris atq; lienis tollit. Trita,  
 potaq; ad cruentas excreationes singularis est,  
 & serpentium morfibz medetur. Ruptis ac con-  
 uulsis omnibus confert. Folia eius ex uino cocta  
 utiliter illinuntur frigidis ac diuturnis partium  
 affectibus, cuiusmodi sunt nonnullæ coxarum pas-  
 siones, iuxta qd æs uocant, & exigue assidueq; ar-  
 ticulorum quorundam præ humiditate prociden-  
 tiæ ac luxationes. Plura Dioscorides lib. 1. ca. 27.  
 Galenus lib. 6. cap. 114. de simp. med. facul. & Au-  
 cenna 2. Cano. cap. 240.

## DE PVLEGIO. CAP. LXIX.

**C**VM uino nigram choleram pota-  
 ta repellit,

Appositam ueterem dicunt sedare po-  
 dagram. Mac. li. 3  
cap. 4.

Polei getruncken mit gutem wein/  
 Vertreibt verbrant gblüt vnd zipperlein.  
 Duo



# DE CONSERVANDA



Duo hoc in loco Pulegij recensentur effectus.  
Prior quidem, quod atram bilem cū uino expur-  
get: eiusq; rei testis etiam est Dioscorides lib. 3.  
cap. 30. Atram, inquit, bilem per aluum exi-  
git.

Alter uerò, quod peculiari proprietate qua-  
dam antiquam curet podagram. Crassos enim ui-  
scososq;



BONA VALETVDINE. 191

prolofosq; humores, unde podagra generari pluri-  
 mum solet, uehementer calfacit, decoquit, exte-  
 rat, & emolitur. In tertio namq; ordine cali-  
 dit & siccum esse statuitur, quapropter poda-  
 gris etiam per se subuenit, impositum usq; dum  
 abescat locus. Vi pollere corroborandi, ex bona  
 agratia eius satis liquet. Aperit quoq; attrahit,  
 consumit, ratione tum essentia, tum qualita-  
 tum. Potum menstrua, secundas, ac partus eijcit.  
 In pulmonis uitia ex melle & aloë potum extrahit,  
 in uulsi auxiliatur. Capitis dolores impositum  
 auat. Quin & olfactu capita tueri contra fri-  
 gorum æstusq; iniuriam, & à siti, traditur. Nau-  
 mosas, stomachiq; erosiones ex posca permulcet.  
 In uulsi in uino utilissimè contra serpentium mor-  
 sus. Defectos animo recreat, cū aceto naribus ob-  
 ductum: Siccitū præterea crematumq; & in pul-  
 uerem tritū, linguas confirmat. Illitum cum po-  
 deria inflammationes omnes sedat. Cum cerato  
 ros extinguit: lienosis cū sale utiliter illinatur.  
 decoctum eius ablutas prurignes mitigat: & ca-  
 rem utilitate insidensib; sœminis prodest, infla-  
 ones, durities, & muliebrium locorum conuer-  
 ones corrigens. Plura Dioscorides loco citato,  
 linus lib. 20 cap. 14 Galenus lib. 6. cap. 93. de  
 impl. medic. facul. & Simeon Sethi in Synag.

DE NASTVRTIO, CA, LXX.

Alius



DE CONSERVANDA





**I**lius succus crines retinere fluen-  
tes  
illitus adferitur, dentisq; leuare dolo-  
rem.

Mac. li.  
1. cap. 11.

**L**ichenas succus purgat, cum melle per  
unctus.

Das fallend haar helt Brunnfress safft/  
Den zeen weetag/leibs schuppen macht.

Hic agitur de hortis familiari herba, Nastur-  
tio, quod νάστος Græci uocāt. Germani Gar-  
ten fress. Et referuntur tres ipsius facultates.

**P**rima, quod succus eius siue stillatitius li-  
quor, capiti illitus, aut potus etiam, capillorum de-  
fluuia sistat: præsertim si ex densatis infarctisq;  
meatibus orta fuerint. Crassos enim & pituito-  
sos humores calfacit, incidit, & extenuat.

**S**ecunda, quod denium curet dolorem, præ-  
cipue si à frigida materia prouenerit: Eam enim  
nasturtium discutit.

**T**ertia, quod succus eius cum melle illitus, lē-  
chenas, id est, impetigines, siue squamas cuti adhæ-  
rentes, abstergat. Nascuntur eæ ex phlegma-  
te potissimum salso, sed nasturtium intus assum-  
ptum omne phlegma pellit & expurgat: nam &  
mel quoq; insigniter abstergit. Nasturtij semē ad-  
urentis, seu causticæ facultatis particeps est, sicut  
sinapi. Proinde coxendicis, & capitis dolores,  
atq;



## DE CONSERVANDA

atq; adeò quodcunq; aliud rubrificationem pō-  
stulat, eo perinde atq; sinapi excalfaciunt. Misce-  
tur quoq; remedijs, quæ exhibentur asthmaticis,  
tanquam scilicet id, quod crassos succos ualen-  
ter incidere ualeat, uelut & sinapi: nam per o-  
mnia ei simile est. Stomacho aduersatur, aluum  
turbat, uentris lumbricos pellit, lienem imminuit,  
partus exanimat, menses ciet, & Venerem stimu-  
lat. Illitum cum melle lienem extenuat, fauos ex-  
purgat. Serpentium uenenis potum resistit, atque  
eos suffutu fugat. Carbunculos ad suppurationem  
perducit, & rumpit: Coxendicibus cum polenta  
commodè ex aceto illinitur: tumores inflammatio-  
nesq; discutit. Furunculos cum muria illitū emit-  
tit. Vomitus flauæ bilis citat, eādemq; per infer-  
na educit. Tradunt nonnulli, nasturtium uim ui-  
gorēq; animi suscitare, ac proinde eos, qui ipsum  
esitauerint, ingenio ac mente promptiores fieri.  
Lege Plinium lib. 19. cap. 8. & Erasmi Chiliades  
in prouerbio, ἐδινξε γὰρ αὐτοῦ. Porro & herba  
arefacta similem semini uim possidet. Humida ue-  
rò adhuc, & uiridis propter aqueæ humiditatis  
admistionem, multò semine inferior est: adeoq;  
tunc mordacitas eius moderata est, ut cum pane  
ea uti liceat, ceu obsonio. Plura Dioscorides lib.  
2. capite 149. Plinius lib. 20. cap. 13. Galenus lib.  
7. cap. 8. de simpl. medic. facult. Simeon Sethi in  
Syntag. & Auicenna 2. Cano. cap. 513.

DE



BONA VALETVDINE: 193  
DE CHELIDONIA.  
Cap. LXXI.



**C**Aecatis pullis hac lumina mater M4.li.2.  
hirundo cap. 29.



DE CONSERVANDA  
(Plinius ut scripsit) quamuis sint  
eruta, reddit.

Schellkraut ist den augen gesundt/  
Das wirt vns von den schwalben fundt.

Notatu dignum est, quod hic ex Plinio de che-  
lidonia refertur: nempe ipsam pullis hirundinum  
uisum restituere. Locus est li. 25. ca. 8. ubi sic scri-  
ptum reliquit: Animalia quoque inuenere herbas,  
in primisque chelidonium. Hac enim hirundines  
oculis pullorum in nido restitunt uisum, ut qui-  
dam uolunt, etiam erutis oculis. Meminat eiusdem  
etiam lib. 8. cap. 27. his uerbis: Chelidonium ui-  
sui saluberrimam hirundines monstrauere, uexa-  
tis pullorum oculis illa medentes. Hoc nomen, ut  
lib. 2. cap. 176. Dioscorides testatur, sibi uidetur  
uendicasse, quod aduentu hirundinum exoria-  
tur, et discessu emarcescat. Sunt qui narrant, he-  
rundines excæcatis pullis, admota herba, uisum  
restituere, inquit idem. Hinc cognitum est, suc-  
cum eius hominum oculis quoque mederi, utique in quibus  
crassum quiddam in pupilla colligitur, dige-  
stione atque discussione indigens. Hinc igitur edo-  
cti medici chelidonium omnibus ferè oculorum re-  
medijs pro uisus claritate admiscere solent. Herba  
est nota, crocei succi, cuius inuentionem hirundio-  
nibus ob id quoque attribuunt, quod pulli earum se-  
pius, quam ulli aliarum auium cecitatem incidat.

Hirundi-



## BONA VALETVDINE. 194

Hirundinum enim stercus chelidoniae oppositum  
 præstat: excæcat namq; si calidum in oculos de-  
 tidat, & præcipuè matrum. Quod etiam sacræ  
 testantur literæ, nam Tobia 2. seniore illū hoc  
 stercore excæcatum fuisse legitur. Cor. Cel. lib. 6  
 cap. 6. fabulam putat, per parentes oculos herba  
 restitui, qui per se sanescant. Chelidonia tertij est  
 ordinis absoluti iam, idq; tum in calfaciendo, tū  
 in siccando. Attrahit igitur, discutit, & consu-  
 mit. Radix trita & in uino decocta, caput, colu-  
 mellamq; frigidorum humorum à capite descen-  
 demium multitudine laxatam, ac linguae radici  
 atque faucibus incumbentem, expurgat, si exur-  
 gentem inde fumum infundibulo adhibito eger  
 admittat, & uinum deinde gargarizet. Cum  
 aniso, & uino albo pota, medetur regio morbo.  
 & ulceribus quæ serpunt, imposita cum uino,  
 aut manducata, denium dolorem sedat. Plura  
 Galenus libro octauo, cap. 172. de simplic. medic.  
 facult.

## DE SALICE. CA. LXXII.

**A** Vribus infusus uermes succus ne Ma. li. 1.  
 cat eius. ca. 16. &  
 Cortex uerrucas in aceto cocta resoluit. li. 2. ca. 35  
 Idem lib.  
 Huius flos sumptus in aqua frigescere 4. ca. 11.  
 cogit b 2



DE CONSERVANDA



Instinctus Veneris cunctos acres stimu-  
lantes.

Et sic deficcatur, ut nulla creatio fiat.

Der safft von Weiden die wüerm ersterbt/  
Die dir dein ohren habn verderbt.  
Die rind mit effig die wartzen mindrt/  
Die blüt vnd frucht die gburt verhindert.

Tri



Tria hoc loco de Salice traduntur.

Primum, quòd succus eius auribus instillatus uermes interficiat, & maximè quidem, si is sit ex folijs, & cortice expressus. Amarum enim quiddam in se habet & acerbum. Idem quoq; cū rosaceo in calyce punici calfactus, aurium doloribus & saniei medetur.

Secundum, quòd cortex eius in aceto decoctus, uerrucas pellat. Hanc rem Dioscorides lib. 1. cap. 117. sic tradidit: Corticis cinis admisto aceto maceratus, illitu clauos, & callos tollit.

Est enim uis eius admodū deficcatoria, sed ita tamen, ut morfu abstineat: habet uerò etiam quandam adstrictionem. Auicenna cap. 541. secundi Cano. eundem effectum portulacæ quoq; tribuit. Ex ea, inquit, fricantur uerrucæ, & eradicat eas non qualitate, sed naturali quadam facultate.

Tertium, quòd flos salicis conceptus prohibeat, & hoc certè ob uim deficcatoriam, & adstrictionem. Hoc ipsum autem αουμαντιαν ορυαζειν Dioscorides dixit, hoc est, facere ut mulier non concipiat. Non autem solum mulierum conceptus prohibet salicis semen, siue fructus, siue flos, uelut hic appellatur, sed etiam inunctus Veneris omnes congelat ac resiccat, etiam in uiris, ut generare nequeant. Atq; hoc ipsum Democritus quoq; apud Constantinum Cæ-



## DE CONSERVANDA

Sarem libr. 11 cap. 14. tradit his uerbis: Qui fructus salicis appellatur, pabulo pecorū annixtus, ipsa pingue facit. Tritus autem & in potu acceptus ab homine, steriles facit: ex quo & Homerus ὁδὸς υἱὸς. κ. ait:

Κλήτροις αἰγυροῖτε ἔϊτ' ἐὰν ὠλεσίκαρτοι.  
Id est:

Et populi & salices plantæ fructum perimentes.

Verum Theophrastus lib. 3. cap. 2. de historia plantarum, & Plinius lib. 16. cap. 16. uocem ὠλεσίκαρτοι non sic accipiunt dictam ab Homero, ut significet fructuum ac seminum humanorū perditionem, sed ipsius arboris. Plinij uerba hæc sunt: Ocyssimè autem salix amittit semen, antequam omnino maturitatem sentiat, ob id dicta ab Homero frugiperda: secutaq; etas scelero suo interpretata est sententiam, quando semen salicis mulieri sterilitatis medicamentū esse constat. Hæc ferè Ianus Cornarius in cap. 11. lib. 4. Macri. Didymus antiquissimus Homeri interpretæ, ita ex Theophrasto de salice refert: ὁ καρπὸς τῆς ἑταῆς τινὸς μὲν ἀφανίζεται γυναικὶ τῷ ἀνδρὶ δὲ ὠφελῶς. Id est, Fructus salicis potus genituræ hominum demolitur. Plura de Salice Galenus lib. 6. de simp. med. facul. cap. 155. & Auisennæ 2. Cano. cap. 686.

DE



BONA VALETVDINE. 190  
DE CROCO. CA. LXXIII.



b 4



DE CONSERVANDA

**C**onfortare crocum dixerunt exhi-  
larando,  
Artus defectos reficitq; hepar repa-  
ratq;.

Der Safran freud vnd stercke gibt/  
Der lebr vnd schwachen glidern liebt.

Hic agitur de proprietatibus quibusdam Cro-  
ci: Ac primò quidem corpus roborare dicitur,  
eiq; letabundam quandam conciliare alacritate  
temiucunditatēue, præcipuè si quis eo modicè  
utatur. Immoderatus enim sumptus, pondere nō  
mirum trium-drachmarum, letalis est.

Deinde uerò membra defecta, id est, debilia  
ac prostrata reficere, inq; uigorem suum resti-  
tuere, traditur. Superat enim in eo calfaciens  
& qualitas & facultas, ut tota eius essentia secū-  
di sit ordinis excalfacientium, & primi exiccā-  
tium: proinde concoquendi, maturandi, emolli-  
endi, aperiendi, & discutiendi uim quandam ha-  
bet, adiuuante scilicet & paucula quadam ad-  
strictione. Cor non parum exhilarat, ipsumq;  
adeò, ac simul etiam hepar, atq; alias corporis  
partes, ob insidentem nimirum adstrictionem, ita  
corroborat, ut non faciliè dissolui queant, obstru-  
ctionesq; tollit. Quinetiam stomachum modera-  
to calore suo firmat, eiusq; tum concoquendi,  
tum distribuendi facultatem adiuuat. Immodicè  
tamen



tamen illo utendum non est: quippe qui ita nau-  
 seam faciliè moueat, & cibi inappetentiam, Græ-  
 ci *κνοπεξία* uocant, efficiat: siquidem acidita-  
 tem in uentriculo extinguit, quæ præsertim ap-  
 petentiam excitat. Sic cando mediocriter disposi-  
 tionibus pectoris phthisicis auxiliatur, putredini-  
 nes corrigit, anhelitum facilem reddit, eiusq; in-  
 strumenta corroborat. Nam si usus ipsius medius  
 fuerit, facilem respirationem, & amabilem  
 coloris bonitatem facit: sin uerò citra modum,  
 pallorem inducit, cerebrum infestat, capitis do-  
 lorem commouet, sensus obtenebrat, & oculos  
 hebetat. Vino impositus uehementer inebriat, a-  
 deoq; exhilarat, ut insaniam maximè alacrem læ-  
 tabundamue pariat. Si quis uerò ex passio bibe-  
 rit, crapulam non sentiet. Additur in potiones,  
 quæ interaneorum causa temperantur. Pituito-  
 sa uitia & lethargica sanat. Somnum conciliat.  
 Venerem stimulat, menses & urinam ciet. Mu-  
 lieribus difficulter parientibus, in potu duarum  
 drachmarum pondere exhibitus, partum acce-  
 lerat. Illitus cum humano lacte uisum abstergit,  
 & oculorum fluxiones cohibet. Aurium reme-  
 dijs utilissimus est. Vergentes ad ignem sacrum  
 inflammationes inunctus lenit. Vuluæ sedisq; ca-  
 taplasmatibus utiliter inditur. Plura Diosco-  
 rides lib. 1. cap. 25. Plinius lib. 21. cap. 20. Gale-  
 nus li. 7. de simp. med. fac. ca. 57. Simeon Sethi in



DE CONSERVANDA  
Syntag. Serapion cap. 173. simplicium, & Auicenna  
na lib. 2. Cano. cap. 129.

DE PORRO. CA. LXXIII.



**R** Eddit fecundas mansum persae  
Ma. li. 1. pe puellas,  
cap. 6. Manantemq; pores naris retinere cru-  
orem,

Vngas si nares intus medicamine tali.

Der Lauch macht fruchtbar / so mann ist /  
Versteht das blut / das ist gewiß.

Due hoc in loco Porri referuntur proprietates.



BONA VALETVDINE. 195

s. Ac prior quidem, quòd imprægnandi facilitas  
in uteribus mulieribus pariat: atq; ne aborti-  
tus grauidæ prohibeat. Quod sanè magni etiam  
Hippocratis autoritate, Plinius lib. 20. cap. 6. in  
hunc modum scribens confirmat: Hippocrates  
sine alia mixtura dari iubet, uulvasq; contra  
aperiri putat. Fœcunditatem etiam fœmina-  
rum hoc cibo augeri. Idq; nō in cibo tantum, siue  
in potu, sed illitum quoq; & foris admotum, præ-  
stat. Coquitur enim in aceto & marina aqua  
his aromata eius, decoctoq; illo insidentium fœminarū  
sub ræclusi duratiq; loci utiliter fouentur. Folia  
quoq; porri muliebres locos, qui nimio humore  
adulescentes fœtum haud cominere ualent, egre-  
giè purgant. Item ex abortu profluvia sistit, potio  
succo cum lacte mulierum.

Altera, quòd sanguinem è naribus erumpen-  
tem sistat: & maximè quidem succus eius cum  
aceto, addito thure, aut manna, uel galla, aut men-  
tha. Idem quoq; sanguinem reijcientibus cum  
galla aut thuris farina, uel acacia, auxilio est.

Quinetiam potæ seminis drachmæ duæ cum pa-  
ucis myrti baccis ueteres sanguinis ex pectore  
reiectiones sanant. Acrimoniam enim quandam  
habet porrum, & adstringendi aliquam uim, sed  
semen acrius est. Plura suprà cap. 13.

DE PIFERE. CAP. LXXV.

Quod



DE CONSERVANDA



**Q**uod piper est nigrum, non est  
dissoluere pigrum.

Phlegmata purgabit, concoctricemq;  
iuuabit.

Leucopiper stomacho prodest, tussi q;  
dolori q;

Vtile, praeveniet motum, febris q; rigo-  
rem.

Schwarzer pfeffer löset das marck/  
Den schleim zertreibt/die dāwung macht  
starck.

Der



Der weisse Pfeffer dient dem magn/  
 mit hūstn vnd schmerz der brust verjagt/  
 ligstu in vor dem kampff des kaltn/  
 wil dir deiner gsundtheit walten.

Agitur hoc in loco de triplici genere piperis,  
 uno scilicet, albo, et nigro. Et fructus quidem,  
 lib. 8. cap. 42. de simp. med. fac. Galenus memo-  
 re prodidit, nuper admodum germinantis arbo-  
 ris, oblongum est piper, maturo humidius: humi-  
 ditatis eius indicium est, quod facile repositum  
 perforaretur, ac non protinus mordicet, sed post  
 paulo incipiat, uerum plusculum duret. Fructus  
 imeluti acerbis immaturusq; album est piper, ni-  
 bius pro quide acrius. Nam illud iam quasi superassa-  
 tum est, et superexiccatum. Longum quidem pi-  
 per, μακρόν Græci, Album λευκόν, nigrum με-  
 λαν πέρδι uocant. Sanè prioribus duobus uer-  
 bus tres nigri comprehenduntur proprietates.

Prima, quod in dissoluendo non sit pigrum,  
 hoc est, crassos, glutinosos, ac frigidos humores,  
 et atuososq; spiritus egregie discutiat. Valerius  
 enim tum exal facit, tum desiccet, ordine nimirum  
 tertio completo.

Secunda, quod phlegmata expurget: Visci-  
 dam enim pituitam, quæ in interiore corpore,  
 nempe in thorace, pulmone, et intestinis residet,  
 concoquendo atq; extenuando dissipat expellitq;.

Tertia, quod plurimum ad iumentum concocto  
 tia



## DE CONSERVANDA

rie adferat facultati. Hoc ipsum Dioscorides etiam lib. 2. cap. 153. ijs confirmat uerbis: Somnum inquit, et appetentiam cibi conciliat, concoctionem adiuuat: utunturq; ob id eo ad intinctus. Porro ad eum usum melius est longum: quippe quod, Galeno libro 4. capite 10. de Sanitate tuenda, teste, flatuosi spiritus crassitudinem soluit, et quæ in præcordijs pigra cessant, ad uentrem depellit, et cōcoquendis quæ sumpseris subuenit.

Posterioribus duobus uersibus quinque albi piperis referuntur utilitates.

Prima, quod stomacho conferat: ipsum enim, ut Galenus eodem quo antea loco testatur, supra duo reliqua genera roborat.

Secunda, quod limctu potaq; tussientibus opituletur: præsertim si ex frigido et crasso humore tussis euenerit: cum namq; piper album calfacit, incidit, et dissoluit. Pari modo et cunctis alijs frigidis, et à pituita ortis pectoris uitijs succurrit.

Tertia, quod dolori subueniat: idq; intelligendum uel de dolore pectoris, ut iam dictum est, uel de dolore flatuoso: Potum enim cum melle et recentibus lauri folijs, flatuosos spiritus et tormenta discutit.

Quarta, quod præsumptum febrium accessiones, siue exacerbationes, *παραφύματα* Græci uocant, auertat: et hoc quidem in febribus frigidis.



gdis. Earum namq; materiam excalfaciendo quodammodo dissipat & expellit.

Quinta, quod febrium horroribus circuitus repetentibus, siue potu siue illitu subueniat: Nervos enim & musculos caliditate sua uehementer roborat, & in eis residentem materiam consumit. Hinc est quod lib. 3. cap. 1. Macer in hunc modum cecinerit:

Quodque mouere solet frigus, periodica febris

Compescit, febris si sumitur ante tremorem.

Quod 2. Cano. cap. 556. ijs uerbis Auicenna innuere etiam uoluit, inquiens: Fricando fit immunctio ex ipso cum unguento, & confert rigori.

Eiusq; rei exempla sunt apud eundem 1. 4. trac. 2. capite 12. Et haec certe facultates non albo tantum piperi, sed & reliquis quoq; generibus conueniunt. Liberalior piperis usus, quemadmodum est apud Aristotelem Sect. 1. problemate 44. urinas prolicit, parcior autem aluum deiecit: è contrario uerò scammonia. Piper caliginem, quae oculis obuersatur, absterget: Serpentiū morsibus auxiliatur: Anginae eo & melle conuenienter perunguntur: Cum uua passa manducatum, pituitam à capite elicit. Strumas cum pice discutit. Vitilignes ex nitro emaculat. Plura Plinius li. 12. ca. 7. & Serapion ca 357. de sim. med. fac.

DE



DE CONSERVANDA  
DE GRAVITATE AUDITVS.  
Cap. LXXVI.



**E**T mox post escam dormire, ni-  
misq; moueri,  
Ista grauare solent auditus, ebrietasq;.

Bald schlaffen vffs essen/vnd hart bewegn/  
Auch trunckenheit/thüts ghd̄s nit pflegn.

Hic tria recensentur, quibus auditus prægra-  
uari solet.

Primum, cibus quem somnus statim excipit,  
& maximè quidem si uenter eo distensus  
fuerit. Hic enim concoctionem impedit, & crudi-  
tates gignit. Ex inconcoctis uerò ac crudis in  
uentriculo cibus uiscosi, craffi, & flatuosi susci-  
tantur fumi: qui in caput sublati, cum exitum non  
inueniant, auditorios obstruunt meatus, auditumq;  
grauant.



grauam. De hoc nonnihil etiam supra capite 3.

Secundum, motus, siue labor uehementior illico post ingestum cibum susceptus: Cuius causam Galenus in commentario πὸς τὴν βουχυσίαν, ἢ κατὰ τὴν βουχυσίαν ca. 5. hanc esse tradit. Nam sicuti, inquit, bonæ ualetudini ante cibum exercitatio maximum adfert commodum: sic qualiscunq; sumpto cibo motus noxius admodum est. Alimentum enim ex uentre ante concoctionem in diuersas corporis partes distribuitur, proptereaq; crudi humoris copia per uenas aggeritur. Vnde crassi etiam ac flatuosi spiritus sursum elati meatus auditorios obturant. Idem quoq; lib. 6. de sapientia tuenda cap. 8. ijs testatur uerbis: Non leue incommodum nonnullis accidit, cum repleti cibo se exercitant. Nonnullis enim & caput impletur uaporibus, & in iocinore aut ponderis sensus, aut distentionis, aut utriusq; percipitur. Et lib. 1. cap. 9. de aliment. facul. Carnes, inquit, in antro rapiunt ex uentre succum non modo semicoctum, sed nonnunquam etiam omnino crudum atq; incoctum, cum cibo sumpto operibus sese reddiderim: ob eamq; causam ijs grauissimis morbis posteaprehenduntur, & ante senectam intereunt.

Stare tamen post comestionem, uel suauiter deambulare, quo cibus ad fundum descendat uentriculi, multum expedit & confert, ob bonam ciborum concoctionem. Idq; uulgato etiā hoc comprobatur uersiculo:



## DE CONSERVANDA

Post cœnam stabis, aut passus nulle meabis.

Tertium, ebrietas. Nam ex calidi uini temperatura multi omnino uapores ac fumi ad auditus ὀργανον promptè deferuntur, qui, cum exitum non inueniant, spiritum eius insitum perturbant, & audiendi difficultatem, Græcis Βαρυνοσία καὶ συνονοσία appellatam, pariunt. Neque uerò auditui solum, sed uisui quoq; ac reliquis sensuum instrumentis omnibus ebrietas nocet, quemadmodum 4. 3. capite 2. Auicenna iuste statuit uerbis: Ex eis quidem, quæ nocent auri, & reliquis sensibus, sunt nauseosa satietas, & repletio, & propriè somnus super repletionem. In nonnullis exemplaribus hic etiam uersus adscriptus habebatur:

Balnea, sol, uomitus, adfert repletio, clamor.

Nec malè quidem, siquidem & hæc auditum grauari, & aurium sonitus generare, 4. 3. capite 1. autor est Auicenna. Oportet, inquit, ut omnes isti uitent solem, balneum, motum laboriosum, uomitum, clamorem, coitum, & repletionem, & ut leniant naturas suas.

## DE TINNITU SIVE SONITU aurium. Cap.

LXXVII.

**M**otus, longa fames, uomitus, percussio, calus, Ebrietas



Ebrietas, frigus, tinnitū causat in aure.

Ybung / Felt / hungre / vndāwng / vbrig trādt /  
Verlegung haupts / macht ohren flangt.

Septem hoc in loco enumeramus sonitus, siue  
tinnitus aurium cause.

Prima, motus, immoderatio scilicet: Humores enim & spiritus uehementiore atq; inordinato corporis motu concitati crassos uentososq; generant flatus, quibus sursum uergentibus cum facilis non pateat exitus, tinnitus excitatur. Ac plurimum sanè ob uentosi flatus in auditorio meatu commotionem nasci solet.

Secunda, fames, siue longior ultra consuetam edendi horam abstinencia. Cuius Auicenna 4. 3. cap. 9. hanc tradit esse causam: Nempe quòd humores per corporis molem dispersi ac quiescentes longiore fame exagitentur. Natura enim cibo, in quem agat, destituta, ad humores conuertitur, eosq; resoluit & commouet.

Tertia, uomitus uiolentus & multus. In hoc enim motus accidit uehementior, quo humores exagitati sursum ad caput feruntur: quo fit, ut oculi nonnunquam ac facies rubescant, uisusq; debilitetur, nonnunquam uerò uapores ac uentosi flatus ad auditorium pertingant organum, tinnitumq; excitent.



## DE CONSERVANDA

Quarta, prægressa plaga, siue percussio spherule capitis, & maximè qua parte aures sitæ sunt. Innato enim auditus aëri uehementius inde exagitato spiritus accedit. Siquidem membro aliquo læso, quemadmodum in lib. de renum affec. dignot. & cura. ca. 12. Galenus testatur, spiritus statim & sanguis, qui sunt naturæ uehicula, eò concurrunt: ex quorum deinde commotione innitus accidit.

Quinta, casus, præsertim supra caput, Cuius eadem cum præcedente ratio est. Quæ etiam humores in corpore ex quolibet casu uehementer exagitantur.

Sexta, ebrietas, & maximè quidem ex largo uini potu. Inde enim caput fumis repletur ac uaporibus, quibus ad auditorios meatus uergentibus, innatus eorum aër commouetur, & sonitus quidam excitatur.

Septima, frigus immodicum. Eo enim auditus organum, et naturalis cerebri calor debilitantur, ut flatuosos generent spiritus: quibus ad aures penetrantibus, tinnitus facile elicitur. Neq; ob dictas solum causas, sed ob alias etiam non paucas sonitus in auribus fiunt: Nempe ob flatuosum spiritum in capite generatum ac commotum. Ex sonitu saniei, quæ in ipsa fortassis aure genita est: aut ex feruore puris in partibus eius, aut ex motu uermium in auditorijs meatibus sæpenumero



BONA VALETVDINE. 203

ro euiente, aut ob humoris in toto corpore e-  
bullientis commotionem: sicuti in febribus serè &  
paroxysmorum principijs contingit: Aut ob su-  
perfluam in corpore repletionem, præsertim in  
capite: Aut ex lenta et crassa materia in uento-  
sos flatus resoluta: Aliquando ob pharmacorum  
auricularium usum sonitus quidam etiam fiunt.  
Qui in febribus sonitus fiunt, minimè intertur-  
bandi sunt, ut plurimum enim statim sedantur.  
Plura Galenus lib. 3. de compositione Pharmaco-  
rum secundum locos, ca. 1. de sonitu in auribus.  
Serapion trac. 2. ca. 12. de surditate, & Auicen-  
na loco iam citato.

DE VISVS NOCV MEN-  
tis. Cap. LXXVIII.



**B**Alnea, uina, Venus, uentus, piper,  
allia, fumus,  
Porrum cum cepis, faba, lens, fletusq;  
sinapi,  
Sol, coitusq;, ignis, labor, ictus, acumi-  
na, puluis,  
Ista nocent oculis, sed uigilare magis.



## DE CONSERVANDA

Wein/bad/windt/vntensch/pfeffer/lauch/  
 Knoblauch/zwibeln/weinen vnd rauch/  
 Senff/linsen/bonn/sonn/fewer erbt/  
 Haben vieln jr augen verderbt/  
 Verletzung/staub vnd scharpffe speiß/  
 Waschen zuvil/hat auch die weiß.

Vnum ex uiginti numero hic referuntur, quæ  
 noxam oculis important. Ac primum quidem  
 Balneum, idq; tam humidum, quàm siccum, hoc  
 Stupha Barbaris, Latinis Acreum dicitur: illud  
 uerò Tina uulgo, Latinis Solium appellatur. Du-  
 plici porro nomine utrunq; oculis officit. Pri-  
 mum quidem immodicè excalfaciendo tempera-  
 turas eorum destruit. Natura enim, uelut supra  
 ostendimus, frigidi sunt & aquei. Deinde uerò  
 tenuiores humiditates, quibus uisus, ijq; ignei  
 temperantur, refocillanturq; spiritus, resoluit et  
 exiccat. Atq; hinc adeò prope Rhenum, ubi plu-  
 rimus utriusq; balnei usus est, non pauci passim oc-  
 currunt cæci, quemadmodum in Hollandia ob  
 inordinatam uictus rationem multi leprosi.

Secundum, uinum, & maximè quidem si  
 immodicè bibatur. Cum enim caput, ut sæpius iam  
 dictum est, uaporibus ac fumis repleat, non ocu-  
 los tantum ac uisum, sed reliquos etiam sensus o-  
 mnes immoderatiore usu hebetare putandum est.

Tertium, Venus, immodica scilicet. Hanc e-  
 nim



nim obtundere oculorum aciem, Medici omnes uno ore prædicant. Cuius causam Petrus Aponensis Sectione 4. problematum Aristotelis, comment. 3. hanc esse tradit: Nempe quòd coitu auferatur id, quod commodum est oculis, humidum scilicet, aqueum & subtile, quo spiritus fulciuntur uisui. Oculus enim, ut libro 5. capite 1. de generatione animalium, & alibi sæpius Aristoteles adseruit, humidus est, & de natura aque. Iam uerò euulsis atq; euacuatis humidis, partes superiores necessario exiccantur. Quo fit, ut oculi, qui humiditate uigent, à sua decedant natura, hebetioresq; fiant. Merito autem humiditate uigent: nisi enim eas sustentarentur, per igneos facile spiritus, qui in frequenti sunt motione, exarescerent. Atq; hinc sanè constat, superiores partes immoderato concubitu plus iusto exiccari, uisusq; aciem hebetari: Humores enim deorsum trahuntur.

Quartum, Ventus, & præcipuè Austrinus: De quo lib. 3. aph. 5. Hippocrates. Νότοι, inquit, Βαρυήνοι, ἀχλὺ δὲ δὲ καὶ κερῆαριχοί, hoc est, Austri auditum hebetant, caliginem obducunt, capitis grauitatem efficiunt. Auster enim natura calidus & humidus est, ac magna ex parte pluias & tempestates adfert, quare etiam τὰ τῶ ἀιδῆστω ὄργανα ἀποβέννυσσι, quemadmodum Philotheus ait, id est, sensuum instrumenta



## DE CONSERVANDA

implet, & obtundit. Ceterum uox ἀχλὺς Aeg-  
bifariam interpretari potest. Primum, ut ad au-  
stros ipsos referatur, qui caliginem aeris effici-  
unt. his enim flantibus aer fit turbidus, crassus, ca-  
lignosus, & tenebrosus. Secundo, ut ad oculos i-  
psos potius haec uox referatur, qui flantibus au-  
stris caliginosi redduntur, minusq; acutè uident.  
Ut enim reliqua omnia sensuum instrumenta nõ  
satis probè suo funguntur munere, sic etiam ocu-  
li ipsi ab austro caliginem quandam contrahunt.  
Lege Galenum commentario 1. in 1. epidem. Tem-  
pestate. 1. apho. 8.

Quintum, piper: Hoc enim cum impensius  
exiccet, acres omnino uapores frequenti esu ge-  
nerat, qui ubi ad caput ascenderint, oculos mor-  
dicant & exiccant.

Sextum, Allium: quod acrimonia sanè et ua-  
poribus, quibus caput replet, oculos offendit. Su-  
prà cap. 13.

Septimum, fumus: qui certè, quod morda-  
cissimus sit, nimiumq; exiccet, infestissimus est  
oculis. Aristoteles proble. 22. Sect. 31.

Octauum, porrū: hinc enim crassi ac melan-  
cholici generantur fumi, qui sursum elati, oculo-  
rum aciem hebetem faciunt, si quis eo frequenti-  
us utatur. Suprà cap. 13.

Nonum, cepæ: horum namq; esu acres simi-  
liter ad caput submittuntur fumi, qui non uisum  
tantum,



antum, sed ut quidam uolunt, rationalem etiam  
animæ partem lædunt. Simeon Sethi.

Decimum, faba: flatuosum enim crassumq;  
& melancholicum generat fumum, qui horrenda  
et terribilia parit somnia, memem perturbat, in-  
genijq; aciem obtundit, & spiritus uisui obtene-  
brat. Gale. lib. 1. de alim. fac. cap. 26. & Simeon  
Sethi in Synt.

Vndecimum, lens: Ea uisum integrum &  
inculpātū hebetat, ipsum immoderatè exiccans.  
Gale. lib. 1. de aliment. facul. cap. 25.

Duodecimum, fletus: præsertim immodi-  
cus. Hic enim cum retentricem oculorum faculo-  
tatem imbecilliorē reddat, uisum uehementer  
oblēdit, & sanam oculorum aciem nimio plus sic-  
cando hebetat.

Decimum & tertium, sinapi: quod acri-  
monia sua uisum efficit debiliorem.

Decimum & quartum, conspectus Solis:  
Et hoc quidem ob excellentem eius splendore ac-  
nitorem, quibus uisum destrui, manifesta con-  
stat experientia & ratione. Sensibilibus enim  
exuperationes, ut lib. 2. de anima cap. 12. Aristot-  
eles adstruit, sensuum instrumenta corrumpunt.  
Quod quidem Galenus etiam lib. 10. de usu part.  
cap. 3. in hunc modum scribens approbat: Solem  
ipsum, inquit, si quis oculis inconuenientibus ue-  
lit intueri, oculos celeriter perdet; multiq; in so-



## DE CONSERVANDA

lis defectibus, cum eum affectum, qui soli accide-  
rat, planius nosse cuperent, fixis oculis solem in-  
tuentes, imprudentes prorsus fuerunt occaecati.  
At enim per nuem iter facere quam oculis si-  
perniciosum, si minus Xenophoni credis, expe-  
riencia tibi discere id licet: Sin uero naturalium  
quidpiam audire sustines, ubi ellychnium ardens,  
aut aliam quamuis flammam in sole luculento co-  
stitueris, cernes eam protinus marcescere, atque  
etiam si prope quamlibet flammam magnam el-  
lychnium posueris, uel aliam quamuis flammam  
minorem, repente extinguetur: Cum quae minor  
lux est à maiore uincatur semper ac dissipetur.  
Lege eundem etiam libro 1. de causis sympto. ca-  
pite 6.

Decimum & quintum, coitus: & maxi-  
mè quidem intempestius ac immoderatio. Huc  
enim paulò antè capiti, oculis, omnibusq; sensuum  
instrumentis, plurimum nocere ostendimus.

Decimum & sextum, ignis: Cuius fre-  
quens inspectio & splendor uehementer exiccat  
oculos, uisumq; debilitat. Quo fit, ut fabri ferra-  
rij, & quicunq; artes suas, quibus se suosq; susten-  
tant, ad ignem exercent, rubros ferè, & debiles  
habeant oculos.

Decimum & septimum, Labor: immodi-  
cus scilicet. Is enim sanguinem efficit siccio-  
rem, sicut etiam reliquum corpus. Siccitas autem to-  
tam



am cutem induratur, ergo uel eam, qua pupilla in-  
tegretur, itaq; uis illa conspiciendi cooperitur, &  
elitescit. Aristoteles proble. sec. 31. proble. 142.

Decimum & octauum, ictus siue percus-  
sio capitis, & maximè quidem qua parte oculi  
sunt. Cum enim sanguis inde, sicuti precedente  
capite ostendimus, ad oculos rapiatur, accidit  
ut spiritus uisui perturbentur, adeoq; uisus ob-  
scure debilitetur, & apostema nonnunquam genere-  
tur.

Decimum & nonum, nimis acrum re-  
rum usus : cuiusmodi salsamenta nonnulla exi-  
stunt, quæ humorum acrimonia aciem oculorum  
obtundunt.

Vigesimum, puluis, siue ambulatio per lo-  
ca puluerulenta : puluis enim ad oculos pertine-  
gens uisum maximè obscurat.

Vigesimum primum, immodica uigilia,  
quæ non oculos tantum, sed totum etiam corpo-  
ris habitum impensius exiccant, & extabefa-  
ciunt.

Ad hæc, nocet oculis quælibet repletio : &  
quicquid naturam exiccat, quicquid item sangui-  
nem conturbat, siue ex rebus sit salsis, siue acri-  
bus, siue etiam alijs : & omnis ebrietas. Vomitus  
medio quodam modo se habet : confert enim qua-  
tenus uentriculum expurgat, nocet uerò quate-  
nus cerebro insidentes materias commouet, adq;  
oculos



## DE CONSERVANDA

oculos defluere facit. Quod si necessarius fuerit  
cum facilitate à sumpto cibo prouocandus est.  
Somnus quoq; superfluus, quiq; repletionem mo-  
subsequitur, infestus admodū est oculis. Sic quo-  
copiosa sanguinis detractio. Potissimum uero  
quæ per frequentem cucurbitularum affixione  
celebratur. Plura Auicenna 3.3.trac.1.cap.5. &  
3.3.trac.4.cap.4.

## DE CORROBORANTIBVS

uisum. Cap. LXXIX.

**F**Oeniculus, uerbena, rosa, & cheli-  
donia, ruta,

Subueniunt oculis dira caligine pres-  
fis.

Nam ex istis aqua fit, quæ lumina red-  
dit acuta.

Fenchel / eisenkraut / rosen / rautten /  
Schelkraut / macht die augen lauter.

Quinq; hoc loco recensentur herbe, quarum  
succo, & stillatio liquore, siue aqua, uisus refi-  
citur ac recreatur.

Prima, foeniculus: succus nanq; caule & fo-  
lijs expressus, siue destillatus, quemadmodum lib.  
3. ad Alman. cap. 47. Rhazes testatur, & nos su-  
prà



à cap. 49. abundè ostendimus, ad excitandam  
oculorum aciem præstantissimus habetur.

Secunda, Verbena, siue Verbenaca: *περσε-  
δνα, ἡ ἰερὰ* Bot *ἀνθ* Græci, Germani ue-  
Eisenkraut/ uocant. Huius stillatitius liquor  
mel aut bis oculis quotidie admotus, ipsorum ui-  
sui mederi perhibetur. Qua ratione oculorum re-  
medijs plurimum misceri solet. Semen eius, ut in  
brande *estis* Syluaticus refert, cum succo fœniculi  
impositum, oculos emundat.

Tertia, rosa: Cuius aqua refrigerando, &  
adstringendo oculorum potissimum fluxiones cohi-  
bet, animalemq; spiritum ac uisum corroborat.  
Succus recensibus folijs expressus Dioscoridi li-  
b. 1. cap. 112. ad oculorum circumlitiones re-  
comendatur.

Quarta, chelidonia. Huius succus claritati  
oculorum utilissimus est, quemadmodum satis su-  
perius ostendimus supra, cap. 71.

Quinta, ruta: herba uulgo cognita, quæ ui-  
sui aciem excitat, grauesq; oculorum dolores em-  
plastri modo imposita cum polema mitigat. Plu-  
ra supra cap. 61.

## DE DOLORE DENTIVM

sedando. Cap. LXXX.

**S**ic dentes serua, porrorum collige  
grana.

Vre



DE CONSERVANDA



Vre cum hyoscyamo simul, utere iure  
decenti.

Per sic chonion & fumum cape dente  
remorum.

Wiltu deinzeen in güt behafft/  
Nimm samn des lauchs vnd bilsen safft/  
Verbreins vnd sahe den ranch dauon/  
Vnd laß durchziehn den bösen zan.

Remedium hoc in loco traditur efficacissimū

ad



ad sedandum dentis ex erosione dolorem. Quod  
 constat seminis hyoscyami albi, & porri singulo-  
 rum partib. iij. et seminis cepæ partibus ij. S. Pri-  
 mum optimè præmundato dente, semina simul cō-  
 murantur, exurgentemq; hinc fumum eger admit-  
 tat, in fundibulo adhibito, ad affectū deniem. Leo-  
 nardus de hoc plura apud Aeginetam lib. 3. ca. 26. Aë-  
 tium. li. 8. ca. 33. Auicem. 7. 3. ca. 19. et Mesuen de  
 agnitudinibus oris, titulo, de uermibus dentium.  
 Hyoscyami natura est ἀνὸς ὀνός, quæ doloris le-  
 uamentum adeò præstat, ut uix percipi quidem  
 amplius possit. Fumus uerò seminum porri atque  
 cepæ, Auicem. 2. Can. ca. 547. teste, accommoda-  
 tissimus est necandis eiiciendisq; uermibus, qui in  
 orosis nōnunquam dentibus intolerabiles crucia-  
 tus excitant. Hyoscyamus, ut li. 4. ca. 64. à Dio-  
 scorido describitur, frutex est caules emittens cras-  
 sos: folia lata, oblōga, diuisa, nigra, hirsuta: flores  
 à latere caulis ordine prodeunt, tanquam puniceo-  
 rum cytini, scutulis septi seminum plenis, ut pa-  
 paueris, Germanicè Bilsentraut. ἡ ῥίζα μετ'  
 ὀφθαλμοῦ ἐστὶν ὀνταλγίας ὁδὸν δὲ ἰακχυσμα-  
 τὶς ἐστὶν, radice eius in aceto elixa, utiliter in dolo-  
 re dentes colluuntur. Quod Macer etiam lib. 2.  
 cap. 35. hisce uersibus confirmat:

Ore diu tepidum si comineatur acetum,  
 Quo sint decoctæ radices illius herbe,  
 Dicitur immodicum dentis pacare dolorem.

Porro



## DE CONSERVANDA

Porrò χώνιον, quod in emboti locum substitui-  
mus, ἀπὸ τῆς χώνυς diminutivum est, & signifi-  
cat infundibulum.

## DE RAUCEDINE VOCIS.

Cap. LXXXI.

**N**Vx, oleum, frigus capitisq; an-  
guillaq; potus,  
Ac pomum crudum, faciunt hominem  
fore raucum.

Des hauptes Felte/nuß vnd öl/  
Groß trünck/roh obs/macht rauch die Fel.

*Sex causa raucedinis hic recensentur.*

Prima, Nux: ea enim cum uehementer exic-  
cet, uocem exasperat, gruumq; clangoribus simi-  
lem efficit.

Secunda, Oleum: & maximè quidem quod  
ex immaturis oliuis exprimitur. Huius enim glu-  
tinosa quædam pars, dum in ore continetur, ad  
asperam delabitur arteriam, ipsamq; diutulè in-  
herendo stringit & exasperat. Omne præterea  
oleum in biliosis corporib. promptè accenditur,  
quare uocalem sepe arteriam ipsis exasperat, rau-  
cedinemq; parit. Quod oleo attribuitur hoc in lo-  
co, id ipsum etiam de caryine, quod è nucibus  
confici-



BONA VALET VDINE. 209

conficitur iuglandibus, intelligi potest.

Tertia, frigus capitis, ipsum enim caput comprimit ac stringit: quo fit, ut humores, qui sunt in cerebro, deorsum ad asperam arteriam defluant, eamque immodicè humectando raucedinem excitent.

Quarta, anguilla: De ea satis supra cap. 31. dictum est.

Quinta, potus: nimius scilicet, & maxime quidem, si instante nocte, atque hora somni exhibeatur. Asperam enim arteriam immodicè rigat & humectat: quæ ex medicorum omnium sententia potissima raucitatis causa est.

Sexta, pomum crudum: quo nomine quilibet fructus crudi intelligendi hoc in loco ueniunt.

Quatenus enim crudi existunt, phlegmatis generant multitudinem. Quod si immaturi præterea ac styptici fuerint, fauces exasperant, raucedinemque pariunt. Plures causas raucitatis enumerat Auicenna 10. 3. Trac. 2. ca. 1.

RHEVMATIS REMEDIA.

Cap. LXXXII.

**I**eiuna, uigila, caleas dape, tuque labora,

Inspira calidum, modicum bibe, comprime flatum.

d



DE CONSERVANDA

Hæc bene tu serua, si uis depellere rheuma.

Si fluat ad pectus, dicatur rheuma catarrhus:

Si ad fauces, branchos, si ad naris, esto coryza.

Wiltu gern sein des schnuppen loß/  
So fast vnd wach/thu arbeit groß/  
Brauch warme lufft/ vnd warme speiß/  
Den athem halt/ vnd trinck auch leiß.  
Der fluß auch andere namen hat/  
Nach dem er geht an dreierlei stat.

Hic septem enumerantur rheumatis remedia.

Primum, fames, siue ieiunium: per hoc enim ipsius consumitur materia. Fames enim, ut aphor. 59, libro 7. Hippocrates adserit, corpora exiccat. Et hoc quidem ex accidenti. Nam cum famescimus, si in fame perseueremus, naturalis calor, qui nunquam cessat, pabulo, in quod agit, destitutus, carniū humiditatem exiccat. Quare rheumatis quoq; materiam concoquendo ac diffundendo consumit.

Secundum, uigilie: quæ & ipse sanè cum totum corporis habitum, quemadmodum lib. 7. ca. 6. methodi meden. & comment. 28. lib. 2. aph. Galenus testatur, sufficienter exiccant, rheumatis etiam



etiam causam, nempe cerebri humiditates, neces-  
sario consumunt, uaporumq; copiam, ad caput  
transmitti prohibent.

Tertium, cibi calidi: præsertim si à frigida materia ꝑꝑriæ initium duxerit. Eam enim cibi calidi concoquunt ac maturant.

Quartum, labor: Hic enim sicuti libro 2. de  
dieta Hipp. adserit, suapte natura superflua de-  
mit. Cuius deinde hanc adsert causam: nempe q̃  
corpus siccet. Corpora enim laborantium calefi-  
unt: quibus calefactis attenuatur & depurgatur  
id, quod in ipsis superfluum est: sed reuera hoc  
est, quia calor ille exiccat.

Quintum, calidi aëris inspiratio: Et maxi-  
mè quidem, si ex frigida materia sit rheuma. Ea  
namq; per calidi aëris attractionem incalescit ac  
maturatur.

Sextum, moderatio potus. Nam & hæc corpora, perinde ac fames, exiccat: adeoq; rheumatis materiam maturando dissipat atque consumit.

Septimum, cohibitio, siue retentio spiri-  
tus. Ea frigido potissimum auxiliatur catarrho: frigescentes namque pectoris particulas, Aëtio lib. 8. ca. 54. teste, calfacit, materiamq; catarrhi pituitosam ac frigidam concoquit, dispergit atque consumit. Galeno lib. 3. ca. 3 de sanitate tuen. τὸ πρὸς μᾶλλον κατὰ τὴν κατὰ φύσιν δια-



## DE CONSERVANDA

citur. His amplius, oportet ut is, qui catarrhum  
 patitur, caput suum moderato calore continen-  
 ter foueat, & à frigore, Boreali præsertim, tuea-  
 tur: & maxime quidem post diutinos Austri fla-  
 tus. Siquidem caput, ut comment. 12. lib. 3. apho.  
 Galenus scriptum reliquit, repletum est in cali-  
 da atq; humida Austrina constitutione. Frigus au-  
 tem Septentrionis superueniens, ceu manus quæ-  
 dam extrinseca capiens ac premens cerebrum,  
 ueluti spongiam quandam exprimit illam, quæ in  
 ipso coninetur, humiditatem. Hæc uerò delata  
 aliàs ad alium locum, ex ijs qui faciles sunt ad  
 patiendum, multos generat morbos. Minimè ta-  
 men sub dio solaribus radijs nudum exponendum  
 est, neq; ad luculentum ignem diutius commoran-  
 do excalescendum. Eo namq; modo rheumata  
 augentur. Multam quoq; ciborum ingestionem,  
 præsertim uaporosorum, ac uini potum fugiat: imò  
 uerò quoad fieri potest, famem ac sitim tole-  
 ret. Caueat etiam à potu aquæ glacialis ac niua-  
 lis. Præterea supinum cubitum uitet, ne peccans  
 humor in posteriorem partem & dorsalem me-  
 dullam deferatur. Ea enim pars cum manifesto  
 careat meatu, quo materia excernatur, periculū  
 est, ne ad nervos penetrans conuulsionē aut para-  
 lysin generet. Somnū item fugiat diurnum, quan-  
 tumq; potest uigilet: quoniam est radix curæ. Hæc  
 ferè Rhazes lib. 9. cap. 14. ad Almanso. & Aui-  
 cenna 5. 3. tract. 1. ca. 13.

Vltimi



Vltimi duo uersus diff. rentiam inter catar-  
hum, branchon, & coryzam continent. Rheu-  
ma autem nomen est generale ad quemlibet mate-  
rie defluxum, & per se, quod est fluo. Eius spe-  
cies siue membra sunt catarrhus, branchus, & co-  
ryza, de quibus supra ca. 3.

Porro rheumatis generatio imbrium genera-  
tioni similis est, quemadmodum libr. 2. de parti-  
animalium cap. 7. Aristoteles docet. Cum enim  
ex terra uapor exhalat, efferturq; in subli-  
me à calore, ubi supernum aërem subierit frigi-  
dum, consistit: denuò in aquam propter refrige-  
rationem conuertitur, atq; in terram defluit. Flu-  
xiones etiam sic ex capite oriuntur in ijs corpo-  
ribus, quibus cerebrum frigidius est, quam tempe-  
ramentum modicum postulet. Cum enim alimen-  
tum per uenas sursum respirat, ubi excremen-  
tum ob eius loci uim refrigeratum est, fluxio-  
nes pituitæ, saniei; mouet. Haclenus Aristote-  
les.

DE CVRATIONE FISTV-  
le. Cap. LXXXIII.

**A**Vripigmentum, sulphur miscere  
memento,  
His decet apponi calcem, coniunge sa-  
poni.



## DE CONSERVANDA

Quatuor hæc misce, commixtis quatuor istis

Fistula curatur, quater ex his si repleatur.

Medicamentum hoc in loco pro fistula curatione describitur longè optimum: quod, ut præter quotidianam experientiam recentiorum ferè omnium scripta testantur, neminem unquam fefellit. Nempe ut fistulis infundenda collyria, siue penicilla, ex auripigmento, hoc est, arsenico, sulphure, calce, & sapone commisceantur. His enim omnibus insignis quædam inest erodendi, exiccandi, discutiendi, abstergerendi, & emundandi facultas: quæ ad fistule curationem comprimis necessaria est.

Auripigmentum, siue arsenicum, facultatis est causticæ, siue urcentis, idq; tam combustum, quàm uestionis expers. Discutit, attrahit, erodit, consumit & emundat. Crustas cum uehementi uredine & uiolento morsu excitat. Reprimit quæ excrescunt, & capillos euellit. Quod uerò sublimatum est, cancerum, lupum, esthiomenon, noli me tangere, fistulam, & omnes tales pessimos morbos, prima die occidit, & extirpat.

Sulphur substantia tenue est, calfaciendi & ipsum uim obtinet, celeriter concoquit, attrahit, detergit, & discutit.

Calx



Calx omnis communiter habet feruidam vim,  
erodit, urit, & ignum modo crustas inducit.

Calx uerò in aqua elota absq; morſu deſiccatur: ac  
ſi bis terq; aut amplius abluta fuerit, planè morda-  
citatſ expers conſtituitur, ac ſtrenuè absq; mor-  
dacitate exiccat.

Sapo, qui Græcis etiam σμῦμα dicitur, eſt  
pingue illud album, ſiue nigrum, quo ueſtes mu-  
lierculæ lauant, abſtergunt, & emundant. Calſa-  
cit quidem & deſiccatur, ſed reliquis paulò remiſſi-  
us. Aptiſſimus eſt ad emolliendos tumores in  
σκιρροῖς induratos. Q. Serenus Samonicus pri-  
ma longa extulit ca. 11.

Attrito ſapone genas purgare memento.

Porro fiſtula (quæ Græcis σὺρις nominatur) arctus oblonguſq;, & calloſus eſt ſinus, ali-  
quatenus indolens, aſſiduè & periodicè, id eſt, ſe-  
cundum diuerſa tempora, ſiue lunctiones, ut uo-  
cant, fluens. Qui magna parte ex abſceſſib. parū  
dextrè curatis oritur, ſed & ex alijs nonnunquam  
ulcerum generib. ac ſinubus perperam curatis, na-  
ſcitur. Hæc autem nomen accepit ab arundinea-  
rum fiſtularum tralatione. Quandoquidem in eis  
cavitas quædam deprehenditur, arundinum cavi-  
tatibus ſimilis. Plura Corne. Celfus libro 5. cap. 8.  
Paulus Aegineta libr. 6. cap. 77. Auicenna 4. 4.  
tract. 4. ca. 11. & Ioannes Tagaultius libr. 3. chi-  
rurg. inſtitu. cap. 18.



DE CONSERVANDA  
DE DOLORIBVS CAPITIS.  
Cap. LXXXIIII.

**S**I capitis dolor est ex potu, lympham  
bibatur,

Ex potu nimio nam febris acuta creatur.

Si uertex capitis, uel frons æstu tribulentur,

Tempora, fronsq; simul moderatè sæpe fricentur,

Morella cocta nec non calidaq; lauentur.

Istud enim credunt capitis prodesse dolori.

Thut dir nach sauffen wee dein haupt/

Ein wassertrunck sei dir erlaubt.

So jemandt am haupt böß hig hat/

Der reibs vnnd waschs mit nachtschattin  
sodt.

*Duo hic traduntur remedia doloris capitis.*

Primum, si cuiuslibet liquoris inebriantis potu, dolor accidat capitis, ut is in potu aqua utatur frigida. Ea namq; frigidity ac crassitudine sua impedit, ne fumi ex eiusmodi potu sursum euecti cerebrum petant ac ledant.

*Secundum,*



BONA VALETVDINE. 213

Secundum, si cuius uertex capitis, siue  
frons nimio calore aestuet, ut ei tempora & frons  
moderatè primum fricentur, ac calida deinde a-  
qua decoctionis morellæ lauentur.

Porro Morella, siue Maurella, ut disertè  
admodum Ianus Cornarius in cap. 34. lib. 2. Ma-  
cri exponit, dicitur solatrum Officinis appella-  
tum, ob atrum acinorum colorem Mauros refe-  
rentem: Græci σούχρον κρηναίον, Latini uerò  
Solanum uocant hortense, Germanicè Nachts-  
schatt. Notum est omnibus, utunturq; ad omnia  
ea, quæ refrigerari adstringiq; postulant. Potest  
enim hæc duo ordine secundo, Galeno lib. 8. cap.  
144. de simp. med. facu. teste. Folia per se trita  
& imposita, capitis dolores sanant. Dioscor. lib.  
4. ca. 66.

DE QVATVOR ANNI TEM-  
poribus. Cap. LXXXV.

**T**emporis æstiu ieiunia corpora  
siccant.

Quolibet in mense & confert uomi-  
tus, quoq; purgat

Humores nocuos, stomachus quos cō-  
tinet intus.

Ver, Autumnus, Hyems, Aestas, domi-  
nantur in anno.

d s



# DE CONSERVANDA

Ver.

Aestas.



Autumnus.

Hyems.



Tempore uernali calidusq; aër, madi-  
 dusq;  
 Et nullum tempus melius est phlebo-  
 tomia.  
 Vfus tunc homini Veneris confert mo-  
 deratus,  
 Corporis & motus, uentrisq; solutio,  
 sudor,  
 Balnea.



BONA VALETVDINE. 214

Balnea, purgentur tūc corpora per me-  
dicinas.

Aestas more calet sicca, & noscatur in  
illa

Tunc quoq; præcipuè choleram rubrā  
dominari,

Humida, frigida fercula dentur, sit Ve-  
nus extrā,

Balnea non profunt, sint raræ phlebo-  
tomia,

Vtilis est requies, sit cum moderamine  
potus.

Das fastn im Sommer macht dich bage/  
All Wondt sich brechen/hilft dem magn/

Das Jar hat vier theyl vnd gestalt/  
Ist Lenz/Herbst/Sommer/Winter kalt.

Der Lenz ist mässig/feucht vnd warm/  
Denn solstu lassen/vnd reingn den darm/

Bewegn den leib/vnd badn mit schweiß/  
Bülen mit maß/purgirn mit fleiß/

Der Sommer ist heiß/vnd treugt sehr/  
Darinn sich viel der Cholra mehrt.

Nicht büel/iß feucht vnd kalte speiß/  
Nicht bad/noch laß/hab rüh/trinck leiß.

Nicht bad/noch laß/hab rüh/trinck leiß.

*Plurima hisce versibus comprehenduntur.*

*Ac primum quidem, quòd ieiunia corpus per  
æstatem*



## DE CONSERVANDA

estatem ualidissimè exiccent. Aestas enim cum calida sit ac sicca, necessariò talem etiam uim, nempe calidam et siccam, in corpore exercet. Cutem igitur efficit rariorem, poros aperit, sudoremq; elicit: Quo fit, ut humoribus largè discussis ac consumptis corpus uehementer exiccetur. Superueniente autem insuper et ieiunio, magis omnino exarescere necesse est. Naturalis siquidem calor, ut ca. 82. ostendimus, humido destitutus cibali, in propriam agit carnium humiditatem, ipsamq; exhaurit et exiccat. Fames enim corpora siccatur.

Secundum, quod uomitus singulis mensibus semel aut bis prouocatus, plurimum tuendae sanitati adferat emolumenti: Ventriculum enim abile et pituita, ceterisque prauis ac uitiosis humoribus, quibus grauatus fuit, exonerat. Atq; hoc quidem de Hippocratis consilio constat. Nam in lib. de salubri dieta ita scriptum reliquit: Melius est, ut is qui singulis mensibus uomere consueuit, continuo biduo hoc agat, quam interpositis quindecim diebus: ita enim secundus dies prioris reliquias extrudit. Quae quidem sententia in libro etiam de insomnijs repetitur. Galenus quoq; libro 5. de usu partium cap. 4. hanc Hippocratis sententiam ijs confirmat uerbis: Recte igitur ueteres medici uomitus à cibis in singulos menses repeti precipiebant, alij quidem semel, alij uerò



## BONA VALETUDINE. 215

uerò bis. Omnes autem hi qualitates ipsas eo ca-  
 su comedendorum acres atq; absterforias deli-  
 gere consulum, ut pituita omnis è uentriculo pur-  
 getur, neq; prauo succo corpus adficiatur. De  
 hoc nonnihil etiam suprà ea. 15. Cur uerò arte uo-  
 mitum interdum moliri oporteat, Auicenn. 4. 1. ca.  
 13. hanc potissimum adsignat causam: Nempè  
 quòd uentriculo à natura nihil ordinatū sit, quo  
 irritante sua sponte expurgari queat: sicuti inte-  
 stinis flaua bilis, quæ descendens ipsa faciliè & ab-  
 stergit & emundat. Idem eodem in loco quàm  
 plurima etiam uomitus recenset commoda, si qui-  
 dem rectè fiat, & uomens suapte natura faciliè  
 fiat.

Ac primum quidem, quòd capitis graui-  
 tatem tollat: idq; maximè si ex humorum ac ua-  
 porum multitudine è uentriculo ac membris in-  
 ferioribus sursum uergente contracta sit: si ue-  
 rò à proprio ipsius cerebri fuerit nocumèno, ab  
 eo cauendum, ut qui grauitatem augere magis so-  
 leat.

Secundum, quòd uisus aciem subtiliorem  
 reddat: præsertim si uisus ob uaporum copiam  
 è uentriculo sursum ascendentem obscuratus fue-  
 rit: aliàs enim offendit potius.

Tertium, quòd nauscosam auferat satieta-  
 tem: humorem enim in uentriculi spacio innatan-  
 tem, ac nauscam excitantem, euacuat.

Quartum,



## DE CONSERVANDA

Quartum, quòd illi etiam, ad cuius uentriculum flaua bilis confluens cibum corrumpit egregiè opituletur: eam enim per superiora exturbat.

Quintum, quòd stomachi subuersionem atque abominationem ex pinguium ac dulcium alimentorum esu contractam submoue at.

Sextum, quòd ἀνορεξία, id est, appetentiae amissionem, & corruptum ipsius uentriculi desiderium, quo nimirum acris solum, aut acida, aut pontica appetuntur, curet: Vomitus namque eiusmodi affectionum causas omnes remouet: remotis uerò causis, effectus quoque tolli necesse est.

Septimum, quòd corporis ex humorum redundantia lassitudini conueniat: euacuata enim materia uires corporis omnes alleuantur & recreantur.

Octauum, quòd renum ac uesicae ulceribus succurrat: materiam namq; eò corruentem ad oppositam abducit partem.

Nonum, quòd leprae auxilietur: & maxime quidem si cum uehementi uomituiuo, quale ueratrū cum primis existit, eliciatur. Hoc enim leprae materiam eradicatu difficilem è remotis locis subducit. Quinetiam primae concoctionis errata corrigit: quo fit, ut & reliquae concoctiones absolutiores fiant. Leprae enim origo est



Et ex concoctoria facultatis corruptione.

Decimum, quod corporis colorem ex uio-  
loso aliquo humore deprauatum emendat: ipsum  
nim à cute aliò deriuat.

Vndecimum, quod epilepsiam ex uentricu-  
li cum cerebro sympathia obortam curet: humo-  
rem enim, cuius euaporatione epilepsia accide-  
bat, è uentriculo expellit.

Duodecimum, quod ictero, illi præser-  
tim, qui ab obstructionibus initium ducit, medea-  
tur: uehementiore siquidem uomendi cona-  
mine obstructionum materia à locis, quos obfi-  
debant, auertuntur: Ad hæc materia etiam pitui-  
osa, quæ eiusmodi ferè parit obstructiones, uomi-  
tu educitur.

Decimumtertium, quod asthmati sub-  
ueniat: causam enim eius antecedentem tollit.  
Quin thoracem etiam ac pulmonem calfacien-  
do superfluitates absumit, unde asthma gigneba-  
tur.

Decimum quartum, quod tremorem at-  
que paralyin curet: harum enim passionum ma-  
teriam auferit.

Decimum quintum, quod magna et ni-  
gra ulcera in extremis partibus, et impetignem,  
materiam diuertendo, curet.

Quamquam uerò uomitus ritè provoca-  
tus dictorum commodorum omnium sit autor,  
cauendum



## DE CONSERVANDA

cauendum tamen unicè erit, ne is qui ualere &  
 Auicen- senescere uolet, ut uomat quotidianum habeat,  
 na 4. 1. Nam eius frequentia assiduusq; usus stomachum  
 cap. 14. seminam & lacunam facit omnium superfluita-  
 tum. Præterea surditatem etiam inducit, ui-  
 sui obest, thoracis pulmonisq; uenas dirumpit,  
 nocet dentibus & doloribus capitis, maximè si  
 non ex uentriculi uitio orti sint. Cæterum in eli-  
 ciendo uomitu summa diligentia considerandum  
 medico, qui ad uomendum faciles, quiq; diffici-  
 les futuri sint. Difficulter enim uomentes, ad uo-  
 mitiones non sunt cogendi, sed per inferiora potius  
 purgandi. Difficulter enim uomentibus, ubi  
 eos ad uomendum urseris, uenarum quæ in tho-  
 race sunt ruptionis periculum imminet. Difficiles  
 autem & inepti ad uomendum sunt mediocri-  
 ter carnosì, & angusto thorace præditi. Con-  
 trà uerò faciles & idonei, qui tenues gracilesq;  
 natura sunt, & amplum obtinent thoracem.  
 Quæ singula Hippocrates libro 4. aphorismo. 6.  
 & 7. ita scribens confirmat: Graciles, & ad  
 uomendum faciles, per superiora purgare con-  
 uenit. Qui uerò ad uomendum difficiles sunt,  
 & mediocriter carnosì, hos per inferiora pur-  
 gare oportet. Tempus uomitioni aptissimum  
 est ætas, utpote in qua biliosi potissimum humo-  
 res generantur, qui facillè sursum feruntur, &  
 per uomitum sine negotio eijciuntur. Quod

Hippo-



## BONA VALETVDINE. 217

Hippocrates etiam libro 4. aphorif. 4. ita scri-  
bens confirmat: Aestate quidem superiores ma-  
gis uentres, hyeme autem inferiores medicamen-  
tis purgare conuenit. Neq; obstat quod Hippo-  
crates in libro de dieta salubri aphor. 15. contra-  
rium idstruere uideatur, sex hybernis mensibus  
comere utile esse tradens: & Celsus libro 1. ca-  
p. 3. uomitum utiliore hyeme quam aestate esse  
scribat: quod uterq; in ijs locis de pituitæ uacua-  
tione, quæ citra purgantia medicamenta fit, lo-  
quatur. Quando enim hyeme in uentriculo pitui-  
ta generatur, necesse est ut illam uomitibus ex-  
purgemus. Verum uniuersum corpus si purgare  
constituamus, aestate per superiorem uentrem, hye-  
me per inferiorem, ut est in aphorismis relatum,  
purgabimus. Quid multa? uniuersum corpus æ-  
state per superiora & uomitum magis purgan-  
dum, hyeme uero per inferiora. Pituitam uero in  
uentriculo tantum coaceruatam hyeme, uomitu  
eijcere nihil prohibet, imò plurimum confert.  
Porro quid ex eis quæ per uomitum quouis tem-  
pore eijciuntur, prædicere liceat, Hippocrates  
libro secundo prognost. aphor. 38. & sequentib.  
& post eum in suis commentarijs Galenus, abun-  
dè docuerunt. Lege plura apud Leonhartum  
Fuchsium cap. 30. methodi perueniendi ad medi-  
cinam.

Tertium ex ijs, quæ in præscriptis notan-

6



## DE CONSERVANDA

tur uersibus, est, quod quatuor sint anni tempora, Ver scilicet, Aestas, Autumnus, & Hyems. Et inter hæc Ver, licet per se sit omnis excessus planè in medio, quemadmodum libro primo de temperamētis, capite septimo, Galenus testatur, respectu tamen habito ad reliqua tempora, calidum dicitur ac humidum. Hoc tempus sanguini mittendo accommodatissimum est: si quidem æquale est, atq; adeò neq; nimis calidum, neq; supra modum frigidum: ut rectissimè ab Hippocrate libro septimo aphorismo 54. dictum sit: Quibus sanguinem è uenis detrudere confert, ijs uere sanguinem mittere prodest. Hoc item tempore sanguis in corporibus augetur. Conuenit autem ut in uere, ad imminuendam repletionem, Venus, motus, uentris solutio, sudor, & balnea sint moderata. Hoc etiam tempus, ut libro sexto aphorismo. 47. Hippocrates testatur, aptum est corporis purgationi, quæ fit per medicamenta.

Quartum, quod aestas calfaciat atq; exiccet, ac proinde flaua bilis, quæ calida & sicca est, per ipsam in corporibus augeatur. Ad moderandam igitur *δυσκρασίαν*, quæ corporibus ratione temporis accedit, alimentis utendum est frigidis ac humidis: abstinendum à Venere, & crebris balneis. Nam & hæc exiccant. Et nisi necessitas cogat, rara sit phlebotomia. Sit quies & paucus motus: quies enim humectat, motus exiccatur.



BONA VALETVDINE. 218

ſecat. Potu utendum moderato, præſertim frigido: ſuperfluam namq; frigidi potus ſumptionem ob pororum apertionem, ſubita nonnunquam corporis inſtigdatio, uel paralyſis, ſiue laxitas membrorum, aut repentina mors conſequitur.

De anni temporibus plura diximus ſuprà cap. 19<sup>o</sup> & 56.

DE NVMERO OSSIVM, DEN-  
tium, & uenarum in humano  
corpore. Caput  
LXXXVI.

**O**ſſibus ex denis bis centenisq; no-  
uenis,

Conſtat homo, denis bis dentibus &  
duodenis,

Ex tercentenis decies ſex quinqueq;  
uenis.

Der Menſch hat an im groſß vnd klein/  
Zweihundert vnd noch neunzehn gbein/  
Vnd hat der zeen wol zwen vnd dreißig/  
Dreihundert adern fünff vnd ſechßg.

Traditur hoc in loco, quot in uniuerſum ſint  
oſſa, dentes ac uenæ humani corporis. Oſſa  
quidem ſunt è ſemine, cùm id quod eſt craſſiſſi-  
mum, à calido urente induratur, ſicut lapides



## DE CONSERVANDA

coquuntur à calido urente. Sunt autem ossa ueluti truncus sustinens reliquum corpus. De quorum numero haud parua inter ipsos artis Medicæ scriptores dissensio est. Hic enim ducenta ea esse & nouendecim asseritur. Ioannes Tagaultius excellentissimus nostri æui Medicus, ducenta & quadraginta sex hoc disticho complexus est:

Adde quater denis, bis centum, senaq; habebis

Quam sis multiplici conditus osse semel.

Nonnulli 304. constituerunt. Sed Rhazes lib.

1. cap. 2. ad Alman. ducenta & quadraginta octo ea esse, Galeni autoritate probat. Cum omnia, inquit, corporis ossa numerata fuerint, prout Galenus numerauit, ducenta & quadraginta octo erunt. Cui subscribit etiam uulgatissimus hic uersiculus:

Ossa ducentena, atq; quater sunt & duodena.

**Dentes.**

Secundo deinde loco dicitur, homini inesse 32. dentes: & hoc quidem in corpore bene constituto, ut quælibet maxilla, tam superior, quam inferior, sexdecim dentium sit capax. Quater ni priores, siue aduersi, *Ὠμείς* & *Ὠμῖνοι* Græcis nominamur, item *χελᾶσσοι*, quod inter ridendum retegantur, Latinis incisores, siue incisoriij, quia cibum in os primò allatum confringant & incidunt: singulis tantum radicibus nituntur. Horum uerò lateribus adiacent in qualibet maxilla duo acuti, canum dentibus similes (unde *κυνόδοντες* uocati)



uocati) cinguntq; tomicos ex omni parte, quorū  
munus est, morſu diuidere eſcas, atq; eas discrimi-  
nare. Simplici radice conſtant, quemadmodum  
inciſoriū. Sed caninorum, qui ſuperiores ſunt,  
longiſſimas habent radices, ut ad oculorum orbē  
ferē pertingant, neruiſq; qui labri ſuperioris mo-  
tores, ab oculorum regione per ſuperius foramen  
emergunt, admodum vicini ſint. Vnde fit, ut alte-  
ro ex his dentibus auulſo, periculum nonnun-  
quam immineat, ne parte aliqua offendantur ocu-  
li, quapropter uulgo dentes ocularij dicti. Ma-  
gnū, dum naſcuntur, dolorem infantulis infli-  
gunt, & ſi quando deſluxio à cerebro in eam gin-  
guæ partem inſederit, in quam implantantur (uel  
nati grandioribus) totius genæ et oculi dolorem  
pulſatorium non ſine febre ſuſcitant. Imimis por-  
rò dentibus atteritur cibus, ijs maxillaribus, ſiue  
molaribus nomen eſt inditum, Græci γομφίος,  
et μύλας, ſiue μυλῆτας uocant, quòd cibos iam  
inciſos et confractos à prioribus dentibus molant  
& comminuunt: aſperi enim ſunt, duri, & am-  
pli, ut incifa à tomicis, & confracta à caninis, in  
leuorem exactum terant. Sunt autem uiginti: ſu-  
perius quidem decem, in utroq; latere caninorū  
ſiti, totidemq; inferius. Qui ſuperiori maxillæ af-  
fixi ſunt, triplici radice, interdum etiam quadru-  
plici nituntur: alij uerò duplici, & nonnunquam  
triplici: præſertim qui duo ex ijs aduerſi &



## DE CONSERVANDA

anteriores magis sunt: tertius enim perraro huiusmodi esse reperitur. Postremi dentes, qui sunt omnium reconditissimi, ac propemodum gingiva operti, Græcis σωφρονισῆες, quod scilicet eo tempore producantur, quo sapere solemus, et ὀφρυόνοι, id est, serotini, et κραινῆες, quod ætatem perficiant et compleant, nuncupantur.

Latini simpliciter Genuinos nominant, nonnulli dentes sensus et sapientiæ. Interdum ad septimum et uicesimum annum latent, unde Hippocrates in lib. de carnibus, sic scriptum reliquit: Quin et in quarto septenario dentes enascuntur, plerisque hominibus duo, qui sapientiæ dentes appellantur. Interdum etiam ad octogesimum annum, teste Plinio lib. ii. cap. 37. Plura Galenus in lib. de ossibus, cap. 5 et lib. ii. cap. 8. de usu part. Aui-cenna prima i. doct. 5. sum. i. cap. 5. Andreas Vesalius libro i. cap. ii. de humani corporis fabrica. Carolus Stephanus libr. i. cap. ii. de dissectione, et Leonhartus Fuchsius parte i. epitomes de humani corporis fabrica, lib. i. cap. 14.

Tertio demum loco traditur, humanum corpus constare ex trecentis et sexaginta quinque uenis. Cuius rei certitudo ex anatomia petenda est.

## DE QUATVOR HUMORIBUS humani corporis. Caput LXXXVII.

Quatuor





**Q** Vatuor humores in humano  
corpore constant.  
Sanguis cum cholera, phlegma, me-  
lancholia.

Terra melancholicis, Aqua confertur  
pituitæ,

Aër Sanguineis, ignea uis Chole-  
ræ.

Die vier Complex im menschen sind/  
Der Erden gleich / Fehr / Wasser / Windt.

e 4



## DE CONSERVANDA

Hic de humoribus, qui ad humani corporis constitutionem necessario concurrunt, cum primis agitur. Sunt autem ij numero quatuor: sanguis scilicet, pituita siue phlegma, flaua bilis siue cholera, & atra bilis, siue melancholia.

Deinde ostenditur, quodnam eorum sit temperamentum, & quomodo singulis elementis respondeant. Melancholia frigida ac sicca est, & terræ respondet. Pituita frigida & humida existit, & aquæ comparatur. Sanguis calidus est atque humidus, & confertur aëri. Flaua bilis calida ac sicca existit, & igni respondet. Quod sanè uulgatis hisce uersiculis maiores nostri innuere etiam uoluerunt:

Humidus est sanguis, calet, est uis aëris illi.

Alget phlegma, humetq; illi sic copia aquosæ est.

Sicca calet cholera, & sic igni fit similata.

Frigens sicca melancholia est, terræ adsimilata.

Sanguis omnium humorum facile præstantissimus est: uel quòd materia sit spirituum, in quibus consistit uita, & omnis actio, naturalis scilicet, uitalis, & animalis: uel quòd uitæ principijs conformis existat. Est enim temperatè calidus ac humidus: uel certè quòd præcipuus ipsius usus sit, ut nutriat. Ex eo enim omnes particule corporis, ut multis in locis testatur Galenus, nutriuntur.



nutriuntur. Et ut uerbo dicam, Sanguis nature  
thesaurus & uitæ fomes est: ut quo affatim effu-  
so, mors subinde sequatur. Hinc sanè est, quod  
Moses 17. Leuitici ita scriptum reliquerit: *Am- Sanguis.*  
ma omnis carnis in sanguine est. Significat autem  
Anima Hebræis uitam. Hanc cum dicit in sangui-  
ne esse, uult sanguinem uehiculum esse uitæ.

Phlegma secundum probitatis locum sibi uen-  
dicat. Hic humor, ut testis est comment. 39. libri *Phlegma*  
de natura hum. Galenus, in prima ciborum muta-  
tione generatur. Colore autem albus existit, &  
concoctione in sanguinem mutatur. Quapropter  
quum sit ueluti ex dimidio coctum nutrimentum,  
nullum quod pituitam expurget proprium instru-  
mentum natura machinata est. Quippe in uentri-  
culo generata pituita, quia fertur simul cum ijs,  
quæ ex cibi potusq; humoribus in iecur distribu-  
untur, concocta iam sanguis euadit. Quod autem  
pituitæ in uenas fertur, animali etiam ex usu est.  
Desiderat itaq; talis humor non utiq; euacuari,  
sed in corpore manens alterari. Quod uerò in  
intestinis relinquitur, à bile ex iocinore in ea de-  
fluente abstersum, commodissimè ac celerrimè  
per sedem eijcitur, ut libr. 5. de usu part. corpo.  
hum. cap. 4. fusiùs Galenus ostendit. Porro excre-  
mentum, quod à cerebro destillat, ueluti Galenus  
lib. 2. de natura. facul. cap. ultimo attestatur, pro-  
priè non rectè appellatur pituita, sed Græcè βλεν-  
να ἢ ῥόγουζα, Latine Mucus. c 5



## DE CONSERVANDA

Flaua pallidâue bilis, sic à colore, qui est flauus pallidusue, appellationem accepit, simpliciterq; Græcis, Galeno in libello de tumoribus præter naturam capite 10. teste, χολὰν dicitur. Reliquas uerò omnes biles, cum coloris adiectione nominant. Generatur autem bilis in hepate, ibidemq; cum sanguine miscetur. Necessarium autem fuit, ut ab ea sanguis purgaretur, ne scilicet totius corporis color ab ea, haud secus quàm in ictero, inficeretur. Hinc natura huic propriam sedem machinata est, uesicam nimirum quæ iecori subest, & bilem ex eo ad se per conuenientem meatum trahit. Vfus autem bilis flauæ est, ut intestina à pituitosis excrementis repurget, & abstergat, atque eorundem excretionem adiuuet. Ad intestina autem defertur bilis per meatum duodeno insertum.

Atra bilis naturalis, ueluti fæx ac sedimentum sanguinis est, ideo colore, quod nomen satis indicat, nigra. Hæc autem, si uolumus exquisitè loqui, Galeno sect. 6. apho. comment. 53. attestante, nondum atra bilis nominari debet, sed melancholicus humor. Necesse uerò est ab hoc humore expurgari iecur, ideoq; instrumentum, quo ille expurgetur, natura lienem condidit. Qui si minus quàm oporteat, melancholicum humorem ad se trahit, ut inde sanguis impurior, ita totum corpus redditur magis decolor, Vt hinc etiam perspicuum.



picuum omnibus sit, cum humorem in iecore generari, à quo tandem in lienem transfertur.

Vsus autem atræ bilis naturalis est, Galeno libro 3. de usu part. huma. corpo. cap. 4. attestante, ut uentriculi actiones iuuat. Ipsa enim cum acerbæ & acida sit, uentriculum intendit, & in seipsum contrahit, & exquisitè comprehendere cibos cogit, ac retinere, quousq; plenè concoquantur.

Verum enim uerò cum exacta humorum cognitio utilissima cum primis sit, & oppidò quàm necessaria, de ipsis latius nonnihil dicemus.

Sanguis igitur, ut comprehensum est, humor est calidus & humidus ex temperatiori parte ipsius chyli progenitus. Et hic quidem duplex est, iuxta neotericorum diuisionem, naturalis, & non naturalis.

Naturalis, est humor calidus & humidus, substantia quidem mediocris, colore uerò multum rubens, odore autem & sapore dulcis, mitis, ac benignus.

Verum non naturalis ille dicitur, qui ab isto nuper descripto deflexit, degenerauitq; intra tamen suæ latitudinis terminos: quos si transgreditur, non iam sanguis, sed alius humor uenit appellandus. Hoc autem ( sanguinem inquam degenerare à propria sua natura ) contingit dupliciter. Vno modo ( ut aiunt ) in se, hoc est, ratione sui, permutata propria eius substantia, citra al-

terius



## DE CONSERVANDA

perius admistionem. Altero modo per alium, seu ratione alterius. Et per se quidem adhuc bifariam, nempe, uel quia eius substantia crassior est, aut tenuior quam debeat: uel quia aduritur, & quod ex eo tenuius est, in flauam bilem mutatur: quod uerò crassius, in atram, idq; absq; separatione. Alterius uerò ratione sanguis fit non naturalis, quando alius humor illi permiscetur. Quod multifariam contingere potest, prout scilicet uariæ species bilis, pituitæ, aut melancholiæ, cum ipso sanguine misceri possunt: qui ob id multifariam à naturali etiam differt. Ac primò quidem substantia: crassior enim est, & turbidior, cum ipsi miscetur melancholia: tenuior cum flaua bilis, aut aquositas. Secundò, colore: pituitæ nanq; ratione declinat ad albedinem: flauæ bilis ad pallorem: melancholiæ uerò ad nigredinem. Tertiò odore: foetet enim cui humores admisti sunt putridi: omnino uerò expers odoris est, cui crudi. Quartò, sapore: flauæ bilis nanq; admistione ad amaritudinem: melancholiæ ad aciditatem, pituitæ uerò ad insipiditatem uergit. Auicenna 1. 1. doc. 4. cap. 1. & Ioannes Tagaultius libr. 1. instit. chirurg. cap. 6.

Phlegma, quod Latini pituitam uocant, in generatione humorum sanguinem consequitur, maiorq; eius portio est in corpore secundam sanguinem, quam aliorum humorum. Est autem pituita duplex,



duplex, naturalis, & non naturalis. Et naturalis quidem, est humor frigidus & humidus, substantia crudus, colore uergens ad quandam albedinem, sapore uerò, & (si fas sit dicere) odore ad dulcedinem. Hæc certè concoctione in sanguinem mutatur: est enim potestate iam sanguis, sed nondum exquisitè concoctus. Est quoq; modus quidam pituitæ dulcis, quæ non existit ualde frigida: imò si cum corpore conferatur, pauca admodum frigiditatis uidebitur esse particeps: si uerò cum sanguine ac flaua bile, non modò frigida, sed naturaliter etiam alba erit. Dicitur autem dulcis, extenso nimirum hoc nomine ad omnes sapes, qui delectationem gustui pariunt. Aliàs enim naturalis pituita ὀρώδης, id est, qualitatis expers, insipida, & aquosa, hoc est, aquæ saporis ualde assimilis est. Huic natura, ut dictum est, proprium instrumentum, ueluti flauæ bilis, & melancholiæ, machinata non est, sed simul cū sanguine fertur, ut in ipsum opportuno tempore facili commutari queat: similitudinem enim ipsi finitimam iam atq; propinquam habet. Huius quidem pituitæ duplex est necessitas, & una utilitas. Ac prior quidem necessitas est, ut in hoc iuxta membra sit, quo facultates eorum caliditate sua naturali in ipsa concoquenda ac distribuenda operentur, ex eaq; tempore indigeniæ nutriamur, cū proprio uidelicet



## DE CONSERVANDA

Delicet alimento, quod est sanguis mitis ac benignus, ob retentionem aliquam massæ sanguineæ, destituta fuerint: eam enim à uentriculo nonnumquam atq; hepate ex accidenti quopiam retineri contingit. Altera necessitas est, ut sanguini miscetur, ipsumq; adeò membris phlegmaticæ constitutionis, siue temperaturæ, quale cerebrum cū primis existit, atq; spinæ medulla, à Galeno vocatæ *αἷμα μύελος*, ab Arabibus uerò Nucha appellata, nutriendis accommodet. Horum namq; sanguini pituitam actu admisceri oportet iuxta mensuram, quam materiæ necessitas exigit. Utilitas porrò eius est, ut articulos ac membra, quæ in cōtinua sunt atq; iugi motione, humectet: ut scilicet melius inuerti possint: quia ubi nō sint partes humectatæ, sed siccæ, difficiles sunt ad motum: & ne per calorem, qui ex motu & collisione proficiscitur, penitus exiccantur. Non naturalis pituita, est ea, quæ à modò descripta degenerat, intra tamen suæ latitudinis terminos, quos si forsitan pertranseat, non iam amplius phlegma pituitæue, sed alius humor dici debet. Contingit autem bisariam pituitam ipsam à propria sua natura degenerare. Vno quidem modo in se, quando scilicet in propria sui ipsius substantia, citra alterius admistionem permutatur. Quod sanè multifariam contingit. Alia enim iuxta sensus iudicium in substantia, hoc est, crassitie ac tenuitate partium suarum diuersa



uersa apparet: eaq; à similitudine muccilaginis,  
 quæ è seminibus quibusdam extrahitur, muccila-  
 ginosa dicitur. Alia in substantia secundum sen-  
 sus iudicium equalis apparet, cum reuera tamen  
 in partibus suis sit diuersa: eaq; pituita est cru-  
 da: quæ in uentriculo potissimum atq; intestinis  
 colligitur. Ac illam quidem, quæ in uentriculo re-  
 sidet, Hippocrates in lib. de salubri diæta, singu-  
 lis mensibus bis uomitu expellere præcipit. Ad al-  
 terius uero excretionem, quæ in intestinis conge-  
 ritur, à natura constitutum est, ut flaua bilis è ue-  
 sicula fellis, quæ  $\chi\omicron\lambda\eta\delta' \acute{o}\chi\omicron$  Græcis dicitur, ad  
 ieiunum, reliquaq; inferiora intestina deferatur,  
 eaq; à pituitosis excrementis repurget, & abster-  
 gat, ipsorumq; expulsionem iuuat. Hæc eadem in-  
 terim in uenis quoq; senum præsertim, ob conco-  
 ctoria facultatis imbecillitatem, coaceruatur, ibi  
 demq; diutius hærendo augetur ac crassescit: Cu-  
 ius molestia cum ulterius natura nõ ferat, ipsa mo-  
 que per ordinarios meatus expellere nequeat, fa-  
 cit è possibilibus quod melius est, repellitq; à cor-  
 de ac reliquis internis mēbris nobilioribus ad ex-  
 teriora, eaq; ignobilia, et præcipuè ad tibias: quo  
 naturaliter alioquin ob grauitatē suā tendit. Ea-  
 que causa tibiæ senū inflamur nonnunquā, adeoq;  
 in tumorē attolluntur, ut presse digitis fossulā re-  
 præsentent: & maximè quidē appropinquāte no-  
 cte, idē euenire nonnunquā pinguib, etiā atq; obe-  
 sis



## DE CONSERVANDA \*

sis solet, quiq; humidioribus oblectantur alimen-  
tis. Alia pituita tenuis ualde est & aquosa, aqua  
nimirum paululum admodum densatae similitudi-  
nem quandam prae se ferens. Qualis quidem in sa-  
liuis haud raro ac spatii illorum uisitur, qui ci-  
bos minus bellè conficiunt, quiq; largius bibunt.  
Consuevit etiam in coryzae principio à cerebro  
in nares destillare. Haec eadem per decoctionem  
indurata, pituita euadit crassa aut mucilagino-  
sa. Pituita alia crassa admodum est & alba:  
cuius quidem quod tenue erat ob diuturniorem  
in iuncturis moram, euanuit: crassum uerò in spis-  
satum ac conglutinatum mansit, ceu lapis quispi-  
am. Hinc nodosa generatur podagra, morbus, ut  
Ouidius testatur, ferè incurabilis. Sic enim li. 1.  
de Ponto, elegia 4. de illa cecinit:

Tollere nodosam nescit medicina podag-  
ram.

Alia uerò pituita densa & crassa est, colore  
& lentore, pondereq; fuso ac liquefacto uitro si-  
milis: quae ob id passim etiam apud rei medicae scri-  
ptores uitrea appellatur. De qua copiosè admo-  
dum Galenus libro 2. cap. 7. de sanita. tuend &  
libro 1. cap. 8. de Sympto. causis. & libro 2. ca.  
6. de differen. febr. & libro 2. cap. 5. de loc. affe.  
& lib. 12. cap. 8. methodi meden. Altero modo pi-  
tuita efficitur non naturalis, per admistionem.  
Quando scilicet alius quispiam humor illi ex-  
transsecus



# BONA VALETVDINE. 216

insecus accedit, uerbi gratia, uel sanguis, uel bilis flaua, aut atra. Si sanguis pituita permisceatur, hæc dulcis efficitur: fiuntq; ex ea, sicuti in libro de multitudine, cap. 17. Galenus testatur, somnolenti. Si crudi humores, insipida & aquosa: quæ propter infirmam concoctionem in corporibus redundans cibi fastidium parit, perindeq; ac dulcis pituita apertè somnulosos facit. Si flaua bilis, salsa: hæc mordacior certè, sicciorq; ac leuior cæteris pituita generibus inuenitur: nam flaua quoq; bilis mordax, sicca, & leuis est. Quæ quidem ex sapore sputi facile iudicari potest, & in corporibus intemperantium, qui fortia uina bibunt, & salsis uestuntur cibis, nascitur copiosius: ac inde perniciosi oriuntur catarrhi: Longiori tempore in uentriculo residens, intolerabilem nonnunquam excitat sitim. Diutius uerò huc illuc per intestina discurrens ipsa ferè exulcerat dysenteriamq; generat, & tenesmon. Si melancholia pituita permisceatur, ea acida efficitur, sæpiusq; in imbecillo uentriculo, quàm in alijs corporis partibus reperitur: melancholia enim naturaliter defertur ad os uentriculi, ut concoctionem eius adiuuet, famemq; ac naturalem appetentiam inuitet. Ea igitur subsidendo nonnunquam pituita miscetur, ipsamq; reddit acidam: Quæ ex acido certè ructu iudicari facile potest: fiuntq; ex ea in corporibus redūdame famelici. Quin etiā pituita

f



## DE CONSERVANDA

per se nonnunquam in uentriculo ex chylo acido efficitur, citra alterius humoris admistionem: nepe à debili calore per modum ebullitionis. Ea pituitosis accidit frequentius, nō secus ac dulcibus fructuum quorundam succis solet. Primum enim illi feruent atq; ebulliunt, deinde acefcunt. Postremò uerò pituita quædam melancholiæ ponticæ admistione, pontica etiam efficitur: minus sæpe tamen, ob eius melancholiæ raritatem inuenitur. Talis autem melācholia oritur quandoq; ex uehementi infrigidatione, qua nimirum humiditas eius (cū nullus accedat calor, neq; debilis, quod ebulliens in acorem uertatur, neq; fortis, qui coquando in sanguinem mutet) congelascit, & ad terream nonnihil effemiam inalteratur.

Bilis, quæ χολή Græcis dicitur, aulgo aut Cholea, est humor calidus & siccus, ex tenuiori & calidiori parte chyli, uel ex sanguine tenui & feruente procreatus. Hæc quoq; duplex est, naturalis scilicet, & non naturalis. Naturalis, est humor calidus & siccus potest. te: substantia quidem tenuis, colore uerò flauus, aut ruber, declinans ad quandam citrinitatem, seu flauitiem: sapore uerò exactè amarus, non autem acutus, siue acris, ut quidam malè affirmarunt. Hæc quidem in hepate generata, in duas statim distribuitur partes. Vna cum sanguine ad uenas deferitur: altera ad κύστιν, id est, uesiculam fellis transmittitur.



## BONA VALETVDINE. 228

*Tur. Quæ quidem cum sanguine defertur, necessi-  
tatis & iuuamenti causa cum eo transit. Neces-  
sitatis quidem, ut sanguini permisceatur pro nu-  
tritione membri, in cuius temperatura conuenien-  
tem flauæ bilis partem esse oportet iuxta mensu-  
ram, quam materiæ necessitas requirit. Galenus  
lib. 5. de usu part. hum. corp. cap. 6. de pulmone.  
Iuuamenti uerò, ut sanguinem, quo commodius  
per angustos uenarum meatus ad nutriendum pe-  
netret, subtiliorem reddat. Quæ uerò de ea cola-  
ta ad cystin fellis transit, ob necessitatem itidem  
ac utilitatem eo transmittitur. Necessitas autem,  
uel est ratione totius corporis, nempe ut ipsum  
à pituitosis ac biliosis excrementis repurget &  
abstergat: uel unius cuiusdam membri, ut nimirū  
uasa fellis nutriat. Utilitatis uerò duo sunt iuua-  
menta, unum, ut intestina ab inhaerentibus faci-  
bus & viscoso phlegmate abluat & expurget:  
alterum, ut intestina & ani musculos pungat at-  
que irriteret ad excernendum, quod ipsis noxium  
inest. Propterea, quando porus, qui à uesica fel-  
lis ad intestina protenditur, obstructus est, malè  
habent intestina in expulsionem excrementorum,  
& colica sæpe accidit passio.*

*Non naturalis uerò bilis dicitur, quæ à prædi-  
cto humore uerè bilioso degenerauit, intra termi-  
nos tamen suæ latitudinis continetur, quos si  
egrediatur, non iam bilis, sed alius humor repa-*



## DE CONSERVANDA

tabitur. Hoc autem (bilem inquam egredi limites sue latitudinis) contingit bifariam: uno modo (ut sic dicatur) per se, & in se. Altero modo per admistionem. Per admistionem quidem bilis efficitur non naturalis, seu præter naturam, cum alius humor illi extrinsecus accedit. Et hoc quidem fit multifariam. Alia enim est, cui pituita admiscetur: quæ, quod frequenter generari soleat, nota & famosa, siue maioris fame uulgo appellatur: hinc sæpe tertiana notha oritur. Alia uero est, cui melancholia admiscetur, & dicitur minoris fame. Bilis autem, siue cholera maioris fame, duplex est, citrina & uitellina. Quando enim bilis naturalis cum pituita tenui et aquea miscetur, appellatur bilis citrina: quando uero cum crassa pituita miscetur, uitellina bilis appellari solet, quod ouorum uitellis, tum colore, tum crassitudine sit similis. Et hæc quidem uitellina rursum duplex est, sicuti uitellorum ouorum duplex est color. Quidam enim magis alij albicant, alij rufiores uidentur. Bilis autem quæ rufioribus est similis, per assationem fit. Minoris quoque fame bilis duplex est. Aut enim cholera naturalis miscetur atræ bili ex bilis naturalis assatione facta, & hæc est peior, aut miscetur bilis naturalis cum humore melancholico naturali, qui in hepate cum alijs humoribus generatur, & hæc est melior: color eius ruber est, sed non clarus, neque floridus,



floridus, imò sanguini, qui in uenis est, similior. Bilis uerò non naturalis per se, & in se, id est, secundum propriam suam substantiam, alia quidem in hepate sæpius generatur per adustionem eius, quod tenuius inest in sanguine. Crassum enim in melancholiam uertitur. Alia uerò in uentriculo ex prauis alimentis non concoctis, sed corruptis: uel ex alijs humoribus in uenis generatur. Et hæc quidem duplex est. Vna porracea, prassinam etiam uocant, quæ porri uirorem præfert, generatur ex uitellina, quando aduritur. Adustio enim in cholera uitellina efficit nigredinem, qua cum citrinitate mista, generatur uiriditas. Altera est æruginosa, quæ æruginis colorem imitatur, & generatur ex porracea, quando eousq; aduritur, donec humiditas eius exiccetur, & ob siccitatem albescat. Et hæc duæ extremæ quidem malæ sunt, sed æruginosa peior. Auicenna loco suprâ citato, & Ioannes Tagaultius lib. 1. cap. 8. instit. chirur. Melancholia, si in uniuersum definiatur, humor est frigidus, et siccus, ex crassiore ipsius chyli portione progenitus. Hæc quoq; duplex est, naturalis scilicet, & non naturalis.

Naturalis, est boni sanguinis sæx, ac ueluti limosa quædam superfluitas, hoc est, crassior quidam sanguis, cuius color niger est, sapor uerò æcerbus, uel acidus, ut uomenibus eum non raro innotescit: hæc in hepate quidem, & in massa san-



## DE CONSERVANDA

guinaria (in qua humores uniuersi continentur) generata in duas statim deducitur partes. Vna enim cum sanguine ad uenas defertur, altera ad lienem trahitur. Quæ quidem cum sanguine defertur, necessitatis et iuuamenti causa cum ipso transit. Necessitatis quidem, ut sanguini permisceatur pro nutritione membrorum, in quorum temperatura conuenientem melancholicæ partem esse oportet iuxta mensuram, quam materiae necessitas exigit: sicuti sunt, lien, ossa, et omnia membera terrestria. Vtilitatis uerò, siue iuuamenti, ut nimis fluidam illam sanguinis tenuitatem eousque restringat, firmet, ac condenset, dum inde nutrimentorum membrorum pars solida fiat. Requirit enim sanguis in hisce animalis particulis nutrimentis crassitudinem quandam.

Altera pars, nempe crassior, magisque terrea, quæ non satis commodè à naturali calore alternari potuit, ob necessitatem pari modo ac utilitatem ad lienem seiungitur. Necessitas autem, uel est ratione totius corporis, nempe ut ipsum à melancholica superfluitate expurgetur, uel unius cuiusdam membri, nimirum ut lienem nutriat. Vtilitas uerò eius est, quòd ad os uentriculi profluens, inuentas ibidem humiditates exprimat, non aliter quàm mulierculæ lac mulgendo è uaccarum uberibus solent. Et huius quidem utilitatis duo sunt iuuamenta: Vnum, quòd contrahat uentriculum



*Utriculum ac constringat: & cum acerba sit atq;  
acida, non modò non ledat actiones eius, sed  
multò magis etiam promoueat. Nam uentricu-  
lum intendit ac contrahit in seipsum, cogitq; ci-  
bos ad unguem circumplecti, ac retinere quousq;  
fuerint concocti. Alterum, quòd acredine sua  
commotionem ac corrugationem in uentriculo fa-  
ciat, quibus uentriculus ad cibi appetitionem ex-  
citatur. Talis autem uirtus excitata fames ap-  
pellatur. Fit enim fames propter succum me-  
lancholicum tendentem ad os uentriculi, qui cor-  
rugando partem illam facit famem: ob id igitur  
succus melancholicus utilis in natura fuit. Melan-  
cholia non naturalis est, quæ à modò descripta  
naturalis degenerat, intratamen limites suæ lati-  
tudinis permanens: quos si prætergrediatur,  
non iam amplius melancholia, sed alius humor di-  
cetur. Eius quatuor differentiæ notæ communè  
ter statuuntur, licet plures sint obscuræ.*

*Prima est, quando humor ipse melancholicus,  
qui naturalis dictus est, & quotidie gignitur in  
corpore, dum animal sanitate fruitur, in pro-  
pria sua essentia torretur, aduritùrue, & pu-  
trescit, fitq; bilis atra exquisitè. Talis enim, ut  
lib. 14. cap. 9. Therap. method. & libro de atra  
bile cap. 3 & comment. 21. lib. 4. aphor. Galenus  
ait, ex humore atro supra modum adusto confla-  
tur, habetq; splendidū aliquid, ueluti bitumen, &*



## DE CONSERVANDA

pix. Hæc autem (uerè inquam atq; exquisitè atra bilis nominata) acida est, & in terram effusa uelut acetum feruet, & ipsam fermenti ritu eleuat, tum omni animanti iniucūda, adeò, ut ne mures quidem ipsi, aut muscæ eam gustauerint, non magis quidem, quàm copiosum salem, in quo nulum animans uitam peragit, ut mare, quod Mortuum appellatur, indicat. Porro tum gignitur huiusmodi nigra bilis, cum ille ueluti sanguinis li-mus (quam melancholiā naturalem diximus) diutius moratur in corpore, & neque per aliquem sensibilem effluxum, neq; occultum excernitur: uerum transmutatur, corrumpitur, & putrescit. Siquidem hic humor, ubi amplius incaluerit, aut propter putredinem, aut febrem inflammantem, nigram efficit bilem, inquit Galenus li. 14. cap. 9. method. meden. Quæ quidem frigida est, quia terrestris, sed tamen caloris non expers, quemadmodum & cinis, & acetum, apparetq; dum per aluum (ut contingit aliquando dysentericis) excernitur, splendidior, ac nigrior ipso sanguine crassiore, & nigriore, quem humorem melancholicum appellamus. Splendet enim ueluti Mortui maris bitumen, quod Iudaicum uocant.

Secunda species seu differētia bilis atræ non naturalis est, quæ ex adustione aliorum humorū nascitur, ut illa quæ fit ex flaua bile uehementer usta.



usta. Quæ etiamnum tantæ est malitiæ, ut & terram radat, & eam, more bilis exquisitè atræ, in altum attollat. Sed & muscæ ipsam, non secus, quàm uerè nigram bilem, refugunt. Si sanguis quoq; aut pituita in corpore uehementer incaluerint, & exuramur, efficitur etiam melancholicus humor, non naturalis, per adustionem dictus, ut uoluit Auicenna. Verùm duæ istæ postremæ species (quæ scilicet per sanguinis, aut pituitæ assationem fiunt) Auicennæ mitiores sunt. Scribit autem Galenus comment. 29. lib. 3. prædic. Hippoc. illam bilis atræ speciem, quæ ex flaua bile uehementer assata generatur, deteriorem esse quàm ea, quæ ex crassiore sanguine generationem habet: qui subsidem in dolio uini faculæ aut amurcæ, hoc est, fæci olei proportionem respondet. Hæc enim mitior est, sed potissimum, quoties traxit nondum in animali moram, cum aliquo calore abundanti præter naturam. Verùm priusquam in exactam atram bilem transmutetur, primò in nitellinam, secundò in porraceam, tertio in eruginosam transit.

Tertia species melancholiæ non naturalis est, quæ originem sortitur à lapidosa quadam concretionem, ut cum ab imperitis Medicis uel Chirurgis erysipelata, & inflammationes (quas Græci φλεγμονὴς uocant) aut quiuis alij tumores ex naturalibus humorib. procreati, ad motis extrin-



## DE CONSERVANDA

fecus praesidijs, nimis uehementer refrigerantur, adstringunturq;: uel cum iisdem tumoribus, ea quae ualenter nimis trahunt, digeruntq;: medicamenta, applicantur. Tunc enim toto, quod in eis subtilissimum erat, dissipato, id quod reliquum est (nempe crassius) plus iusto desiccatum, lapidis duritiem consequetur, atq; in melancholicum humorem uertetur.

Quarta melancholiae non naturalis differentia exurgit, quando alius humor ipsi melancholiae naturali permiscetur. Quod dum fit, dulcoratur, ac mitescit magis, nisi dum alterutabilis adusta, huic commiscetur. Siquidem tunc uel accescit, uel amarescit, & erosionis non modicè particeps efficitur. Auicenna loco amea citato, & Ioannes Tagaultius libr. 1. cap. 14. instit. chirurg. Plura Ioannes Baptista Montanus in 1. 1. doc. 4. cap. 1. Auicennae, & Leonhartus Fuchsius ca. 11. meth. perueniendi ad Medicinam.

## DE TEMPERATURA, SI- ue complexione Sanguinea, Cap. LXXXVIII.

**N**atura pingues isti sunt atque iocantes,  
Rumoresq; nouos cupiunt audire frequenter.

Hos





Hos Venus & Bacchus delectant, fer-  
cula, risus.

Et facit hos hilares, & dulcia uerba lo-  
quentes.

Omnibus hi studijs habiles sunt, & ma-  
gis apti.

Qualibet ex causa non hos facile exci-  
tat ira.

Largus, amans, hilaris, ridens, rubei q;  
coloris,

Cantans, carnosus, satis audax, atq; be-  
nignus.

Der



## DE CONSERVANDA

Der erstn Complex Sanguiner findt/  
Beim wein/bülschafften mann sie findt/  
Seind wol beleibt, Könn schimpff vnnnd  
schertz/  
Milt/lustig/vnd fast wol behertzt/  
Seind rößlich/singen vnd lachen gern/  
Gütig/vnd gneigt zu newen mehrn.

*Signa, quibus sanguinea temperatura facile de-  
gnosci queat, hic recensentur.*

*Ac primum quidem, quod sanguinei sint pin-  
gues: quod de pinguitudine propriè dicta mini-  
mè hoc in loco accipiendum est: Ea enim sicuti  
Galenus lib. 2. cap. 9. de temper. & post eum Au-  
cenna 2. 1. doct. 3. cap. 3. attestantur, ex habitus fri-  
giditate gignitur: sed de pinguitudine ad medio-  
crem corpulentiam, siue carnis abundantiam  
extensa, quam ὀσάπνια Græci uocant. Siqui-  
dem rubræ carnis cum decenti firmitate abundā-  
tia calidæ ac humidæ, hoc est, sanguineæ tempe-  
raturæ, nota est. Quibus enim plus est carnis ru-  
bræ, ij uirtutem assimilatiuam habent potentem,  
& sanguine abundant: quippe quæ, Galeno loco  
iam citato teste, uigeant inualescantq; calido at-  
que humido. Corpulentia, inquit, siue abundan-  
tia carnis ex sanguinis copia nascitur. Cum enim  
calori intra debitos fines manenti boni sanguinis  
accedit copia, necesse est, ut corpulentia sequa-  
tur. Idem innuere etiam his uerbis Auicenna uo-  
luit:*



luit: Corpus carnosum absq; multo adipe & pinguedine, est calidū & humidū, id est, sanguineū.

Secundum, quod Sanguinei sint uel iocantes, ut qui multa iucunditate, magnoq; iocandi lepore amicis ac familiaribus suis risum subinde moueant: uel lati, hoc est, alacri & erecto animo: idq; maximē ob spirituum, qui ex sanguinei humoris benignitate procreantur, subtilitatem & perfectionem.

Tertium, quod facetiarum, iocosarumq; fabularum, & nouarum rerum auditione, eandem ob causam, mirificē capiantur.

Quartum, quod prouisi admodum sint in Venere: Nimia enim Venus, ac intempestiuum eius desiderium fit ob multitudinem generis, quae ex sanguinis copia potissimum nascitur.

Quintum & Sextum, quod conuiuia appetant, uino suauiter indulgeant, & cibis gaudeant optimis atq; exquisitissimis: scilicet simulibus, & quibus seruari possint: seruamur enim similia simulibus.

Septimum, quod ridibundi sint, hoc est, facile rideant: quod Hippocratis etiam testimonio confirmatur, qui in libro de preparatione hominis ita scriptum reliquit: Quibus concessum est puriore sanguine frui, frequenter irident, & florida facie apparent, omnes colore uenusto.

Octauum, quod hilares sint ac leto uultu: idq;



## DE CONSERVANDA

idq; ob uiuidum maximè ac floridum colorem & uenustatem corporis: hæc enim omnia sanguine qui temperatus est, consequuntur.

Nonum, quod blanda plerunq; & audita iucunda uerba ab ipsorum ore profluant. quod & ipsum utiq; ob sanguinis benignitatem euenire putandum est. οἷα γὰρ αἱ τῶν ἀνδρῶν κρᾶσις, τοιοῦτ' & καὶ αὐτῶν ὁ λόγος.

Decimum, quod ingeniosi, hoc est, artibus quibilibet addiscendis idonei sint: nimirum ob uigorem et insitam ingenij ex sanguine uim, siue docilitatem. Hinc etiam Hippocrates in libro de flatibus, ita scripsisse uidetur: Optior inter omnia, quæ in corpore sunt, nihil magis ad prudentiam conferre, quàm sanguinem.

Vndecimum, quod non faciliè excandescant, præcipientesq; in iram ferantur: reprimunt enim sanguinis humiditas bilis feruorem, qui ὀξύθυμία efficit. Vnde eleganter sanè flauæ bilis frenum ab Auicenna 4.1. cap. 20. dicitur.

Postremis duobus uersibus non solum ex iam dictis repetuntur quædam, sed adduntur etiam alia nonnulla.

Quorum primum quidem est, quod sanguineis sine largi, hoc est, liberales, benefici, & ab omni auaritia alieni.

Secundum, quod amoribus sint dediti.

Tertium, quod hilares sint, & iucundo ac læto humore.

Quar-



Quartum, quòd ridibundi. Quæ omnia sanguinis benignitate eueniunt.

Quintum, quòd rubei sint coloris: Humor enim cuti colorem adfert, quemadmodum libr. 1. aphor. comment. 2. Galenus adserit. Et Auicenna 2. 1. doct. 3. cap. 3. Color, inquit, rubeus sanguinis multitudinem significat. Quod intelligendum maxime de colore, qui ex rubeo & albo cum iucundo quodam nitore commistus sit: & non qualis in facie eorum uisitur, qui fortia potant uina, & in cibo salsis atq; acerbis utuntur speciebus: nempe rubeus fuscetudine quadam permistus: hic enim lepram portendit.

Sextum, quòd cantionibus & musicis delectentur harmonijs: quippe quæ & ipsæ, autore Theophilo Citharædo apud Athenæum lib. 14. δεινω. perinde atq; sanguis temperatior, εὐθυβία, id est, bonos ac candidos mores pariant.

Μεγας γὰρ θυσαυρὸς ἐστὶ καὶ βέλαια καὶ ἡμῶσι καὶ ἀπασιν τοῖς μαδοῦσι παρ' εὐθεσίῃ τε. ὁ γὰρ ἡδυπαδὲς ὤν, ὁ καὶ θυμοειδὲς καὶ τὰς γνώμας διαφόρους καὶ ἀπραΐνει.

Septimum, quòd sint corpulenti.

Octauum, quòd sint audaces: idq; ob sanguinis caliditatem.

Nonum, quòd sint benigni, clementes, liberales, & benefici: ratione nimirum humoris sanguinei, qui est dulcis, mitis, & benignus.

DB



DE CONSERVANDA  
DE TEMPERATURA CHO-  
lerica, siue biliosa. Caput  
LXXXIX.



**E**st humor cholerae, qui competit  
impetuosis,  
Hoc genus est hominum cupiens prae-  
cellere cunctis.  
Hileuiter discunt, multum comedunt,  
cito crescunt.  
Inde & magnanimi sunt, largi, summa  
petentes.

Hirsutus,



BONA VALETVDINE. 233

Hirfutus, fallax, irascens, prodigus, audax.

Astutus, gracilis, siccus, croceiq; coloris.

Sie andern seind Cholerici/  
Sie meinn niemands können daß dann sie.

Sie lernen bald/vnd essen seh?  
Si wachsen schnell/vnd stehn nach eh?  
Milt/stoltz/falsch/tückisch/zornig/tün/  
Rauch/mager/gelb/vnd vngestüm.

Bilioſa temperaturæ notæ hoc in loco traduntur.

Ac prima quidē, quod bilioſi ſiue cholericī, quos χολώδεις Græci uocant, prompti admodū ſint ad operationes: ſed impetu animi potius quā cogitatione faciunt omnia. Igneum enim habent calorem, qui impetum & agilitatem ad motiones præſtat. Hinc 2. 1. doc. 3. cap. 3. ita ſerè ab Auicenna ſcribitur: Cū operationes plenè ac perfectè naturali curſu procedunt, temperaturæ æqualitatem indicant; cū uerò ad ſuperfluos mutantur motus, caliditatis exuperantia ſignificatur.

Secunda, quod ambitioſi ſint & horum cupidi, primasq; in concilijs ac conſeſſibus expectant cathedras, adeoq; præferri omnibus uelint: perinde atq; ignis ipſe, qui ſine pondere ſemper euolat, exteſſaq; locum ſibi querit in arce. Exu-



## DE CONSERVANDA

perans enim ille calor animos ad insolentiam ple-  
runc; & arrogantiam excitat atq; inflamat.

Tertia, quòd celeris sint mentis, ingenijq;  
& facile discant: ob calidam nimirum & sub-  
tilem cerebri substantiam, quæ formas citò ac  
facile suscipit. Hinc non temerè mentis acumen  
& prudentiam à bilioso humore proficisci, com-  
ment. 40. de natu. humana Galenus tradidit. Le-  
ge plura de hoc apud eundem cap. 12. artis me-  
dicinalis, & Auicen. loco aliquoties iam ci-  
tato.

Quarta, quòd edaces sint, & multiuori: pri-  
mum enim fortem habent calorem cōcoquentem,  
tum ipsis etiam plus per omnem cutem digeritur,  
& in ambientem aërem euacuatur, quàm alijs  
corporibus.

Quinta, quòd citò adolefcent, & corporis  
incrementum consequantur: ualidissimum enim  
habent calorem innatum: hic uerò omnes actio-  
nes naturales adauget, ergo uel eam, qua corpus  
ad summum incrementum (ἀκμὴ Græci uo-  
cant) perducitur. Galenus comment. 14. aphor.  
lib. 1. & lib. 5. cap. 8. de simp. med. fac.

Sexta, quòd magnanimi sint, illatasq; iniuri-  
as iniquo animo ferentes à se propulsare statim co-  
nentur, idq; maxime ob caliditatis exuperantiā.  
Parum enim ab unaquaq; re pati posse, calidita-  
tem significat, inquit Auicenna.

Septima,



Septima, quòd largi, benefici, ac liberales sint: præsertim in eos, unde honores se consecuturos sperant.

Octaua, quòd summa petant, id est, ad summos semper dignitatum ac honorum gradus affectem uiam.

Nona, quòd sint hirsuti: calida enim & sicca intemperies, sicut Galenus libro 2. cap. 10. de tempera. testatur, hirsuta est: uerum ea in summo. Quippe per omnem cutem diffatur semper aliquid à calido, quod secum etiam interim humoris nonnihil ad cutem aufert, unde pili generentur. Quomodo autem hæc generatio fiat, copiose admodum ibidem docet.

Decima, quòd uersuti, fallaces, & deceptores sint.

Vndecima, quòd præcipites sint in iram, acerbè nonnunquam uehementerq; ex candescant, & irascantur: ob animosæ nimirum facultatis uehementiam, magnum caliditatis excessum, facilè bilis commotionem, et calor in corde feruorem. Lege Galenum cap. 29. & 33. artis medicinal. li. 2. cap. 16. de sani. tuen. & in lib. de causis morb. cap. 2.

Duodecima, quòd sint prodigi, in eos potissimùm, à quibus se ad summos dignitatũ gradus promouendos sperant.

Decimatertia, quòd audaces, fortes, ac a-



## DE CONSERVANDA

nimosi sint: Plurimum enim in corde caloris habent, Galeno libr. 2. cap. 12. de temperament. teste.

Decimaquarta, quod sint astuti, & hoc sanè ob flauæ bilis tum caliditatem, tum mobilitatem.

Decimaquinta, quod graciles, id est, macilentissimi ac raræ sint corpulentia: ob exuperantem nimirum & immodicè diffusam caliditatem.

Hinc magna ex parte graciles sunt biliosi. Galenus comment. 6. lib. 4 apho.

Decimasexta, quod sicci sint, id est, macri: eadem ratione.

Decimasextima, quod crocci sint coloris, id est, pallidi aut flau. Certissima enim succi animalis cognitio ex colore datur. Tanquam igitur corpus sicubi albius solito est effectum, pituitosum abundare succum indicat: sicubi pallidius aut flauius, biliosum: ita sicubi ad rubicundius quam pro natura est mutatum, sanguinis abundantiam habere significat: sicubi ad nigrum, nigram superesse bilem ostendit. Ita Galenus libr. 4. cap. 7 de sanita. tuend. Lege eundem comment. 2. libr. 1. aphor.

## DE TEMPERATURA

phlegmatica, siue pituitosa.

Cap. XC.

Phlegma





**P**Hlegma dabit vires modicas, latosque  
que breuesq;

Phlegma facit pingueis, sanguis reddit  
mediocres,

Ocia non studio tradunt, sed corpora  
somnia.

Sensus hebes, tardus motus, pigritia, somnus,

Hic somnolentus, piger, & sputamine  
plenus.



## DE CONSERVANDA

Est huic sensus hebes, pinguis, facie color albus.

Phlegmatici sindt dritt geschlecht/  
Feyst vnd grob/vernemen nicht recht/  
Sind dick vnd kurtz/vnd vbn sich nicht/  
Langsam vnd faul/zu schlaffn gericht.  
Haben weiß farb/steht in nicht wol/  
Seind onlusts vnd der speichel vol.

Hic recensetur notæ temperaturæ phlegmaticæ.

Prima, quòd phlegmatici uiribus sint infirmis ac inualidis: cum enim phlegma frigidissimū ac humidissimum sit omnium, quæ in animali habentur, mobilitatem caloris innati, & quæ inde oriuntur facultates omnes, magna ex parte obtundit ac debilitat, & occasione quidem frigiditatis torpidum pigrumq; corpus ad naturæ actiones omnes reddit: Humiditatis uerò ratione nervos omnes relaxat, languidosq; facit: quo fit, ut phlegmatici, in quibus hic humor præualet, in omnibus motibus uoluntarijs pigritiam sentiant.

Secunda, quòd sint lati, sed breuioris staturæ, ob debilitatem enim caloris innati corpus in longum extendi non potest, porrigitur ergo & in latitudinem protenditur.

Tertia, quòd pingues sint & obesi, nimium  
rum



rum ob frigiditatem & humiditatem. Adept  
enim uel pinguedo superflua frigiditatis & hu-  
miditatis excessum significat, & temperaturam  
corporis phlegmaticam. Quicquid enim in san-  
guine pingue, leue, & tenue est, id in calidiori-  
bus corporibus alimentum quoddam calido fit:  
in frigidioribus seruatur. Cumq; id uenæ extr  
se transmiserint, ubi in frigidas particulas inci-  
dit, quod genus membranae sunt, in ijs concrefcit,  
& in adipem, siue pinguedinem conuertitur. Ga-  
lenus lib. 2. cap. 9 de tempera. Sequitur deinde,  
sanguineos esse stature mediocris. Quicunq; e-  
nim corporum habitus & temperati natura  
sunt, & mediocri exercitatione utuntur, hos ne-  
cesse est *ὁστέπικτος* esse, id uero est, mediocri o-  
mnino corporis habitu.

Quarta, quod ad oia, quam studia propen-  
siores sint: instrumentis nimirum ueluti torpen-  
tibus ob frigiditatem. Galenus libr. 3. de sympto.  
causis, cap. 3.

Quinta, quod sint somnolenti, idq; ob mul-  
tam cerebri humiditatem & frigiditatem. Frigi-  
ditas tamen minorem uim ad procreandum so-  
mnum, quam humiditas obtinet. Galenus ca. 22.  
artis medicinal.

Sexta, quod tardi ac hebetis sint ingenij:  
quemadmodum enim mentis celeritas, *ἀγχινοια*  
Graecis dicta, & discendi facilitas, quam *ὀψιμα*



## DE CONSERVANDA

Sexap ijdem uocant, à caliditate & siccitate, ita  
eorundem hebetudo ac tarditas à contrarijs, nem  
pe à frigiditate & humiditate exordium susci-  
piunt. Galenus cap. 12. 16. 18. & 22. artis medi-  
cinal.

Septima, quòd tardi sint motus: & hoc frigi-  
ditatis ac humiditatis ratione: frigidi enim pro-  
prium est non mouere: humidi uerò, relaxare.

Octaua, quòd sint pigri.

Nona, quòd sint somniculosiores: quorum o-  
mnium causæ ex iam dictis satis constant.

Postremis duobus uersibus repetuntur notæ  
prædictæ cum quibusdam alijs.

Prima, quòd sint somnolenti.

Secunda, quòd pigri ac tardi sint ad quam-  
libet operationem.

Tertia, quòd multi sputi: frigiditas enim im-  
probè concoquit ac digerit: proinde multa in  
corpore excrementa relinquit.

Quarta, quòd sensibus minimè uigeant. Ga-  
lenus cap. 22. artis medic.

Quinta, quòd sint pingues.

Sexta, quòd album habeant faciei colorem,  
de quo satis in præcedenti capite, nempe 89.

## DE TEMPERATURA

Melancholica. Ca-

put XCI.

Restat





**R** Estat adhuc tristis cholerae sub-  
stantia nigra,  
Quæ reddit prauos, pertristes, pauca  
loquentes.  
Hi uigilant studijs, nec mens est dedita  
lomo,  
Seruant propositum, sibi nil reputant  
fore tutum.  
Inuidus, & tristis, cupidus, dextraq; te-  
naxis,  
Non expers fraudis, timidus, luteiq; co-  
loris.



## DE CONSERVANDA

Die vierdt Complex Melancholei/  
Macht bößhafft/traurig/still darbei/  
Sie wachn vnd lern/getrawn nicht wol/  
Seine eigensins/forcht vnd neidts vol/  
Seind geitzig/karg/vnd nicht on list/  
Ihr farb fast schwarz/vnd erdfarb ist.

*Signa melancholica temperatura hoc in loco referuntur. Ac primum quidem, quod melancholici sint pravi, hoc est, malis, feris, ac perditis moribus, ut qui eò moestitiæ faciliè inducantur, ut mortem desiderent, iugulari; se optent, & odio prosequantur omnes quotquot uiderint. Galenus lib. 3. de loc. affect. cap. 7.*

*Secundum, quod tristes admodum sint, insidiasq; sibi tendi in omni uita suspicentur. Ob turbidos nimirum & tenebricosos, qui ex melancholico humore procreantur, spiritus. Quem admodum enim puri ac tenues spiritus latitiam, ita è contrario turbulenti ac craßi tristitiam cōtrahunt.*

*Tertium, quod taciturni sint, & paucorum uerborum; ut enim caliditas garrulitatem, sic frigiditas taciturnitatem & silentium generat.*

*Quartum, quod ad bonarum artium studia apti, habiles, atq; accommodati sint, propter similitudines nimirum, & secreta, quæ frè petunt, loca. Nam, ut lib. 2. epist. ultima Horatius ait:*

*Scripto-*



BONA VALETUDINE. 236

Scriptorum chorus omnis amat nemus, & fr  
git urbes.

Eandem sententiam sic extulit Ovidius libr. 1.  
eleg. 1. Tristium:

Carmina secessum scribentis, & ocia qua  
runt.

Hinc est, quod Hippocrates de Democrito  
Abderita ad Philopœmenem ita scriptum reli  
querit: Non insaniam, sed quandam excellentem  
mentis sanitatem uir ille declarat, dum neq; libe  
rorum, neq; uxoris, neq; cognatorum, neq; rei fa  
miliaris, neq; omnino alicuius curam gerit, sed es  
diu & noctu apud seipsum consistit, & priua  
tam uitam degit, plerunq; in antris & solitudin  
ibus, aut sub arborum umbris, aut in mollibus her  
bis, aut apud frequentia aquarum fluentia. Contin  
gunt igitur talia plerunq; atrabile percitis. Ta  
citurni enim aliquando sunt, & solitarij, ac de  
serti amantes, & rerum familiarium conspectum  
auersantur, alienum putantes. Nec uerò dissimi  
le uero est, etiam his, qui circa disciplinas uer  
santur, ab una erga sapientiam adfectione, alias  
curas exclusas esse. Lege Aristotelem problema  
te 1. sect. 30. Ciceronem libr. 1. Tuscula. questio.  
& Quintilianum lib. 10. cap. 3.

Quintum, quod breuib; admodum minis  
neq; profundis pertententur somnis. Nam ad so  
mnium creandum calidum adesse humorem opus  
est;



## DE CONSERVANDA

est hic enim concoqui expeditè potest, indeq; ad caput uapores surriguntur, à quibus subinde somnus inducitur. Quod si deest, exiguusq; humor, aut concoctu difficilis inest, somnus non oritur. Qua de causa post cibum somnolentissimi fieri ob calorem solemus. Melancholicos uerò & uehementer æstuantem in somnia tenet. Alteros, quia refrigeratus humor penitus est. Alteros, quia nullus est, aut certè minimus. Horribilia etiam uisa melancholicis per quietem obijciuntur, quibus maturius è somno excitantur. Galenus lib. 1. cap. 8. de sympto. cau. Et Cælius Rhodiginus lib. 16. ca. 36. & 37. lect. antiq.

Sextum, quòd constantes ac stabiles admodum sint in rebus gerendis, ægerrimeq; dimouentur ab eo quod memi semel hæserit, adeoq; difficulter etiam, si quando offendantur, in ueterem gratiam restitui possint: Et hoc certè siccitatis occasione: quæ non sinit propositum facile immutari.

Septimum, quòd nil sibi tutum fore putent, eoq; semper timeant. Hinc est quòd Galenus lib. 3. cap. 7. de sympto. causis, ita scriptum relique-

**Libro 6. rit:** Illud quod ab Hippocrate perhibetur, omnibus melancholiæ speciebus cõmune esse uidetur.

**apho. 13.** Si timor & mœstitia multo tempore durant, melancholicum eiusmodi symptoma est. Sunt enim omnes sine causa mœsti. Nec si roges quamobrem mœreant,



incereant, reddere causam possint. Timent au-  
 tem eorum nonnulli, tum mortem, tum alia quæ  
 minimè sunt timenda. Non desunt & qui mori  
 uehementer expetant. Cæterum quòd ex atra-  
 bile, cum principium rationalis animæ occupa-  
 uit, timor, mœrorq; ac mortis expectatio acci-  
 dant, nihil mirum: Siquidem etiam eorum quæ  
 extra corpus sunt, nihil uidemus quod nos per-  
 inde terreat ac tenebræ. Ergo cum tenebræ ra-  
 tionalis animæ parti sunt circumfusæ, necesse  
 est hominem timere: ut qui semper unà cum  
 corpore suo timoris causam circumferat. Quod  
 enim nobis extrinsecus fit, altissimis tenebris cir-  
 cundatum nobis aërem ad tempus aliquod oc-  
 cupantibus, id melancholia uitio laborantibus,  
 ab interno, & ipso corpore comingit: scilicet  
 uel ipsa nigra bile cerebrum occupante, uel ali-  
 qua melancholice halitus exhalatione, ueluti in  
 morbo quem flatusum & hypochondriacum uo-  
 cant. Idem libro tertio, capite septimo, de lo-  
 cis affectis, iam citatam sententiam ijs ferè re-  
 petit uerbis Differunt autem inter se melanco-  
 lici. Nam omnes timent, mœrent, uitam damnant,  
 odio habent homines, sed non omnes mori cupi-  
 unt. Etenim hoc ipsum nonnullis melancholice  
 caput est, quòd mortem pertimescunt. Quos-  
 dam etiam alieno admodum, atque extraneo ui-  
 debis animo; utpote qui simul & mortem me-  
 tuant.



## DE CONSERVANDA

tuant, & tamen mortem sibi consciscant. Proinde rectè uidetur Hippocrates omnia ipsorum accidencia in duo hæc coëgisse, metum & mœstiti-  
am. Mœstitia nimirum eos inducit, ut odio prosequantur omnes, quotquot uiderint, nunquam non tristitiam præ se ferentes: ac terrentur, ut in tenebris pueri, atq; ex adultis indocti. Sanè quem admodum externa tenebræ omnibus ferè hominibus pauorem inducunt, nisi uel audaces admodum uel edocti fuerint: sic atræ bilis color, mentis sedem tenebris similem reddens, timorem efficit. Etenim summis tum medicis, tum philosophis in confesso est, & humores, & omnino corporis temperantiam animæ actiones uariare posse. Postremis duobus uersibus repetuntur quædam etiam dictis, & adduntur nonnulla alia.

Primum, quòd sint inuidi: Est enim inuidiæ tristitiæ species.

Secundum, quòd tristes.

Tertium, quòd auari.

Quartum, quòd tenaces.

Quintum, quòd fraudulentum.

Sextum, quòd ualde timidi.

Septimum, quòd lutei, id est, terrei, siue fuscicoloris sint: Color enim purè fuscus, qui uiriditati propinquus est, melancholiæ dominium ostendit, teste Rhaze lib. 2. cap. 1, ad Almanso-  
rem.

DE



BONA VALETVDINE. 240

DE COLORIBVS,

Cap. XCII.

**H**l sunt humores, qui præstant cui-  
que colores.

Omibus in rebus ex phlegmate fit co-  
lor albus.

Sanguine fit rubeus, cholera rubea quo-  
que rufus.

Indicia redundantis  
*sanguinis.*

Si peccet sanguis, facies rubet, extat o-  
cellus,

Inflantur genæ, corpus nimiumq; gra-  
uatur,

Est pulsusq; frequens, plenus, mollis,  
dolor ingens,

In primis frontis, fit constipatio uen-  
tris,

Siccaq; lingua, sitis, sunt somnia plena  
rubore,

Dulcor adest sputi, sunt acria dulcia  
quæq;.

Den farbn da ist gesaget von/  
Solgn nach die vier Complexion.

See



## DE CONSERVANDA

Daß du aber wissen mügest/  
Wenn du dir die ader schlugest/  
Mercke so des geblüts ist vil/  
Daß es einnaußgang haben wil/  
Das zeigt des angesichts röt vnd schwulst/  
Des volln/weichen vnd springend puls/  
Es beschwert den leib/die augn zutreibt/  
Macht hauptweetag/vnd hart im leib/  
Es ist kein tranck der den durst büß/  
Dir träumbt von blüt/der speichl ist süß.

*Hic cuiusq; temperatura ex coloribus indicia præscribuntur. Phlegmatici enim coloris sunt albi: biliosi, pallidi siue flauī: sanguinei rubri: melancholici uerò fuscī: qui propriè, Galeno li. 14. cap. 9. Therapeu. meth. teste, color est inter rubrum & nigrum medius. Sed de his omnibus in præcedentibus satis iam dictum est.*

Secundo loco tredecim traduntur notæ redundantis sanguinis.

Prima, rubor faciei: ob ascensum enim sanguinis, omnia quæ circa caput sunt, rubicundiora apparent.

Secunda, oculorum prominentia: calor nari quæ exuberantis sanguinis ipsos dilatat ac flatu distendit.

Tertia, genarum inflatio: cuius eadem est ratio.

Quarta, uniuerſi corporis cum distentione grauitas: Natura enim, cum contentum humorem moderari



moderari nequeat, corpusq; multitudine grauatū sustinere minus ualeat, supplantatur ac deijcitur.

Quinta, pulsus creber, propter caliditatem, quæ sanguinis multitudinem sequitur.

Sexta, pulsus plenus: ob calidorum & humorum uaporum copiam.

Septima, pulsus mollis: nimia enim sanguinis exuberantia arteriæ emolliuntur.

Octaua, dolor capitis, & maximè quidem circa frontem: ob sanguinis in plexu reticulari, ut quibusdam placet, augmentum.

Nona, uentris constipatio: nimia enim caliditate feces exiccantur & indurantur.

Decima, siccitas linguæ ob eandem causam.

Vndecima, uehementia sitis: orificium enim stomachi præ nimia caliditate exiccatur.

Duodecima, somnia plena rubore: Nam quæ in somnis uisuntur, agiq; putantur, magna ex parte corporis affectionem, humorumq; naturam, plenitudinem, defectum, ac qualitatem testantur. Nam qui agrè se moueri putant, aut graui onera portare, aut in ea re impediri, quam se efficere somniant, animalē facultatem ex plenitudine, aut crassitie, aut uiscositate humorum, deprauatè habere cōijciendū est. Contrà qui se uel uolare, uel currere ocysimè credunt, humores paucos cosq; leues minimeq; excrementosos habere

h



## DE CONSERVANDA

uerisimile est. Et qui nocturnas Veneris imagines patiuntur, genitali semine abundare. Ad eundem modum qui in locis foetentibus, sordidis, ac immundis se uolutari putant, illos in corpore materiam putrem, corruptamq; ac grauius olentem habere suspicio est, quemadmodum contra qui in locis odoris se esse autumant, materiam probam, suauiterq; olentem: Et cui accensus ignis apparet, hunc a flaua bile infestari. Cui uero sumus, aut caligo, aut profunda tenebrae, ab atra bili: Imbres autem frigidum humorem abundare testantur, nix uero et glacies, et granado, frigidam pituitam. Gallorum gallinaceorum cristas habere, aut rufa quaedam, sanguinem exuperare. Luctatorem qui sibi uisus fuit in sanguinis solio stare, et uix supereminere, multo sanguine abundare Galenus coniecit, et euacuatio ne opus habere. Hæc ferè Galenus comment. 3. in libro 1. epidemio. aphor. 1. et in libello de ditione ex insomnijs. Lege et Rhazen libro 2. capite 24. ad Almanso. et Auicennam 2. 1. doct. 3. capite 7.

Decimatertia, dulcedo sputi: propter sanguinis dulcedinem. Rhazes libr. 2. cap. 20. ad Almanforem.

Indicia exuberantis Cholerae,  
siue flauæ bilis,

Accusar



BONA VALETVDINE. 242

Accusat cholera dextrę dolor, aspera  
lingua,

Tinnitus, uomitusq; frequens, uigilan-  
tia multa.

Multa fitis, pinguisq; egestio, tormina  
uentris.

Nausea fit, morsus cordis, languescit o-  
rexis.

Pulsus adest gracilis, durus, ueloxq; ca-  
lescens.

Aret, amarescitq; incendia somnia fin-  
git.

Lege de his omnibus Rhazen libro 2. capite  
1. ad Almanforem, & Auicennam 2. 1. doct. 3. ca-  
pite 7.

Indicia redundantis  
phlegmatis.

Phlegma supergrediens proprias in cor-  
pore leges,

Os facit insipidum, fastidia crebra, sali-  
uas,

Costarum, stomachi, simul occipitisq;  
dolores.

Pulsus adest rarus, tardus, mollis, quo-  
que inanis,

b 2



DE CONSERVANDA  
Præcedit fallax phantasmata somnus  
aquosa.

*Rhazes lib. 2. ca. 23. ad Almanforem, & Auicenna 2. 1. doct. 3. ca. 7.*

Indicia abundantis Melancholice.

Humorum pleno dum fæx in corpore  
regnat,  
Nigra cutis, durus pulsus, tenuisq; urina.  
Sollicitudo, timor, tristitia, somnia re-  
tra.  
Coacescunt ructus, sapor et sputaminis  
æquæ,  
Leuaq; præcipuè tinnit uel sibilat au-  
ris.

*Rhazes lib. 2. cap. 22. ad Almanfo. & Auicenna 2. 1. doct. 3. ca. 7.*

DE PHLEBOTOMIA, AC  
primò quidem de ætate phlebotomice. Cap. XCIII.

**D**Enus septenus uix phlebbotomon petit annus.

Spiritus





Spiritus uberiorq; exit per phlebotomian.

Spiritus ex potu uini mox multiplicatur,

Humorumq; cibo damnum lentè reparatur.

Lumina clarificat, syncerat phlebotomia

Mentes & cerebrum, calidas facit esse medullas.

Viscera purgabit, stomachũ, uentremq; coërcet,

Puros dat sensus, dat somnum, tædia tollit.

Auditus, uocem, uires producit & auget.

Vor sibentzen iarn nicht adern laß /

Die lebendig krafft entgeht durch das /

h 3



## DE CONSERVANDA

Die doch der wein bald widerbringt/  
Mit weicher speiß dir auch gelingt/  
Das aderlassn istn augn nicht arg/  
Scherpfft hirn vnnnd müt/ vnnnd wermbt das  
marck/

Es hilfft die därm/ vnd schleußt den magn/  
Den leib/ thüt auch vnlußt verjagn/  
Macht süßen schlaff vnd reine sinn/  
Hilfft ohn vnd freßft/ gibt gute stimm.

De uenæ sectione, quam φλεβοτομία Græci uocant, iam agitur: Ac primò quidem huic rei ac commodata ostenditur ætas, annus nimirum decimus septimus, uel, ut alijs placet, decimus quartus: Pueris nanque usque ad quartumdecimum ætatis annum sanguis mittendus non est. Carnem enim habent teneram &c. facile perspirabilem. Quod Galenus libro nono capite 17. metho. meden. ijs testatur uerbis: Puerorum, inquit, substantia omnium facillimè digeritur, ac dissipatur, propterea quòd est omnium humidissima. Nullius uerò quæ frigidissima existit. Quo minus uacuumis præsidij eget, cum habeat ex seipsa unde naturaliter uacuetur. Idem etiam lib. 11. capite 14. eiusdem operis de syncho loquens confirmat. Si in puerum incidat, qui quartumdecimum annum hætenus non attigit, mitti illi sanguis non debet, propterea quòd tātillīs, cum præsertim calidi ac  
humidi



humidi sint, plurimum corporis substantiæ quod  
 tidie defluat, ac digeratur. Ita quod ex inciden-  
 da uena moliendum nobis fuerat, id ultrò nobis  
 ex curati corporis natura præstatur. Quan-  
 quam Auenzoarus memoriæ dederit, se filiolo tri-  
 mo uenam dissecuisse, atq; hunc à morte tali re-  
 medio liberasse. Quòd si corpus decimumquartū  
 annum excesserit, æstimandū est qualisnam eius  
 natura sit, num gracilis, et spissa, et dura, et co-  
 piofi sanguinis, an contrà. Atq; ita in priori mis-  
 sionem sanguinis adhibebis: in secunda nequa-  
 quam. Senibus quoque post septuagesimum an-  
 num, si multi sanguinis fuerint, uiresq; robustas  
 habuerint, ac morbus ita iubeat, uenam secabis.

Quòd si in hac ætate constitutis, uires parum ua-  
 lidæ sint, et sanguine non admodum abundant, in-  
 totum ab huiusmodi euacuatione arcendi sunt. In  
 his enim cum, Galeno lib. 4. capite 10. de sanitat.  
 tuend. teste, sanguis bonus exiguus sit, crudi uerò  
 humores plurimi, incisa uena bonum sanguinem  
 emittit: malum qui in primis maximè uenis circa  
 iecur, et quod mesenterium uocant, colligitur, in-  
 totum attrahit corpus.

Secundo loco unicum innuitur ex phleboto-  
 mia incommodum: nempe quòd uberior per i-  
 psam exhaletur spiritus. Quod certè Galenus in  
 libello de scarificatione ijs ostendit uerbis: Ve-  
 nam incidere sepe in anno, minimè commodum



## DE CONSERVANDA

puto. Nam unà cum multo sanguine uitalis spiritus excernitur. Hoc autem frequenter consumptum, & tota corporis moles perfrigeratur, & omnia animalia opera peius fiunt. Frequenter igitur uenae sectio maturam senectam, & hanc morbis grauioribus obnoxia reddit. Cuiusmodi sunt cachexia, hydrops, arthritis, tremor, paralysis, & apoplexia. Impensius enim refrigerato nativo calore, humidoque primogenio imminuto, uiscera languescunt, cruditas dominatur, quae tot malorum causa sit atque origo.

Tertio uersu traditur remedium reparandorum spirituum, potus nimirum uini. Hoc enim ex omnibus celeriter ac subito nutriemibus, uelut supra cap. 8. & 11. ostendimus, principem obtinet locum. Quin ex cibo quoque ut quarto docetur uersu, spiritus recuperantur, sed lenius, hoc est, tardius. Vbi sciendum cum primis, quod exhibendus sit à uenae sectione cibus concoctu facilis, optimi succi, ac plurimi nutrimenti, uelut oua sorbilia, & eiusmodi. Eo moderatius tamen, ut lib. 7. cap. 21. ad Almanforem Rhazes praecipit, primo ac secundo die utendum est, quippe concoctoria facultas sanguinis eductione debilis, multum superare cibum nequit. Hinc Isaacus in dietis ita ferme scriptum reliquit: Cibus ipsis minuendus, sed potus augendus, respectu nimirum cibi, & non consuetudinis: imò uerò quam ante phlebotomiam minus bibendum



dum est, quod uirtus concoctrix debilior adhuc sit, quàm ut copiam eius ferat.

Quarto demum loco undecim moderate atq; tempestiue phlebotomie enumerantur cōmoda.

Primum, quod uisus aciem roboret, clarioremq; reddat: imminutis enim & detractis per phlebotomiam humoribus, quorum effumatione oculorum claritas obscurabatur, uisus necessario roboratur ac reficitur.

Secundum, quod cerebrum expurget, integritatem menti restituat, & ingenij excitet aciem: idq; consimilem omnino ob causam.

Tertium, quod medullas excalfaciat: superfluas namq; humiditates, quarum confluxu infrigidabantur, absomit.

Quartum, quod uiscera, id est, interiora expurget: leuata namq; quæ corpus nostrum regit natura, exonerataq; sanguine, quo uelut sarcina premebatur, haud ægrè crudos in interioribus detentos humores concoquit & euincit.

Quintum, quod uomitus & alui profluvia cohibeat: humores enim ab interioribus ad externas reuellit partes. Hinc ab Auicenna 4. 1. capite 20. ita scriptum est: Phlebotomia propterea quod ad diuersum trahit, naturam secundum plurimum retinet. Vbi tamen silentio prætereundum non est, quod in alui profluuio cubiti uena incidenda ueniat: ut quæ citissimè conspicuam



## DE CONSERVANDA

nonnunquam adferat utilitatem, quòd si contrà feces, nempe in pede, nihil omnino profuerit. Accidit tamen aliquando, ut alius uenæ sectione fluida magis fiat, idq; duobus maximè modis. Vno quidem, quòd naturæ onere per phlebotomiam sublato, uirtus roboretur, adeoq; alias haud rarò incitet euacuationes. Altero uerò, quando alui profluuium oritur ex retentricis facultatis imbecillitate. Ea enim uenæ sectione augetur: quo fit, ut uenter magis proritetur.

Sextum, quòd sensus efficiat puriores: euaporationem enim ad caput, unde sensus turbantur, imminuit.

Septimum, quòd immodicis cōferat uigilijs: siquidem humorum exundantiam, unde acres subinde atq; diuersi sursum feruntur sumi, somnumq; impediunt, euacuat.

Octauum, quòd tædia, id est, nimiam corporis grauitatem, segnittemq; siue lassitudinem tollat, leuat namq; quæ corpus nostrum regit naturam, exoneratq; humorum multitudine, quibus uelut onere quodam grauissimo premebatur, Melancholia quoq; quæ præcipua quedam tædiorum ac grauitatum causa existit atq; origo, unà cum sanguine educitur, quippe sex eius est & sedimentum.

Nonum, quòd audiendi difficultatem corrigat: imminuit enim redandantiam humorū, unde  
crassi



crassi ac flatuosi sursum euecti spiritus auditori-  
os obturant meatus.

De imum, quod uoci conficit: subtrahit  
namq; superfluas humiditates, quibus uocalis ar-  
teria immodicè irrigata raucas edebat uoces.

Vndecimum, quod uires reficiat augeatq;  
siquidem corpore humorum exonerato multius  
dine, uires recreamur & augentur.

Q VIBVS MENSIBVS CON-  
ueniat quibusue noceat phlebotomia.  
Cap. XCIIII.

**T**Res insunt istis, Maius, Septem-  
ber, Aprilis,

Et sunt Lunares, sunt uelut Hydra  
dies.

Prima dies primi, postremaq; postero-  
rum,

Nec sanguis minui, nec carnibus anse-  
ris uti.

Sit senium atq; iuuenta licet, si sanguis  
abundat,

Omni mense probè confert incisio ve-  
næ.

Hi sunt tres menses, Maius, September,  
Aprilis,

In quibus eminas, ut longo tempore  
uiuas.

Per



## DE CONSERVANDA

Der Meye/Weinmon/vnd April/  
Sein erwelt/wer da lassen wil.  
Wiewol ein jglicht hat einen tag/  
Darin ich ganz nicht lassen mag.  
Seind jung oder alt von vil geblüts/  
Ihm ist all mon ein lassen nütz.

*Tria hoc in loco traduntur.*

Ac primum quidem, quòd tres menses sint lunares, nempe Maius, Aprilis, & September, ipsiſq; dies quidam insint, quibus uenam incidere nefas habeatur: Maij scilicet primus, & reliquorum trigesimus. Idq; uulgo quidem ita creditur, cum reuera fictum, atq; à ueritate alienum sit. Siquidem & his ipsis diebus, modò constellatio non deterreat, uenam secare nihil impedit. Vanum item ac errore plenum est, & quod de anserum esu subiungitur, magisq; sortilegio tribuendum, uel tractum fortè à Iudeorum consuetudine.

Secundum, quòd senibus æquè atq; iuuenibus singulo quoq; mense, modò in uenis sanguis abundet, ac morbus ita iubeat, sanguinem subtrahere fas sit: ut in quibus non facile digeratur dissipeturq; substantia, & boni sanguinis adsit copia

Tertium, quòd phlebotomia pro conseruanda sanitate administranda sit in aliquo horum trium



BONA VALETVDINE. 247

trium mensium : in Aprili scilicet , aut Maio , aut  
Septembri : differenter tamen . In Aprili enim ac  
Maio , iecoraria incidenda uenit , ob exundantem  
nimirum sanguinis copiam : est enim tempus uer-  
num . In Septembri uerò lienaris : siquidem per id  
tempus , cum sit autumnale , atra bilis nonnullis  
plus cæteris colligitur .

DE IMPEDIMENTIS PHLE-  
botomæ. Cap. XCV.

**F**Rigida natura, & frigens regio, do-  
lor ingens,  
Balnea, post coitum, minor ætas, atq; se-  
nilis,  
Morbus prolixus, repletio potus &  
escæ.  
Si fragilis, uel subtilis sensus stomachi  
sit.  
Et fastiditi tibi nō sunt phlebotoman-  
di.

Auß zwelffeley vrsach lassen meid/  
Kalt complex/ Kalt ort oder zeit/  
Das badt/ vnkensch/ vnd lange seucht/  
Nach füllen/ mich lassen schendelich deucht/  
Zu alt oddt jung vnd schwacher krafft/  
Vnd den verdrossenheit behaßt/  
Oder



## DE CONSERVANDA

Oder des magen nichts leiden tan/  
Sol das lassu vnderwegen lan.

Duodecim hic recensentur impedimenta phlebotomiae.

Primum, frigida hominis natura: quippe quae uenae sectione augeatur. Fundamentum enim caloris innati sanguis est: hoc igitur per phlebotomiam imminuto, et calorem innatum imminui, totumque corpus grauiter refrigerari, necesse est. Galen. cap. 6. de curan. rat. per sang. missio.

Secundum, regio impense frigida: Haec enim largam uacuationem, qualis phlebotomia est, haud sustinet: quod corpus, detracto cum sanguine natiuo calore, satis antea refrigeratum, magis subinde refrigeret. Praeterea nec calida nimis regio uenae sectionem tolerat: quod sua caliditate vires dissoluat, ac humores discutiat. Tempus etiam anni in mittendo sanguine expendendum, num scilicet calidum sit, aut frigidum. In frigido enim tempore corpus refrigeratur, ideoque sanguinis missionem impedit. Quid enim attinet corpus antea abunde satis refrigeratum, sanguinis detractione magis refrigerare? In calido tempore improbe uacuati syncope et resolutione intereunt. Quippe calor ambientis e corpore fuerat euocatum spiritum digerit, ressecatque corporis habitum, et imbecilliorē reddit. Quocirca tum  
omnia



omnino à sanguinis missione abstinendum erit. Quod Galenus libr. 11. cap. 14. metho. meden. ijs uerbis confirmat : Et omnino quidem non mittes in tempore aestatis, & regione aestuosa, & cœli statu calido ac sicco. Promde eadem est temporis, quæ regionis, conditio.

Tertium, dolor ingens : sub quo & nimia corporis inflammatio comprehenditur. In his enim secta uena multam seditionem, & agitationem in humoribus excitat : phlebotomia nimirum attrahente ac uacuante humores, dolore uero atque inflammatione contranitentibus, adq; se rapientibus. Siquidem dolor omnis et calor attrahunt, influxumq; humorum efficiunt : quo fit, ut inflammatio augeatur, & natura magis debilitetur. Et hoc quidem ubi temperatior & artificialis fuerit phlebotomia. Si uero accruatim, uel ad animi deliquium usque fiat, in prædictis casibus plurimum adfert emolumentum. Quippe hoc præsidio seruemis sanguinis copia in maximis inflammationibus educitur, & laborans phlegmone pars refrigeratur. In uehementissimis autē doloribus idē sanguinis missio confert, quod sanguinis confluxum, dolorem rescindendo, inhibet. Accedit, quod excretoria facultas causam dolorem excitantem eijcere properans, phlegmonem interdum excitet. Quum enim primis suis conatibus nihil profecit, uehementius aggressa quod



## DE CONSERVANDA

quod infestat expellere, sanguinis aliquid ex superpositis partibus in afflictam simul exprimit, ut copiosè libro 13. methodi meden. capite 3. Galenus ostendit. Quapropter ne id accadat, sanguinem mittere expedit. Et hæc fuit intentio Galeni comment. 23. libro 1. aphorismo. ubi sic scriptum reliquit: In ardentissimis febribus si usq; ad animi defectionem sanguis mittatur, statim totius corporis habitus refrigeratur, & febris extinguitur. In maximis uerò doloribus nullum maius noui remedium, quàm usq; ad animi defectionem euacuare. Lege plura apud eundem libro 9. methodo. med. capite 4. & in libro de curan. rat. per sang. missionem, capite 11. & Leonhartum Fuchsium capite 28. methodi perueniendi ad medicinam.

Quartum, Balneum: & maximè quidem διαφορητικόν, id est, resolutiuum. Hoc enim, cum, Galeno in libro de utilitate respirationis capite 7. teste, spiritus ex toto corpore euacuet, adeoq; uires debilitet, phlebotomiam impedit. Nam plurimum & repentiè euacuare periculosum est, inquit Hippocrates libro secundo aphorismo. 51.

Quintum, coitus: post quem prohibetur incisio uenæ, quòd is corpus iam dudum plus æquo excalfecerit, uires deiecerit, ac debilitarit. Porro quoniam modo Venere uires dissoluantur, diserie



disertè admodum Galenus libro primo de semine capite 25. ijs demonstrat uerbis : Circa tempus, inquit, concubitus testes ex uenis seminarium humorem, quantum eius in ipsis continetur, trahunt. Est autem modicus hic, & ad roris similitudinem sanguini ammixtus : huiusmodi autem illæ opus habent. Violenter igitur eo, per testiculos utpote potiori facultate præditos quàm uenæ sunt, detracto, uenæ ipsæ rursus à suprapositis reuellunt, hæ uerò rursus ab his quæ deinceps sitæ sunt, deinde hæ rursus à uicinis, atque hoc fieri non cessat, donec ad omnem corporis particulam transsumptio perueniat, adeò ut omnes totius animalis partes proprio alimento euacuentur. Reuellit enim semper id quod perfectè est euacuatum, ab eo quod plus habet uelut uiolenter eripiens. Hoc igitur quum semper fiat, & omnia uelut in choro inter se mutuo participant, in tantum sanè omnia uasa ac partes totius animalis euacuari necesse est, donec fortissimè ex omnibus pars expleatur. Neque uerò solum seminariam humiditatem ab omnibus animalis partibus auferri cōtinget hoc tempore, sed etiam spiritum uitalem. Nam & hic ex arterijs unà cum seminali humiditate euacuatur. Quare nihil mirum est, immoderato coitu utentes imbecilliores reddi, à toto corpore utroq; sincerissimo ablato, accedente insuper uoluptate, quæ



## DE CONSERVANDA

ipsa per se sufficiens est uitalem firmitatem dissoluere, adeò ut iam quosdam ex nimia uoluptate ac iucunditate mortuos esse constet. Quæ omnia Marsilius Ficinus libro primo de sanitate tuenda, capite septimo, ijs etiam confirmat uerbis: Venerius, inquit, coitus si uel paululum uires excesserit, subito exhaurit spiritus, præsertim subtiliores, cerebrumq; debilitat, labefactat stomachum atque præcordia, quo malo nihil ingenio aduersius esse potest. Curnam Hippocrates coitum comitali morbo similem iudicauit? nisi quia mentem, quæ sacra est, percellit, tamunq; obest, ut Auicenna in libro de animalibus dixerit: Si quid spermatis supra quam natura toleret, coitu profluat, obesse magis, quam si quadrages tantundem sanguinis emanarit, ut non iniuria prisci Musas atque Minervam uirgines esse uoluerint. Plura de hoc lege apud Galenum capite 86. artis medicinalis. Paulum Aeginetam libro 1. capite 35. & Aëtium libro 3. capite 8.

Sextum, ætas, uel maior uel minor quam phlebotomia requirit: qualis est infamia, & senij. Horum omnium meminit Auicenna 4. 1. capite 20. in eum fermè modum scribens: Cauere debes à uenæ sectione in complexionibus uehementis frigiditatis, & in regionibus fortis frigiditatis, & in hora fortis doloris, & post balneum resolu-



resolutiuum, & post coitum, & in etate quæ est minor 14. annis, quamo plus poteris, & in etate senum quamo magis poteris: nisi in figura confusus fueris, & in soliditate musculorum, & uenarum amplitudine, & earum repletionem, & colorum rubedine: hos namq; ex adolescentibus, & senibus phlebotomare audebis. Adolescentes tamen secundum ordinem ad phlebotomandum paulatim prouehere debes cum pauca minutione.

Septimum, morbus prolixus: uirtus enim temporis tractu exoluta non tolerat uenæ sectionem, ut quæ à morbo plus satis iam debilitata phlebotomia facile exhauriretur. Galenus de curant. rat. per sang. m. cap. 20. Idem Auicenna etiam loco citato confirmat. In corporibus, inquiens, quæ prolixas perpeffa sunt aegritudines, abstinendum à uenæ sectione, nisi sanguinis affuerit corruptio, quæ ad hoc te perducatur: quoniam tunc sanguinis subtractione uteris.

Octauum, nimia potus repletio.

Nonum, largior cibi ingestio: sub qua incoctio, siue cruditas etiam comprehenditur: causa horum omnium est, ut ex Auicenna 1. 1. doc. 6. ca. 3. colligitur, quod tria sint materiam attrahentia, loca scilicet inanita, membrorum caliditas, ac totius corporis habitus. Sanguis igitur si sic affectis mitteretur, uenæ proprio & commo-



## DE CONSERVANDA

do destitutæ nutrimento, quod nondum in uentri-  
culo ac hepate concoctum est, attraherent. Hoc  
itaq; in membra raptum non corrigeretur. Siqui-  
dem tertia concoctio, ut Galenus autor est, non  
emendat erratum secundæ, nec secunda primæ.  
Atq; interim excrementorum copiam in corpo-  
re, ac inde tandem ægritudines prouenire neces-  
se est. Tanto igitur tempore diffcrenda est phle-  
botomia, quantum satisfacere tum ad eorum con-  
coctionem, tum ut excrementa descendant, uide-  
bitur.

Præstiterit tamen in intemperantibus, uino-  
sisq; ac uentri gulæq; de ditis, ut cap. 6. libri de cu-  
ran. rat. per sang. miss. Galeno uisum est, à uenæ  
sectione in totum abstinere: ut quos neq; purga-  
tione, neq; sanguinis missione magnoperè adiuue-  
ris. Nam per uitæ intemperantiam, crudorum hu-  
morum copiam ocijssimè colligunt: uerùm his ne  
manum quidem admouere temandum est. Quor-  
sum enim attinet, apud uulgum infamare præsi-  
dia, quæ multis fuisse salutis? Galen. libr. 11. cap. 9.  
metho. meden.

Decimum, fragilitas, id est, debilitas uirtu-  
tis: quippe sanguine misso uirtus semper ijs extre-  
mè concidit, nec postea reuocari, recolligq; po-  
test. Galen. cap. 6. de curan. rat. per sang. miss.  
& lib. 11. cap. 14. meth. med.

Vndecimum, os uentriculi supra modum  
sensile:



senfile : sub quo imbecillum etiam comprehenditur, & quod amara bile redundat : ob hæc enim multi in uenæ sectione ante iustam uacuationem per initia statim animo destituuntur.

Porro os uentriculi magno sensu præditum esse, ex eo maximè conijcitur, inquit Auicenna, quòd acria mordaciaq; citra offensionem non facillè transglutiat. Imbecillitatem arguit deiecta cibi potusq; appetentia: Amara uerò bilis redundantiam, oris amaritudo, nausæq; perseverantes, & bilis frequentiores uomitus ostendunt.

Hæ itaque indicationes à sanguinis subtractione dehortantur. Siquidem humores uenæ sectione exagitati sic affectis ad os uentriculi haud rarò, eeu ad consuetum locum confluunt : sed cum id membrum debilius iam sit, quàm ut tali humorum confluxui resistat, multa omnino sanguinis missione contrahunt mala. Et hæc una causa est, cur multi ex ipsis animo linquantur.

Bilis nanq; in stomachum refusa, morsu suo cor nonnunquam ac cerebrum εἰς συνωπὴν, id est, consensum, trahit, syncopenq; parit, quandoq; uerò subitam etiam adfert mortem. Galenus libro 9. cap. 5. metho. meden. & Auicenna loco citato.

Duodecimum, nausæa: in hac enim si sanguis mitteretur, uenæ exhaustæ prauam illam ac nauscosam ad se facillè attraherent materiam.



## DE CONSERVANDA

Neq; ob dictas solum causas, sed ob alias etiam non paucas à phlebotomia interdum abstinemus.

Ac primò quidem ob αἱμοῦ ποῖδ' ὥρ mensiumq; fluxum. Quod certè Galenus lib. 9. ca. 5. metho. meden. ijs innuere uerbis uoluit: Si tempore, inquit, mittendi sanguinis menses moueri conigerit, siue etiam hæmorrhoids sit reclusa, si inspecto fluentis impetu, ipse satis fore uidebitur qui solus, quod requiris, uacuet, naturæ rem omnem permittes: sin minus, tantum ipse detrahes, quo ex coniunctis ambobus perficiatur quod postulas. Nonnunquam tamen reuulsionis etiam causa in immodicis sanguinis è naribus, utero, sede, aut thorace, eruptionibus, uenæ sectio citissimè conspicuam adfert utilitatem.

Deinde ob corporeæ constitutionis raritatem, hoc est, humidam calidamq; temperaturam. Eius enim substantia celerrimè in ambientem dissipatur, aliàs in halitum sensibilem, aliàs in perspirationes, quæ uisum fugiant, sed ratione deprehendantur. Itaq; etiam huius causa aut prorsus uenam non secabimus, aut parum detrahemus. Galen. lib. 9. cap. 17. metho. med.

Tertiò, ob lentorem ac cruditatem humorū: hæc enim uenæ sectione augemur. Vnde in diutinis morbis sanguinis missione utendum non est: ne cruditas scilicet augeatur, uirtus debilitetur, & morbus eouq; producat, ut nequaquam postea curari



curari queat. Hinc præcipit Auicenna, ut in mor-  
bis chronicis pharmacia uenæ sectioni præmitta-  
tur, & non contrà, licet utraq; opus habeant æ-  
grotantes.

Crudititas porrò humorum duabus potissimum  
de causis accidere solet. Primum quidem ob ag-  
grauantem humorum copiam: quæ innatum ca-  
lorem uelut suffocando in tantum debilitat, ut  
ipso se uincere postea nequeat. Et in hac phlebo-  
tomia uti licet, quemadmodum id ipsum Alexan-  
der Trallianus lib. 9. cap. 2. in curatione Anasar-  
cæ ijs confirmat uerbis: Omnium curatio à ua-  
cuatione incipienda est, sed Ascitis quidem dicti,  
aut Tympaniæ à sola purgatione. Cui autem A-  
nasarca nomen est, ea uenæ sectionem interdum  
requirit, ut quæ ex sanguine frigido nascatur. Ac  
frigiditatis quidem ratione illa non indiget, sed  
quoniam copię detractio naturam leuat, ut hæc  
minorem illam effectam faciliè superet, non alie-  
num, sed rationi consentaneum est hîc quoq; ue-  
næ sectione uti. Videmus enim quòd etiam ignis  
externus, cum à lignis uiridibus propemodum  
extinguitur, refocillatur rursus, si illa, quæ ipsum  
suffocabant, auferantur. Deinde uerò ob calo-  
ris innati debilitatem, ut in hominibus frigida na-  
turæ, quales à diutino morbo conualescentes  
cum primis sunt, & senes. His phlebotomia ex u-  
su non est. Subtracto enim sanguine, qui fomes



## DE CONSERVANDA

natiui caloris ac uitæ thesaurus est, necesse est,  
ut corpus uehememius refrigeretur, humorumq;  
cruditas augeatur. Sanguis igitur ipsis, ut humo-  
res concoquat & euincat, relinquendus est.

Quinetiam post χολέρας, diutinos uomitus,  
διάρροιας, inedia, uigilias, labores uehemen-  
tiores, & uno uerbo, post omnia quæ corpus im-  
pensius calfaciunt, exiccantq; ac uires dissolu-  
unt, à uenæ sectione abstinendum, ut copiosè  
admodum docet Rhazes lib. 7. ca. 21. ad Alman.

QVAE CIRCA VENAE SE-  
ctionem obseruanda. Cap.

XCVI.

**H**Aec faciēda tibi, quādo uis phleb-  
otomari,

Vel quando minuis, fueris uel quando  
minutus,

Vnctio, siue lauacrum, & potus, fascia,  
motus,

Debent non fragili tibi singula mente  
teneri.

Wiltu lassen / thūs langst vorm bad /  
Gehe vor vnd nach / ist auch nit schadt.  
Gedenck dabet auff gūten x ein /  
Die bind vnd salb auch da sol sein.

Quinque



Quinque in sanguinis missione obseruanda esse hoc loco traditur : & ex ipsis alia quidem prius quàm uena tundatur , quaedam interea dum sanguis emittitur, nonnulla uerò eo iam sub-tracto.

Primum, unctio : alàs enim membrum inci-  
dendæ uenæ oleo irrigatum fricamus, ut tepore  
eius sanguis reddatur fluxilis: Interdum ipsi eti-  
am φλεβοτόμῳ, siue scalpello olei nonnihil alli-  
numus, ut inflictū dolorem mitiget. Quandoq; ue-  
rò & uulneri olei cuiuspiam parum illinimus,  
quo nimirum cicatrice tardius obducatur, humo-  
resq; in uenis relictī liberius expirent, & mali  
fumi discutiantur.

Secundum, potus : & præcipuè quidem ui-  
ni. Hoc enim cum in ipsa sectione, si syncope ob-  
uenerit, tum post eam etiam ad boni sanguinis ge-  
nerationem, spirituumq; recuperationem conue-  
nientissimè exhibetur. Suprà cap. 8. & 10.

Tertium, lauacrum, id est, balneum, quo  
certè per biduum aut triduum ante & post san-  
guinis missionem uti conceditur, nequaquam ue-  
rò eodem die : Ante quidem in illis, quos crasso-  
rum humorum copia aggrauari suspicio est: hos  
enim balneum incidit, mobilesq; facit, ob eandem  
etiam causam paululum dimoueri ante phleboto-  
miam conuenit, & assumere nonnihil syrupi ace-  
tosi. Eodem quoq; tempore membrum incidendæ



## DE CONSERVANDA

uena fricandum est, ut humores è propinquis uenis ad locum sectioni destinatum alliciantur, & ad exitum properent. Post uerò emissionem sanguinis ualet ad humorum uaporumq; reliquias discutiendas. Verum eo supersedere in ipso die oportet: cutem enim nimis reddit mollem, quo fit ut plaga facillimè cedat, quod non est citra periculum.

Quartum, fasciæ, hoc est, ligaturæ, ex panis scilicet lineis, easq; tam ante, quàm post uenæ sectionem administrari oportet. Ante quidem, & ut inde uenæ incroassescant, conspicuæq; magis fiant, & ut humores ad constitutum incisioni locum facilius prolecentur. Post uerò, ad sistendum reprimendumq; fluxum.

Quintum, motio siue inambulatio, moderata nimirum ac tranquilla: eaq; & ante, & post uenæ incisionem, uti conuenit: ante quidem, ut humores dissoluantur, extenuenturq;: post uerò, ad dissipandas humorum reliquias.

Ea hodie apud uulgum inualuit consuetudo, ut uenæ ieiuno ferè ac uacuo incidantur stomacho: sed hoc ipsum doctorib; quibusdā minus probatur, ut quibus conducibilis esse uideatur, ut ouum molliusculum siue sorbile, cum haustulo uini prius exhibeatur, idq; circiter horam nonam, uel decimam ante meridiem, ac confestim deinde uena incidatur. Natura enim stomacho existente

uacuo,



ut cuius, ne alimento destituatur, sanguinem pertinacissimè retinet. Contrà uerò, pauculo, eoq; exigua mole plurimum nutriente, cuiusmodi uini & oua sorbilia cum primis habentur, ingesto cibo, eundem facillimè exire patitur.

Porrò quod ad diei, in quo fit uena sectio, tempus attinet, sciendum sanguini mittendo conuenire maximè tempus matutinum, sic tamen ut non protinus excitis è somno, sed horam unam ante uigiliamibus uena secetur. Quibusdam etiam posteaquàm rerum solitarū quidpiam obierunt, siue in ludo literario, siue in officina, siue in foro, siue in edibus, sanguinem auferre expedit. Aegris autem nullum est uenæ sectionis præscriptum tempus, quamobrem nec per noctem sanguinem mittere ijs, si morbus sic expetat, uerearis. Sic Galenus in libr. de curan. rat. per sang. miss. capite 13. & 20. & in præfatio experientia comprobato ca. 4.

Annoratiuncula. Ut uocem phlebotomiam uersus ferant, geminato ubiq; bb. phlebotomiam, in hoc opere legere oportet.

DE QVIBVSDAM PHLEBOTOMIÆ effectibus. Cap. XCVII.

**E**Xhilarat tristes, iratos placat, amantes  
Ne sint amentes, phlebotomia facit.

Das



## DE CONSERVANDA

Das lassen lescht des zornes hitz/  
Gibt traurigen freud / den sinnlossen witz.

*Hic tres phlebotomiæ referuntur effectus.*

*Primus, quòd contristatos exhilet, ac latos reddat.*

*Secundus, quòd animos iratorum placet, reo concilietq;. Ac utriusq; quidem causa est, quòd hæc maximè fiat, cùm sanguini admiscetur multum flauæ bilis, illa uerò cùm multum melancholice: sed horum humorum uterq; unà cum sanguine per phlebotomiam educitur: ergo &c.*

*Tertius, quòd præcaueat, ne amantes ob rabidos quosdam appetitus ad insaniam adigantur: humores enim à capite ad partes subiectas reuellens expellit.*

*Ob quinq; porrò causas uenæ sectio adhiberi solet. Quarum una tantùm directæ est, reliquæ uerò omnes indirectæ.*

*Directa sanè adhibetur sanguinis uacuandi causa: sed cùm is utilis sit naturæ, probè hanc administrari conuenit, sic ut quod inutile naturæ sit emittat. Fit autem sanguis naturæ inutilis bifariam: uel cùm propriam qualitatem ad unguem non seruat, nec amplius nutrire sicut prius, cùm utilis esset, potest: uel ita multitudine creuit, ut aut uires premat, aut tum uenas, tum arterias, uel distendat, uel findat, uel obstruat. Ac in his*  
*quidem*



quidem missio sanguinis utilis est, ceu uacuan-  
 tium praesidiorum una. Differenter tamen adhi-  
 benda est: Siquidem in sanguinis multitudine co-  
 piose detrahere, in reliquis uero pauca uacuatio  
 ne uti oportet. Hinc est quod libro 9. capite 10.  
 metho. meden. Galenus in eum propè modum  
 scriptum reliquerit: Si sanguis uitiosus in corpore  
 fuerit, paulatim quod uitiosum est uacuare o-  
 portet, & paulatim inuicem quod salubre est,  
 pro eo reponere. Vocant medici eiusmodi uitiosi  
 succi curationem Græcè ἐπιμασισ. Cui subscri-  
 bit Alexander etiam Trallianus libro 9. capite  
 2. ijs uerbis: At hoc non una uice faciundum est,  
 ne uires deiciantur. Etenim quamuis id quod  
 uacuatur, recrementitium est, tamen uniuersa ac  
 subita mutatione magis offendit. Satiùs igitur est  
 paulatim & tutò euacuare, quàm festinando per-  
 turbandoq; unà cum morbo etiam ægrum è medio  
 tollere. Atq; hinc certè liquet, quàm peruersè  
 phlebotomia abutantur, qui uitiosum sangui-  
 nem studiosè auferunt tam diu, dum bonus ef-  
 fluere cœperit: cùm uniuersus fortè sanguis ci-  
 tius erupturus sit, quàm bonus appareat. Pau-  
 cam igitur esse decet, & ut Galenus præcipit,  
 in eiusmodi casibus ante uenæ incisionem ἐπι-  
 μασις utendum est, hoc est, cibus exhibendus  
 est, probum generans sanguinem: quo nimirum in  
 uitiosi locum bonus succedat: ac paulò post san-  
 guis



## DE CONSERVANDA

Quis extrahendus est modicus. Hæc quidem directæ dicitur phlebotomia: quod per se fiat, ad euacuationem illius, quod per se uenæ sectione euacuari debet, nempe ad multitudinis humorum, siue sanguinis euacuationem: principaliter tamē, secundum quod cum eo sunt alij humores.

Reliquæ 4. dicuntur indirectæ: & administrantur ut humorum uehementiorem impetū ad diuersam reuocent partem, uel ad latera deriuent.

Prima adhibetur ob magnitudinem morbi, siue uehementiorem apostematis cuiuspiam inflammationem. Nam in apostemate uehementis inflammationis, in febribus, & doloribus maximis, non inuenitur excellentius remedium, quam sectio uenæ, teste Galeno lib 1. apho. comment. 23.

Secunda, ut materia alliciatur ad locum, per quem euacuanda est: unde in mensium atque hæmorrhoidum suppressione saphena aperienda est, quemadmodum in libro de curan. rat. per sang. missio. capite 9. in hunc scribens modum Galenus attestatur: Plenitudines à suppressis mensibus ortas, omnino per crura euacuabis, siue uenam secare oporteat, siue scarificare. Sectæ enim in cubito uenæ mulierum reuellere purgationem assolent.

Tertia, ut humores deriuentur ad partem oppositam loco, ad quem sua sponte rapiuntur: et  
hoc



hoc quidem ut materia à membro, in quod confer-  
tim ingruit, auocetur reuellaturq;: & propterea  
in immoderatiore mensium fluxu secamus basili-  
cam, id est interiorem cubiti uenam, quæ hepati-  
tes etiam uocatur, ut reuulsa materia ad locum  
oppositum à fluxu suo diuertatur.

Quarta, ut portiuncula materiæ quapiam  
per uenæ incisionem euacuata, natura residuum  
euincere ualeat. Atq; ita tandem uenam incidere  
conuenit, ubi repletio in corpore fuerit, ne ge-  
neretur apostema, uirtute scilicet imbecilliore  
existente, quàm ut uniuersam illam humorum re-  
dundantiam simul moderetur ac regat. Ideò por-  
tiunculam eius emittimus, ne ob naturæ impoten-  
tiam imbecillitatemq; in debiliores partes ingru-  
ens, inibi abscessus, aut tumores præter naturam  
excitet,

DE SCISSURAE QUANTI-  
tate. Cap. XCVIII.

**F**Ac plagam largam mediocriter, ut  
citò fumus

Exeat uberius, liberiusq; cruor.

Schlag die ader wol zu maß vff/

Das blüt vnd dinst muß haben lufft.

Hic unicum habetur præceptum de fissuræ  
quantitate



## DE CONSERVANDA

quantitatem in uenae sectione: nempe ut ea mediocriter sit ampla: quo nimirum crassior sanguis affumi liberius exeant. Fissura enim stricta existente, tenuior sanguis dumtaxat effluit, crasso intus remanente. Vbi hoc quoque sciendum, quod in uenae sectione aliquando amplum, nonnunquam uero arctum infligere uulnus oporteat: Et amplum quidem tribus maximè de causis. Primò cum humores sunt crassi, & crassior sanguis educendus est: ut facilius exire queat. Hinc melancholicis etiam amplum infligendum est. Secundò, ob temporis ac regionis frigiditatem: per eam enim humores crassescunt: quare per hyemem, sic necessitate iubente, amplo potius utendum est uulnere. Tertiò, ob redundantiam humorum: qui melius certè amplo, quam arcto, euacuantur uulnere. Contrà uero arctum uulnus magis conuenit, cum uirtus imbecilla est: ne scilicet immodicè spiritus excernantur, & calor innatus extra modum debilitetur. Eadem habenda est ratio in calido tempore, & cum sanguis subtilis ac tenuis euacuatur.

### QVAE IN VENAE SECTIONE consideranda. Caput XCIX.

**S**anguine subtracto, sex horis est uigilandum,

Ne



Ne somni fumus lædat tibi sensile cor-  
pus,  
Ne neruum lædas, non sit tibi plaga  
profunda.  
Ganguine purgatus ne carpas protinus  
escas.

Dach sechs stunden dem lassen nach/  
um schädlich schlaff sei dir nicht gach.  
Der hart durchauß schlegt den fleuch/  
Darnach auch mit dem essen verzeuch.

Tria in uenæ sectione consideranda esse hoc  
loco traditur:

Primum, ut is, cui uenæ secta est, non dormi  
illico post phlebotomiam, nisi sex ad minus ho- Somnus.  
re præterierint: ne sumi scilicet, quos somnus effi-  
cit, sursum ad caput euecti cerebrum offendat.  
Possunt tamen & alia adsignari causæ. Ac pri-  
ma quidem, ne æger uertendo sese inter dormi-  
endum supra membrum uoluatur, in quo uenæ  
secta est, itaq; læsionem percipiat. Secunda,  
inter dormiendum humores transfluant in  
partem ex scalpelli ictu dolentem, mibiq; aposte-  
ma generent. Siquidem partes dolentes, ut ca-  
pit. 95. artis medicinalis, & in libro de curan-  
tiis. per sang. miss. cap. 7. Galenus asserit, natu-  
ra solent fluxionem suscipere: & præcipue qui-  
dam in somno. Auicenna uerò hanc adfert cau-  
k



## DE CONSERVANDA

Jam, nempe quòd ex dormitione phlebotomia  
 propinqua, plerunq; accidat in membris confractio. Dum enim huc & illuc inordinato, atq; inopinato uoluntur reuolunturq; motu, fasciæ dissoluntur: quo fit, ut resectæ, & adhuc à recentis sectione hiantes plagæ immodicam nonnunquam sanguinis uim inscientibus effundant: quod quàm sit uitæ discrimini coniunctum, nemo est qui ignoret. Adhæc sumida quoq; excrementa per somnū intro rursum ad principalia reuocantur membra. Quinetiam spiritus, sanguis, & calor uenæ sectione ad exteriora prolecati, somno ad centrum retrahuntur: atq; ita certè haud rarò, cum ob uenæ sectione excitatam commotionem, tum somni quoq; retractionem, ebullitio in humoribus contingit, ac inde febris tandem accenditur. Satis igitur liquet, confestim à uenæ sectione nō esse dormiendum: præsertim si interea nihil dum cibi ingestum fuerit: quòd si uerò à cibi sumptione in unam atq; alteram horam, imò & in plusculas (si ita patitur animus) somno indulgeatur, nihil, aut parum admodum offendit. Siquidem exagitatio humorum tanto temporis spacio ad plenum contrahi sedariq; potest. Satiùs tamen fuerit à somno abstinere, aut certè si qua necessitas dormire omnino cogat, quàm breuissimo uti somno, adhibita semper cautione quadam, ne disiectæ fasciæ egrotantes in uitæ discrimen adducant. Nonnulli hanc



hanc quoque ad signam causam, nempe quod materia per somnum crassescat, confractioque in membris eueniat, perinde atque in quartanae typo ob materiae crassitiem frigiditatemque solet. Tum nervi praeterea atque lacerti frigidi sunt: fumus igitur ad ipsos perlatus in somno, in quo calor naturalis totus in profundum corporis retrahitur, crassescit simul et refrigeratur, qui sic refrigeratus et crassior effectus, frigiditatem quoque et crassitiem, siue confractionem cum membris communicat. Simile namque à simili facile afficitur. Et haec quidem de somno phlebotomiae propinquo, et non de remotiore intelligenda ueniunt.

Secundum, ne uena sector profundam nimis incutiat plagam, ita ut scalpello neruum, aut arteriam uenae iunctam attingat. Nervi enim punctura ob sentiendi praestantiam, ob idque quod cum principio pars haec continuitatem habet, promptè dolorem accersit, quem necessario comitatur humorum defluxio, hanc excipit phlegmone, quam ex necessitate deinde, non solius quidem puncti nervi, sed totius etiam instrumenti consequitur conuulsio, et inde acerbissima tandem mors, uel ad minus membri, utpote brachij, aut digiti etc. amissio. Quod Cornelius Celsus lib. 2. cap. 10. ijs etiam uerbis significare uoluit. Iuncta est, inquit, uena arterijs, his nervi. Ita si neruum scalpellus attingit, sequitur neruorum distentio:



## DE CONSERVANDA

ea quæ hominem crudeliter consumit. Legè Galenum cap. 92. artis medicinalis, & lib. 1. cap. 2. de motu musculorum, & lib. 6. cap. 2. method. medendi. Porro ex arteriæ punctura fluxus sequitur sanguinis arterialis difficillimæ curationis.

Tertium, ne is, cui uena secta est, protinus à missione sanguinis cibum sumat, sed expectet dum humorum exagitatio sedetur, ne cibus nondum concoctus ad subueniendum membro læso cum sanguine simul attrahatur. De hoc Galenus lib. 4. cap. 20. de sanit. tuenda.

## QVAE POST PHLEBOTOMIAM UITANDA. Caput C.

**O**Mnia de lacte uitabis ritè minutas,

Et uitet potum phlebotomatus homo.

Frigida uitabit, quia sunt inimica minutis,

Interdictus eritque minutis nobilis aër.

Spiritus exultatq; minutis luce per auras,

Omnibus apta quies, & motus sæpe nocuius.

Nilq;



Milchspeise/vnd vil trinckens meid/  
 Bei Faltem trincken durst du leid.  
 Dem lassen schadt fast alle Felt/  
 Die zeit sei schön, hell vnd erweilt/  
 Das macht dir freies vnd frisches blüt/  
 Groß bwegnus ist böß/die rüh güt.

Hic quinq; ab incisa modò uena cauenda esse  
 præcipitur.

Primum, Lac & lacticia omnia. Siquidè Lactici-  
 ex humoribus uenæ sectione agtatis ac commo-  
 nis sæpe in uentriculum nonnihil transluit. Lac  
 igitur, quod per se alioqui corruptioni obnoxium  
 est, sumptum, dictisq; humoribus admistum, fa-  
 cillimè omnino & corrumpitur, & dulcedinis  
 ratione inconcoctum ac crudum ab inanitis ue-  
 nis attrahitur. Suprà cap. 7.

Secundum, Potus: quippe qui & ipse pari Potus.  
 modo inconcoctus facile ab ijsdem abripiatur.  
 Suprà cap. 95.

Tertium, frigida omnia, tam intrò sumenda Frigida.  
 quàm foris admoenda: Eiusmodi autem cum pri-  
 mis sunt, alimenta frigidiora, potus frigidus, bal-  
 nea frigida, ambiens nos aëris frigiditas, uestium  
 exilitas, super petram nuda sessio, capitis ac pe-  
 dum frigiditas. Hinc enim corpus, calore nimium  
 innato, plus satis iam uenæ sectione immutato,  
 præter modum refrigeraretur.

Quartum, ne is, cui uena secta est, uersetur



## DE CONSERVANDA

**Nebula.** siue ambulet in aëre turbido ac nebuloso. Hic enim est qui, ut supra cap. 24. ostendimus, sanguinem melancholicum efficiens, animam contrahit. Sed uersetur potius incedatq; in aëre lucido, claro, atq; sereno. Inde enim spiritus recreantur omnes, et iucundissima quadam uoluptate distracti ad similem protenduntur.

**Quies.** Quintum, ut idem temperatam amplectatur quietem, motionemq; uitet. Hæc enim humores uena sectione agitatores, magis adhuc commouet, et uires usquequaque debilitat: illa uero commotionem contrahit ac sedat.

Sunt qui tradant, cauendum etiam esse à salitorum piscium usu, postquam uena alicui incisa est: ἀλφύς τε γὰρ πωλλὰ κίς καὶ ὤϊγες ἀπὸ γρονῶσιν, id est, utiligines enim et scabiem sepe numero gignunt. Simcon Sethi in Synag. de piscibus.

**QVIBVS MORBIS ET AETATIBVS** phlebotomia conueniat, et quantum sanguinis quoq; tempore detrahendum. Cap. CI.

**P** Rincipio minuas in acutis, perper  
acutis,  
Aetatis mediæ multum de sanguine  
tolle,

Sit



Sit puer atq; senex, tollet uterq; pa-  
rum.

Ver tollat duplum, reliquum tempus  
tibi simplum.

Im anfang hefftige Franckheit laß /

Im stehnden alter offte vnd baß.

Den alten vnd jungen ist nicht so güt /

Die adern im Mey gebn zwofach blüt.

Quatuor phlebotomiae præcepta hoc loco  
traduntur.

Primum, ut in principio acutorum & per  
acutorum morborum uena incidatur: pro cuius  
plenore intelligentia, sciendum initio, peracu-  
tum morbum esse duplicem. Exquisitè peracu-  
tum, qui ultra quartum non producit diem.

Hunc recentiores Medici, barbaram sectantes  
medicinam, perperacutum uocare solent. Non ex-  
quisitè peracutum, cuius uigor in septimo futurus  
est. Hi itaq; morbi cum breues sint, ac statim sum-  
mos, id est, maximos obtineant labores, neq; in-  
ducias concedant, illicò per initia curandi sunt.  
Idem porro, quòd à calidis magna ex parte hu-  
moribus, sanguine nimirum & flaua bile nascan-  
tur, uenæ sectionem potissimum exposcunt. Hinc  
non temerè Hippocrates lib. 4. de uictus ratio. in  
morb. acu. apho. 19. ita scriptum reliquit: In acia-  
tis morbis sanguinem detrahes, si uehemens mor-  
bus uideatur, florueritq; egrotanti etas, et uiriū  
ad fuerit robur.



## DE CONSERVANDA

Secundum, quòd in ætate media, siue florenti, ab anno nimirum 30 ad 45. uel 50. copiosius, quàm in alijs, sanguis detrahendus sit. Etenim hic corpus solidum esse incipit, quod nequam tantum sanguinis, quantum solebat, in se traducit, sed plus solito in uenis relinquit. Quo fit, ut eius subtractio incrementum non impediat, neq; uirium robur dissoluat. Corpus nanq; in ea ætate neq; augeri sensibilibiter, nec imminui, sed ueluti stare uidetur.

Tertium, quòd senibus ac pueris parum sanguinis detrahendum sit, ut per pueros intelligamus etiam eos, qui pubertatis, hoc est, 14. ætatis annum exceßerunt. Nam usq; ad pubertatis initium tota illa ætas pueritiæ mollis est, & tenerior, quàm quæ phlebotomiam toleret: quoniam licet concoctio & nutritio in ijs liberalis, tamen spiritus & sanguis modicus, utpote qui continuè, atq; affatim in corpus transsumitur, neq; natura citra inopiam illius uacuationem sustinere potest. Nam esto, quòd natura nostra in solidis habitat, tamen ad immodicam omnem euacuationem labefactatur, aut interit. Pubertas ergo primum sanguinis missionem tolerat. Hic igitur pro mutatione naturæ sanguinem mittere licbit, neque tamen id facere decet affatim, sed admodum breuiter.

Porro per senes eos inaudire oportet, qui ad  
huc



huc in prima atq; secunda senectute consistunt.  
 In his enim audacia mittendi sanguinis paulatim  
 decrescit, adeò ut in decrepitis, hoc est, post 70.  
 annum ob uirtutis imbecillitatem uix liceat. Plu-  
 ra Galenus in 4. lib. Hippoc. de uict. rat. in morb.  
 acu. com. 19. & ibidem etiam Hieremias Thriue-  
 rus Brachelius.

Quartum, quòd dupla sanguinis portio, re-  
 spectu nimirum reliquorum temporum, uere de-  
 trahenda sit. Tunc enim sanguinem maximè cre-  
 scere in corporibus nostris, apud omnes medi-  
 cinæ scriptores in confesso est. Cæterum quod  
 ad primum præceptum attinet, regulæ nonnullæ  
 circa sanguinis missionem obseruandæ sunt.

Ac prima quidem, ut ab initio morbi non fiat  
 phlebotomia. Medicus enim, ut cap. 87. artis me-  
 dicin. & comment. 22. lib. 4. apho. Galenus adse-  
 rit, naturæ minister est. Sed natura ipsa nunquā  
 in morbi principio, dum crudi adhuc sunt humo-  
 res, ullam uacuationem instituit. Ergo nec medi-  
 cus ipse in principio morbi, dum adhuc omnia  
 cruda sunt, uacuationem ullam moliri debet.  
 Cruda enim cum uacuationi non obediunt, gra-  
 uia ea de causa symptomata excitant. Galenus  
 comment. 22. lib. 1. apho.

Fallit tamen hæc regula in tribus casibus: Pri-  
 mo, quando noxiij humores turgent, hoc est, sua  
 sponte concitati ad excretionem nos adducunt:



## DE CONSERVANDA

lum enim in principio etiam morbi nondum co-  
ctis humoribus uacuare licet, ne scilicet humores  
parum stabiles, & ab una parte ad aliam sine  
ordine moti, ad principem aliquam partem de-  
cumbant. Rarò autem accidit, ut humores mobi-  
les ab una parte ad aliã transfluant, sed plerun-  
que sunt in parte aliqua firmi ac fixi: ideoq; non  
est in principijs morborum uacuandum, nisi ra-  
rissimè, hoc est, quando humores turgent. Hinc  
non temerè 4. 1. cap. 20. & 22. 3. tract. 2. cap. 7.  
ab Auicenna præcipitur, ut in principijs morbo-  
rum uenæ incisio penitus dimittatur, ut quæ su-  
perfluitates extenuet, ut per corpus fluant, ac sa-  
no sanguini permisceantur, non extrahat tamen  
quod extrahi necesse erat: quo fit, ut post tem-  
poris interuallum phlebotomiam repetere oport-  
teat: interim eodem die, interim postridie. Atque  
hinc profectò uires nimium debilitantur.

Secundò, in materiæ multitudine: hîc enim cir-  
ca principia quandoq; quemadmodum commen-  
29. lib. 2. apho. Galenus testatur, uenæ sectionem,  
nonnunquam uerò & purgationem adhibere o-  
portet, quo minorem iam factam materiam natu-  
ra possit concoquere.

Tertiò, in morbi magnitudine ac uehementia,  
ut in magno uehementissimòq; doloris apostema-  
te: licet non sit multa in corpore materia, scili-  
cet accedens. Nam repellendus humor est, ne  
apostema



apostema citius, quàm par est, crepet, aut aperiat. Vene igitur sectio, ut magna hæc & praua symptomata euitentur, circa initia statim adhibenda est. Quod Galenus lib. 13. cap. 20. meth. meden. ijs innuere uerbis uoluit, inquiens: Itaq; incidenda in talibus affectibus uena statim ab initio, si modò tam ualens uirtus sit, ut sine noxa missionem sanguinis toleret, ac nihil prohibeat eorum, quæ de secanda uena retulimus, sicuti uel crudi humoris copia, uel puerilis ætas, uel anni tempus, uel regio, in qua sit extremus calor, aut frigus. Non solum autem in morbis acutis, atque adeò inflammationibus, uerumetiam in uulneribus & conuulsionibus particularum, præsertim nobilium, sanguis ex opposita parte mittendus est, ut inflammatio prohibeatur, etiamsi sanguis modicus fuerit.

Secunda, ne fiat phlebotomia in die motus ægritudinis, uelut in crisi: ut in qua neq; uenæ sectio, neq; aliqua alia uacuatio tentanda sit: ne materia scilicet diuertatur à loco, ad quem natura ipsam, ut excernatur, pellit. Pari modo nec in ipso paroxysmo tale quippiam tentandum est: neq; comment. 29. lib. 2. apho. Galenus præcipit, ut morbo iam consistente, neq; uenæ sectio, neque purgatio adhibeatur, quòd coctiones morborum tunc maxime fiant: quæ melius in quiete, quàm motu perficiuntur. Ceterum sicut se habet status  
ad



## DE CONSERVANDA

ad integrum morbum, ita & paroxysmus respectu dierum ἀνωπεξίας, id est, intermissionis: quemadmodum igitur in statu non est uacuandū, ita nec in paroxysmo.

Tertia, ne phlebotomia circa initia statim morborum fiat, quando crisis adhuc remota est: Sanguis enim insiti caloris fundamentū est, ipsum nimirum sustinens, licet cor generet, & spiritus deferat: sed sanguis est fundamentum eius: ex ipso enim ut materia natiuus calor gignitur: per sanguinis igitur subtractionem, calor, qui coquere materiam morbi debebat, uacuatur: quo fit, ut morbus in longum protrahatur, uiriumq; robur deiciatur, ut timendum sit, ne ob morbi diuturnitatem, ac uirium imbecillitatem natura succumbat.

Quarta, ne in corpore, cui stercus multum inter intestina cohibetur, phlebotomia adhibeatur. Tria enim sunt, uelut supra cap 95. ostendimus, attrahentia: loca scilicet inanita, membrorum caliditas, ac totius corporis habitus. Venæ igitur sanguinis missione exhaustæ à membris rursum propinquis attrahunt, quemadmodum & meseraicæ à uentriculo: quo fit, ut alius magis cohibeatur, & materia in uenis contenta corrumpatur. Meseraicæ enim humiditatem à stercore penitus exuentes ipsum exiccant. Proinde molli clystere, aut subiecta glande, æger prius uacuandus est,



est, ne uenæ putridam quampiam superfuitatum  
essentiam ab intestinis uenentur attrahantq; Ga-  
lenus in præfago experientia confirmato, cap. 5.

Quinta, ne frequens ac multa phlebotomia  
fiat: Hinc enim circa senium multi ac mali ge-  
nerantur morbi, sicut est epilepsia, apoplexia, &  
paralysis: siquidem ob sanguinis & caloris im-  
minutionem multæ generantur phlegmaticæ su-  
perfluitates, quæ dictastandem ægritudines exci-  
tant. Hinc non temerè uulgò dici solet: Qui in iu-  
uentute phlebotomiam exercent, hoc est, sangui-  
nis missione citra necessitatem sæpius utuntur, se-  
nectutem deflebunt.

Sexta, ne uenæ sectio adhibeatur mulieri, cui  
menses fluunt, aut utero gerenti. Vtero gerenti  
quidem, ne abortiat: Calor enim cibum conco-  
quens uenæ sectione diminuitur, & alimentum  
fœtui subtrahitur, & maximè quidem si is au-  
ctior fuerit. Nam fœtus ex mensibus nutritur,  
cum autem non inueniat unde nutriatur, fame cō-  
ficitur, & mouetur, & dissoluitur, exciditq; ex  
naturalibus uinculis: magis autem hoc coningit,  
si maior sit fœtus, nam maiori indiget alimento.  
Non inuenit autem ipso sanguine misso. Plura  
de hoc Leonhartus Fuchsius comment. 31. libr. 5.  
aphor. Hippoc. Cui uerò menses fluunt, naturali-  
ter scilicet, & secundum reuolutionem mensis,  
uena secāda non est, nisi in immoderatiore fluxu,  
nempe



## DE CONSERVANDA

tempe ad reuellendam materiam. Sed quando naturaliter & secundum debitum naturæ cursum erumpunt, naturæ res omnis permittenda est. Suprà cap. 95.

Septima, ne phlebotomia fiat post immediatam uentriculi perturbationem infra & suprà factam, quam χολέρα Græci, Latini cholera etiam appellant, Barbaram sectantes medicinam, Cholericam & cholericam passionem nominant. Cum enim uenæ sectione humores commoueantur, timendum ne per hoc biliosus humor in uentriculum transfluens, ipsum inflammet. Plura suprà circa finem capitis 95.

Postremo uidendum etiam est, quibus hominibus phlebotomia conueniat: Cui sanè rei regulæ etiam nonnullæ ponendæ sunt.

Ac prima quidem, quòd hominibus delicatis, ociosis, desidiosam uitam agentibus, ualde corporis lentis, & multum nutriendi cibo utentibus, potissimum conueniat.

Secunda, quòd illis etiam, qui sanguine abundant: Quod quidem per urinae crassitiem cognoscitur: abundantia enim sanguinis eam efficit crassam, flauæ uerò bilis tenuem.

Tertia, quòd ijs quoque ex usu sit, qui melancholico abundant succo: unde multa melancholia naturali cum sanguine per corpus discurrente, quòd ab ea sanguis in hepate ad amussim non depure-



De puretur, purgationem antecedere debet phlebotomia, sequi uerò purgatio. Duplex porrò melancholia est, naturalis scilicet, & non naturalis. Quando naturalis abundat, cum sanguine simul discurret, quare ad eius euacuationem, primum quidem uenæ sectio adhibenda est: ab eodē enim calore, temperato nimirum, sanguis & melancholia generantur: deinde uerò post temporis aliquod interuallum, nempe post concoctionem, purgatio phlebotomiæ succedet.

Quarta, quòd illis cum primis etiam conferrat, in quibus periculū est, ne ob humoris redundantiā in corpore accidat calfactio, ebullitio, & conturbatio. Nonnulli tamen per hanc regulam sepe numero falluntur. Quando enim calfactionem aliquam percipiunt, humorum ebullitionem adesse suspicati, uenæ sectione statim utuntur, cum ex flauæ bilis feruore & incensione hoc interim accidere etiam possit. In qua sanè tantum abest, ut calfactio & ebullitio per uenæ incisionem cohibeatur, ut magis etiam incitentur & augeant. Phlebotomia enim humores commouet, ut maiore deinceps impetu per corpus discurrant. In tali igitur casu phlebotomia utendum non est, nisi sit ex humorum redundantiā: quod quidem ex sudoris multitudine dignoscitur, & præcipuè cum is matutino tempore oboritur. Aliqui enim non sudant, nisi cum euacuatione opus habent.

Quinta



## DE CONSERVANDA

Quinta, quod uenæ sectio illis potissimum  
adhibenda sit, quibus uires adhuc firmæ sunt,  
quique sanguineæ, et non frigide ac siccae sunt tem-  
peraturæ. Hinc Rhazes libro 7. ad Almanso. ca-  
pite 21. Corpora, inquit, quæ uenas habent am-  
plas et conspicuas, quæque hirsuta sunt, et colore  
inter rubrum fuscumque medio, adolescentium ni-  
mirum, iuuenum, et senum nondum decrepitorum,  
phlebotomiæ præsidia magis tolerare possunt.  
Pueris uero et infirmis uenæ secanda non est, ni-  
si maxima incumbente necessitate.

QUAE MEMBRA QUOQUE  
tempore uenæ sectione uacuanda.

Caput CII.

**V**er, æstas, dextras, autumnus hy-  
emsque sinistras.

Quatuor hæc membra, hepar, pes, ce-  
pha, cor, uacuanda.

Æstas hepar habet, uer cor, sicque ordo  
sequetur.

Lentz/Sommer/wöln die recht hand habn/  
Herbst/Winter/numpt der lincken abn.  
Der Lentz dem hertzn/der Sommer der lebr/  
So fort der Herbst den füßn gegeben.

Hic ostenditur, quæ membra quoque tempore  
per phlebotomiam sint uacuanda.

Ac



## BONA VALETVDINE. 265

Ac primo quidem dicitur, Vere & æstate uenas dextræ partis esse secandas: dextræ scilicet manus, brachij, uel pedis. Sed Autumno ac hyeme sinistras: sinistra nimirum manus, brachij, uel pedis. Vere enim crescit atq; augetur in corpore sanguis, æstate uerò flaua bilis: quo fit, ut in uere ac æstate uacuandæ sint uenæ quæ sanguine & flaua bile magis abundant: tales autem cumpri-  
mis sunt uenæ dextræ. Siquidem in dextra corporis parte situm est membrum sanguificationis, nempe hepar, & χοληδόχου, id est, folliculus flauæ bilis. In Autumno uerò humor generatur melancholicus, qui acernatur etiam, nec dissoluitur per hyemem: unde autumno & hyeme illæ uenæ potissimum secandæ sunt, in quibus melancholia magis dominatur, sumq; uenæ sinistra: Nam in sinistra corporis parte situs est lien, receptaculū melancholice.

Secundo deinde loco traditur, quatuor hæc membra, nempe κεφαλή, id est, caput, cor, pedem, & hepar, uacuanda esse iuxta quatuor anni tempora. Cor quidem uere, hepar æstate, caput hyeme, & pedes autumno.

## DE COMMODIS EX SECTIONE Saluatellæ. Caput CIII.

**E**X saluatella tibi plurima dona mi-  
nuta, l



DE CONSERVANDA  
Splenem, hepar, pectus, uocem, præcor-  
dia purgat.  
Innaturalem tollit de corde dolo-  
rem.

Ein ader gnant die Saluatell /  
Hilff der lebr vnd milch / macht dñm hell.  
Sie reinigt vmb die brust vnd hertz /  
Danon vertreibt sie offft den schmerz.

Sex commoda hoc loco recensentur sectionis  
uena, quam saluatellam uulgo uocant. Ea inter  
digitum medicum & medium frequenter admo-  
dum & sepius inciditur. Alius incisionis eius  
locus est, ut uulgus autumat, inter medicum &  
auricularem.

Ac Primum quidem eius commodum, quod  
Lien. lienem expurget.

Secundum, quod iecur emundet.

Tertium, quod pectus purificet.

Quartum, quod uocis auferat incommoda.

Quintum, quod à nocumēto tueatur, ac  
conseruet præcordia: quo nomine os uentriculi,  
membra spiritus, & quæcunq; cordi uicina, hic  
intelligenda sunt.

Sextum, quod non naturalem cordis dolo-  
rem tollat: ac ratio quid. in omnium est, quod a hu-  
ius uena sectio, ut latius paulò post declarabitur,  
ab



ab omnibus illis locis sanguinem educat.

Pro pleniore autem huius rei intelligentia, primò quidem sciendum est, aperiri nonnunquam uenas, nonnunquàm uerò arterias. Verùm propter difficilem fluxus arteriæ compressionem, arterias medici incidere metuunt, quippe cùm si quis in secunda fortè uena arteriam uulnerarit, agrè statim sanguinis eruptionem compescat, ac ubi res optimè cadat, ad cicatricem perducta diuisione, tamen ἀνὸς πλοῦς, hoc est, arteriæ incise dilatatio existat, teste Galeno in lib. de curan. rat. per sang. missio. cap. 21. & 22. Difficilis porrò est fluxus arteriæ compressio, partim quidem ob arterialis sanguinis feruorè. Hic enim promptissimè mouetur, arteriamq; dilatando aperit: quare sanguinis eiaculatione in arteriæ incisione admodum iuuat: Partim uerò, quòd motus arteriarum, ut lib. 2. cap. 20. de sanita. tuend. Galenus attestatur, nunquàm intermittatur, quo fit, ut ipsarum uulnera tardius etiam curentur: cùm utiq; quietem requirant ea, quæ sananda sunt. Galen. lib. 5. ca. 8. metho. meden. & comment. 6. lib. 6. apho. Prodest autem arteriæ incisio, quando corpus redundat sanguine tenuiore, aut flatuoso, aut feruidissimo. Sedes enim sanguinis subtilis ac tenuis, unde calor naturalis & spiritus procreantur, & item flatuosi, in arterijs est. Quin feruidissimus etiam sanguis, qui à calidissi-



## DE CONSERVANDA

mo membro, corde scilicet, perficitur, inq; singula corporis membra digeritur, in arterijs coniunctur. Craſſioris uerò, quo membra nutriuntur, receptaculum in uenis eſt. Sanè uerò qua Gale-  
no occaſio extiterit ſecandæ arterie, ipſe ca. 22. de curandi rat. per ſang. miſſio. edifferit. Mon-  
tus, inquit, per quadam inſomnia, quorum duo perſpicuè mihi uiſa ſunt, acceſſi ad dextræ ma-  
nus arteriam inter indicem ac pollicem ſitam: ſi-  
uiq; fluere donec ſponte ſanguis reſiſteret: nam i-  
ta ſomnium præceperat. Effluxit autem non to-  
ta libra. Subitò itaq; diurnus extinctus dolor  
eſt, in illa maximè parte fixus, qua iecur ſepto  
transuerſo committitur. Mihi quidem hoc ætate  
iuuenui euenit. At miniſter Dei Pergami, diutino  
lateris cruciatu laborans, liberatus eſt arteria in  
ſumma manu incifa, aggreſſus & ipſe illud inſo-  
mnij motu.

Secundo uerò loco ſciendum, quòd uenæ ſer-  
uatio multis admodum membris adhiberi ſoleat: Ali-  
quando quidem brachio, ſiue manui magnæ, non-  
nunquam parvæ, quandoq; pedi, interdum naſo,  
aliquando fronti, nonnunquam labijs, quandoq;  
linguæ ſiue palato, eſt cùm etiam angulis oculo-  
rum frontem uerſus. Quinq; uenæ ſecandæ ueni-  
unt in manu magna, per quam intelligitur apud  
Medicos totum brachium cum ſumma manu, ut  
per pedem totum crus, hoc eſt, quicquid ab iſchio  
uſq;



usq; ad plantas pedum est, quemadmodum docuit Rhazes libr. 7. ad Alman. cap. 21. & Auicenna 4. 1. cap. 20.

Vna uocatur humeraria siue humeralis, Græcè ὠμιαία, quod per humerum in manum feratur: uel exterior, quoniam cubiti exterius latus perreptat. Vel κεφαλική, id est, uena capitis.

Altera interior cubiti uena, quæ ἡπατική Græcis dicitur, Latinè lecorariam & lienarem, hodie facientes medicinam Basilicam uocant.

Tertia Media, quam nonnulli & alio nomine non ineptè communem, uel Cardiacam, uel nigram, uel matrem, nuncupant. Barbari uerò Medianam appellant.

Quarta axillaris, quæ est ramus basilicæ.

Quinta funis brachij, quæ est ramus cephalicæ descendens. In minori siue summa manu est Sceilen, siue saluatella. Et ita in manu sex uenæ secandæ ueniunt.

Cephalica incidenda est, ubi superiores pectore partes, facies nimirum, aut caput malè afficiuntur: quare confert passionibus capitis, ut hemi-  
ca.  
crania, mania, & similibus. Galen. cap. 16. de curan. rat. per sangu. missio.

Basilica à partibus statim euacuat, quæ infra  
cervicem sunt, uerbi gratia, à lateribus, pulmone,  
corde, iecore, liene, aut uentriculo. Basilica.

Communis situ & compositione inter duas iā



## DE CONSERVANDA

**Media-** dicta media est. Nam ea ex fisione utriusq; ori-  
**na.** tur. Est etiam in uacuando media: undiq; enim ua-  
 cuat, ab inferioribus nimirum partibus infra cer-  
 nicē, à collo, & supra collū. Vnde exquisitissima  
 omnium humorum & uniuersalis toti corpori  
 per huius uenæ sectionem fit euacuatio. Vniuer-  
 salis quidem, non, ut quibusdam placet, quod à  
 corde oriatur, sed quod sit ramus cephalicæ &  
 basilicæ. Sanguinem igitur è cephalica detractu-  
 rus, ea non apparente, mediam potius quàm basi-  
 licam secabis. Quod si nec basilica se ostende-  
 rit, ad mediam potius, quàm ad cephalicam con-  
 fugies.

**Saluatel-** Saluatella siue salubris, Sceilen Auicennæ i.  
**la.** 1. doct. 5. sum. 5. ca. 4. appellatur, & est uena sub  
 annulari et medio digito exprorecta. Verum a-  
 liàs subinde apud Arabes & Barbaros illā Scei-  
 len uocari obseruatur, quæ iuxta brachiale ab hu-  
 merariæ ramo & axillaris uenæ propagine con-  
 stituitur, cui eadem, quæ axillari medicorum uul-  
 gus nomina imponit, hanc quoq; saluatellam &  
 salubrem uocans. Hæc obstructo hepate in  
 dextra manu, liene uerò in sinistra incidi solet.  
 Quare hoc fiat, ratione ostendere non est, sed  
 experientia licet. Porro manus illius, cui hæc ue-  
 na secatur, in calidam aquam ponenda est, do-  
 nec locus inflatur, & leuiter extumeat, conspi-  
 cuumq; fiat: secta autem iam uena, iterum in a-  
 quam



quam ponenda est, idè ut sanguis citò eiaculetur, si eius eruptio debilis fuerit, sicuti solet in pluribus eorum, quibus per hanc uenam sanguis extrahitur, & ne sanguis in ore uenæ coagulatus illicò restringatur. Cum autem ex ea, quantum uolueris, emanarit, parum olei ac salis imponendum est, ne iusto citius uulnus cicatrice obducatur. Rhazes lib. 7. ca. 21. ad Alman. & Auicenna 4. 1. ca. 20.

Axillaris ramus est basilicæ, & apparet in curuatura brachij uersus inferiora: de hac idem *Axillaris* quod de basilica iudicium est.

Funis brachij similis est cephalicæ: est enim ramus eius. Quamquam autem uenæ sectione, quemadmodum id ipsum à Galeno & Auicenna adferitur, uniuersalis è toto corpore fiat euacuatio, non tamen ex omnibus uenis æqualiter, sed tantum ex communibus, ut uisum est. Licet etiam uenæ è toto corpore uacuent, non tamen æqualis in omnibus est timor. Imò cephalica Rhazæ est securior, basilica uerò & cardiaca magis timenda, quamquam hæc quàm illa minus.

Cephalica omnium minus est noxia, quòd nullus nervus, nulla arteria, nullus etiam tēdo sub ea uena procurrrens sectionem impedit.

Cardiacæ siue medianæ incisio admodum difficilis ac periculosa est, propter subiacentem nervum, ac tendinem: maximè si in ipso brachij sit



## DE CONSERVANDA

nu profundius incidatur. Periculum id est, ut paulò antè dictum est, Græci uocant. Nam is est præcipuè locus difficilis, qui tamen quotidie administratur.

Basilica inter cæteras eius loci periculosissimam habet sectionem: tum propter arteriam, quæ subiacet, tum etiam propter incertum et uarium neruorum in ea parte procursum, qui te dubium et anxium reddunt: præsertim in interiore brachij plexu, qui minus carnosus est.

Secilen, siue saluatella, non est periculosa, sed tamen subtilis, unde cõuenit, ut in sectione eius manus in aqua calida detineatur, quo expeditius eripat sanguis.

In pede tres uenæ sunt, ischiatica scilicet, saphena, et uena poplitis, quas incidere consueuimus sanguinem deorsum reuulsuri, ut in mensium prouocatione.

Sed in hoc uena poplitis, iuxta Auicennæ sententiam, efficacior est saphena, aut ischiatica: propinquior enim est utero, unde melius ab ipso deorsum trahit.

Saphenæ sectio à renibus, ab utero, testiculis, et uirga sanguinem educit.

Ischiatica ab ancha, id est, ischio, siue à coxa, renibus et membris uersus exteriorem partem sitis melius trahit. Iuuamentum sectionis eius magnum est in ischiade, podagra, uarice, et elephantiasi.

Saphena



Saphena ab utero trahit, & membris uersus  
interiorem partē sitis, licet eiusdem uenae sint ra-  
mumenses prouocat, & hamorrhoidum orificia  
aperit.

In media fronte inter duo supercilia sita est ue Frontis  
na, cuius incisio confert grauitati capitis, et præ uena.  
cipue illi, quæ est à parte posteriori, & antiquis  
faciei uitijis, nempe morpheæ, impetigini, scabiei,  
& oculorum affectibus, incisa tamen prius cepha-  
lica.

Est in naso quoq; uena, in cuius incisione col. Nasi.  
lū sudariolo stringere oportet, donec capitis par-  
tes intumescant, & uena conspicua fiat. Idem e-  
tiam in sectione uenae frontis faciendum.

Inter labra item & ginguas uenae sunt, quæ Labiorū  
propter oris, aut ginguarum abscessus scindi so-  
lent, cephalica tamen prius incisa.

In palato uenae sunt quatuor, quarum incisio  
confert fluxioni rheumatis ad dentes, ac in eis do-  
lorem excitantis. Suntq; omnes conspicuae, & in-  
cidendae potissimum post concoctam materiam.

Sunt quoq; uenae quaedam in angulis oculorum Oculorū  
lachrymalibus frontem uersus, quæ inciduntur in  
passionibus oculorum, doloribus capitis, ophthal-  
mia antiqua, & lachrymis, secta prius cephalica.

Præterea uenae quæ sub lingua conspiciuntur, Linguae.  
possunt in multis affectibus incidi, præsertim in  
angina, secta tamen prius cephalica.



## DE CONSERVANDA

**Tempo-  
ram.** Quinetiam in temporibus iuxta aures uenæ sunt, quæ inciduntur propter uertiginē, hemicraniam, uehementem capitis dolorem, & egritudinem diuturnā: sed hæc incisio, ut in lib. de genitu. & in lib. de aëre, aquis, & locis, Hippocrates auctor est, hominē reddit sterilem. Quibuscunq; inquit, iuxta aures uenæ sectæ sunt, hi coeunt quidem, & genituram emittunt, uerū modicam, & debilem, ac infœcundam. Nam plurima genituræ pars à capite iuxta aures in spinalem medullam procedit. Ipse autem genituræ meatus, cicatrice sectioni inducta, obstruitur. Et procures Scytharum, incisis iuxta aures uenis, sterilescere affirmat. Auicenna eas iuueniles uocat.

**Colli.** In collo etiam uenæ sunt, quas Græci σφαι-  
τιδ' ας, Latini iugulares, id est, uenas faucium & gutturis, Arabes Guidez, Barbari Subeticas, Apoplecticas, & somni uenas appellant, quod pressæ, ligatæ, & complicatæ, afferant κοσπον, id est, somnum ueternosum, & torporem quendā apoplecticum. Vulgo den Juden greiff uocare solent. Hæ inciduntur, cū anhelitus in principio lepræ maximè constringitur coarctaturq; & in principio fortis anginae, in asthmate acuto, in raucedine uocis, in abscessu pulmonis, in dyspnœa, quæ est ex multo sanguine calido, & in egritudinibus splenis ac laterū. Plura in lib. anatomie uiuorū Gale-  
no adscripto, ca. 18. et apud Rhazen et Auicennā locis citatis.

DE



BONA VALETVDINE. 270  
DE RATIONE VICTVS  
salutaris post incisam uenam, & e-  
missum Sanguinem, Ad Arma-  
tum Epigramma A-  
nastasy.

Venam Armate tibi medici incidere, timenti  
Nescio uentriculi qualia damna mali.  
Nunc quo uita modo fuso per agenda cruore,  
Sitq; diæta tibi qualis habenda, rogas.  
Illi morborum dicant Armate periti,  
Hæc non est nostra falce metenda seges,  
Non missum facis, & cupio ex te audire disertum  
Atq; aliquid tua quod Pieris ornet, ais.  
Accipe, quandoquidem nugas ad seria ducis,  
Quæ facias, octo uersibus, octo dies.  
Prima coena die sit missio sanguine parca,  
Lux abeat lætis aucta secunda modis.  
Tertia sed placida debetur tota quieti:  
Quarta & quinta sibi mollius esse uolunt.  
Balnea sexta petit: mox septima colligit auræ,  
Pertq; uagos circum rura nemusq; pedes.  
Octaua amplexus dilectæ coniugis, & quæ  
Antè fuit, uitam restituisse solet.

VICTVS



## VICTVS ET CVLTVS

ratio, exposita quatuor in singulos men-  
ses uersibus, Per Ioachimū  
Camerarium.

### Ianuarius.

Mensis amat tepido Iani decurrere uictu,  
Et refici grato sepe liquore iubet.  
Vena tibi nullos exudet secta cruores,  
Sed calida fas est mergere corpus aqua.

### Februarius.

Februa olus, uolucresq; cibus odere palustres,  
Esseq; inertifica febre timenda solent.  
Pharmaca tūc hauri, tunc scinde in pollice uenā,  
Et calido multum flumine membra foue.

### Martius.

Martius humores ex terra ex corporis auget,  
Tunc ratio est puri magna tenenda cibi.  
Dulcia tum prosunt acri condita sapore,  
Pharmaca non prosunt, uenam aperire nocet.

### Aprilis.

Frigore uim lenta reuocat telluris Aprilis,  
Tunc etiam est tenuis perq; forata cutis.  
Tūc intus sunt aucta magis, suntq; omnia plena:  
Soluere se uener, uena aperire iubet.

### Maius.

Omnia iam florent, iam formosissimus annus,  
Iamq; sibi cuncti mollius esse uolunt.

Balnea



Balnea nūc cole, nūc sit phar maca sumere cura,  
Et tibi nunc misso sanguine uena fluat.

Iunius.

Iunius & gaudet gelidis, & pascitur herbis:  
Viuisco humori tunc inimica fuge.

Latitia & recreet tunc mentem blanda uolu-  
ptas,

Affligat corpus nec medicina tuum.

Iulius siue Quintilis.

Aëris ignifluos intendit Iulius æstus,  
Hoc breuior somno tempore danda quies.

Balnea uitentur, nec uenam tangere ferro,  
Nec dominæ petulans accubuisse uelis.

Augustus siue Sextilis.

Ipse etiam Augustus somnum restringit & escas,  
Et Veneris cupidos gaudia ferre uetat.

Pharmaca nemo bibat, laceret neq; corpora fer-  
Nec gelidas intra delicietur aquas. (ro,

September.

Poma dat et gratos Septēber ab arbore fructus,  
Tunc etiam pressso pascere lacte capræ.

Pharmaca nil prohibet tūc sumere, scindere ue-  
Nec tuus externū uitet aroma cibus. (nā,

October.

Octobri offertur uenatio, uina, uolucres:

Vtere, nec dubites non tenuisse modum.

Sic tamen ut ne oneres nimio præcordia uictu,

Cumq; modo studeas non tenuisse modum.

November.



**Nouember.**

**Esse salutaris perhibetur mulsæ Nouembri,**  
**Gingiber et dulci fissile melle natans.**

**Tum neq; sæpe laues, Veneris neq; sacra frequen**  
**tes,**

**Ante senex tempus ne uideare suum.**

**December.**

**Iuxta mense focum calidis utare Decembri,**

**Tunc iaceant mensis gramina nulla tuis.**

**Incidas capitis defensi à frigore uenam,**

**Cinnamoq; tuus fragret odore calix.**

**DE**



## DE ELECTIONE

MELIORVM SIMPLICIVM, AC

Specierum Medicinalium, Rhythmi M.

Othonis Cremonensis.

## Aloë.

Est aloës lignum melius, sit hoc tibi signum.

Quod nigredo parum dat fragile, subamarum,

Sit graue, nodosum, subd durum, sit preciosum.

## Aloë epaticum,

Est aloë carum simplex, res una bonarum,

Subrusum, clarum, frangibile, parum amarum.

## Agaricus.

Res frangi præsto, preciosus Agaricus esto,

Candidus et splendens, libramine leueq; pendens.

## Alumen.

Si petis lumen, albedine lucet alumen,

Et sit pars oris salsi compuncta saporis,

Mordicat, ac sputum præterea reddit acutum,

Laus huic detur, præstamius illa medetur.

## Asa fœtida.

Quò mage fœtorem facit Asa, tu dic meliorem.

## Armoniacum.

Est precium pendens Armoniacum bene candens,

Quò magis est purum, precij plus est ualiturum.

## Antimonium.

Multi splendoris antimonium est melioris,

Et signum stagni si splendet in imagine magni,

Et



DE ELECTIONE

Et manibus teritur, sic illud fragile fertur.

Ambra.

Laudes ambra merens, levis est & demib. herēs,  
Diues odore, foris gypsi sunt signa coloris.

Amylum.

Laus est albentis amyli secunda recentis,  
Ex antiquato reliquum prodire putato.

Anacardus.

Fama maiores anacardi sunt meliores.

Ammi, Ameos.

Vt sibi laus detur ameos, aurumq; meretur,  
Si tibi gustatum mordet pungitq; palatum.

Anisum.

Copia dulcoris anisi sit melioris.

Asphaltum.

Grandi fœtore, leuitate, nigro colore,  
Hæc per signa potes asphalti discere dotes.

Alcanna.

Quisquis eâ gaudes, Alcannæ collige laudes,  
Quam color obfuscat subrufus, laude coruscat,  
Laus augmentatur, leuitas si consociatur.

Anethum.

Non tibi sit spretum, si linguam pungit anethum.

Acerum.

In terra fusum si spumat, cedat ad usum,  
Gestans impletum annulum bonitatis acetum.

Bolus.

De bonitate boli spem tu tibi ponere noli,

Qui



Qui frangi nescit, qui partim uixq; rubescit,  
Quo non uiscatur dens, si cum dente teratur.

## Balsamum.

Laudari digna, sic sine tibi balsami signa,  
Cui fructus citri, color est lux splendida uitri,  
Cui mos ut linges, capitis turbare maringes.  
Quod lingua tactum penetrat feruore palatum,  
Quod si ponatur in aqua non submergatur.  
Vasis in extrema media uel parte suprema,  
Si dimittatur, illic immota moratur,  
Quod multum clarum citrinum sit tibi charum.

## Borax.

Si tibi mordacem mens est nouisse boracem,  
Elige candentem, duram, sine sorde nitentem.

## Camphora.

Camphora candore nimis æmula, suavis odore,  
Lucida fulgemi candens, sit hæc tibi menti.

## Cardamomum.

Sic Cardamomi precium tibi collige poni,  
In morsu dentis si linguam pun gere sentis,  
Non sine dulcore, ruforutilante colore.

## Cassia lignea.

Tolle, uenalis si Cassia lignea talis,  
Rufa, iuuans gustum, dat quæuis fractio frustum.

## Coloquintida, Colocynthis.

Seminibus pulpa, Coloquintida sit sine culpa,  
Non residens mota per plurima, candida tota.

## Cubebe.



## DE ELECTIONE

His laudem præbe, quæ spirant lene Cubebæ,  
De precio tutus sis, cum sapor adsit acutus.

### Castoreum.

Gustibus exosum graue Castoreum preciosum,  
Nigrum, neruosum, simul atq; recens, glutinosum.

### Costus.

Costum gustate, si sit cum pomicitate,  
Et si lingua parum gustu dignoscit amarum,  
Si confringatur, nec fiat puluis, ematur.

### Capparis.

Sit tibi Capparus solidus, rubeus, subamarus.

### Corallus.

Forma Corallorum sic sit tibi nota bonorum,  
Si solidi, plani, spe non laudantur inani.  
Si grossi, clari, sint digni laude notari.

### Calamus.

Parte candescit Calamus, sic laus sua crescit,  
Si iuuat olfactus, nec abundat puluere, fractus.

### Diagrydion.

Sputo clarescens Scammonea fitq; nigrescens,  
In gustu grata, frangi leuis albificata.

### Tragantum.

Commendat tantum uiuax splendor esse Tragan-  
tum,

Quò minus obscurum laudem magis est habiturum,  
Album, frigoris fomes, ruffiq; coloris.

### Garyophili.

Garyophila laudantur, et per hæc signa proban-  
tur; Quæ



Quæ si pertundat unguis, liquor intus abundat.  
Si tumor adsit ei coniunctus grossitici.

Quod cum mordetur, bene mordicat, æra mere-  
Galanga. (tur.

Huic laudes pange, quæ sit subruffa, Galange.  
Si sit acuta, granis, odoratus, minimè suavis.

Gummi Arabicum.

Gummi si splendet, quia laus ex hoc sibi pendet,  
Quod mittunt Arabes, non culpat insita labe.

Galbanum.

Hæc tibi sit cura, quia splendent Galbana pura.  
Hermodactylus.

Laus detur iure tibi Hermodactyle dure,  
Integer absq; poris tibi sit, albiq; coloris.

Liquiritia, Glycyrrhiza.

Sit tibi probata Liquiritia puluerisata,  
Et si tundatur, sit rufa, croco simulatur.

Laudanum.

Ex precij merito laudanum laudabile scito.  
Molle laudari, leue nigrum, neq; grauari.

Myrobalani.

(lanum

Quod grauitate manum premit, eligo Myroba-  
lanus splendorem gummosa luce nitorem.

Qui magis est clarus in acumine sit subamarus.

Macis, Macer,

Est precio sacer, si mordet acumine macer.

Vtq; scias dignum, rubedo sit tibi signum.

Mastix,



## DE ELECTIONE

*Mastix labe caret, si candens lumine claret.*

*Myrrha.*

*Myrrham laudate, si grossa caret gravitate,  
Quod potius præstat, iubar in rubedine gestat.*

*Manna.*

*Sunt uilia grana, nisi dulcis, candida, Manna.*

*Mumia.*

*Nigra uendetur, si mumia clara probetur.*

*Oppoponax.*

*Oppoponax clarum, subrusum sit tibi charum.*

*Pionia.*

*Pulueris ignara, nigra, dura, pionia cara.*

*Reubarbara.*

*Libram ostendat, si quis Reubarbara uendat,  
Rufa sapore parum, sub acuto si quid amarum.*

*Salnitri.*

*Nitri summa salis laus est albedo niualis.*

*Sarcocolla.*

*Albam, spumofam, sarcocollam preciosam  
Collige maiorem precio multo meliorem.*

*Mixtus candori modicus uiror in meliori.*

*Spodium.*

*E Spodio nota laus est gravitate remota.*

*Squinantum.*

*Candor Squinanti signum est insigne probanti.*

*Tamariscus.*

*Mollis, nigrescens bonus est Tamariscus arescens.  
Is qui clarescit candens contagia nescit.*

*Panis,*



## Panis, &amp; cætera cibaria.

Panis habens oculos, non monstrans caseus ullos,  
Et pulli stulti, piscesq; sehes & adulti,  
Et saliens uinum, lentum piper atq; euminum,  
Talis pastura non est sanis nocitura.

F I N I S.

## LOCI ALIQVOT PHI

LIPPI MELANTH. IN LIBRO

de Anima, de moderatione cibi & potus,  
item somni & uigiliarum.

1. Modus organorū hortatur ad temperantiā. Cum enim immodicè onerantur, non potest coctio perfici. Et uitia primæ coctionis deinde non possunt corrigi in alijs coctionibus. Quare cibo immodico ingesto, cum sit malus chylus, etiam postea fit insuauè nutrimentum, & corpus uitiosis humoribus impletur.
2. Traditur utilissīma regula: Vitium prioris coctionis non potest corrigi in posteriore. Quare, cum uenter non facit suum officium, nunquam fiet ex crudo chylo sanguis bonus. Ideò intemperantes, qui non concedunt ocium primæ coctioni, replent corpus uitiosis humoribus, fiunt pallidi, & prosternuntur uires uentriculi, ac deinde epatis.



3. Sæpe citatur dictum Hippocratis, in quo  
Labo- complexus est & res utiles corpori, & earum  
res, cibi, modum & ordinem: πόνος, σιτία, πόσις, ύπνος,  
potus, som- πόνος τὰ μέγιστα. Primum locū tribuit labori, qui  
ni, o- propter multas causas præcedere cibos debet.  
omnia sint Excitatur enim calor, superfluitates consumun-  
modera- tur & expelluntur, quod utile est atque quàm inge-  
ta. ramur alij cibi. Vt enim, si ad focum calfacias a-  
quam, & iam feruienti infundas frigidā, rursus ex-  
tinguitur calor, ita turbatur coctio, cum rursus  
cibi ac potus ingeruntur crudi: Id cauere iubet A-

Non pu- phorismus, τὰ μὴ καὶ ἀεὶ σωματικὰ, ὅσῳ ἂν  
ra corpo- ῥεφεῖς, μᾶλλον βλάψῃς. Sunt aut̃ utiliora ex-  
ra, quan- ercitia, in quibus agitantur brachia, & thorax  
tò plus panditur, ut discutiantur superfluitates in pe-  
cutries, chore & pulmone, & motus calorq; diaphragma  
tātò plus tis uentriculo profunt. Post cibum cauendi sunt  
lædes. omnes uehementiores motus corporis & animi,  
cauenda & uocis intentio. Tribuenda est enim  
quies uentriculo amplexo iam cibum, qui cum a-  
gitatur, non potest integrè concoqui. Motus e-  
nim aperit orificium, ubi exhalant calor & spi-  
ritus, aperit & pylorum, ubi crudus chylus ante  
tempus effunditur. Ac interdum subitum exiti-  
um afferunt illi uehementiores motus post cibū.  
Nec quisquam est, qui non experiatur, sibi tales  
contentiones nocere. Itaq; uidemus natura eti-  
am pecudibus hunc sensum inditum esse, quietem  
ut



ut amant postquam pasta sunt. Qualis est autem immanitas, homines prorsus contemnere ordinem à natura institutum, utilem uitæ & conseruandis non solum uentris, sed etiam ingenij uiribus? Est etiam quædam diligencia, quæ cruditos decet, cibi & potus discrimina considerare, qui iuuent aut offendant corpus, ut calidis & siccis minimè prosunt calida aromata, & pleniora uina. Ad somnum conciliandum prosunt lactuca & cibi ex amygdalis facti. Obseruet igitur quisque qualibus cibis opus habeat.

#### De Somno.

4. Conducit quies ad recreandas tres uirtutes: Ad rigationem cerebri, ad generandos spiritus, & ad perficiendum officium uentriculi & epatis. Verè igitur Ouidius: Is quoque qui gracili cibus est in corpore somnus. Et Vergil. Fessos sopor irrigat artus. Nam cum coctio rectè perfecta est, omnibus mēbris distribuitur nutrimentū, quod mēbra irrigat, gignuntur spiritus, qui nouas uires addunt, & tamen æstus corporis ipsa quiete mitigatur: perfunditur etiam corpus quadam utili & suauis rigatione ex cerebro. Recipit et cerebrum uires, unde fiunt nerui uiuaciores.

#### De ordine cibi & somni.

5. Nec inanes suauiter dormiunt, nec immodico cibo onerati: Balneæ antecedant cœnas, à cœna exiguum sit interuallum ad somnum. Molli ambula-



tionē cibū ex orificio uentriculi descendit, et orificium clauditur. Deinde quies gratissima est uentriculo, ac primum in dextro latere cubandum est, ne hiet os uentriculi. Fit igitur collecto calore in somno coctio, prohibetur cruditas, conseruatur calor naturalis, gignitur sanguis suauior, sequitur et uirium et coloris bonitas. Nec dubium est, certissimam esse perniciem uirium corporis et ingenij, extendere uigilias post coenam in multam noctem. Quia non tantum cruditas sequitur, sed dissipatur calor naturalis, languescit uirtus uentriculi, gignitur sanguis impurus, corpus uitiosis humoribus repletur, sequitur autem raxo xupia, aut macies, accedunt pallor, conturbatio spirituum, debilitas cerebri. Quare assuefacienda est iuuentus, non modò ne conuiuia producat in multam noctem, sed etiam, ut lucubrationes omittat principio noctis, nec tempus ad quietem diuinitus constitutum omnibus animantibus, transferat ad exitiosos labores.

6. Est etiam opus animi tranquillitate. Nam dolor cordis, item sanguinis ac spirituum æstus in metu, moestitia, ira, nimis intentā cogitatione, impediunt cerebri quietem, nec sinum cor uacare huic actioni naturali.

POLY.



# POLYBIUS DE SALV BRI VICTVS RATIONE PRI

uatorum, Guinterio Ioanne Ander-  
naco interprete.

**P**riuatos hanc uiuendi rationem sequi oportet. Hyeme plus esse, minus bibere conuenit. *Hyeme.*  
Sed potioni uinum quàm meracissimum, cui panis exhibendus est. Carne potius assa, modicè oleo  
ribus utendum. Huiusmodi namq; alimemis corpus & siccum & calidum euadet.

At Vere potioni adjiciendum, sed paulatim ta *Vere.*  
men et dilutius bibendum est. Cibo demendum, eoque molli, pulte uidelicet magis quàm pane, magis oleribus utendum est. Eadem lege transeundum paulatim ab assis ad elixa.

Aestate uerò cibo minus duro, & elixis, & o- *Aestate.*  
leribus tum crudis, tum coctis, potione multa corpus eget, cauendum tamen, ne magna subito dicto  
rū fiat mutatio. Eo tēpore aptissima sunt pulticula mollis, caro elixa, potio quàm dilutissima. Atq;  
hæc ita obseruanda sunt, ut corpus molle sit, & frigidum. Nam in calido anni tempore, & sicco, exurit, squalidūq; redditur. Itaq; his rationibus tueri oportet. Pari autem modo ex Vere in  
Aestatem, sicut ex Hyeme in uer constituere, cibis demendo, adjiciendoq; potioni: Rursus ex Aestate in Hyemem traducere, dum annus absoluitur, expedit.

m s



**Autūno.** Per Autumnum cibo paulò pleniore, & siccio-  
re uti licet, minus, sed meracius bibere. Quemad-  
modum, ubi Hyems bona contigerit, meraca etiā  
magis & exigua portione, cibo pleniore, & uehe-  
menter sicco uti. Ita enim hoc frigido admodum  
& humido tempore optima ualitudine frueris,  
minusq; frigus senies.

Quod ad habitus & ætates attinet: plenis, mol-  
libus, rubicundulis ob temperaturæ humiditatem  
sicciior uictus ex usu est. Gracilibus, duris, rufis,  
& nigris humidior. Nam huiusmodi corpora sic-  
ca sunt. Iuuenibus autem rarior & humidior,  
quorum ætas sicca est, et corpora magis indurue-  
runt. Senibus magna ex parte sicciior aptus est:  
Siquidem humidi, molles & frigidi sunt. Proinde  
habita & ætatis, & temporis anni ratione, uitæ  
modum instituere oportet, qui presentibus et ca-  
lori, & frigori cōtrarius existat. Sic enim potius  
fani degemus. Per hyemem celeriter ambulandū,  
æstate conquiescendum est, aut non in sole ambu-  
landum. Obesi cita ambulatio, gracilibus lenta  
conuenit. Per æstatem frequenter balneo, hyeme ra-  
ro utendum est: idq; magis tenuibus, quàm plenis.  
Eo quoq; tempore corpus ueste pura, per æstum  
uili lacerna uelandum est.

Obesi, qui graciles fieri cupiunt, labores uni-  
uersos ieiuni subibunt, & sudantes adhuc, necdū  
refrigerati cibum assument, uinum temperatum,

&



et non perfrigidum prius bibent, epulae, sesamum atq; id genus alimenta dulcia sunt, eaq; copiosa. Sic enim uel paucissimis bellarijs saturantur. Semel die cibus assumptus, rarū balneum, lectus per astatem terra, hyeme durum cubile, sine uestibus obambulatio, quāta maximē fieri potest, cōducit.

Qui tenues se implere uolunt, praeter alia, quae plenius contraria facient, modicē ieiuni exerceri debent.

Vomitu uerō, et uentris deiectione à medicamento petita sic utendum est: Sex hybernīs mensibus uomere utile est. Nam et pituita plus, et capitis grauitas subest. Adhuc dolor praecordia exercet. Deiectionis aestate usus est. Tū enim aestus biliosum corpus reddit, grauitates lumbos fatigant, et genua calore infestantur, uentris oriuntur tormina, et distorsiones. Iam uerō superiores corporis partes per inferiores purgāda sunt. Deiectio autem plenioribus et humidioribus à medicamento magis salso: siccioribus autem et tenuioribus, et imbecillis à pinguiore, crassioraq; petatur. Pingue igitur et crassum est lac, aqua ex cicere cocta, atq; hoc genus alia: tenue et falsum olus, aqua marina, reliquaq; huiusmodi.

Vomitus prouocandi hoc pacto sunt: Crassiores ieiuni, et cursu, citaq; ambulatione exercitati medio die uomere debent. Potui sumāt, hyssopi sesquicyathum, aquae congio intriti, eumq; totū bibant,



bibant, aceto saleq; adiecto, quò edulcescat. Primum lenè, mox citius potandum est. Tenuiores, magisq; imbecilli à cibo uomitum ita mouebunt. Loti calida, meri cyathos tres bibent, dein epulas uarias assument, uerùm sine potione. neq; post has bibendum est, nisi tanto interuallo, quanto stadia quatuordecim expeditas, post uinis tribus commistis utendum est, austero, dulci, & acri. Primum meracius & modicè paulatimq; bibere, postea dilutius, liberalius, & citius conuenit. Qui uomere bis in mense uult, melius consulet, si biduo coninuari, quàm si post quintumdecimum diem uomuerit. Alij secus faciunt. Qui post epulas uomere uolunt, uel quibus aluus astricta est, his omnibus die sæpius uariosq; cibos esse, tum uina bina, aut terna bibere expedit. Quibus uomitus nō est utilis, uenter autem sanus est, his contraria superioribus conueniunt.

Pueris calida lauatio longo tempore apta est, uinum dilutius, neq; omnino frigidum. Hoc autem exhibendum est, quod uentrem minimè attollit perturbatq;, & inflationes parit. Quæ omnia conducunt ne conflictentur, sed maiores, coloratioresq; fiant.

Mulieribus siccior uictus ex usu est. Etenim cibus siccus, potio meracior, carne mollibus idonea est, ad hoc secūdis, et foetui nutriendo potior est.

Qui corpus exercent, per Hyemem currere

&



& colluctari debent. Aestate luctandum modicè,  
 currendum nihil est. In frigore multa ambulatio  
 conuenit. Qui cursu fatigantur, luctari debent.  
 Qui ex luctu fatigationem sentiunt, his curren-  
 dum est. Quibus exercitatis, uentris profluvia  
 oboriuntur, & cruda incoctaq; deiciuntur ijs  
 exercitiorum pars tertia, ciborum dimidia pror-  
 sus demenda est. Quippe uenter eorum copiam  
 continendo non est. Ad hoc panem quàm maximè  
 assum ex uino esse oportet, bibere uerò nimis quàm  
 modicè, sed meracius. Semper autem post cibum  
 conuiescere, qui semel die tunc assumendus est.  
 Hac enim ratione uenter sibi commissus maximè  
 confouet, mutatq;. Accidunt huiusmodi proflu-  
 uia potissimum ijs, qui ex uictus cōsuetudine car-  
 nem densam acquisierunt: Nam uenæ densiores  
 alimenta non recipiunt. Atqui tales in eodem ha-  
 bitu subsistere diu non possunt, sed in alterutram  
 partem declinant.

Qui rariores cute sunt & hirsuti magis, car-  
 nis esum ex facili admittunt, labores magis susti-  
 nent, diuq; bono corporis statu fruuntur. Qui ci-  
 bos postero die eructant, & præcordijs dolent,  
 ijs ueluti crudis adhuc cibis, diutius dormiendum  
 est, nouum genus laboris subeundum est. Vinum  
 meracius, largiusq; bibere oportet, cibis uti pau-  
 cissimis. Quippe constat uentriculum imbecillita-  
 tis frigorisq; uitio ciborum copiam concoquendo  
 non



non esse. Qui siti premuntur, parcius edent, mi-  
nusq; laborabunt, uinum dilutum, simul & frigi-  
dissimum bibent. Quos dolores uiscerū infestant,  
uel ex labore uel alia quadam ambulatione, si ne  
cibus recreandi sunt, modica potio conuenit, ma-  
ximeq; ea quæ moueat urinam, quò uenæ ex ui-  
sceribus prodeuntes, repleta non disten-  
damur. Nam hinc inflationes fe-  
bresq; oriuntur.

FINIS.

FRANCOFORTI APVD HAB-  
redes Christiani Egenolphi, Anno  
M. D. LIX.



